

শ্রীশ্রীকালীকুলকুণ্ডলিনী ।

তৃতীয় খণ্ড

ভুলুয়া প্রণীত

প্রকাশক

শ্রীঅনুকূলচন্দ্র ভট্টাচার্য্য,

হেড মাস্টার, বনোয়ারীনগর হাই স্কুল,

পোঃ বনোয়ারীনগর, জেলা পাবনা ।

প্রথম সংস্করণ

১৩৩৪ সাল

All rights reserved.

মূল্য ২।০ দুই টাকা চারি আনা ।

টুচুড়া
সান্‌রাইজ্‌ প্রেসে,
শ্রীভগবতাচরণ পাল দ্বারা মুদ্রিত ।

প্রকাশকের নিবেদন :

মা মঙ্গলময়ীর মঙ্গলেচ্ছায়, তাঁহার সম্ভানমণ্ডলের চিরবাস্তিত্ব, পরমাদরের পবিত্র গ্রন্থ, শ্রীশ্রীকালীকুলকুণ্ডলিনী, তৃতীয় খণ্ড প্রকাশিত হইল। যে অপূর্ণ ভাব-মন্দাকিনীর দুই ধারা, ইতিপূর্বে প্রবাহিত হইয়া, সংসার-মরুক্রিষ্ট অসংখ্য নরনারীর বিস্মৃষ্ট হৃদয়ে, অপার্থিব আনন্দবাদের শীতলতা সঞ্চারিত করিয়াছে, তাহারই তৃতীয় ধারা, আজ আবার মাতৃনাম-মাতাত্মা-কৌত্বের সুমধুর উচ্ছ্বাসময় কলতানে দিগ্ভ্রমল মুখরিত করিয়া, ত্রিতাপদক্ষ জীবজগতের উদ্ধারকল্পে প্রধাবিত হইল।

এই পুণ্যপ্রবাহের পীযুষ পানে দুর্নাসনার জ্বালাময়ী তৃষ্ণার চিরো-পশম ঘটিবে ;—উহার অমৃতময় স্পর্শনে শোকার্তের দহমান হৃদয়ে মাতৃনার শীতলতা প্রদত্ত হইবে ;—ইহা অমরবাস্তিত্ব সুধার প্রস্রবণ ; সেই প্রস্রবণদ্বারা অভিবিক্ত হইয়া কত শত উষর হৃদয়ক্ষেত্র ভক্তি বিশ্বাসের অলৌকিক এবং অপ্রাকৃতিক শস্যসম্ভারে সমলঙ্কৃত হইবে ;— আর এই নিত্যানন্দময়ীর নামতরঙ্গিনীর প্রবলাকর্ষণে দিগ্ভ্রাস্ত্র, বিপন্ন জীবনতরঙ্গী, সত্যপথের সন্ধান পাইয়া, পরমাশ্রয় পরাৎপরের দিকে অগ্রসর হইবার, সৌভাগ্য লাভ করিবে।

পুণ্যভূমি ভারতবর্ষে সনাতন আর্ষাধর্ম আজ বড়ই দুর্দশাপন্ন। যখন পৃথিবীর অন্যান্য দেশসমূহ অজ্ঞানতা ও বর্বরতার নিবিড় অন্ধকারে সমাচ্ছন্ন ছিল, তখন এই ভারতবর্ষের আর্ষ্যসমাজ হইতেই সর্বপ্রথমে জ্ঞান, ধর্ম ও সত্যতার পবিত্র জ্যোতি সমুদ্ভাসিত হইয়াছিল। যখন পৃথিবীর অন্যান্য জাতিসমূহ বন্য জন্তুর মতো অন্ধজীবন যাপন করিত, তখন এই ভারতমাতার জ্ঞান বৈরাগ্যাক্রম আর্ষ্য-সম্ভানমণ্ডলই জীবনবাণী গাথনা দ্বারা—

“ যতো বাচো নিবৃত্তেন্দ্র অপ্রাপ্য মনসাসহ ।”

সেই পরব্রহ্মের প্রত্যক্ষানুভূতি লাভে সমর্থ হইয়াছিলেন। তাঁহারা তত্ত্ব জানিয়া যে ধর্মের চরমোৎকর্ষ সাধন করিয়া গিয়াছিলেন, তাহা তাঁহাদের অযোগ্য-বংশধর—আমাদিগের বিকৃত আচরণে বিশৃঙ্খল ও হীনপ্রভ হইয়া পড়িয়াছে। আজ এই জড়বাদের যুগে সেই প্রাচীন অধ্যাত্মবাদের মহিমা লুপ্ত হইতে বসিয়াছে। যে শক্তিপূজাই একমাত্র আশ্রয়নীয়া, তাহা মাত্র গ্রন্থাদিতে গচ্ছিত রহিয়াছে। শক্তিতত্ত্ব হৃদয়ঙ্গম করিবার শক্তির অভাব ঘটিয়াছে। সত্যের অপলাপ ঘটিয়াছে। এই শ্রীশ্রীসেই সত্যের মহিমা প্রচার করিতে প্রকাশিত। কাল ব্রহ্ম—কালই সত্য—কালই সৃষ্টি-স্থিতি-প্রলয়ের হেতু। আমরা কালেই আছি, কালেই হইয়াছি এবং কালেই বিলুপ্ত হইব। কালই আমাদের শ্রীকৃষ্ণ ;—

“ কালোহস্মি লোকক্ষয়কৃৎ প্রবুদ্ধ ।”

কাল শক্তিমান ; কালী তাঁহার শক্তি। শক্তি আর শক্তিমানে কোন প্রভেদ নাই। প্রভু বাসুদেবের পূর্বে, সমস্ত পৃথিবীতে আবাগণ প্রদর্শিত এই শক্তিপূজাই নিদ্যমান ছিল। একই শক্তি নানা শক্তিমানরূপে, নানা মূর্তিতে অর্চিতা ছিলেন। শক্তিপূজা করিতে হইলেই শক্তিমানের পূজা প্রয়োজন, ইহাই স্থির সত্য। এই শ্রীশ্রীসেই সত্য উপলব্ধি করাইবার হৃদয়গ্রাণী উপায়সমূহে উদ্ভাবিত।

বহু দেবতা বা বহু শক্তিমানের উপাসনা দ্বারা আমরা যে সেই একই মহাশক্তি বা পরব্রহ্মের উপাসক, তাহা আমরা বিস্মৃত হইয়াছি ; আমরা একই ব্রহ্মের বা পরমেশ্বরের পূজা করিতে বহু পরমেশ্বর গড়িয়া ফেলিয়াছি। উপাসনায় বিশৃঙ্খল হইয়াছি। “কাঠাকে ভজি, কাঠাকে ত্যাজি” অনেকে এই সংশয়ে পতিত হইয়াছি। যতদিন শক্তিতত্ত্ব না বাইব, ততদিন এই সংশয় দূরীকরণের সম্ভাবনা নাই ; ততদিন বিস্মৃত সত্যের সমুদ্বারেও সামর্থ্য ঘটিবে না। এই পবিত্র ধর্মগ্রন্থ সেই সত্যরূপিনী শক্তিতত্ত্বের প্রাঞ্জল ব্যাখ্যায় পরিপূর্ণ।

আমাদের মধ্যে অধিকাংশ স্থানে অর্চনার উদ্দেশ্য হইয়াছে সংসার মুখ ও ঐশ্বর্য লাভ । যথার্থ ভক্তির উপাসনার প্রণালী তাই অনেক স্থানে উপেক্ষিত হইয়াছে । ভক্তিবহীন পূজা কেবল বাহ্য আড়ম্বর ও লৌকিকতায় উৎসবময় । তাই আমরাও সত্য বিস্মৃত হইয়া “ প্রীতিকামোপাসনার ” মূল উদ্দেশ্যের দিকে লক্ষ্য না রাখিয়া, পুরুষপরম্পরা কেবল বাহ্য আড়ম্বর ও লৌকিকতার মধ্যেই নিমগ্ন রহিয়াছি । চিরজীবন মৃগয়ী মূর্তিপূজাই করিতেছি, আর কলিত আচারের “ আবৃত্তিকে ”ই ধর্ম্য বলিয়া—সাধনা বলিয়া বুঝিয়া আসিতেছি ;—কিন্তু এক মূর্ত্তের জন্মও, সেই মৃগয়ী মূর্ত্তি যে চিন্ময়ী সত্ত্বার প্রতিমা মাত্র,—তাহা উপলব্ধি করিতে চেষ্টা করি না ;—সেই পরমাশ্রয় বিশ্বনাথের তত্ত্বানুসন্ধান উপবেশন করি না ;—এমন কি পুরোহিতের করে অর্চনাভার অর্পণ করিয়া নিজ নিজ আত্মকথাও একবার শ্রীভগবানের শ্রীচরণকমলে নিবেদন করি না । আচরণের মূল উদ্দেশ্য যে চিত্তশুদ্ধি, তাহা বুঝিবার—বুঝাইবার কেহ নাই । কেবল প্রথারক্ষার নিমিত্ত, প্রচলিত আচার অবলম্বন করিয়া, সংস্কারবশে একটা অনুষ্ঠান করি মাত্র । আমরা—

“ সত্য ছাড়ি পূজা করি সত্যনারায়ণে ।

চিনি কলা দুধ গুলি খাই সর্বজনে ।

কোথা সত্যনারায়ণ মোরা বা কোথায় !

—নারায়ণ-কৃপা নাই মিথ্যার ধরার ।” ৪৮ পৃঃ ।

মিথ্যার মোহময় লৌহ-কবল হইতে দুঃস্থ জীবকে মুক্ত করিয়া তাহার হৃদয়মন্দিরে শ্রীশ্রীসত্যনারায়ণের মণিময় সিংহাসন সুপ্রতিষ্ঠিত করাই এই পবিত্র গ্রন্থের উদ্দেশ্য । ধর্ম্মের নামে যে কপটতা ও সংকীর্ণতার পঙ্কিল-স্রোত জন-সমাজের মধ্য দিয়া প্রবাহিত, তাহার উচ্ছেদসাধন করিতে এবং জনসমাজকে সত্য ও বিশ্বপ্রেমের পবিত্র প্রবাহে নির্মল করিবার জন্মই আজ ধরাতলে এই সুধাময়ী মন্দাকিনীর

অবতারণা। শাস্ত্রবাদের অসদর্থ করিয়া, ও সাধনাচরণের মধ্যে মোহের সম্বন্ধ স্থাপন করিয়া, যে সকল কদাচার ও ব্যভিচার সনাতন আর্ষাধর্মকে কলঙ্কিত করিয়াছে, তাহাদের অপসারণের জন্ত এই পবিত্র গ্রন্থে শুদ্ধ-ভক্তিবাদের সমর্থন। অথবা ব্যভিচাররূপ মোহ-রাক্ষসের শিরচ্ছেদন পূর্বক, আর্ষক্ষেত্রে সত্য ও বিশ্বপ্রেমের পবিত্র রাজ্য স্থাপন জন্ত, মাতৃপূজার দুর্ভয় আমি উত্তোলনপূর্বক আজ এই গ্রন্থরূপে কালভৈরবীর আবির্ভাব। এই পবিত্র গ্রন্থ অধ্যয়ন করিয়া বহিষ্কৃত চিত্ত অন্তিমুগী হইবে;—আচারনিষ্ঠ সংসারধর্মী বহু দেব-পূজার মধ্য দিয়া একেশ্বরবাদের নিষ্কৃত রহস্য উপলব্ধি করিতে পারিবে;—এবং সাধনপথের প্রবর্তকগণ ভক্তিবিশ্বাসে বলীয়ান হইয়া, ভগবানের দিকে দ্রুতগতি অগ্রসর হইতে সমর্থ হইবে। ব্যভিচার—সূর্যোদয়ে কুয়াসার মত অন্তর্হিত হইবে।

যে পরাৎপর পরমেশ্বরের প্রকাশের সীমা নাই, তাঁহার ভাবেরও সীমা নাই। তিনি একাই অনন্ত,—অনন্ত বিশ্বই তিনি। তাই অনন্ত স্থানে অনন্ত ভাবে তিনি আরাধিত। তিনি কোথাও প্রভু, কোথাও সখা, কোথাও পিতা, কোথাও মাতা, কোথাও সম্ভান, কোথাও নাথ বলিয়া আরাধিত। আর্ষ্য জগতে অনন্তকাল অনাদির আদি হইতে তাঁহার মাতৃভাব অবলম্বিত।

মার স্নেহ, মার সম্ভানপ্রিয়তা, সম্ভানের জন্ত মার সর্বস্ব ত্যাগ, সংসারে নিত্য দৃষ্টি,—নিত্য পরীক্ষিত। জগতে এমন জীব জন্তু নাই, যাহাদের জননী নাই। জননীশূন্য জন্তু ধারণার অতীত, কল্পনার অতীত। জীবমাত্রই জননীর কৃপায় ধৃতজীবন। আর্ষ্য সাধক তাই বিশ্বপতির বিশ্বজননী-ভাব হৃদয়ঙ্গম করিয়া মাতৃভাবে ঈশ্বরোপাসনাকে শ্রেষ্ঠ বলিয়া মাতৃপূজা অবলম্বন করিয়াছেন;—নিজে সিদ্ধিলাভ করিয়া অন্তকে পূজা পদ্ধতি অবলম্বন করিতে উপদেশ দিয়াছেন।

ভাবসিদ্ধ বৈষ্ণব মহাজনগণের মধ্যে পরমপুরুষ ও পরমাপ্রকৃতির মধুর ভাবই সর্বশ্রেষ্ঠ বলিয়া সমাদৃত। কিন্তু তাঁহাদের সেই মহাভাবের “মহাভাবস্বরূপিনী রাধাঠাকুরাণীর” লীলারহস্য অনুভব করিতে মায়াবদ্ধ জনসাধারণের অধিকার নাই। সেই অপ্রাকৃত মধুর লীলা, প্রাকৃত বিষয়াসক্ত ভাবভক্তিবহীন মানবের পক্ষে সবত্রই অপ্রাচ্য ; অজ্ঞ মানব সে লীলার অন্তর্নিহিত চিন্ময় রসতত্ত্বের মাধুর্য্য হৃদয়ঙ্গম করিতে না পারিয়া অনেক স্থলে বিপথগামী হয়। যে লীলা নিবিবয়ী ভাগবতজনের অনুভবনীয়, তাহা মায়াবদ্ধ মানবের বুদ্ধির অতীত।

কিন্তু মাতৃভাবতত্ত্বে সকলেই সমান অধিকারী। মাতৃস্নেহ কোন মানুষের অবিদিত নাই। যে মাতৃহীন, সে মাতৃস্নেহ হাড়ে হাড়ে উপলব্ধি করে। কেবল গরু ঘোড়া শৃগাল কুকুরেরা দুধ ছাড়াইলে আর মাতৃস্নেহ স্মরণ রাখিতে পারে না। মাতৃস্নেহ মানুষের প্রাণের বল, মনুষ্যত্বের আরাধনীয়। ভাবসিদ্ধ মধুরভাবাশ্রিত বৈষ্ণব মহাজনগণও মাতৃভাবের সম্মান সর্বপ্রথমে প্রদান করেন। ভগবান শ্রীকৃষ্ণ, জগদগুরু শঙ্করাচার্য্য, প্রেমাবতার শ্রীচৈতন্য, এই মাতৃভাবে যেরূপ সর্বোচ্চ সম্মান প্রদান করিয়াছেন, তাহা এই পবিত্র গ্রন্থে অতি ললিত মধুর কবিতা কূজনে গীয়মান। মাতৃভাব যেমন নিশ্চল, তেমন পবিত্র। প্রণবোধিত মা নাম মন্ত্রে চরিত্র নিশ্চল হয়, চিত্তশুদ্ধি সম্পাদিত হয়, জ্ঞাতৃভাবে বিশ্বপ্রেম জাগ্রত হয়, অপরাধের ভয় অন্তর্হিত হয়, প্রত্যেক রমণীকে বিশ্বজননীর প্রতিমা বলিয়া অনুভূত হয়, কামাদির প্রভাব অন্তর্হিত হয়। এই পবিত্র গ্রন্থে এই সকল বিষয় বিশদরূপে আলোচিত হইয়াছে। ইহা মা নাম মন্ত্রের মহাতন্ত্র,—প্রেমভক্তি রসের অদৃষ্টপূর্ব্ব মহা ভাগবত।

যিনি আশৈশব মাতৃপূজায় অভ্যস্ত, বিশ্বজননীর নামে প্রেমে তন্ময়, যিনি মা নাম মন্ত্রে নিত্যসিদ্ধ, যিনি মাত্র যৌবনের প্রারম্ভে সৌভাগ্য-

কৃষ্ণতীরে মাতৃভাবের পবিত্র উচ্ছ্বাসে অগণ্য সন্ন্যাসী ও যাত্রীগণকে বিমুক্ত করিয়াছিলেন, জগজ্জননার সেই গরিষ্ঠ সন্তান,—অবধূত মণ্ডলের মহাগাষ্ঠ অগ্রগণ্য সাধক মহাপুরুষ শ্রীশ্রীভুলুয়াবাবার, অমৃতময়ী লেখনীনিঃসৃত এই পবিত্র গ্রন্থ যিনি অধ্যয়ন করিবেন, তিনি ভিন্ন অমৃত কেহ কেবল আমাদের বর্ণনায় ইহার ভাবমাধুর্য্য, অনুভবে সমর্থ হইবেন না। ইহার অধ্যয়নে ধর্ম্মাধর্ম্মের কলহাবসান হয়; অনর্থের নিবৃত্তি ঘটে; ইহার পুণ্যপ্রভায় সংশয়ের অন্ধকার বিদূরিত হয়। প্রবল দুর্ব্বাসনাফিষ্ট মন মন্ত্রমুগ্ধ বিষধরের মত নিস্তেজ হইয়া শাস্ত্রভাব ধারণ করে। তন্ময় পাঠকের নিকট প্রতি প্রকৃতি-মূর্ত্তিতে পরমাপ্রকৃতির প্রত্যক্ষ-প্রতিকৃতি প্রতিভাত হইয়া উঠে। তিনি ত্রিকাণ্ডের প্রতি পদার্থে সেই কুলকুণ্ডলিনী শক্তির অতীন্দ্রিয় লীলাভিনয় দর্শন করেন;—আর মহাকালীর বিশ্বরূপে নিমগ্ন হইয়া ধ্যানস্তিমিত নেত্রে অনুভব করেন—

“মাটী মোর প্রতি মাটী ; প্রতি মা প্রতিমা ।

প্রতি মা লইয়া বিশ্ব, বিশ্বই প্রতিমা ।” ৭২ পৃঃ

শ্রীশ্রীকালীকুলকুণ্ডলিনী কেবল সম্প্রদায় বিশেষের গ্রন্থ নহে ; ইহা দর্শন, তন্ত্র, পুরাণের রসতরঙ্গ ;—কবিতায় অতি মধুর—সরল সুলালিত কোমল কাব্য এবং মহাপুরুষগণের সুপবিত্র চরিতামৃত। উপাসনার সরল সহজ প্রণালীসমূহ ইহাতে প্রদর্শিত হইয়াছে। ইহাতে নামাধি কাল্পনিক উপন্যাস ও সত্য ঘটনা দ্বারা বক্তব্য বিষয় অতি উত্তমরূপে বর্ণিত হইয়াছে। ভাবের পারিপাটে ভাষার চাতুর্য্যে ও কবিত্বের মাধুর্য্যে অতি উত্তম কাব্যের মধ্যে পরিগণিত, বিশেষতঃ বিশ্বজননী সিন্ধু-ভক্ত-সন্তানগণের জীবনীসমূহের পুণ্যজ্যোতিতে ইহার আদ্যন্ত সমুদ্ভাসিত। ইহা ধর্ম্মপ্রাণ পাঠকের নিকটে প্রাণপ্রিয়তম ভক্তমাল। সাম্প্রদায়িকতার মলিনতা ইহাকে স্পর্শ করিতে পারে নাই।

এই সুবহুৎ গ্রন্থের দ্বিতীয় ও তৃতীয় খণ্ডের প্রকাশ জন্য আমরা, চুঁচুড়া নিবাসী শ্রদ্ধাম্পদ শ্রীযুক্তভগবতীচরণ পাল মহাশয়ের নিকটে, সর্বতোভাবে কৃতজ্ঞ। তিনি উছোগী না হইলে এই জগন্মঙ্গলকর পবিত্র গ্রন্থ প্রকাশ করা দুঃসাধ্য হইত। এই সদনুষ্ঠানে তাঁহার আগ্রহ, পরিশ্রম, চেষ্টা ও স্বার্থত্যাগের প্রশংসা করিবার যথার্থোপায় ভাষা, ভাষায় দুপ্রাপ্য। তিনি মা নাম মন্ত্রের মহাসাধক—ব্রহ্মচার্য-ব্রতপরায়ণ,—কঠোর সংঘমে সমাসীন এবং পবন ভাগবত। মা মঙ্গলময়ী বিশ্বজননীর নিত্যান্বিত্যে তিনি অন্বিত হউন, ইহাই আমাদের প্রার্থনা।

সূচীপত্র

ষষ্ঠ দিন ।

প্রথম পরিচ্ছেদ—সর্ববিদ্যা সর্বানন্দের পরিচয়—তাঁহার
সিদ্ধিলাভের বৃত্তান্ত—ব্রহ্মময়ী সর্ববিদ্যার প্রভাবে নিরঙ্কর বদনে
পাণ্ডিত্যপূর্ণ স্তব—উত্তরসাধক শ্রপচ পূর্ণানন্দের স্তোত্র ।

দ্বিতীয় পরিচ্ছেদ—গুরুবাদ ।

তৃতীয় পরিচ্ছেদ—দিব্যভার ; শ্রীশ্রীগোরাঙ্গদেবের মাতৃভক্তি ।

চতুর্থ পরিচ্ছেদ—শ্রীঅচল্ ; ইন্দ্র-বলী সংবাদ ।


পঞ্চম পরিচ্ছেদ—হিংসা ত্যাগই মহত্ব ; দৈবের সূক্ষ্ম বিচার ।

ষষ্ঠ পরিচ্ছেদ—শ্রীশ্রীভক্তনাম-সংকীৰ্তন ; শিবশক্তি তত্ত্ব ;

ব্রহ্মচর্য্য ; হিতোপদেশপূর্ণ সঙ্গীত ।

সপ্তম পরিচ্ছেদ—আগমনী ।

পরিশিষ্ট—নিত্যানন্দ ব্রহ্মচারী ; কামাখ্যা ।



•
শ্রীশ্রীশিবজননী

শ্রীশ্রীকালীকুলকুণ্ডলিনী।

ষষ্ঠ দিন

প্রথম পরিচ্ছেদ ১

যা ভূতানু বিনিপাত্য মোহজলধৌ
সংনর্তয়ন্তী স্বয়ং ।

যন্মায়াপরিমোহিতা হরিহর—
—ব্রহ্মাদয়ো জ্ঞানিনঃ ॥

যস্য ঈষদনুগ্রহাৎ করগতং
যদ্যোগিগম্যং ফলং ।

তুচ্ছং যৎপদ সেবিনাং হরিহর—
—ব্রহ্মহৃন্ তসৈ নমঃ ॥ ১

১। যা দেবী ভূতানু মোহজলধৌ বিনিপাত্য স্বয়ং সংনর্তয়ন্তী, হরিহরব্রহ্মাদয়ঃ যন্তা
মায়ায় পরিমোহিতাঃ, জ্ঞানিনঃ অপি পরিমোহিতাঃ, যন্তা ঈষদনুগ্রহাৎ যোগিগম্যং
ফলং তৎ করগতং, যৎপদ সেবিনাং হরিহরব্রহ্মহৃন্ তুচ্ছং, তসৈ নমঃ ॥

যিনি ভূতসমূহকে মোহসমুদ্রে পাত্তিত করিয়া নিজে নৃত্য করেন, হরিহর
ব্রহ্মাদি বাঁহার মায়ায় বিমোহিত, তব্দর্শী জ্ঞানিগণও বাঁহার মায়ায় বিমোহিত,

জয় জয় জগদ্ধাত্রী যোগেন্দ্র-বাঞ্ছিতা
 ত্রিজগজ্জননী নৃত্যকালী ।
 দৃশ্যমান এ বিশ্বের কেন্দ্র স্বরূপিনী,
 পদে বিশ্বনাথ ইন্দুভালী ॥
 ব্রহ্মা বিষ্ণু শিব বহুি বরুণ পবন,
 ইন্দ্র চন্দ্র সূর্য্য যম যত,
 তাঁর শক্তি প্রভাবে সকলে শক্তিমান,
 তাঁর আজ্ঞা বহে, অবিরত ।
 যক্ষ রক্ষ দানব গন্ধর্ব্ব বিদ্যাধর,
 ভূচর খেচর জলচর,
 তাঁহার কৌশলে আত্মবিস্মৃত সকলে,
 কাল-চক্রে ভ্রমে নিরন্তর ॥
 শক্তি ভক্তি জ্ঞান বুদ্ধি প্রতিভা প্রয়াস
 ধৃতি স্মৃতি লক্ষ্মী লজ্জা ভয়,
 সমস্ত সে জীবাস্তরে, জগ রঙ্গমঞ্চে,
 যাহে জীব করে অভিনয় ॥
 অত্যাচ্ছ সাধন বলে তাঁহার দর্শনে,
 এ সংসারে যে কৃতার্থ হয়,
 ঈশ্বরের তুলা সেই, অস্বীকারি যদি,
 অপরাধী ভুলুয়া নিশ্চয় ॥

জিজ্ঞাসেন শিবানন্দ, “ব্রহ্মময়ী কালী
 প্রত্যক্ষ দর্শনে এ সংসারে

ষাঁহার বিন্দুমাত্র অনুগ্রহে যোগিগণের যোগলভ্য ফলসমূহ করতলগত হয়, এবং
 ষাঁহার ভক্তগণ ব্রহ্মাবিশুশিবত্বকেও তুচ্ছ বোধ করেন, সেই জগজ্জননীকে
 নমস্কার করি ।

সমর্থ কি হয় নর ?—উদ্ধাছ বামন
 পারে কি সুধাংশু ধরিবারে ?”
 উত্তরে সম্ভান, “নরে অসমর্থ হ’লে,
 অর্চনা কে করিত তাঁহার ?
 ছুফ মধি মাখন যদি না উদ্ভাসিত
 মন্থনে বাসনা হ’ত কার ?
 আপাতঃ দর্শনে কি না গণি অসম্ভব ?
 —অসম্ভব সিন্ধু উত্তীরণ,
 —অসম্ভব ধরাগর্ভে খনির অস্তিত্ব,
 —অসম্ভব মণি-উত্তোলন ?
 সিন্ধুর অতল তলে রহে রত্নরাজী,
 আমাদের বিশ্বাসে না আসে ।
 —ডুবরী সন্ধান জানে, পশি শুকৌশলে
 রত্ন তুলি আনে অনায়াসে ॥
 সে প্রকার আছে ভক্তি সাধনার বিধি,
 বাহে তাঁয় করিয়া দর্শন,
 কৃতার্থ হইয়া ভক্ত, অশ্রু সাধকের
 জন্ম করে পথ নির্ধারণ ?
 তার সাক্ষী শ্রীরামপ্রসাদ একজন,
 অসম্ভব ইচ্ছামৃত্যু ষাঁর ;
 আর সাক্ষী নরোত্তম দাস নরোত্তম,
 বৈষ্ণবের বন্ধে রত্নহার ।
 শ্রীগরীব ব্রহ্মচারী, শ্রীকমলাকান্ত,
 আর ভক্ত মহেশ মণ্ডল,
 সর্ববিদ্যা সর্ববানন্দ, ভবাণী ঠাকুর,
 সর্বজন শ্রবণ-মঙ্গল ।”

ଜିଜ୍ଞାସେନ ଶିବାନନ୍ଦ, “କେ ସେ ମହାଜନ,

ସର୍ବନିଦ୍ୟା ଉପାଧି ଯାହାର, ?”

ଉତ୍ତରେ ସନ୍ତାନ, “ସିଦ୍ଧ ସାଧକ ମଣ୍ଡଳେ,

ସର୍ବାନନ୍ଦ ନମସ୍ତୁ ସବାର ।”

ବଲେନ ଶ୍ରୀନିତ୍ୟାନନ୍ଦ, “କହ ବିଷ୍ଣୁାରିୟା

ଭକ୍ତେର ଚରିତ୍ର ଭାଗବତ ।”

ଉତ୍ତରେ ସନ୍ତାନ,—ନତଶିର, କୃତାଞ୍ଜଳି,—

—ସ୍ଥିରକର୍ଣ୍ଣ ସର୍ବନ ସଭାସଦ୍ ।

ପୁଣ୍ୟତୋୟା ଜାହ୍ନବୀର କ୍ରୋଡ଼େ ପୂର୍ବସ୍ଥଳୀ,

ପୂର୍ବପର ପ୍ରସିଦ୍ଧ ନଗର,

ବହୁ ଭକ୍ତ ସାଧକେର ଆବିର୍ଭାବ ଜନ୍ତ

ଗନ୍ଧା ସାହା ତୀର୍ଥେର ସୋମର ।

ସେ ନଗରେ ବସତି କରିତ ପୂର୍ବକାଳେ,

ବାସୁଦେବ ଭଟ୍ଟାଚାର୍ଯ୍ୟ ନାମ ;

ତପୋନିଷ୍ଠ, ବଶିଷ୍ଠ ସମାନ ଆତ୍ମଜୟୀ,

ସୁନିର୍ମୂଳ ଭକ୍ତିରସଧାମ ।

ଏକଦିନ ଗଙ୍ଗାଗର୍ଭେ ନିଶ୍ଚିତ୍ତ ସମୟେ,

ଗଙ୍ଗା ତୀରେ ଧ୍ୟାନସ୍ଥ ସ୍ଥନ,

ସ୍ତ୍ରୀପ୍ରସନ୍ନା ବ୍ରହ୍ମଯ୍ୟୌ ଦୈବବାଣୀ ଛଲେ,

ଆଶ୍ଚାସିଲ କରି ସମ୍ବୋଧନ ॥

“ଭକ୍ତ ତୁମି, ତୁମ୍ଭଟା ଆମି ତବ ତପସ୍ତ୍ରୀୟ,

ଖାବେ ତୁମି ଆମାର ଦର୍ଶନ,

ମେହାର ପ୍ରଦେଶେ, ଜିନ ବ୍ରହ୍ମମୂଳେ ବସି,

ପୌତ୍ର ରୂପେ ଆସିବେ ସ୍ଥନ ।”

ଶୁନି ଭକ୍ତ ଦୈବବାଣୀ, ଉତ୍ତମ୍ଭ ଅନ୍ତରେ,

ପୂର୍ବସ୍ଥଳୀ କରି ପରିହାର,

অবিলম্বে উপনীত মেহারে আসিয়া,
 সহ নিজ পুত্র পরিবার ।
 দাসরাজা উপাধি তথায় জমীদার,
 যত্ন করি দিল বাসস্থান,
 শিষ্যত্ব গ্রহণ করি, যোগ্য গুরু জ্ঞানে,
 বহুরূপে করিল সম্মান ।
 গেল ভক্ত কামাখ্যায়, মন্ত্রসিদ্ধি তরে,
 —সাধনার সর্বোপরি স্থানে ।
 সেখানেও পরাবিদ্যা সম্ভৃষ্টা হইয়া,
 আশ্বাসিল স্বপ্নাদেশ দানে ।
 “মেহারের জিনবৃক্ষ সন্নিকটে আছে,
 ভূগর্ভে প্রোথিত শিবলিঙ্গ,—
 অচ্চি যাহা পূর্বকালে সিদ্ধি লাভ করে ;
 মহামুনি তপস্বী মাতঙ্গ ।
 তদুপরি শবাসনে করি আরোহণ,
 জপি ব্রহ্ম মন্ত্র হে সৃজন,
 যেমন ডাকিবে, তোমা দিব দরশন,
 —পৌত্র রূপে আসিবে যখন ॥”
 পরাবিদ্যাদেশে তুষ্ট ভক্ত বাসুদেব,
 মেহারে আসিল পুনর্ব্বার ;
 পূর্ণানন্দ নামে ভৃত্য জাতিতে চণ্ডাল,
 সাধনার সঙ্গী ছিল তার’ ।
 কহিল সকল বার্তা তাহার নিকটে,
 —কহিল রাখিতে সংগোপনে—
 পুত্র তার শস্ত্রনাথ, তার পুত্র হ’য়ে,—
 নীঘ্র পুনঃ আসিবে ভুবনে ।

এত কহি যোগবলে ত্যজিল জীবন,
 পৌত্র রূপে জনমিল আসি ;
 সর্বানন্দ নাম হ'ল, পূর্ণানন্দ কোলে
 পূর্ণানন্দে রাখে দিবানিশি ।
 পূর্ণানন্দে সর্বানন্দ ডাকে দাদা বলি,
 দিবারাত্রি রহে তার সঙ্গে ;
 পূর্ণদাদা ভিন্ন কারো বাক্যে কর্ণপাত,
 করেনা সে কোনও প্রসঙ্গে ।
 পুত্র শিক্ষাতরে শস্ত্রনাথ সাধ্যমত,
 চেফটা যত্ন যা কিছু করিল,
 সমস্ত হইল মিথ্যা, পুত্র দিন দিন
 গণ্ডমূখ হইয়া উঠিল ।
 অধর্ম, অকর্ম, আর যত নীচ কর্ম,
 কিছুতেই তার শক্তি নাই ।
 ব্রাহ্মণের কুলে জন্মি সদা ভ্রষ্টাচার,
 বেড়ায় যা পায় তাই খাই ।
 সমাজের সর্ববজনে নিন্দে সর্বানন্দে,
 দূর দূর বলে বলি মন্দ ;
 পুত্র পরিণাম চিন্তি পিতা দুশ্চিন্তার ;
 —নিশ্চিন্ত একেলা পূর্ণানন্দ ।
 রাজগুরু পুত্র বলি বিবাহ হইল,
 ঘটকের ঘটকালি জোরে ;
 বিবাহান্তে জামাতার গুণ নিরখিয়া,
 শস্ত্র শ্বশুরী কান্দি ফিরে ।
 বিবাহ করিলে সর্বানন্দ সর্ব দিকে,
 বিশ্বয়ের প্রবাহ বহিল ;

অসাধ্য হইল সাধ্য ;—বর্ষত্রয় মধ্যে,
 শিবনাথ পুত্র জনমিল ।
 শিবনাথ অতি অল্পে হইল বিদ্বান ;
 তার যশে পরিপূর্ণ দেশ ।
 কিন্তু নিরঙ্কর জ্ঞানশূণ্য তার পিতা,
 তাই সদা তার মনে ক্লেশ ।
 একমাত্র পূর্ণানন্দ এ ধরনীতলে,
 সর্বানন্দে করে সমর্থন ;
 বাসুদেব সঙ্গী পূর্ণানন্দ, তাই বলি,
 কেহ তাকে না করে লঙ্ঘন ।
 পূর্ণানন্দ ভয়ে সর্বানন্দের উৎপাত,
 অনেকে নীরবে সহ করে ।
 সহিলেও যখন অসহ্য বড় হয়,
 নীরবে প্রহারে কলেবরে ॥
 একদিন সর্বানন্দ পূর্ণানন্দ সঙ্গে
 রাজসভা মধ্যে উপস্থিত ।
 সভাস্থ শ্রীশিবনাথ, জ্যেষ্ঠতাত সঙ্গে,
 সর্বানন্দে দেখিয়া স্তম্ভিত ।
 কি বলিতে কি বলিবে ভাবি দুই জন,
 চিন্তাঘোরে উদ্বেগে রহিল ;
 গুরু জ্ঞানে রাজা বহু করিয়া সম্মান,
 উচ্চাসনে যত্নে বসাইল' ।
 কথার প্রসঙ্গে রাজা জিজ্ঞাসে সভায়,
 “কোন তিথি আজ ?” সর্বানন্দ
 সকলের অগ্রে কহে, “আজি ত পূর্ণিমা ?”
 —অগ্র ভাষে মুখের আনন্দ ।

ছিল অমাবস্যা তিথি, কহিল পূর্ণিমা,
উপহাসে পণ্ডিত ঘাহারা ।

লজ্জা ক্ষোভে নতশির পুত্র শিবনাথ,
হতমানে প্রায় জ্ঞানহারা ।

কহে রাজা শিবনাথে, গম্ভীর বচনে,

“অদ্য হ'তে সভা মধ্যে আর
আসিতে না দিও সবে এমন পণ্ডিতে
অমাবস্যা পূর্ণিমা যাহার ।”

পূর্ণানন্দ সঙ্গে সর্বানন্দ গেল উঠি,

শিবনাথ আসিল ভবনে ;
কহিল পিতার কার্য্য সজল নয়নে,
ডাকিয়া বাড়ীর সর্ববজনে ।

পিতা মাতা ভ্রাতা ভগ্নী পুত্র সবে মিলি,
সর্বানন্দে করে তিরস্কার ।

কেহ যায় ঘাড় ধরি খেদাড়িয়া দিতে,
কেহ যায় করিতে প্রহার ।

মর্ম্ম দুখে সর্বানন্দ হইল বাহির,
পূর্ণানন্দ সঙ্গে সঙ্গে চলে ।

পথে আসি সর্বানন্দ পূর্ণকে জিজ্ঞাসে,
“কি নিমিত্ত সবে মন্দ বলে !”

পূর্ণানন্দ কহে, “আজ পূর্ণ অমাবস্যা,
তুই তাহা পূর্ণিমা কহিলি ;

রাজসভা মধ্যে উঠি লাভ এই হ'ল,
সকলের মুখ হাসাইলি ।”

সর্বানন্দ কহে, “আমি তাহার কি জানি,
পূর্ণিমা কি অমাবস্যা কবে ।

যা মুখে আসিল তাই দিয়াছি বলিয়া,
 কার্যে বা হওয়ার তাই হবে ।”
 পূর্ণানন্দ কহে, “তোমার তুল্য মূর্থ নাই,
 তোকে তাহা বুঝান কি দিয়া ।
 মূর্থে মূর্খের রাজসভায় কি খাটে,
 তাই তোকে দিল খেদাড়িয়া ॥”
 সর্বানন্দ জিজ্ঞাসিল, “বল্ তবে কিমে,
 দূরে যাবে মূর্খের আগার ?
 কিমে তিথি নক্ষত্রের তত্ত্ব জানা যায় ?
 —তত্ত্ব অমাবস্তা পূর্ণিমার ?”
 পূর্ণানন্দ কহে, “তত্ত্ব আছে পঞ্জিকায়
 পাড়িলেই সব জানা যায় ।”
 সর্বানন্দ কহে, “কিন্তু পঞ্জিকা খুলিয়া
 তা সকল পড়াই ত দায় ?”
 পূর্ণানন্দ কহে, “মূর্থ বুঝান কি দায় ?
 আগে তুই লেখা পড়া শেখ্ ?
 —তালপত্র আনি, ক, খ, এক, দুই, তিন,
 যত্ন করি আগে তুই লেখ্ ॥”
 স্থূলবুদ্ধি সর্বানন্দ এতক্ষণ পরে,
 বুঝিল সকল তত্ত্বসার ।
 তিথি তত্ত্ব জানিলে যে তালপত্র লাগে,
 কেহ তাকে কহে নাই আর ।
 লক্ষ্য মারি কহে, “তবে এখনি পাড়িব,
 তালপত্র যত আছে গাছে,
 কবে অমাবস্তা হয়, কবে বা পূর্ণিমা,
 —আর যত পঞ্জিকায় আছে,—

শিথিয়া সকল তত্ত্ব ফিরে আঁমি বাব,
 তোর সঙ্গে রাজার সভায়,
 হোক অমাবস্যা, তাকে পূর্ণিমা করিয়া,
 আঁমি সর্বদা দেখাব সভায় ।”
 এত বলি উঠে জগদ্ধাত্রী কৃপাপাত্র,
 এক দীর্ঘ তাল বৃক্ষোপরে ।
 সেই বৃক্ষশিরে ছিল তীব্র বিষধর,
 বিস্তারে সে ফণা রোষ ভরে ।
 ধরে সে সর্পের কণ্ঠ দৃঢ় মুষ্টি করি ;
 সর্প লেজে বান্ধে তার কর ;
 তখন সে উচ্চৈশ্বরে কহে পূর্ণানন্দে,
 “সর্পে বান্ধিয়াছে মোর কর ।”
 পূর্ণানন্দ কহে, “ঘবি থর বাগুরায়
 বিষধরে থণ্ড থণ্ড কর ॥”
 সর্বানন্দ বিষধরে থণ্ড থণ্ড করি,
 নিষ্ফেপিল ধরণী উপর ।
 সেই বৃক্ষ সন্নিকটে, বাসিয়া তখন,
 কোন এক মহা শক্তিমান
 সাধক দেখিতেছিল কার্য্য দুজনার,
 দেখি সে হইল সন্দ্বিহান ।
 জিজ্ঞাসিয়া পূর্ণানন্দে, শুনি পরিচয়,
 সাধকের অন্তরে বিষ্ময় ;
 পূর্ণানন্দ সাধকের প্রসন্নতা হেরি,
 “আঁমি” বলি অন্তুরালে রয় ।
 সে সাধক সর্বানন্দে যোগ্যপাত্র বুঝি,
 ডাকিয়া কহিল উচ্চরোলে,

“হে বীর, নিভীকচিত্ত ! কার্য্য নাহি আর
 তালপত্রে, নাম ভূমিতলে ?
 হেন মন্ত্র দিব তোমা, আজ রাত্ৰিকালে
 জপ করি তার শক্তি বলে,
 মুহুর্তে হইবে সর্ববিদ্যা সুপাণ্ডিত,
 অদ্বিতীয় হইবে ভূতলে ।”
 শুনি সর্বানন্দ বৃক্ষ হ’তে নিম্নে আসি,
 শ্রীগুরুর সম্মুখে বসিল ।
 পূর্ণ জ্ঞানময় গুরু সাধনা কৌশল
 ধীরে ধীরে তায় শিক্ষা দিল ।
 ব্রহ্মমন্ত্র দিয়া বলে, “ভূগর্ভস্থ শিব—
 —শিরোপরি কার শবাসন,
 অন্ধরাত্রি এই মন্ত্র জপে সিদ্ধ হবে,
 হবে সর্ববিদ্যা মহাজন ।
 জিনবৃক্ষ গলিকটে আছে সেই স্থান
 নিবিড় জঙ্গলে সমাচ্ছন্ন ।”
 সন্ধান প্রদানি, মন্ত্র বক্ষোপরি লিখি,
 অন্তর্হিত গুরু সুপ্রসন্ন ।
 ব্রহ্মবিদ্য কৃপাসিন্ধু তত্ত্বদর্শী গুরু,
 দিল যবে ব্রহ্মমন্ত্র কর্ণে,
 বহি প্রবেশিল যেন লোহে বা অঙ্গারে,
 হ’ল তনু উজ্জ্বল সু বর্ণে ।
 উদ্ভাসিয়া উঠিল সহসা জ্ঞানেন্দ্রিয়,
 দিবাদৃষ্টি নয়নে প্রকাশ,
 কর্ণদ্বয় বক্ষারিত প্রণব বক্ষারে,
 চিত্তে পরানন্দের বিকাশ ।

সম্পূর্ণ নূতন ভাবে অস্থিত স্বভাব,
 নূতনত্বে বচন লোচন
 পরিপূর্ণ ; সর্বানন্দ রঙ্গমঞ্চে যেন
 নব সাজে রঙ্গক নূতন ।
 তারপরে আগি পূর্ণ দাদার নিকটে,
 বিস্তারিয়া কহিণ সকল
 দেখাইল শ্রীগুরু লিখিত ব্রহ্মমন্ত্র,
 সমুজ্জ্বল যাহে বঙ্গস্থল ।
 পূর্ণানন্দ শুনি বার্তা আনন্দে উন্মত্ত,
 বাসুদেবে করিল স্মরণ,
 পূর্ণ তাকে মৃদুবাক্যে সতর্ক করিয়া,
 কহে বার্তা রাপিতে গোপন ।
 সূর্যাস্ত সময় পূর্বে পৌষান্ত দিনসে
 অমাবস্যা তাহে শুক্রবার,
 উভয়ে একত্রে চলে, যথা মাতঙ্গেশ,
 জনশূন্য জঙ্গল মাঝার ।
 পূর্ণানন্দ সর্বানন্দে উৎসাহিত করি
 সাধনার করে আয়োজন ;
 —শিক্ষা দিল শবাসনে সাধনার ক্রম,
 তত্ত্বদর্শী শিক্ষক মতন ।
 জিজ্ঞাসিল তার পরে, “যুমাইব আমি
 ঠিক মৃত মানুষের মত ।
 করিব বিকট ভঙ্গি, দুঃস্বপ্ন দর্শনে,
 বিভীষিকা দেখাইব কত ।
 আগি তোর পূর্ণদাদা, বৃদ্ধ, মূর্ছকবল,
 তাহে হস্তপদ বন্ধ রবে,

বক্ষোপরি র'বি তুই ; নিম্নে থাকি আমি
 নড়িলে কি ভয় তোর হবে ?
 আমি যদি চেফটা করি নিক্ষেপিতে তোরে,
 মোর গণ্ড সবলে ধরিয়া,
 ধূমুতা বিনাশী মোর, বক্ষোপরি তুই
 পারিবি কি থাকিতে বসিয়া ?
 কত নিভীমিকা, আর কত প্রলোভন,
 উঠাইতে আক্রমিবে তোরে,
 অগ্রাহ্য করিয়া সব, এ মন্ত্র নির্ভয়ে
 জপিতে কি পারিবি অস্তুরে ?”
 সর্বানন্দ কহে, “দাদা জিজ্ঞাসিলি যাহা,
 অতি তুচ্ছ কথা সে সকল ;
 সচ্ছন্দে জপিব মন্ত্র একাগ্র অস্তুরে,
 অচঞ্চল রব হিমাচল ।
 বৃদ্ধকালে তুই যদি জিনিবি আমাকে,
 ধিক্ মোর বাহুবলে তবে ;
 শঙ্কিত করিবে, হেন জন্তু ভয়ঙ্কর,
 সৃষ্টি মধ্যে কভু না সম্ভবে ।
 তোর বক্ষে বসি ভয় ? পর্বত কন্দরে
 বসি কে ডরায় প্রভঞ্নে ?
 শঙ্করের কোলে বসি শঙ্কিত কে কোথা,
 নিরখিয়া ভূতের নর্তনে ?
 পুনঃ কহি শিবতুল্য শ্রীগুরু-কৃপায়,
 লভিয়াছি জ্ঞানের আভাস,
 সিদ্ধি-তরে চিন্ত মোর উদ্বিগ্ন এখন ;
 —বৃথা তোর এ সব আশ্বাস ।”

পুনঃ কহে পূর্ণানন্দ, “জপে তুষ্টা হয়ে,
 ভুবনমোহিনী মূর্তি ধরি
 সম্মুখে দাঁড়াবে আসি যবে ব্রহ্মময়ী,
 বরদানে করোন্নত করি,
 তখন বলিবি, “অগ্রে ভৃত্যকে জাগাও,
 সে যা প্রার্থে প্রার্থী আমি তাই
 তাহার প্রার্থনা ভিন্ন শুন শুভকারি
 আমার প্রার্থনা অন্য নাই।”
 কহে সর্বানন্দ, “তাহা অবশ্য করিব,
 তুই ভিন্ন বন্ধু কে আমার ?
 তু মোর সর্বস্ব দাদা, সঙ্গী এ জীবনে,
 তোর যা প্রার্থনা তা আমার।”
 শুনি যোগী পূর্ণানন্দ, যোগাবলম্বনে,
 কলেবর করে পরিহার.
 সর্বানন্দ শিবোপরি শবাসন পাতি,
 জপে ব্রহ্মমন্ত্র—মন্ত্রসার।
 তৃতীয় প্রহরে দশ দিক উদ্ভাসিয়া,
 জ্যোতির্ময়ী হর-মনোরমা,
 সর্বানন্দ হৃদপদ্মালয়ে সমুদিয়া,
 প্রকাশিল জ্যোতি অনুপমা।
 কি আশ্চর্য্য মূর্তি মার সাধক-বৎসলা,
 ঐশ্বক্যাস্য যুক্তা মুক্তিদাত্রী,
 ভক্তাভীষ্ট প্রদায়িনী ত্রিলোকমঙ্গলা
 ত্রিভুবন ব্যাপ্তা জগদ্ধাত্রী।
 পদ্মাননা, পদ্মহস্তা, কোটা চন্দ্র জিনি
 সুশীতলা, ভুবনমোহিনী

মণিরত্ন-পাচিত-কশিক-অভরণা

নিত্য বরাভয় প্রদায়িনী ।

ফুল-কবাকুসুম-সঙ্কশ প্রভাময়া,

নেত্রে চন্দ্র সূর্য্য তারা জ্বলে,

ব্রহ্মময়ী কালীরূপ হেরি মকরানন্দ,

ভাবোন্মত্ত ভাসি চক্ষুজলে ?

নিরঙ্কর বদনে পার্শ্বাত্মাপূর্ণ স্তন,

লালিত প্রসঙ্গে বহির্গত ।

ব্রহ্মপুত্র নদ, যেন প্রস্তুতাবরণ

ভাসি সিন্ধুপানে প্রধাবিত ।১

১। ব্রহ্মপুত্র নদ—এক্ষণে পুত্র ব্রহ্মপুত্র শিবার্চনা করিতেছিলেন। পুষ্প না দেখিয়া, না বোত করিয়া, শিবের মাথায় অঞ্জলি দেন। সেই পুষ্পে বজ্রকীট ছিল। সে শিবের মস্তকে দংশন করে, শিব বিরক্ত হইয়া ব্রহ্মপুত্রকে ভূতলে সলিলরূপে অবস্থিত থাকিতে শাপ দেন। ব্রহ্মপুত্র শিবের স্তুতি মিনতি করেন। শিব প্রসন্ন হন এবং পরশুরাম কর্তৃক মুক্তিলাভ করিবেন, বলিয়া অর্পিত হন। কালক্রমে পরশুরাম মাতৃহত্যা করেন, হাতে কুঠার আবদ্ধ হয়; হাতের কুঠার খসাইতে দ্বাদশ মহাতীর্থ পর্য্যটন করেন, কিন্তু কুঠার খসে না। পরশুরাম শেষে ঘোর চণ্ডাল মূর্তি হন। দিনে জঙ্গলে থাকেন, রাত্রে ব্রাহ্মণগণের গোশালায় থাকেন। একদিন এক গোশালায় টঙ্গের উপরে আছেন। এমন সময় এক গাভী ও বুধ বলাবলি করিতে থাকে। গাভী বুধের জননী। গাভী বলে—“নিষ্ঠুর ব্রাহ্মণ তোমার সাথে আমাকে জুড়িয়া লাঙ্গল টানায়। তুই বলবান, আমি বৃদ্ধ—তোমার সাথে আমি সমান চলিতে পারি না বলিয়া আমাকে নিষ্ঠুরভাবে প্রহার করে, আর তুই তাহা সহ করিস্ ?” বুধ বলে—“কত পাপের ফলে গরু হইয়া এই নিষ্ঠুর ব্রাহ্মণের লাঙ্গল টানিতেছি—আবার ব্রহ্মহত্যা করিলে কোন নরকে গমন করিব, তাই ভাবিয়া কিছু বলি না। না হইলে তোমাকে যখন মারে, তখনই উহাকে বধ করিতে পারি।” গাভী বলিল—“ও ত চণ্ডাল। উহার বধে তোমার ভয় কি ? হিমালয়ের পাদদেশে

তথা শ্রী শ্রী সর্বানন্দ কৃত স্তোত্র—

যা ভূতান্ বিনিপাত্য মোহজলধৌ

সংনর্তয়ন্তী স্বয়ং ।

যন্মারাপরিমোহিতা হরিহর—

—ব্রহ্মাদয়ো জ্ঞানিনঃ ॥

যশ্চা সৈবদনুগ্রহাৎ করগতঃ

ষদ্যোগিগম্যঃ ফলং ।

তুচ্ছং যৎপদ সেবিনাং হরিহর—

—ব্রহ্মহং তসৌ নমঃ ॥ ১

বেদা ন যৎপারমুপৈতি মাত—

—নৈবাগমো ন প্রমথাধিপশ্চ ।

কল্পামরঃ ক্ষীণমতি শুবাম্ব

তক্রপ সস্তাবন তৎপরঃ স্যাম্ ॥ ২

ব্রহ্মপুত্র শাপগ্রস্ত হইয়া শিলাতলে অবস্থান করিতেছে। সেই শিলার আবরণ উঠাইয়া সেই ব্রহ্মকুণ্ডে স্নান করিলে মাতৃহত্যাকারী পরশুরাম পর্য্যন্ত মুক্তিলাভ করিবে, আর তুই অমুক্ত থাকিবি!” বৃষ তখন আশ্রিত হইল; প্রভাতে ব্রাহ্মণ গোশালায় ঘেমন প্রবেশ করিল, অমনি তাহাকে হত্যা করিল,—এবং জননীর উপদেশ মত ব্রহ্মকুণ্ডের উদ্দেশে হিমালয় প্রদেশে গমন করিল। পরশুরাম তাহার সঙ্গে চলিলেন। যথাস্থানে আসিয়া পরশুরাম হস্তস্থিত কুঠার দ্বারা এবং বৃষ নিজ শৃঙ্গদ্বারা শিলার আবরণ উন্মোচন করিয়া দিলেন। ব্রহ্মপুত্র দিব্য দেহ ধারণ করিয়া উর্দ্ধলোকে গমন করিলেন। পরশুরাম ও বৃষ কুণ্ডে স্নান করিয়া মেঘমুক্ত চন্দ্রের মত পাপমুক্ত হইলেন। এদিকে পার্কিত্য জলধারা কুণ্ডে পতিত হইয়া ব্রহ্মপুত্র নদের উৎপত্তি হইল। ব্রহ্মপুত্র নদ আবরণ মুক্ত হইয়া সমুদ্র পানে প্রাণিত হইল।

১। পরিচ্ছদের প্রগমে দেখ ।

২। হে মাতঃ! তোমার অন্ত বেদ পান না, অগম পান না, এবং সদাশিবও পান না। হে অম্ব! আমি ক্ষীণমতি নর হইয়া সেই তোমার রূপ কিরূপে ধ্যান বা দর্শন করিব ?

যন্তেজসোমগুল মধ্যে সংস্থা-

তরাদয়ো কোটী দিবাকরাভাঃ ।

বিভাতি পূর্ণেন্দু সমাপ সংস্থা-

—স্তারা যথা ব্যোমতলেহপ্য জত্রাঃ ॥ ৩

যা জীব রূপা পরমাত্মরূপা

যা পুংস্বরূপা চ কলত্র রূপা ।

যা কাগমগা পরিভগকামা,

তসৌ নমস্তুভ্যমনস্তমুর্ভু ॥ ৪

ত্বমেব বিষ্ণু শচতরাননস্ত্বং

ত্বমেব সর্ব পবনস্ত্বমেব ।

ত্বমেব সূর্য্য শশলাঙ্গনস্ত্বং

ত্বমেব সৌরিস্বিদশা ত্বমেব ॥ ৫

ত্বং ভূতলস্তাখিল যজ্ঞকর্ত্রী-

ত্বং নাকসংস্থাখিল যজ্ঞ ভোক্ত্রী ।

ত্বমেব তুষ্টিাখিল মুক্তিদাত্রী

ত্বমেব রক্ষা ত্রিজগন্নিহন্ত্রী ॥ ৬ ইত্যাদি ।

৩। পূর্ণচন্দ্রকে বেষ্টন করিয়া অগণ্য নক্ষত্র আকাশে দেখন শোভা পায়, কোটী স্নানপ্রভা শিবাদি ও সেইরূপ ত্রৈম্যের তেজসমগুল মধ্যবর্তী হইয়া শোভা পাইয়া থাকেন ।

৪। তুমি জীবরূপা, পরমাত্মরূপা, পুরুষরূপা এবং স্ত্রীরূপা । তুমি নিষ্কামা হইয়াও কামময়ী, তোমাকে নমস্কার করি ।

৫। হে মাতঃ ! তুমি ব্রহ্মা, তুমি বিষ্ণু, তুমি শিব, তুমি পবন, তুমি সূর্য্য, তুমি ষম, এবং তুমিই সমস্ত দেবতা ।

৬। তুমি ভূতলস্থ সমস্ত যজ্ঞের কর্ত্রী এবং স্বর্গে বসিয়া সমস্ত যজ্ঞের ফলভোগ-কারিণী । তুমি তুষ্টা হইলে অখিল মুক্তি দান কর, এবং রুষ্টা হইলে ত্রিভুবন সংহার কর । (তোমাকে নমস্কার করি ।)

স্তবে তুচ্চা ব্রহ্মময়ী কহে, “কি প্রার্থনা,

শীঘ্র বল, শূন্য মোর কাশী ।

‘পুত্র তুমি গৌরবের, যা ইচ্ছা করিবে,

নিজ হস্তে সম্পাদিব আসি ।”

সর্বদানন্দ মহানন্দে আত্মপাগরিয়া

আসন হইতে সমুখিত ;

মহাবিদ্যা দর্শনে হইল সর্ববিদ্যা ;

—পরানন্দে কণ্ঠ বিজড়িত ।

আবেগ সম্বরি উক্ত, গদ গদ ভাষে,

কহে, “মা গো, তব ভক্ত জন্ম,

ব্রহ্মহ, বিষ্ণুহ, কিংবা শিবহ, যা বল,

তুচ্ছ জ্ঞান করে সর্বক্ষণ ।

জীবমুক্ত সে মানব, বিস্ময়া তাই,

কেশ স্পর্শ না পারে করিতে ;

উন্নত গগনচন্দ্রে অসুদে আবরে,

কিন্তু কভু নারে পরশিতে ?

তব ভক্তে যে আনন্দে রহে রাত্রিদিন,

ব্রহ্মানন্দ অতি তুচ্ছ তায়,

ভক্ত্যমৃত পানে অমরহ প্রাপ্ত যে,

দুঃখমূল ভোগ্য সে কি চায় ?

যাঁর পদ সর্গাপবর্গদ, পুত্র তাঁর

পার্থিব প্রার্থিবে কি অভাবে ?

ত্রিলোকের একছত্র নৃপতিহ দিলে

পরিত্যাগ করে সে স্বভাবে ।

বিশ্বের ঐশ্বর্য এক দিকে, অণু দিকে,

তব কৃপা করি পরিমাণ,

দেখি সে ঐশ্বর্যা রেণু; তোমার করুণা
 অভ্রভেদী পর্বত সমান ।
 সুর নর গন্ধরবাদি সর্ববন্দ্রিয় ভোগ
 পরিহারি নির্জন কাননে,
 ষেরূপ দর্শন জন্ম সহৈ তপক্লেশ,
 সমর্থ যে সে রূপ দর্শনে,
 প্রার্থনা কি থাকে তার ? অমৃতবাহিনী,
 জাহ্নবীর তটে বসি কার,
 রহে কৃপোদকে ভ্রমণ ? কল্পতরুতলে,
 বাসীর কি বাসনা রস্তার ?
 প্রার্থনীয় নাই কিছু, তবু বর দানে
 বাঞ্ছা যদি বরদে তোমার,
 মঞ্চার চৈতন্য ওই প্রাণশূন্য দাসে,
 কর পূর্ণ বাঞ্ছা যাহা তার ।”
 শুনিয়া চৈতন্যময়ী পূর্ণানন্দ শির;—
 চরণ-কমলে পরশিয়া,
 কহে, “বৎস যোগনিদ্রা কর পরিহার,
 প্রার্থনীয় কহ প্রকাশিয়া ।”
 উখিত হইল পূর্ণ,—নিশান্তে ষেমন,
 উঠে লোকে নিদ্রা পরিহারি,—
 একদৃষ্টিে কিছুক্ষণ দর্শন করিল,
 ত্রিলোকমোহিনী শুভঙ্করী ॥
 দু'নয়নে আনন্দাশ্রু, তিত্তি গণ্ডস্থল,
 বহে শৈলবাহী নদ প্রায়
 মা বলিতে রুদ্ধকণ্ঠ, তনু রোমাঞ্চিত,
 পুলকে বিহ্বল মনঃকায় ।

আত্মসংবরণিয়া ভক্ত আরস্তিলু স্তব,

আনন্দে আপন ইচ্ছামত ।

ভক্তিপূর্ণ হৃদয়ের অপূর্ব উচ্ছ্বাস

শ্রবণে বা সিঞ্চনে অমৃত ।

তথা শ্রীশ্রীপূর্ণানন্দ কৃত স্তোত্র—

উদাচ্ছারদ পূর্ণচন্দ্র নখরে মঞ্জীর সংশিঞ্জিতে ।

ব্রহ্মাদ্যঞ্জলি তর্পিতঃ সুকুম্মৈরাক্তেহতি রক্তেপদে ॥১

যম্নেত্রালি মধুত্রৈর্নিপতিতং তেনৈবসিদ্ধং বরং ।

কিং নস্ত্যাদ পয়ং বরং ত্রিনয়নি প্রার্থ্যং হৃদীয়ে পদে ॥২

“শারদীয় পূর্ণচন্দ্র তুলা নখ-শোভা

যে চরণকমলে উখিত,

সে চরণ দর্শনে যে অধিকারী হয়,

মহাভাগ্যান্ সে নিশ্চিত ।

‘মুনীন্দ্র, যোগীন্দ্র, উন্দ্র, বরুণ, পবন,

যে চরণ অর্চনে সতত,”

কহে পূর্ণ, “সে চরণ দর্শনে যে জন,

কি বর সে প্রার্থনাবে মাতঃ !

নিতান্ত বদি মা বর দিবে অভাজনে,

ও পদে মা প্রার্থনা আমার

দশমহাবিদ্যা রূপ দেখাও স্বল্পে

সাধকে বা প্রার্থে তানিবার।”

১,২। মা, তোমার যে শ্রীচরণ রক্তাভ, যে শ্রীচরণ ভূপুরশিঞ্জন বিশিষ্ট, যে শ্রীচরণ উদিত পূর্ণচন্দ্র সদৃশ নখরদ্বারা পরিশোভিত, এবং যে শ্রীচরণে ব্রহ্মাদি দেবগণ পুষ্পাঞ্জলি প্রদান করিয়া থাকেন, সেই শ্রীচরণ কমলে যে আমাদের নম্নরূপ মধুকর পতিত হৃদয়ে পারিয়াছে ইহাতে কি সিদ্ধিলাভ হয় নাই? অতএব হে শ্রীনয়নে! তোমার চরণে আর কি বর প্রার্থনা করিব!

শ্রী শ্রীদশমহাবিদ্যারূপ—

“ কালী তারা মহাবিদ্যা যোড়শী ভুবনেশ্বরী ।
ভৈরবী ছিন্নমস্তা চ নিদা ধূমাবতী স্ততা ।
বগলা সিদ্ধাবিদ্যা চ মপতঙ্গী কমলাত্বিকা ।
এতাদশ মহাবিদ্যাঃ সিদ্ধাবিদ্যাঃ প্রকীর্তিতা ॥”

দশমহাবিদ্যা রূপ, অনুগ্রহ করি,—

—অনুগ্রহ স্বভাব তাঁহার,—

দেখাইল জগদ্ধাত্রী, আরাম্ভল দৌহে
সুব, যাহা ভক্তি সুধাধার ।

শ্রী শ্রীসকলানন্দ—

অসুররক্ত গলিতবক্ত্রু চলদলকুরাগিণী ।
ধরণীলিপ্ত কুটিলমুক্ত চিকুরনক্কারিণী ॥
কলিতখণ্ড বিকৃতচণ্ড দমুজমুণ্ডমালিনী ।
বিগতবস্ত্র নিশিতশস্ত্র কূর্ণপমস্তধারিণী ॥৩

শ্রী শ্রীপূর্ণানন্দ—

সুরত কস্ম বিদিতঃকস্ম গিরীশশর্মদায়িনী ।
অখিলসভ্য মননলভ্য ভবনভব্যকারিণী ॥
অমৃতবৃষ্টি ভূবিকরিষ্টি পরমসৃষ্টিদায়িনী ।
প্রণতবিষ্ণু গিরীশজিষ্ণু ভবকরিষ্ণুতারিণী ॥৪

৩। শ্রীশ্রীসকলানন্দ কালীরূপ দর্শন করিয়া বলিতে লাগিলেন—বদনে অসুর রক্ত বিগলিত ; অলঙ্কারজিত চরণে গতি ; কুটিল কেশপাশ ধরণী স্পর্শ করায় নিশাককার বিস্মৃত ; ছিন্নশির হওয়ায় বিকৃত দৈত্য চণ্ডাদির মুণ্ডমালায় পরিশোভিতা ; দিগম্বরী ; অসুর মস্তকে শাণিত খড়্গধারিণী ।

৪। শ্রীশ্রীপূর্ণানন্দ বলিতে লাগিলেন—সুরত কস্মের মস্মবিদিতা ; শিবানন্দ বিধায়িনী ; অখিল জগতের প্রতিকূল মতকারিণী ; (মানুষ মমতাময়ী, মা তাহার প্রতিকূল।) ভুবনমঙ্গলদায়িনী ; অমৃতবর্ষণে পৃথিবীর মঙ্গলকারিণী, সৃষ্টি দায়িনী ; প্রণত হাবির ইন্দ্রাদির তারিণী ॥

ଶ୍ରୀ ଶ୍ରୀସର୍ବାନନ୍ଦ—

ନତ ଶୁଭକ୍ଷରୀ ଶବ୍ଦଶିରୋଧରୀ
ରିପୁଭୟକ୍ଷରୀ ରାଜଦିଗନ୍ଧରୀ ।

ଜଳଧରଦ୍ଵାରୀ ସମରନାଦିନୀ
ମଦବିମୋହିତା ଦିବଦଗାମ୍ଭିନୀ ॥ ୫

ଶ୍ରୀ ଶ୍ରୀପୂର୍ଣ୍ଣାନନ୍ଦ—

ନିଶିତ-ଶାୟକାମ୍ବର-ବିଦାରିଣୀ—

ହିମଗିର-ଧ୍ଵଜାଚଳ-ନିବାସିନୀ ।

ଭବ-ସାରନ୍ଧରୀ ଶିରୋଶକାମିନୀ

ଚରଣ-ନୁପୁରଧ୍ଵନି ବିନୋଦିନୀ ॥ ୬

ଉତ୍ତର ଶ୍ଵେତେ ତୁଷ୍ଟା ତ୍ରିଲୋକତାରିଣୀ—

ପୁନଃ କହେ, “କି ପ୍ରାର୍ଥନା କର,

କାଣି ଶୁଣି କରି ଆମି ଆସିଯାହିଁ ହେବା

ଶର୍ବରୀ ପ୍ରଭାତା ପ୍ରାୟ ହେବ ।”

କହେ ପୂର୍ଣ୍ଣାନନ୍ଦ, “ତୁମି କଲ୍ପତରୁରୁପା,

ଶରଣାଗତେର ମହାବଳ,

ବର ଦାନ କର ଯଦି, ଓ ପଦ-କମଳେ

ଶୁଣ ମୋର ପ୍ରାର୍ଥନା ସକଳ ।

“ସର୍ବାନନ୍ଦ-ବଂଶେ ଆମି ଜାନ୍ତିବେ ଯାହାରା,

ହୟ ଯେନ ଭକ୍ତ ଅଟନ୍ତୁ,

ସେ ମନ୍ତ୍ରେ ଆହ୍ଵାନି ହୋଇ ଆମରା କୃତାର୍ଥ,

କରେ ଯେନ ସେ ମନ୍ତ୍ର ମନ୍ତ୍ରଣ ।

୫ । ଶରଣାଗତମନ୍ତ୍ରଣା ; ବୃତ୍ତଦାନବେର ଶିରପରିଧାନା ; ଶକ୍ରଗଣେର ଦ୍ରାସକାରିଣୀ ; ରାଜେ ଦିଗନ୍ଧରୀ ; ଜଳଧରବନ୍ଧନା ; ସମରେ ସିଂହନାଦକାରିଣୀ ; କାରଣବାର୍ତ୍ତାପାନେ ଉନ୍ମତ୍ତା ; କରାଣୀର ମତ୍ତ ଗମନଶୀଳା ।

୬ । ତୀକ୍ଷ୍ଣରେ ଅମ୍ବର-ଘାତିନୀ ; ହିମାଳୟର ଶିଖରବାସିନୀ ; ସଂସାର ନଦତାରିଣୀ ; ଶିବରାଣୀ ; ଚରଣେର ନୁପୁରଶିଖ୍ଵଳେ ଆନନ୍ଦଦାୟିନୀ ॥

অমাবস্যা রাত্রি আজ, পূর্ণিমা বলিয়া,
 সর্বানন্দ হইয়াছে নিন্দ্য ।
 সে নিন্দ্য বিনাশী, তাকে কর সর্ববিদ্যা,
 —কর তাকে সর্বজন নন্দ্য ॥
 কত কোটী চন্দ্রশোভা ও করনথরে,
 করচন্দ্র উচ্চাকাশে ধর,
 শরণাগত-গৌরব-গুরুত্ব-বর্দ্ধিণী !
 চন্দ্রালোকে বিশ্ব পূর্ণ কর ।
 সর্ববিদ্যা শিষ্য ভক্ত হবে ভবে যারা,
 ধনবংশ লভুক তাহারা ।
 সর্বানন্দ কৃত স্তবে আহ্বানে যে তোমা,
 তার প্রতি হও কৃপাপরা ।
 সিদ্ধলোক শিরোমণি সর্বানন্দ দেবে,
 হিংসা নিন্দ্য করিবে যাহারা,
 —যে হউক—শঙ্কর (ও) সহায় যদি হন,
 ধনে বংশে ধ্বংস হবে তাহারা ।”
 প্রার্থনা শুনিয়া অন্নপূর্ণা কাশীধরী,
 কর-জ্যোতি প্রকাশে গগনে,
 অকলঙ্ক চন্দ্র দেখি অমাবস্যাকাশে,
 বিস্ময় ঘটিল সর্বজনে ।
 ভাল কিংবা মন্দ হবে, বুঝিতে না পারি,
 রাত্রে আর কেহ না ঘুমায় ।
 কোলাহলে পূর্ণ হ'ল মেহার প্রদেশ,
 উলুধ্বনি রমণী জিহ্বায় ।
 প্রভাতে শুনিয়া বার্তা চমৎকৃত দেশ,
 দাসরাজ লজ্জানত-শির ।

মসম্মানে সর্বানন্দে সংবন্ধনে সবে.
 অসি বেষ্টি বসে বহু ধীর ।
 নিষ্কিঞ্চন মহীয়ান কালোগত প্রাণ,
 অনধৃত-শ্রেষ্ঠ সর্বানন্দ,
 স্নেচ্ছায় ভ্রমণশীল দর্শনে তাঁহার,
 সর্বজনে লভে মহানন্দ ।
 কিছু দিবসান্তে শীত নিধারণ জন্ত,
 বহুমূল্য রাক্ষব বসন,
 সর্বানন্দ পাদে রাজা সমর্পণ করে,
 গুরুপাদে অতি ভক্তি মন ।
 বেশ্যা এক পথে বসি কহে সর্বানন্দে,
 “তুমি দেব সাক্ষাৎ ঈশ্বর !
 পীড়িতা অসহ শীতে আমি অনাথিনী,
 বস্ত্রহীন মোর কলেবর ।
 যদি কৃপা করি মোরে, এ অসহ শীতে,
 দেও কোন বস্ত্র পুরাতন,
 রক্ষা পায় এ জীবন ;—দরিদ্রে করুণা,
 নাহি হয় নিষ্ফল কখন ।”
 জননীপ্রতিমা-দুঃখে দুঃখী সর্বানন্দ ;
 বহুমূল্য রাক্ষব বসন,
 তুচ্ছ ভৃগুচ্ছ তুল্য গ্রাহ্য না করিয়া,
 করিল তাহাকে সমর্পণ ।
 বেশ্যা-গাত্রে দেখি বস্ত্র সর্বজনে কহে,
 “বেশ্যাসক্ত হয়েছে নিশ্চয়,
 না হ'লে কি হেন বহুমূল্য বস্ত্র দান
 করে হেন অপাত্নী বেশ্যায় ।

আত্মীয় সুহৃদে নিন্দে, নিন্দে সর্ববজনে,

অনুতপ্ত রাজা নিজাস্তুরে,

মায়ার এমনি ভ্রান্তি শুন সর্বজন

মায়ায় যাচিয়া দুঃখে মরে ।

অমাবস্যা পরিণত করে পূর্ণিমায়

যে প্রতিভা, তাহা গেল ভুলি ।

“বেশ্যাসক্ত সর্বানন্দ” কহি মূর্থদল

দিবারাত্রি করে ললালি ॥

একদিন ভাগিনেয় ষড়ানন্দ সনে,

উপনীত রাজ সভাতলে ;

উচ্চাসনে বসাইয়া বিনম্র বচনে,

সর্বানন্দে জিজ্ঞাসে সকলে ।

“কোথা সেই বস্ত্র প্রভো, রাজার প্রণামী ?”

সর্বানন্দ হাসিয়া কহিল,

“আছে গৃহে ।” ষড়ানন্দে আনিত বসিলে,

সে তখনি আনিত চলিল ।

বেশ্যাপ্তে—যে বসন ছিল, চর দিয়া

রাজা তা গোপনে আনাইল,

সর্বানন্দে অপ্রস্তুত করিতে সভায়,

সবে খুব আটিয়া বসিল ।

ভাগিনেয় ষড়ানন্দ ভবনে যাইয়া

কহে, “মামি ! শীঘ্র বস্ত্র দেও ।”

গৃহান্তরে ছিল মামী ; হস্ত বাড়াইয়া,

তারিণী কহিল, “বস্ত্র লও ।”

সেই হস্ত, যাহে অমাবস্যার আধার,

বিদূরিল শশাঙ্ক সমান ।

ষড়ানন্দ দেগি শুভ সর্বানন্দা শুভা,
 করে স্তব করিয়া মগ্নান ।
 বস্তু নিয়া ষড়ানন্দ আঙ্গিল সভায়,
 দেগি সবে নিশ্চয়ে ডুবিল ।
 বেশ্যার বসন সঙ্গে ভুলনা করিয়া,
 পার্থক্য না ধরিতে পারিল ।
 সর্বানন্দ দেবের আত্মীয় জ্ঞাতিগণ,
 বাজার সহিত যোগ দিয়া,
 নিম্নিল তাঁহায় বক্তৃ—সত্বে গিণা কথ্য,
 উচ্চারিল নাচিয়া নাচিয়া ।
 যত্বে পাপ আছে নিশ্চয়, মত্বে-সর্বানন্দা-
 লঙ্ঘনের মত পাপ নাহি ।
 শুভ নিন্দা কালী কল্প সহিতে না পাবে,
 দৃষ্টান্ত সর্বদে তাব পাঠি ।
 পূর্বানন্দ-প্রাপ্ত সেই অমৃতের মতো
 এক বর নিন্দাকের নাশ ।
 ববেব প্রোভাস্ক কল অকুল নাশনে,
 প্রথমে হইল পরকাশ ।
 কিন্তু সর্বানন্দ দেব দয়ার সাগর,
 দেগি চিন্তাকুল সমুদয় ।
 কহিলেন “দ্বাবিংশতি স্তরে মোর নাম,
 —রাজবংশ পঞ্চদশে ক্ষয় ।”
 সর্বানন্দ-পত্নী দেবী বলতা শুনিয়া,
 স্বামীর শরণাগতা হলে,
 “মুক্ত হও” বলি তাঁকে করি আশীর্ব্বাদ,
 দেন মন্ত্র পুত্র-কর্ণমূলে ।

দীক্ষামাত্র শিবনাথ তন সর্ববিদ্যা,
 —ব্রহ্মমন্ত্রে ব্রহ্ম জ্ঞানোদয় ।
 শিবজ্ঞানে সর্বানন্দে কারিলেন সৃষ্টি,
 শুনিলে যা কর্ণ পৃথ তয় ।
 কুলনাথ সর্বানন্দ পুত্রে বর দিয়া,
 মেচার তেয়োগি বাহিরান ;
 যড়ানন্দ পূর্ণানন্দ যান সঙ্গে সঙ্গে,
 পাথে গ্রাম সেনকাটা পান ।
 শিবভূলা সর্বানন্দে দেখিয়া সে গ্রামে,
 আনন্দের প্রবাহ ছুটিল,
 কুলদাম্মময়ী এক সাধকাখ্যাপক,
 নিজ কন্যা তাকে সমর্পিল ।
 তার গর্ভে যে সকল পুত্র জনমিল,
 সর্ববিদ্যা উপাধি তা সবে,
 বিদ্যা বুদ্ধি সাধনায় তাঁরা সমুন্নত ;
 সকলেই মন্ত মাতৃ ভাবে ।
 তারপরে আসিলেন বারাণসী ধামে,
 বৈদিকেরা বিরোধী হইল ।
 সর্বানন্দে ভণ্ড বলি তাড়াইয়া দিতে,
 বহু দণ্ডী একত্রে মিলিল ।
 “মৎস্য-মাংস-ভোজী, হীন ব্যাধের সমান,”
 বলি সর্বানন্দে তিরস্কারে,
 সর্বানন্দ শিশুভূলা গণ্য করি সবে,
 আরণ্ডেন কৌতুক বাজারে ।
 বাজারের মবে্যে ভোজ্য পোয় যাহা ছিল,
 মাংস মদে হল পরিণত ?

হেরি অসম্ভব দৃশ্য অনুতপ্ত চিত্তে,
 পলায় সন্ন্যাসী দণ্ডী যত ।
 ধারণসাঁড়াড়ি সবে ধায় নানা দিকে,
 এক দণ্ডী মেজারে আসিল ;
 রাজার সভায় উঠি, রাজার বদনে
 সর্বদানন্দ-মতিমা শুনিল ।
 অন্নপূর্ণা রূপাপাত্র সিদ্ধ সাধনায়,
 শুনি দণ্ডী চলিল ফিরিয়া,
 কাশী আসি ভাস্কিল সন্দেহ সকলের,
 সর্বদানন্দে বহু সংবর্দ্ধিয়া ।
 সর্বদানন্দ সংবাদ শ্রবণে সর্বজন,
 উল্লাসে উচ্চারে “শিব শিব !”
 বর্কবর ভুলুয়া বাহা শুনে না শুনিল ;
 —অন্ধের সমান নিশি দিব ?

শ্রীশ্রীকালীকুলকুণ্ডলিনী

ষষ্ঠ দিন

তীয় পরিচ্ছেদ ।

ত্বমেকা গুহেশ্বরী প্রজ্ঞারূপা ।

বিদ্যা সমস্তা সর্বার্থসাধা ।

জ্ঞানং জ্ঞেয়ঞ্চ গুরু কঃ ত্বদন্য

ত্বমেকা জগন্মঙ্গলা শিক্ষাদাত্রী ॥ ১

সর্ববিদ্যাস্বরূপিণি, গৃঢ়ত্বরূপে !

তু তুমি প্রসন্ন যখন,

সর্বতত্ত্বের সর্বমঙ্গলসুন্দর অধিকারী

তয় কত মূর্থ অভাজন ।

কত পঙ্গু লজ্জা গিরি ; উড়ুপে আরোহি,

কত শক্তিহীন সিন্ধু তরে ;

১। মা, তুমি প্রজ্ঞারূপিণী গুহেশ্বরী, তুমি সর্বপ্রয়োজন-পূর্ণকারিণী
অষ্টাদশ বিদ্যা ; তুমিই জ্ঞান এবং তুমিই জ্ঞেয় । তুমি ভিন্ন গুরু আর কে
আছে ? তুমিই জগতের মঙ্গলকারিণী শিক্ষয়িত্রী । তোমাকে নমস্কার করি ?

কত অন্ধ দিব্য চক্ষু-লভি, দিব্য লোকে,
 দিব্যালোক দরশন করে;
 বিদ্যা তুমি, বুদ্ধি তুমি, তুমি সিদ্ধিদাত্রী,
 —তোমারই (ত) নাম সিন্ধেশ্বরী।

এ বিপন্ন ভুলুয়ার প্রসন্ন মা শুভ,
 নামের গৌরব রক্ষা করি ॥
 জিজ্ঞাসেন শ্যামানন্দ, “সনদাপেশ্বরী শ্রেষ্ঠ
 কোন তীর্থ ?” উত্তরে সন্তান,
 “গুরুপাদপদ্ম স্মরণশ্রেষ্ঠ তীর্থ হয়,
 নাহি তার উপমার স্থান।”

জিজ্ঞাসেন শিবানন্দ, “গুরু-পাদ-পদ্ম
 শ্রেষ্ঠতম তীর্থ কি নিমিত্ত ?
 তাই যদি, গুরু কেন শিষ্যকে বলেন,
 “তীর্থ ভ্রমি স্থির কর চিন্ত ?”
 উত্তরে সন্তান, “তীর্থ ভ্রমি দীর্ঘকাল,
 যতটুকু হয় চিন্ত স্থির,
 গুরু সঙ্গে রহি, তাহা অতি অল্পকালে,
 লভ্য হয় ভক্ত বিশ্বাসীর ॥

শান্তির সন্ধান শুদ্ধ জ্ঞানময় গুরু,
 মোর জন্ম নির্দেশেন যাত্রা,
 লক্ষ লক্ষ বরষ—ভ্রমিয়া লক্ষ তীর্থ,
 বহু শ্রমে লভ্য নহে তাহা ?
 দেশ-কাল-পাত্র-তত্ত্ব-বিচারে সক্ষম,
 কর্ণদক্ষ গুরু মর্শায়ান,
 আমার কর্তব্য এক দণ্ডে যা শিখান,
 তাহা কোটা দর্শন সমান।

তীর্থ যাত্রা পরিশ্রমে কোন্ প্রয়োজন,
 পাঠ যদি গুরুদেব সঙ্গ,
 তাপত্রয় মুক্ত হব চক্ষুর নিমেষে ;
 মোহ-স্বপ্ন দণ্ডে হব ভঙ্গ ।
 দণ্ডে দূর হব মোর আলস্য ওদাস্য,
 চিন্তে হব উৎসাহ অপার,
 দণ্ডে হব চিন্তে শুদ্ধ জ্ঞানের উন্মেষ,
 হব ধ্বংস মোহ অতঙ্কার ।
 এক দণ্ডে পূর্ণ হব বিশ্বাসে জদয়,
 হব বিশ্বনাথে মতিমান ;
 এক দণ্ডে অভিব্যক্তি হইবে ভক্তির,
 ভক্ত্যানন্দে উদ্দেশ্যে প্রাণ ।
 জ্ঞানময় ভগবান শিবের সম্মুখে,
 গুরুমূর্তি ধরি বিদ্যমান :
 হেন গুরুদেবার্চনে রতি মতি যার,
 এ সংসারে সেই ভাগ্যবান ।
 কি উদ্দেশ্যে তীর্থ যাত্রা, চিন্তা যদি করি,
 সহজ সিদ্ধান্ত মনে আসে,
 তাগে মহাপুরুষের দর্শন মিলিলে,
 চিন্তে পূর্ণ হয় সুবিশ্বাসে ।
 ভক্ত সাধু পদরজে কত অত্রীর্ণকে
 তীর্থীকৃত করেন শ্রীহরি
 তীর্থে গিয়া হেন ভক্ত সাধুর বচনে,
 চিন্তের সংশয় নাশ করি ।”

তথা শ্রী শ্রী ভাগবতে অত্রুর প্রতি শ্রী ভগবান—

ভবদ্বিধা মহাভাগা তীর্থাভূতা স্বয়ং প্রভো ।
 তীর্থা কুর্নবস্ত্যতীর্থানিস্থাস্তুজ্জেন গদাভূতা ॥১
 তীর্থের প্রধান লক্ষ্য, গুরু সন্নিধানে
 যদি বিনা পরিশ্রমে পাই,
 বৃথা পর্যটন-শ্রম সহ করিবারে,
 কি নির্মল্ল তীর্থবাসে যাই ?
 বলেন শ্রীশিবানন্দ, “হেন গুরু লাভ,
 কি উপায়ে শিষ্যের সম্ভবে ?”
 উত্তরে সন্তান, “শিষ্য ব্যাকুল যখন,
 গুরু আসি আপনি মিলিবে ।
 গুরু শিষ্য এক সঙ্গে রবে কিছুকাল,
 দৌহে দেখি দৌহ আচরণ,
 বিচার করিবে যোগ্য কে কত কাহার,
 যোগ্য হলে সম্বন্ধ স্থাপন ।
 তুচ্ছ বস্তু লাভ তরে কত পরিশ্রম,
 কত অর্থ নাশ, মোরা করি ।
 সুদুর্লভ গুরু লাভে তাহার শতাংশ
 স্বীকারিলে ভবসিন্ধু তরি !
 নিত্য আশীর্বাদক কে গুরুর সমান ?
 গুরু তুল্য কে মঙ্গলালয় ?
 সর্ববাস্তুঃকরণে গুরুভক্তি আছে যার,
 সর্বত্র তাহার ঘটে জয় ।

১। শ্রীভগবান পরম ভাগবত অকুরকে বলিলেন,—আপনাদের স্থায় মহাভাগ
 ভক্তগণই সাক্ষাৎ তীর্থ। ভগবান গদাধর আপনাদের স্থায় ভক্তগণদ্বারা অতীর্থাৎ
 তীর্থে পরিণত করেন ।

গুরু-বল বড় বল এ ধরনীতলে,
 গুরু যার প্রতি অনুকূল,
 সংসার-সঙ্কটে তার নিত্য মুক্তি ঘটে,—
 ভবান্নে সেই পায় কূল ।
 ব্রহ্মগয়ী কালী-পদে তার (ই) ভক্তি ঘটে ;—
 কর্তব্যে তাহার নাহি ভুল ।
 সংসারের মায়ামোহে উন্মত্ত হইয়া,
 হায়ায় না সে কখনো মূল ?
 বিবেক বৈরাগ্য লাভে তাই অধিকার,
 সেই হয় সংযমী প্রধান,
 উজ্জ্বল অনলযোগে উন্নত যোগন,
 সেরূপ সে তর দৃষ্টিমান ।
 গুরু শিমো বিবেক-বৈরাগ্য-ভক্তি-ভান,
 আচারে প্রচারে অনুক্ষণ ।
 আশেষ কল্যাণ লাভে সংসারের লোক,
 নিত্য তাহা করি নিরীক্ষণ ।”
 ঢাকাবাসী বৈষ্ণব বাবাজী রাগদাস
 কতিলেন যত্নহাস্ত করি,
 “গুরু যদি এতই মহিমাগয় তন,
 তবে কেন ব্যতিক্রম হেরি ।
 বহুস্থানে বহুজন গুরু লাভ করি,
 তাহাদের বৈরাগ্য কোথায় ?
 —ভোগের বৈরাগ্য, যোগে সম্পর্ক-বিহীন,
 নানারূপ অনর্থ ঘটায় ।
 গুরু যার বিলাস ব্যসনে অনুরক্ত,
 সে কি হয় রূপ, রঘুনাথ ?

বরং যে থাকে ভাল, গুরু লাভ করি,

ঘটায় সে অনর্থ উৎপাত।

গুরু করে সামাজিক শৃঙ্খলা ভঙ্গন,

শিষ্য পৃষ্ঠপোষনে তাহার,

কোনস্থানে গুরুসেবা কায়মনে করি,

শিষ্য হয় ভাগী লাঞ্চার।

শিষ্য দিয়া উদ্ভট বিভৎস কর্ম্য করে,

এক সাক্ষী দেপ তার ঢাকা শ্রীনগরে।

গুরু শিষ্য ঘটাইয়া কল্কী-অবতার,

যে কাণ্ড করিল তাহা মুখে আনা ভার।

গুরু ঝুলে ফাঁসিকাণ্ডে এক শিষ্য নিয়া ;

শিষ্য ভোগে কারাবাস দ্বীপাস্তুরে গিয়া ।১

১। ঢাকার অন্তর্গত শ্রীনগরে একজন দক্ষপ্রাণ এল্ এম্ এম্ ডাক্তার ছিলেন। তিনি সর্বদাই সাধুসমাজের সেবাপরায়ণ ছিলেন। অনেক সাধু সন্ন্যাসী তাঁর নিকটে আসিতেন। একবার দুই শিষ্য সঙ্গে এক সাধু আসিল। সে মাত্রিকে চিনি বনাইতে লাগিল,—লোকের অতীত ভবিষ্যৎ বলিতে লাগিল। নানারূপ গন্ধ ছাড়িতে লাগিল। চক্রে কোন গন্ধ নক্ষত্রের মধ্যে কোনটায় কোন গন্ধ তাহা দেখাইতে লাগিল। অনেক লোক তার ভেদীতে তার শিষ্য হইল। ডাক্তারবাবুও শিষ্য হইলেন। ডাক্তারবাবুর বাড়ীর অল্প লোক তাহাতে ছুঃখিত হইলেন। কিন্তু উপার্জন করিয়া সংসার প্রতিপালন করেন—তিনি সকলের রক্ষক—তাই মনে মনে সাধুর প্রতি বিরক্ত হইলেও কেহ কোন কথা বলিত না। ক্রমে তিন বৎসর গত হইল। গুরু সঙ্গে গুরুরূপায় ডাক্তারবাবু সাধনচক্রে চক্রী হইলেন। গাঁজা খাওয়া, কারণ করা অভ্যাস করিলেন। মাথা কিছু খারাপ হইল। গুরুর সঙ্গে যে দুই শিষ্য ছিল তার একজন চণ্ডাল একজন ব্রাহ্মণ। চণ্ডাল মর্হাবলবান, ব্রাহ্মণ কৃশকায় দুর্বল। গুরু যাহা বলে ডাক্তারবাবুর তাহাতেই অটল বিশ্বাস। গুরু কল্কী-অবতার করিতে মনস্থ করিলে, ডাক্তারবাবু উপকরণ জোগাড়ে প্রবৃত্ত হইলেন। যজ্ঞ আরম্ভ হইল,

নদীয়া জেলার মধ্যে অশ্রু এক গুরু,
 মাতাল হইয়া পানরিয়া লঘু গুরু,
 মাকে দিয়া শিশু-পুত্র কাটিয়া কুটিয়া—
 রাক্কাইয়া খায় মাংস হরিবোল দিয়া;
 শিষ্য বাইল গুরু শেষে দীপাস্তুর,
 সমস্ত সংবাদপত্র এ তথ্য প্রচারে।
 অশ্রু এক গুরু কাকিনাড়া একবার,
 ফৈশানের মধ্যে করি বিস্তৃত পশার,

ডাক্তারবাবুর বাড়ী চারিদিকে প্রাচীর আঁটা। সেই বাড়ীর মধ্যে যজ্ঞস্থান
 হইল। পাচ টান কেরোসিন, ছহঁ টান ঘি, এক গাড়ী খড়ী, বাড়ীর লেপ তোম
 বালিশ। কাট সাজাইয়া, লেপ তোমক তার উপরে দিয়া, কেরোসিন
 চালিয়া আগুন ধরান হইল। তাব পরে গুরু চণ্ডাল শিষ্যকে বলিল, এই ব্রাহ্মণের
 অগ্নে বৈকুণ্ঠ পাঠাও। চণ্ডাল ব্রাহ্মণ শিষ্যকে গলায় ছুরি মারিয়া খুন কারয়া
 আগ্রনের মধ্যে ফেলাইল। তখন ডাক্তারবাবুর ব্রাহ্মণ পুলিশে খবর দিল,
 অশ্রু পরিজনবর্গ স্ত্রীলোক বালকেরা পলাইতে লাগিল। ডাক্তারবাবুর স্ত্রীকে
 তখন ধরিয়া আনা হইল পাচ বৎসরের পুত্রকেও ধরিয়া আনা হইল। পুত্রকে
 কেরোসিন ভিগ্নান কাপড়ে জড়াইয়া আগ্রনের মধ্যে আহুতি দেওয়ার উপক্রম
 করা হইলে পাড়ার লোকেরা ছিনাইয়া নিয়া রক্ষা করিল। কিন্তু চণ্ডালটা
 স্ত্রীকে বলপূর্বক শোয়াইয়া এক পা পাড়াইয়া ধরিয়া, আর এক পা হাতে ধরিয়া
 তাহাকে ফাড়িয়া ফেলিবার চেষ্টা করিতে লাগিল। তখন স্ত্রীর আর্জুনাদে অগণ্য
 লোক বাড়ীর মধ্যে ঢুকিয়া পড়িল। পুলিশও ইহার মধ্যে আসিয়া পড়িল।
 সব গেলার হইল। মোকদ্দমা হইল। গুরু ও চণ্ডালের ফাঁসি হইল। ডাক্তার
 বাবুর স্ত্রী সাক্ষীতে বলেন "আমার স্বামীর কোন দোষ নাই। গাঙ্গা খাওয়াইয়া
 তাহাকে পাগল করিয়া এই সব কর্ম করাইয়াছে। ডাক্তারবাবু দশ বৎসর
 কারাবাসের ছকুম হয়। ঢাকা প্রকাশে এই ঘটনা প্রথম প্রকাশিত হয়।
 ইহা মাত্র পচিশ বৎসর পূর্বের কথা।

ফেশনের কর্মচারী কোন ভদ্রজনে,
 শিষ্য করি যায় আসে তাহার ভবনে,
 সরল স্ববুদ্ধি শিষ্য অতি ভক্তিম্যান,
 গুরুকে করয়ে সেবা ঈশ্বর সমান।
 গুরু কিন্তু পশুতুল্য অতি কামাতুর,
 সংগোপনে করে কার্য ঘৃণিত পশুর,
 শিষ্যের বিধবা ভ্রাতৃদম্পকে লইয়া।
 একদিন শিষ্যপত্নী স্রচক্ষে দেখিয়া,
 অহিনেন সেবনে করিল প্রাণভাগ,
 পলাইল গুরু সমাপিয়া মহা যাগ ॥

গুরু হ'য়ে শিষ্যের গহনা করে চুরি,
 শিষ্য তাহা পায় শেনে মোকদ্দমা করি ॥
 কত গুরু শিষ্যানীর টাকাকড়ি নিয়া,
 করুণা দেখায় দিয়া কাশী তাড়াইয়া ॥
 বড় বড় গুরুর ঘটনা বড় বড়,
 বৃটিশ আইনে লোক রহে জড় মড়।”

সন্তান কহিল ধীরে, “সত্য এ সকল।
 (কিন্তু) নর্দমার জল কতু নহে গঙ্গাজল।
 দুর্ভজন বসিলে পূজ্য গুরুর আসনে,
 স্বভাবে কুকার্য করে সকলেই জানে।
 রত্ন নিজড়িত হার মর্কট-গলায়,
 পরাইলে ছিন্ন করি আনন্দ সে পায়।
 মাংসপ্রিয় শার্দূল রাজহ যদি পায়,
 প্রজামাংস ভক্ষে সুখে প্রভাতে মক্কায়।
 তার জন্য রাজদর্শ্য নিন্দনীয় নহে,
 রাজা ভিন্ন এ সংসারে কোন্‌ধায় কে রহে।

নিবেক বৈরাগ্যহীন ভোগাসক্ত নর,
 কৌশলে বিমুক্ত করি মূঢ়ের অন্তর,
 গুরু হয়, করে পূর্ণ আপন বিলাস,
 শিম্যেরা যোগায় বসি গণ্ডারের ঘাস।
 এ সকল সঙ্গে গুরু তুলনীয় নহে,
 পুন্যায় গুরুলোক বহু উচ্ছে রাহে।
 এখনও গুরুলোক বিস্তারি আলোক,
 অন্ধকার করনে বিনাশ,
 এখনও অন্ধ জনে পথ দেখাইয়া,
 নিয়া যান শান্তির নিবাস।
 এখনও অর্ঘ্য লোক গুরুগণ জন্য
 ভুলে নাই কর্তব্য তাহার।
 লক্ষ বিপ্লবের মধ্যে যোগ জ্ঞান ভক্তি,
 রাখিয়াছে বন্ধে করি হার ?
 এখনও গুরুবলে শ্রীনিবেকানন্দ
 চিকাগোর ধর্ম সম্মিলনে,
 প্রকাশিয়া সনাতন ধর্মের রহস্য
 সম্মানিত সর্বোচ্চ আসনে।
 এখনও শ্রীত্রৈলঙ্গী, শ্রীভাস্করানন্দ,
 শ্রীবিহারীলাল বঙ্গবাসী,

শ্রীত্রৈলঙ্গী—শ্রীশ্রীত্রৈলঙ্গ স্বামী, কান্দীধামে থাকিতেন, সাড়ে তিন শত বৎসর
বয়সী।

শ্রীভাস্করানন্দ—শ্রীশ্রীভাস্করানন্দ স্বামী, শীতে গ্রীষ্মে উলঙ্গ থাকিতেন।
বেদান্তের অধিতীয় পণ্ডিত। রুশিয়ার সম্রাট জার নিকোলাস ও মধ্যপ্রদেশের
শাসনকর্তা মাক্‌ডোলাও সাহেব তাঁহাকে অভ্যর্থনা করেন।

শ্রীবিহারীলাল মুখোপাধ্যায়—শ্রীশ্রীত্রৈলঙ্গ স্বামীর মত শীত উষ্ণ সুখ দুঃখে
সমজ্ঞান ছিলেন। বাড়ী ঢাকায়। দশাধমেঘ ঘাটে তাঁহার প্রতিকৃতি আছে।

গুরুবলে জীবমুক্ত হইয়া সকলে,
 সমুজ্জ্বল করে বারাণসী ?
 অতএব গুরুলোক নহে মেঘাচ্ছন্ন,
 গুরুর মাহাত্ম্য নহে ক্ষীণ,
 নিন্দনায় নহে গুরু ভক্তি গুরুপূজা,
 গুরুমন্ত্র নহে শক্তিহীন ॥
 জ্ঞানময় তত্ত্বদর্শী গুরু আছে ধার,
 গুরুর মাহাত্ম্য সেই জানে ।
 গুরুর গৌরবে কত গৌরব তাহার,
 অশুভ্রুত নিত্য তার প্রাণে ॥
 বরং তেয়াগি ধন্যতত্ত্বানুশীলন,
 তেয়াগিয়া সাধুগুরু সঙ্গ
 তেয়াগিয়া সদাচার, তপস্যা, সংমম,
 তেয়াগিয়া ভক্তির প্রসঙ্গ,
 অবলম্বি বিজাতীয় ঘৃণা বিলাসিতা,
 অবলম্বি জড়ত্বের ভাষ্য.
 অবলম্বি অবিশ্বাস, আর অহঙ্কার,
 দিন দিন মোরা পরিহাস্য ॥
 ভারতের আৰ্য্য জাতি, যাহাদের ধর্ম
 সর্বজীবে দয়া, অনুরাগ,
 বিবেক বৈরাগ্য আর ভক্তি ভগবানে,
 আর তুচ্ছ বিলাসিতা ত্যাগ,
 তারা আজি দেবত্ব করিয়া পরিহার,
 পরবেশি রাক্ষসের দলে,
 হইয়া ব্রাহ্মণ ঘাড়ে গাইয়া বন্দুক,
 পশু পক্ষী মারিবারে চলে ॥

রাক্ষসের মত করে ব্রাহ্মণে আহার,
 ভাবে তাহা মহাপুরুষার্থ ;
 • বিলাসীর পরিচ্ছদ উপায়ের প্রায়,
 জাতি এবং বৃত্ত অপমানার্থ ॥
 মগৌরনে লক্ষ্য নাট, ঐক্য নাট মনে,
 লক্ষ্য নাট সম্ভাবনামনে,
 মতান্তরসম্মানে চিত্ত প্রদাবিত নয়,
 শুদ্ধবুদ্ধি সম্ভবে কেমনে !!
 শুদ্ধবুদ্ধি লিয় ভক্তি ভগবানে কায়,
 শুদ্ধ ভাবে অন্তরে সম্ভবে !
 শুদ্ধভক্তি না জন্মিলে সদগুরু নিমিত্ত
 ব্যাকুল কে কোথা হয় কনে !!
 করকোষ্ঠী কপাল গণিতে পারে যারা,
 রোগের ঔষধ দিতে পারে ;
 বন্ধার সন্তান জন্ম মাদুলী পরায়,
 মূর্থ নরে গুরু করে তারে ।
 ধূলী তুলি হাতে দিয়া চিনি যে পাওয়ার,
 গন্ধ ছাড়ে ছুঁছোর মতন,
 মোহান্ন সগাজে উচ্চ গুরু তার নাম,
 তার শিষ্য হয় বহুজন ॥
 হেন গুরু ঘটাইলে অধর্ম অন্যায়,
 তাহা তঁর স্বভাবের কর্ম ।
 —পয়োধরে বসি জেঁক রক্ত চুমি খায়,
 বস্ত্র কাটা মূষিকের ধর্ম ।
 তার জন্ম সাধু গুরু মনস্বী মণ্ডলে,
 কি নিমিত্ত হবে অপবাদ,

গঞ্জিকা দোকানে রসগোল্লা না পাইয়া,
 কার চিন্তে হুটে অবসাদ !!
 অশ্বেমিয়া কর গুরু তত্ত্বদর্শী জন্মে,
 অনর্থ ঘাহার চিন্তে নাই,
 ভেদবুদ্ধি শূন্য, সদা বৈরাগ্যে আসীন,
 গ্রাম্যালাপ নাহি য়ার ঠাই ।
 ভক্তিতত্ত্ব শ্রবণ কীর্তনে যে তন্ময়,
 মাতৃভাবে চরিত্র নিৰ্ম্মল,
 হেন শুদ্ধ-বুদ্ধি জনে বরি গুরু পদে,
 পান কর ভক্তি-পরিমল ॥
 গুরু সঙ্গে কি নিমিত্ত হবে গ্রাম্যভাব,
 স্বর্গের দেবতা তিনি হন ।
 সর্বদা ভক্তির পাত্র, সর্বদা নিৰ্ম্মল,
 পূত কর্তা পরশ-রতন ।
 আশ্বহিতকর তত্ত্ব—আলোচনা ভিন্ন,
 তথা কেন রহিবে অশ্রায়,
 —সুধাভাণ্ডে যবে কেন ভেরাণ্ডার কষ,
 রহিলে তা পানে কে কোথায় !!
 গুরুপদে প্রার্থে যোগী যোগের কৌশল,
 বিবেক বৈরাগ্য চাহে জ্ঞানী ।
 ভক্তে চাহে ভাগবত-শ্রবণ-কীর্তন,
 ভোগৈশ্বর্য চাহে অভিমানী ॥
 নোহাক মানব চলে প্রবৃত্তির পথে,
 করিতে ভোগের অশ্রবণ ।
 গুরু হয়, শিষ্য হয়,—উভয়ে সমান,
 ইন্দ্রিয়ের হৃত্য জসুক্ষণ ।

নির্নিময়ী ভাগবত গুরুর নিকটে—

ইন্দ্রিয়ের ভৃত্য কেন যাবে,

যাইলে শু মনে মহা সঙ্কট গণিয়া,

না বলিয়া গোপনে পলাবে ॥

তৃষ্ণা বিনা জলপানে আগ্রহ কে করে,

—চকোরেই চন্দ্রসুধা চায় !

যত্ন করি রাম নাম শুনাইলে, ভূত

ব্রহ্মদৈত্য তরাসে পলায় ।

শঠের সহিত ঘাটে শঠের সঙ্গ,

দুর্শক্তি পরিয়া গুরুসাজ,

শিথিয়া কৌশল আসি দুর্শক্তি মণ্ডলে

হয় এক গুরু মহারাজ ॥

শিষ্য চাহে দারা পুত্র প্রভুই ঐশ্বর্য,

গুরু চাহে কিছু কিছু অংশ ।

শিষ্য যদি সে দাবীতে আপত্তি উঠায়,—

গুরু উঠে করিতে নিরলংস ॥

বৈরাগ্যের মার্গে শান্তি বিরাজে যেমন,

আসক্তিতে কলহ তেমন ।

—কাড়াকাড়ি-মার্গে তথা লাঞ্ছনা দুর্গাম,

নিবারণে পারে কোন জন ?”

বলেন আতীরানন্দ, “শ্রবণ কীর্তন,

পূর্বে বলিয়াছ ভক্তি-সাধন-লক্ষণ ।

গোঁসাই বৈষ্ণব গুরু ভাগবত নিয়া,

শিষ্য গৃহে আসি কত যায় শুনাইয়াণ

কিন্তু তাতে হয় কে বা রূপ রথুনাথ ।

মনুষ্যই লাভে কে বা করে দৃষ্টিপাত ?”

উত্তরে সম্ভান, “যথা শ্রবণ কীর্তন,
 সাধনাকে অবলম্বি করে কোন জন,
 শিষ্য তথা ভক্তিমাগে হয় অগ্রসর,
 তার সাক্ষী শ্রীবিজয়কৃষ্ণ ভক্তবর ।
 তাঁর উপদেশে, তাঁর শিষ্য বহু জন,
 মনুষ্যক লভি হত সাধক সজ্জন ।
 আর সাক্ষী শ্রীশ্রীরামকৃষ্ণ দেবে পাই,
 শ্রীবিবেকানন্দ স্মৃতি হ’ত যার ঠাই ।

“কিন্তু যথা হরিগুণ গানে লক্ষ্য ঢাকা,
 শিষ্য ভাবে, ঢাকা মধ্যে হরিপদ ঢাকা ।
 গুরু আসি ভাগবত শিষ্যকে শুনায়,
 রুক্মিণীর বিবাহের মালা বালা চায় ।
 শ্রীকৃষ্ণের অন্নভিক্ষা শুনায় যখন,
 শিষ্য ঠাই দাবী করে চা’ল চারি মণ ।
 আটা চায়, উঁটা চায়, স্নাত চায় খাঁটা,
 বামন ভিক্ষায় চায় জুতো, ছাত্তি, লাঠি ।
 বস্ত্রহরণের বস্ত্র যারা যত দিবে,
 প্রভু কহে, “তারা তত ব্রজধামে যাবে ।”
 এইরূপ শ্রবণ কীর্তন যথা হয়,
 বৈরাগ্য কি ভক্তি তথা জন্মিবার নয় ।

“আপন কল্যাণ চিন্তা চিন্তে নাহি যার,
 শিষ্য জুঠি কি কল্যাণ সাধিবে সে তার ?
 সংসারী—বৈরাগ্য যবে বুঝাইতে বসে,
 কহে কথা সংসারের সহিত আপোষে ।
 কথায় বৈরাগ্য, মনে ভাবনা সংসার,
 —যাহা খায় উঠিবে ত তাহারি উদগার ।

“প্রচলিত-প্রথা-রক্ষা-হেতু শিষ্য হয়,
মন্ত্র কাণে নিয়া দেহ শুদ্ধ করি লয় ।
শিষ্য দীক্ষা চায় মাত্র দেহশুদ্ধি-তরে,
দীক্ষা দিয়া গুরু কিছু উপাঙ্গজন করে ।
সাধনার নাম গন্ধ নাহি কারো কাছে,
অতএব তার মধ্যে আলোচ্য কি আছে ?”

কহে বৃদ্ধ রত্নগিরি. “যাহা শুনিলাম.
তাহাতে দীক্ষার মূল্য নাহি. বুঝিলাম ।
নির্বিনয়ী গুরু নিত্য কোথায় মিলিবে—
বিবয়ান্ন নরে চক্ষুদান কে করিবে ?
নির্বিনয়ী সন্ন্যাসীর নিকটে যাইয়া
দেখিয়াছি, প্রায় তারা দেয় তাড়াইয়া ।
তারা দেয় তাড়াইয়া, এরা টেক্স চায়.
বুঝি না দীক্ষার্থী মোরা যাই বা কোথায় ?”

উত্তরে সম্ভ্রান, “যাহা সত্য বুঝিতেছি,
—কালী যা বলায়—আমি তাই বলিতেছি ।
বহু স্থানে কুলগুরু আছেন সজ্জন.
নির্বিনয়ী না হলেও মোহমুক্ত নন ।
বহু শিষ্য তাঁহাদের উপদেশ নিয়া,
সাধনার পথে যান আনন্দে চলিয়া ।
দীক্ষার যথেষ্ট মূল্য সে সকলে আছে ।
সে সকলে নিঃশব্দ কোথা ঘটিয়াছে ।
কিন্তু যথা দীক্ষা মাত্র অর্থের সঙ্কেত,
গুরু মনে করে শিষ্যে বেগুনের ক্ষেত,
নাহি তথা সমুদায় লাভে সম্ভাবনা ।
বিবেক বৈরাগ্য ভক্তি তথায় ঘটে না ।”

হেনকালে এক ভক্ত, নাম কালীপদ
 তট্টাচায়া,—কালী নাম যাহার সম্পদ ।
 পুরুষানুক্রমে তারা করে গুরুগিরি,
 উঠি দাঁড়াইয়া কিছু কহে ধারি ধারি,
 “ শুনিলাম বলক্ষণ গুরুশিষ্য কথা,
 সব সত্য, আমি তার না বলি অশ্রুধা ।
 কিন্তু মোর মনে এক জাগিছে সংশয়
 অবনতি কেবল গুরুর দোষে নয় ।
 কালধর্ম, যুগধর্ম—রোধে সাধ্য কার,
 এ কাল কালির, কলি মহারাজা তার ।
 কলির অধর্মে তার অশ্রায় বিচারে,
 সমগ্র পৃথিবী ঘোর তম অন্ধকারে ।
 সবত্র মিথ্যার জয় ; সবত্র মানব,
 আত্মশ্লাঘা দস্ত দর্পে গর্বিবত দানব ।
 স্বার্থপর, পরহিংসাপ্রিয়, দয়াহীন,
 গুণের সম্মান নাই, দুন্দুভে মূর্দিন ;
 কার্গিনীর মোহে অন্ধ, ঘোর কামাতুর,
 কামার্থ সঞ্চয়ে অর্থ, অনর্থ প্রচুর ।

এ যুগে স্বাধিক হ'লে দুঃখে নাহি পার,
 সর্ব ঠাই সে কেবল ভাগী লাঞ্চার ।
 অর্থহীন হ'লে, ঘৃণা সর্বত্র ঠাকুর !
 অর্থবলে হয় পূজ্য হ'লেও কুর ।
 কলির রাজত্বে, আর কলির শিক্ষায়,
 ভগবানে ভক্তিহীন মানুষ ধরায় ।
 পিতৃমাতৃ ভক্তি নাই ; রমণী সমাজে
 নাহি পারিত্রিক্য ; নর কুণ্ডায় সাজে ।

কালের প্রভাব, ইহা কলির প্রভাব,
 এ পাপে স্পর্শিত প্রায় সমস্ত স্রভাব ।
 মহীয়ান নিষ্কিঞ্চন সাধক যাঁহারা,
 প্রায়ই দেখি লুকায়িত রহেন তাঁহারা ।
 তাঁহাদের হিতবাক্য শুনিতে কে চায়,
 নিঃশব্দে নির্জনে তাঁরা থাকেন ধরায় ।
 কেবল গুরুর ক্রটি শুনিতে না চাই.
 পুরুষানুক্রমে গুরু, শিষ্য নাহি পাই ।
 অধিকাংশ লোকে প্রায় মোহাক্রমতন,
 ভোজ্য পেয় অশ্বেমণে ব্যস্ত অনুক্ষণ,
 সত্য মিথ্যা ত্রায়ান্তায় না করি বিচার,
 যাহাদের কার্য্য মাত্র অর্থ রোজগার,
 হিতবাক্য বলিলেও গুরুর কথায়,
 কর্ণপাত করে তারা সংসারে কোথায় ?

“গুরু যদি বলে, “পরনিন্দা ছাড় আগে ;”

শিষ্য বলে, “পরনিন্দা দেশহিতে লাগে ।”

গুরু যদি বলে, “মিথ্যা আর বলিও না ।”

শিষ্য বলে, “তুমি হেথা আর আসিও না ।”

গুরু যদি বলে, “আর না লইও যুগ ।”

শিষ্য বলে, “বেটা কি অভঙ্গ অমানুষ ।”

গুরু যদি বলে, “শুন দুটো ঋষ্য কথা ।”

শিষ্য বলে, “এবে মোর অবসর কোথা ?”

গুরু যদি বলে, “চল গঙ্গাস্নানে যাই ।”

শিষ্য বলে, “গিন্নীর শরীর ভাল নাই ।”

গুরু যদি বলে, “কেন বেশ্যা বাড়ী যাও ?”

শিষ্য বলে, “তোমার মস্তুর ফিরে লও ;”

গুরু যদি বলে, “ছাড় সিগারেট বিঁড়ি।”
 শিষ্য বলে, “এ সকল সভ্যতার সিঁড়ি।”
 গুরু যদি বলে “কর চরিত্র উদ্ভম।”
 শিষ্য বলে, “কিসে তুমি দেখ মোরে কম ?”
 গুরু যদি বলে. “শিষ্য ছাড় অহঙ্কার।”
 শিষ্য বলে, “আমি শ্রীচৈতন্য অবতার।”
 গুরু যদি বলে, “কর সংযত আহার।”
 শিষ্য বলে, “অন্ন-কর্ষ ঘাটেনি আমার।”
 গুরু যদি বলে, “পিতৃমাতৃভক্তি কর।”
 শিষ্য বলে, “তুমি আগে বাইবেল পড়।”
 গুরু যদি বলে, “একটু হও সদাচার।”
 শিষ্য বলে, “তাতে দেশ না হবে উদ্ধার ?”

“উপযাচি তিত্বাক্য করিলে গোচর,

বিষয়াক্ষ শিষ্যে করে এরূপ উত্তর।
 তার পরে দারিদ্র্যে এ দেশ জর্জরিত,
 ঘরে ঘরে অন্ন বস্ত্র ক'র্ষ বিস্তারিত।
 যাগ যজ্ঞ করিতে আগ্রহ আর নাই।
 —যজ্ঞ দান তপঃ ক'র্ম অশ্বেষি না পাই।
 আত্মোন্নতি কিসে হবে, সর্বত্র এখনে,
 কার্পণ্য ব্যতীত কিছু না পড়ে নয়নে।
 গুরুর কি দোষ, আর শিষ্যের কি দোষ,
 মহামন্ত্র কর্ণে এবে কলির নির্ঘোষ ?”

বলেন আত্মীরানন্দ, “যাঁরা মহাজন,
 সর্বত্র সর্বদা তাঁরা মঙ্গল কারণ।
 মায়ামুক্ত জীবে তাঁরা শক্তি সঞ্চারিয়া,
 পানেন ত নিতে পুণ্যপথে উঠাইয়া।

তাঁহাদের কৃপা ভিন্ন মনুষ্যত্ব আর,
সম্ভবে না দেশে, এই ধারণা আমার .”

উত্তরে সম্ভান, “অতি দীর্ঘকাল রোগে
উত্থান রহিত, যদি কোন ব্যক্তি ভোগে ।

মৃত্যু তার যত অশ্রায়াসে লভ্য হয়,
রোগমুক্তি তার তত শীঘ্র লভা নয় ।

এ আর্ঘ্যসমাজ অতি দীর্ঘকাল হ’তে,
নানা ভাগে ছিন্ন ভিন্ন, চলে নানা মতে ।

একমাত্র শক্তিপূজা ছিল যতদিন,
ততদিন ছিল এরা সর্বত্র স্বাধীন ।

তারপরে শক্তিপূজা জন্ম শক্তিমান,
পূজিতে বসিয়া এরা হল শতখান ।

শত শত ব্যক্তি বস্তু পূজা আরম্ভিল,
শত শত সম্প্রদায় তাতে উৎপাদিল ।

শত শত মন্ত্র, শত শত হল শাস্ত্র,
—শাস্ত্র নহে আজনাশী শত শত অস্ত্র ।

শত শত হল জাতি, শত শত দল,
—পরস্পরে হিংসা নিন্দা কলহ কেবল ।

একদেশদর্শী হ’ল শত শত গুরু
ঈশ্বর হইল কত হাতী ঘোড়া গুরু ।

শতখণ্ডে ভাঙ্গিল পর্বত হিমালয়,
—অভ্রভেদী শৃঙ্গ এবে পদতলে রয় ।

• “শক্তি পূজে, কিন্তু আর নাহি শক্তিমান
কলির কবলে চূর্ণ কালীর সম্ভান । •

ব্রহ্মসাদী গুরুর অভাব উপজিল,
পূজার পদ্ধতি সব উলটিয়া গেল ।

বিদ্যাশক্তি পূজতে ছাড়িয়া অধ্যয়ন
 পূজতে বঙ্গিল পুঁথি দোয়াত কলম ।
 ত্যাগিয়া বাণিজ্য কৃষি গিয়া নাড়ু বড়ি,
 লক্ষ্মীপূজা আরম্ভিল লোকে বাড়ী বাড়ী ।
 সত্য ছাড়ি পূজা করে সত্যনারায়ণে,
 চিনি কলা ছুদ গুলি খায় সর্ববজনে ।
 কোথা সত্যনারায়ণ, মোরা যা কোথায়,
 —নারায়ণ কৃপা নাই মিথ্যার ধরায় ।
 কোথা কর্ম, ভক্তি, জ্ঞান, মোরা যা কোথায়,
 —কর্ম ছাড়ি কল্পনায় কে বা সিদ্ধি পায় ।
 সম্প্রদায় মোহে বন্ধ গুরু ঘরে ঘরে,
 পরম সুখদ ব্রহ্মানন্দ কে বিতরে ।
 সর্বত্র বিস্তৃত শক্তি—তুঙ্কের মাখন,—
 গুরু নাই শিখাইতে সাধন-মন্ত্রন ।

“নিষ্কিঞ্চন মহীয়ান মহাজন যারা,
 শিক্ষা দিলে, সেই শিক্ষা গ্রাহ্য করে কারা ?
 মিথ্যা সংস্কারে মিথ্যা আচারে অভ্যস্ত,
 জন্মাবধি বৃথাকর্মে অতিশয় ব্যস্ত,
 তাহাদের অভ্যাসের প্রতিকূলে ডাকি,
 সত্য বুঝাইলে বলে, “দিয়া গেল ফাকী ।”
 ভক্ত যুহাজনে নাহি দিলে অধিকার,
 ব্রাহ্মি বিনাশিতে শক্তি কোথায় কাহার !
 শক্তি সঞ্চারের কথা প্রায় সবে বলে,
 কিন্তু শক্তিসঞ্চার কি খাটে সর্বস্থলে ?
 শ্রীচৈতন্য নিত্যানন্দ করুণাবতার,
 জগাই মাধাই দোহে করেন উদ্ধার,

তারা ছাড়া আরো কত জগা মাধা ছিল,
করুণার অবতारे তারা কে তরিল ।
মূল কথা স্মৃতির জোর না থাকিলে,
সাধুসঙ্গ ঘটিলেও সুবুদ্ধি না মিলে ।

যাহাদের থাকে পূর্ব স্মৃতির বল,
প্রায়ই দেখি সাধুসঙ্গে তারা পায় ফল ।
নানা সঙ্গদোষে তারা পক্ষ মাথে গায়
রহে ভস্মে আচ্ছাদিত হতাশন প্রায়,
সুসঙ্গ-বাতাসে ভস্ম দেয় উড়াইয়া,
দৃশ্যমান হয় অগ্নি স্মৃতি ধরিয়া ।”

কহে বৃদ্ধ রত্নগিরি, “যাঁরা মহাজন,
তাঁহারাও হন কিছু স্বভাবে কৃপণ ।
দেখিয়াছি তাঁহাদের নিকটে যাইয়া,
একথা সেকথা বলি দেন তাড়াইয়া ॥”

উত্তরে সন্তান, “ধিনি মহামহীয়ান
কৃপণতা তাঁর চিন্তে নাহি পায় স্থান ।
ধীশক্তি থাকিলে করে যোগ্যতা বিচার ।
যে যেমন, বলেন তাহাকে সে প্রকার ॥

“মন্ত্রের অযোগ্য দেখি মন্ত্র নাহি দিয়া,
কুনকে বলেন, “খাও লাঙ্গল চষিয়া ।”
“বৈরাগীকে” হাতী দিলে হব্বে মিছামিছি ।১।
বৈষ্ণবী কিনিবে, হাতী পাঁচ সিকা নেচি,
দোকানীকে ভাগবত দান করা বৃথা,
মশলার টোল্লা বাক্কে ছিঁড়ি তার পাতা ।

১। বৈরাগীকে—জনসমাজে যাহারা বৈরাগী বৈষ্ণবী নামে পরিচিত।
ভিকারীর দল ।

বিষয়াক্ষ কৃপণে শুনিয়া ব্রহ্মবাদ,
 কড়ু নাহি ছাড়ে তার সূদের বিবাদ ।
 সেইজন্য যে পথে যে সর্বদা আকৃষ্ট,
 সে পথে যুরায়ে তাকে উঠানো উৎকৃষ্ট ।
 বিষয়ীকে বিষয়ের পথে হাটাইয়া
 নিতে চান তিনি শুদ্ধ পথে উঠাইয়া ।
 তাই তিনি অগ্রে নাম মন্ত্র নাহি দেন,
 মন্ত্র দিয়া নামে অপরাধ না কিনেন ॥
 “শ্রদ্ধাহীনে দেয় নাম, রটে অপরাধ,—
 ইহাই ত নামের নবম অপরাধ ॥
 গুরুগিরি কারবার খুলিয়াছে যারা,
 নামে অপরাধ চিন্তা নাহি করে তারা ।
 যথার্থ সাধক যিনি তিনি সাবধান,
 কর্তব্য করি অপরাধ নাহি নিতে চান ॥”

বলেন মাধবদাস, “সাধনার দেশ,
 যত বাধা বিস্ত্রে পূর্ণ নাহি তাব শেষ ।
 দেশ কাল পাত্র সদা সর্বত্র বিচার্য্য,
 বিচারিয়া চলে যারা তারাই আচার্য্য ॥”

বলেন শ্রীশ্যামানন্দ, “গুরুদেব প্রতি,
 শিষ্যের কর্তব্য কিছু বল ;
 যে প্রকার গুরুভক্তি কর্তব্য শিষ্যের ;”
 ধীরে ধীরে সম্বাদন করিল,—

“অবস্থা নগরে গুরু নাম সন্দীপন,
 শিষ্য তার উদ্দালক—ভারতে বর্ণন ।
 উদ্দালকে দিয়া গাভী চরাইতে ভার,
 আনন্তিল সন্দীপন পরীক্ষা তাহার ।

একদিন মন্দীপন উদ্দালকে ডাকি,
জিজ্ঞাসিল, “তোমা বড় ঈর্ষপুষ্ট দেখি ।
কি সামগ্রী খাও তুমি, কিবা কর পান ?
কার গৃহে যাও, তোমা কে কি করে দান ?”

শিষ্য বলে, “গাভীগণ দোহন করিয়া,
যবে দূর বনে যাই, গৃহে দুফ দিয়া,
বৎসগণ দুফ পান করার সময়,
লইলে দু এক ধারা ক্ষুধা শাস্তি হয় ।
এইরূপে দুই এক ধারা দোহি খাই ।”
গুরু বলে, “সর্বনাশ ! দেখি আমি তাই,
বৎসগণ হইতেছে ক্রমে শীর্ণকায়,
ভাল শিষ্য ! বৎস মারি দুফ দোহি খায় !
এমন নিষ্ঠুর কৰ্ম্ম আর না করিবে,
করিলে নিশ্চয় মোর নিগ্রহে পড়িবে !”

“পুনঃ কিছুদিন পরে শিষ্যকে জিজ্ঞাসে
এত পুষ্ট দেহ তুমি করিতেছ কিসে ?
মোর আজ্ঞা লঙ্ঘি বুঝি দুফ দোহি খাও,
লঙ্ঘিতে আদেশ মোর ভয় নাহি পাও !”

উত্তরিল উদ্দালক—করি জোড় কর,
“ক্ষুধার্ত হইলে যাই নগর ভিতর ।
ভিক্ষা করি উদরের বহুনা জুড়াই ।”
গুরু কহে, “হেন শিষ্য কভু দেখি নাই ।
চিরকাল এ পদ্ধতি ধর্ম্মপথে রয়,
ভিক্ষালক্ষ সামগ্রী গুরুকে দিতে হয় ।
তুমি শিষ্য কর কার্য্য তার বিপরীত,
ভাল শিষ্য জুটিয়াছে আমার সহিত ।

আজ হ'তে, সারাদিন ভিক্ষায় যা পাবে,
সন্ধ্যাকালে ভক্তিভরে মোকে আনি দিবে।”

“যে আজ্ঞা” বলিয়া শিষ্য করিল গমন,
ভিক্ষা করি করে নিত্য গুরুকে: অর্পণ।
ডাকিয়া জিজ্ঞাসে গুরু কিছুদিন পরে,
এবে কিসে আছ এত পুষ্ট কলেবরে ?”

শিষ্য কহে, “সারাদিন ভিক্ষা যাহা পাই।
সন্ধ্যায় ওপদে সব সমর্পিয়া যাই।
সাত্ৰিকালে ভিক্ষা করি গৃহেশ্বর দ্বারে,
এড়াই ক্ষুপার জ্বালা—আছি এ প্রকারে।”

শুনি গুরু সন্দীপন আরক্ত লোচন,
বলে, “বেটা করে নিত্য কৌশল সৃজন।
যে কার্য্য করিতে আমি নিত্য করি গান্য,
সেই কার্য্য করে করি নৃতন কল্পনা।
গুরু আমি, শিষ্য তুই, ধর্ম্মের বিচার,
ভিক্ষালব্ধ দ্রব্যে-তোরে কোন অধিকার ?
দিবারাত্রি ভিক্ষা করি করিবি অর্পণ,
না পারিস্ যথা ইচ্ছা কর্ পলায়ন।”

পুনঃ কিছুদিন পরে শিষ্যে শুধাইল,
“কি গো বাপু! শরীর যে ফুলিয়া চলিল!
শিষ্য কহে, “প্রভো খাই গোমূত্র গোবর।”
গুরু কহে, “দেখ, বেটা কিরূপ তস্কর।
গোমূত্র অভাসে মোর না হয় পাচন;
কুটের অভাবে ঘরে না ঘটে রন্ধন।
পুনঃ যদি গোমূত্র গোবর তুই খাবি;
এক দণ্ড মোর ঘরে রহিতে নারিবি।”

শুনি শিষ্য ভয়ে দুঃখে হ'ল ত্রিয়মান,
 ভাবিয়া মা পায় কিসে ঝাঁচাইবে প্রাণ ।
 গাভী রক্ষা হেতু বনে করিল গমন,
 অনাহারে তিন দিন করিল যাপন ।
 দুর্বল হইল চিত্ত, শীর্ণ হ'ল কায়,
 তবু গুরুভক্ত শিষ্য গোধম চরায় ।
 হইল অসহ্য ক্রমে ক্ষুধার বেদন,
 মত্ত সম অর্কপত্র করিল ভক্ষণ ।
 অর্কপত্র ভক্ষণে নাশিল দৃষ্টি-শক্তি ।
 অন্ধ হ'ল তবু না টলিল গুরু-ভক্তি ।
 গোধন পশ্চাতে শেষে চলে অনুমানে,
 মরে তবু গুরুসেবা ভিন্ন নাহি জানে ।
 শেষে পড়ি জলশূন্য কূপের ভিতর,
 উঠিতে নারিল অনঙ্গ কলেবর ।
 আঘাত-পীড়িত চিত্তে পড়িয়া রহিল,
 সন্ধ্যাকালে ধেনুপাল আশ্রমে পাশিল ।

শিষ্যকে না দেখি গুরু উদ্বিগ্ন অন্তরে,
 অশ্বেষিতে প্রবেশিল অরণ্য প্রান্তরে ।
 “কোথা উদালক !” বলি ডাকে উচ্চৈশ্বরে,
 শিষ্য বলে “আমি আছি কূপের ভিতরে ।”
 জিজ্ঞাসিল গুরু, “কূপে কিরূপে পড়িলে ?”
 কহে শিষ্য, “জ্বলি দুর্বিবসহ ক্ষুধানলে,
 অজ্ঞান হইয়া অর্কপত্র খাইয়াছি ;
 তার ফলে অন্ধ হয়ে কূপে পড়িয়াছি
 পড়িয়াছি, তাহে মনে দুঃখ নাহি গণি,
 আশ্রমে গিয়াছে ধেনুপাল যদি শুনি ।”

মিরখি গরখি ভক্তি গুরু সন্দীপন,
 সানাসিয়া, আনন্দে ঝরিল দুনয়ন ।
 করে ধরি তুলি শিষ্যে নিজ বন্ধে নিল,
 নিজের তপস্তু; দিয়া শক্তি সঞ্চারিল,
 অশ্বিনীকুমারদ্বয়ে করিয়া স্মরণ,
 অক্ষয় বিনাশি দিল প্রফুল্ল নয়ন ।
 জ্ঞানালোক দিয়া ঘুচাইল অন্ধকার,
 ধন্য গুরুভক্তি, ধন্য গুরুকৃপা আর !

উত্থা দ্বিতীয় শিষ্য, তাকে সন্দীপন,
 ধরিতে ক্ষেত্রের জল করিল প্রেরণ ।
 ক্ষেত্রের সলিল যদি বাহিরিয়া যায়,
 অনুবর রহে ক্ষেত্র শস্য না জন্মাব ।

উত্থা বান্ধিল আলি, বল বত্ত করি,
 বত বাক্কে তত ভাজি জল বার সারি ।
 সলিল ধরিতে নারি পড়িয়া ফাঁকরে,
 শয়ন করিল শিষ্য অম্লির উপরে ।
 হল দিন গত, ক্রমে আসিল রজনী,
 শিষ্যে না দেখিয়া গুরু চলিল আপসি ।
 “কোথা বৎস উত্থা !” বলিয়া ডাক ছাড়ে ।
 সলিলের নিম্ন হ’তে শিষ্য হাত নাড়ে ।
 শিষ্যেরু কর্তব্যজ্ঞান হেরি সন্দীপন
 আনন্দে ধরিয়া কর করে উন্মোলম ।
 আশীর্বাদ করিল করিয়া আলিঙ্গন,
 জ্ঞানের নয়ন দিল করি উন্মোলম ।
 সঞ্চারিয়া সর্বশক্তি করিল বিদায়,
 গুরুপদ ধূলি নিয়া শিষ্য গৃহে যার ।

গুরুভক্তি রহে যার কৃতার্থ সে জন,
গুরুমূর্তি অর্চি কত জন মহাজন ।

গুরুমূর্তি অর্চনায় সিদ্ধি কি প্রকার,
গুরুভক্ত একলব্য এক সাক্ষী তার ।
দোণের নিকটে অশ্ব-শিক্ষার্থী হইল,
ব্যাধ বলি গুরু তাকে তাড়াইয়া দিল ।
তাড়িত হইয়া শিষ্য আসি ঘন বনে,
দ্রোণ মূর্তি গাড়ি পূজে এক ভক্তি মনে ।
ভক্তের ঠাকুর হরি নিরখি সকল,
একলব্যে অর্চিলেন মহা অশ্ববল ।
অর্জুন অপেক্ষা হ'ল শ্রেষ্ঠ অশ্ববিৎ
নিরখিয়া একলব্যে বিশ্ব চমকিত ।
অতএব গুরুভক্তি স্থির রহে যার,
সর্বদর্শী ভগবান দেন পুরস্কার ।

গুরু চাই তত্ত্বদর্শী নির্মল-চরিত্র—
শিষ্য চাই স্থির-লক্ষ্য ভক্তিময়-চিত্ত ।
গুরু শিষ্যে অভিনয় অতি অনুপম,
দৃষ্টান্ত তাহার কথশিষ্য নরোত্তম । (১)

(১) কথ শিষ্য নরোত্তম—পারিশিষ্ট দেখ ।
অতএব উদ্দালক নরোত্তম মত
শিষ্য যদি হয়, গুরুবাক্যে অমুগত ।
গুরুগত প্রাণ শিষ্য নির্ভয় ধরায়,
জুলুয়া কহরে, “নাহি সন্দেহ তাহার ।”

শ্রীশ্রীকালীকুলକୁণ্ডলিনী ।

ষষ্ঠ দিন ।

তৃতীয় পরিচ্ছেদ ।

নমস্তে ভক্তলোকেশি ভক্তবিশ্ববিনাশিনি,
ভক্তসঙ্গপ্রিয়ে ভক্তচিদানন্দ-বিবন্ধিনি,
ভক্তনিন্দকঘাতিনি ভক্তগৃহবিনাশিনি,
ভক্তাবতার স্বরূপা ভক্তিমূর্ত্তিস্বরূপিনি ॥

জয়কালী কালত্রাসবিনাশিনী ত্রিলোকেশ-তমু-বাসিনী ।
ত্রিভাষে ভাপিত, চিরবিষাদিত মানস-উদ্ভাসিনী ॥
মঙ্গলময়ী মঙ্গলবাসনা, মঙ্গলমূর্ত্তি মঙ্গল-আসনা,
মঙ্গলবসনা, মঙ্গলভূষণা, মঙ্গলহাসে হাসিনী ॥
দীনাক্তপরিত্রাণপরায়ণা, রুগ্নভগ্নমগ্নে বিস্তৃত-করণা ।
অভয় দানিতে অবনোতে অবতীর্ণা শ্রীপরমেশানী ॥
মহিমা-মোহিত-অমরবৃন্দ, বন্দনে সদা পদারবিন্দ ।
ভুলুয়া গৌরবে, শ্রীপরসৌরভে মেদিনী উন্মাদিনী ॥

(বিবিটা)

সুধান শ্রীশ্যামানন্দ, “যারা প্রবর্তক

তাহাদের ধর্ম কি প্রথম ?”

উত্তরে সন্তান, “প্রবর্তকের প্রথমে

বর্ণাশ্রম ধর্মই উত্তম ।”

বলেন শ্রীপূর্ণানন্দ, “ভেদবুদ্ধিময়

কলহের ধর্ম বর্ণাশ্রম !”

উত্তরে সন্তান, “ভেদবুদ্ধি হয় গত,

অবলম্বি সাধানর ক্রম ।

প্রবর্তক হয় ক্রমে সাধকে উন্নত,

সাধক অনেক তত্ত্ব জানি,

সংশয়-বিমুক্ত হন ; হন সত্যপর,

হন সুবিশ্বাসী দিবাত্তানী ।”

বলেন শ্রীপূর্ণানন্দ, “সত্য সমর্থনে,

বর্ণাশ্রমে ঘটে ব্যতিক্রম ।”

উত্তরে সন্তান, “ভক্ত সত্যাকৃত হলে,

বর্ণাশ্রম করে আতিক্রম ।”

সুধান শ্রীপূর্ণানন্দ, “বর্ণাশ্রম ছাড়ি,

কি তাহার সাধনার ক্রম ?”

উত্তরে সন্তান, “বিশ্ব-সম্বন্ধ ভুলিয়া,

বিশ্বনাথে তন্ময় তখন ।

দেখে বিশ্বনাথ জলে স্থলে অন্তরীক্ষে,

মাত্র তিনি আত্মায় তাহার ;

সম্পদে বিপদে, কিংবা জীবনে মরণে,

তিনি ভিন্ন নাহি গতি আর ।

তখন তাহার প্রেমে তাঁর পাদপদ্ম,

বক্ষে ধরি উল্লাসে মগন ।

তাঁর সঙ্গে করে ক্রোড়া কৌতুক ; তাঁহার
 বৈপরীত্যে নিষ্পন্দ-লোচন ।
 কি তাঁহার বৈপরীত্য !—কর্কশ কোষল
 ভাব যুগপথ্ কার্যরত ;
 যত্নে সৃষ্টি, অল্পপম স্নেহে রক্ষি জীব,
 নিজ হস্তে সংহারে সতত ।
 কিন্তু ভক্ত সঙ্গে নিত্য আনন্দ স্বরূপ,
 ভক্তে তাহা করে আশ্বাদন,
 সাধক সন্ধান লভি, অনন্ত অন্তরে,
 সেই ভাব করে আলিঙ্গন ।
 ক্রমে ক্রমে সিদ্ধাবস্থা যখন সে পায়,
 তখন সে হয় অপ্রাকৃত ;
 কভু হাসে কভু কান্দে কভু নাচে গায়,
 ভূতে ধরা মানুষের মত ।
 তখন ভাঙার হয় রমণী জননী,
 পুত্র হয় পিতার মতন ।
 শত্রু হয় মিত্র, হয় পুরুষ প্রকৃতি,
 কভু কাণ্ডভাবে নিমগন ।
 মহাভাবে কভু মান করে সে তখন,
 করে রাস রস আশ্বাদন,
 —কোথা বিশ্বনাথ, আর কোথা ক্ষুদ্র নর ।
 ঘটে নিত্য বিরহ মিলন ।
 তখন সে দিব্যোন্মাদ এই চরাচরে,
 প্রকৃতিপুরুষ রাস ভিন্ন,
 কিবা নেত্র মুদি, কিবা নেত্র উন্মোলিয়া,
 অনুসন্ধি নাহি দেখে অশ্রু ।

দেখে উচ্চাকাশে নৃত্য করে, সুখা পানে,
ভাঙ্গাগণ সহ তারাপতি ।

লর্পিনী অধরামৃত পানে আত্মহারা,
নাচি ব্রহ্মরন্ধ্রে করে গতি ।

বৈঠে নাদ চন্দ্র কোলে আমোদ বিহ্বলা,
—কাস্ত কোলে কাস্তা রসবতী ।

গোকুলে কুলদায়িনী কুল ভাসাইয়া,
কৃষ্ণ কোলে নাচে রাধা সতী ।

কুমারী কুমার সঙ্গে, যুবতী যুবকে,
বৃদ্ধা বৃদ্ধ সঙ্গে নৃত্য করে ;

লজ্জিতা লতিকা তরুণী জড়াইয়া,
নৃত্য করে আনন্দ অন্তরে ।

বিশ্ব নাচে, নিঃস্ব নাচে, নাচে বিশ্বনাথ,
সে তখন নাচে সঙ্গে সঙ্গে ;

আছে জরা জন্ম-মৃত্যু-শূন্য পুণ্যালোক,
বিহরে সে তথা পুলকাজে ।

জ্ঞানে ধ্যানে যার চিত্তে সে রস না জাগে,
বলিয়া বুঝান তাকে দায়,

পরমা প্রকৃতি কুলকুণ্ডলিনী সাধি,
সাধকে সে মহাভাব পায় ।

ধর্ম্মাধর্ম্ম-কর্ম্মাকর্ম্ম বুদ্ধি সে সময়,
সাধকের অন্তর্হিত হয়,

নাহি থাকে আত্মপর, নাহি দুঃখ সুখ,
—লাভালাভ জয় পরাজয় ।

তথা শ্রীরামপ্রসাদে—

“তেমন দিন কি হবে তারা ! তেমন দিন কি হবে তারা !
যে দিন তারা তারা তারা বলি, তারা বেয়ে পড়বে ধারা ।”

হৃদপদ্ম উঠবে ফুটে, ভেদ বুদ্ধি যাবে ছুটে,
ভূমিতলে পড়'ব লুটে তারা বলি হব সারা ॥” ইত্যাদি ।

“সে দিন শ্রামা মাকে পাবি ।

যে দিন, ধর্ম্মাধর্ম্ম দুটো অজা, বিবেক খুঁটায় বেঙ্গে খুঁবি ।
প্রবোধ না মানে যদি, জ্ঞান খড়্গে বলি দিবি ॥” ইত্যাদি ।

সুধাম শ্রীপূর্ণানন্দ, “সেই মহাভাব,

আশ্রয়ে সমর্থ কোন্ রস ?

উত্তরে মন্তান, “রসশ্রেষ্ঠ আদিরসে,

ভাবুকের মহাভাব বশ ।”

সুধাম শ্রীপূর্ণানন্দ, “এই আদিরসে,

কোন্ মূর্ত্তি কোথা পরকাশ ?”

উত্তরে মন্তান, “আদিরস-মূর্ত্তি কালী,

কামরূপ ক্ষেত্রে কবে বাস ।

সর্ব্বকামপ্রদা কালী, যার যা কামনা,

অর্চি তাঁয় পায় সর্ব্বক্ষণ,

কামরূপ ক্ষেত্র ধরা ;—চিন্তিলে বুঝিবে,—

তাঁর পূজা করে জীবগণ ।

কামাখ্যা তাঁহার নাম, কাম বীজ মন্ত্রে,

আর্গ্যে তাঁকে করে আরাধন ।

—অনন্ত তাঁহার নাম, অনন্তাভাষায়,

অর্চি চাহে আকাঙ্ক্ষাপূরণ ।

কভু কৃষ্ণ-মূর্ত্তি পরি, যমুনা সৈকতে

করে রাস মদনমোহন ।

—অপ্রাকৃত শ্রামরূপ, নবীন মদন,

কামবীজ মন্ত্রে আরাধন ।

তথা শ্রীশ্রীচৈতন্যচরিতামৃতে—

“বৃন্দাবনে অপ্রাকৃত নবীন মদন ।

কাম বীজ কাম গায়ত্রী যাহার সাধন ।

কৃষ্ণের স্বভাব হয় ধীর ললিত,

নিরন্তর কামক্রোড়া যাহার চরিত ।”

সুধান শ্রীপূর্ণানন্দ; “কালী কৃষ্ণরূপে,

রাস করে, তাহার প্রমাণ,

দেখাতে কি পার অন্য সাধক বচনে ?”

ধীর বাক্যে উত্তরে সম্ভান,

“শ্রীরামপ্রসাদ মাতৃভাবের সাধক,

মাতৃভাবে তন্ত্র সমুঝিয়া,

ললিত-মধুর-বাক্য-কৃজন-সঙ্গীতে,

প্রকাশিল মধুর করিয়া ।

কালী হলি মা রাসবিহারী ।

(নটবর বেশে বৃন্দাবনে ।)

পৃথক প্রণব মানাঙ্গীলা তব, কে বুঝে একথা বিসম ভারী ॥

নিজ তনু আধা গুণবতী রাধা, আপনি পুরুষ আপনি নারী ।

ছিল, বিবসন কটী, এবে পীত ধটী ; এলো চুলচূড়া বংশীধারী ॥

আগে মা কুটিল নয়ন অপাঙ্গে মোহিত করেছ ত্রিপুরারি ।

এবে নিজ কালো, তনুরেখা ভালো, ডুলালে নাগরি নয়ন ঠারি ॥

ছিল ঘন ঘন হাস, ত্রিভুবনত্রাস, এবে মৃদু হাস, ভুলে ব্রজকুমারী ।

আগে, শোণিত সাগরে, নেচে ছিলে শ্যামা, এবে প্রিয় তব

যমুনা-বারি ॥

রামপ্রসাদ হাসিছে, সরসে ভাষিছে, বুঝিছ জননি, মনে বিচারি ।

শ্যাম শ্যামা তনু, মহাকাল কামু, একই সকল, বুঝিতে নারি ॥

(জংলা-থয়রা ।)

বিষ্ণুদাস কতে, “তুমি শাক্ত মহাজন,
 ইথে আর নাহি কোন সন্দেহ এখন ।
 যাহা কহ, তার মধ্যে আন মাতৃভাব ;
 মাতৃভাবে মগ্ন হওয়া তোমার স্বভাব ।
 বাৎসল্যের মাতৃভাব তোমার আশ্রয়,
 বাৎসল্য মিশ্রিত বাক্য স্বতঃ সুধাময় ।
 মাতৃস্নেহ বর্ণনায় অমৃত সিঞ্চনে,
 অমৃত সিঞ্চনে যথা শিশুর ভাষণে ।
 মা ভাবে তনয় তুমি, অথচ কি জ্ঞান,
 করতালি নিয়া গাও মিতাই চৈতন্য ?
 প্রভাতে সন্ধ্যায় গাও চৈতন্যমঙ্গল,
 বন্ধারিত তোমার কীৰ্ত্তনে নীলাচল ।”

উত্তরে সম্ভান, “তুমি বুঝিয়াছ সত্য,
 মা ভিন্ন জানেনা চিত্ত অশ্রু কোন তত্ত্ব ।
 শাক্ত আমি, শক্তি পূজা মোর নিত্য ধর্ম,
 যথা শক্তি তথা ভক্তি করা মোর ধর্ম ।
 শক্তিপূজা করিতে পূজাই শক্তিমান,
 লোকাতীত শক্তি হ’লে অবতার নাম ।

শ্রীকৃষ্ণচৈতন্য পূর্ণ প্রেমের মুরতি,
 এ বিশ্ব বিজয়ে শক্ত প্রেমের শক্তি ।
 প্রেমশক্তি মহাশক্তি ঈশ্বরে মিলায়,
 প্রেম ভিন্ন বিশ্বে শাস্তি কোথায় কে পায় ?
 প্রেমের সমুদ্র মোর শ্রীকৃষ্ণচৈতন্য,
 অর্চি তাঁর পাদপদ্ম, বিন্দু প্রেম জ্ঞান ।

খাল বিল, নদী নাল যত দেখ সুল,
 সমুদ্র যেমন সর্ব জলাশয় মূল,

তথা সিন্ধু শ্রীচৈতন্য, যত ভাব ভক্তি,
বর্তে ভবে, সকলের স্ফুর্তিপ্রদা শক্তি ।
দাস্য সখ্য বাৎসল্য মধুর সর্ব ভাব,
পূর্ণমাত্রা নিয়া গড়া চৈতন্য স্বভাব ।
যত জ্ঞাতি করে ভবে ঈশ্বরোপাসনা,
বিচারিলে কেহ নহে দাস্য ভাব বিনা ।

সর্বত্র বিনয় দাস্যভাবের লক্ষণ,
সে লক্ষণ শ্রীচৈতন্য ধর্ম্মে সর্বলক্ষণ ।
অন্য ধর্ম্মী শ্রীচৈতন্য যদিও না মানে,
আচরে তাঁহার পন্থা স্বতঃ সাবধানে ।

আমি দেখি শ্রীচৈতন্যদেবে মাতৃভক্তি,
এতভক্তি, সীমা নিদ্ধারণে নাহি শক্তি ।
অথবা আপনি কালী চৈতন্য হইয়া,
মায়ায় মানবে গেল চৈতন্য দানিয়া ।
আপন জীবনে উপলব্ধি মোর যাহা,
আজ সাধুমণ্ডলে নির্ভয়ে কহি তাহা ।

প্রব্রজ্যা গ্রহণ করি তীর্থ পর্য্যটনে,
বাহিরিশু যবে, যত বৈষ্ণব সজ্জনে,
সমাদর করি মোকে গৃহে দিত স্থান ।
সম্বন্ধিত মোকে সিদ্ধপুরুষ সমান ।

বহু ধর্ম্মসভায় করিত নিমন্ত্রণ,
—যদিও অজ্ঞাত ভক্তি ধর্ম্ম সনাতন,—
তবুও যা বলিতাম, শুনিয়া তাহাই,
বলিত সকলে, “হেন কভু শূনি নাই ।”

ক্ষুদ্র আমি, অথচ প্রাচীন তত্ত্বদর্শী,
নিষেধেও নমিত সজোরে পদস্পর্শি ।

বহুদিন অনুতপ্ত চিন্তে চিন্তিয়াছি,
ভণ্ড আমি অপরাধী, পন্থা ভুলিয়াছি ।
কি করি কেমনে এই বিপত্তি এড়াই,
বহুদিন তপ্ত মনে চিন্তিয়াছি তাই ।

অশ্রু দিকে তাঁহাদের সঙ্গ সুধাময়,
ত্যাগাপেক্ষা মৃত্যু শ্রেয়ঃ গণিত হৃদয় ।
একবার প্রধান বৈষ্ণবগণ সঙ্গে,
আসলাম নবদ্বীপে ধূলট প্রসঙ্গে ।
শ্রীচৈতন্যে মোর তত বিশ্বাস ছিল না,
তবুও বৈষ্ণবগণ মোরে ছাড়িত না ।

সাধারণ বৈষ্ণবেরা প্রায় শাক্তদেষী ;
বলিতাম “শাক্ত আমি,” তবু সবে আমি,
সম্মান করিত মোরে অতি ভক্তিভরে ।
সহিতাম সে সম্মান লজ্জিত অশুরে ।

বলিতাম, “হে গৌরানন্দর, তোমার
ভক্তগণে নিষেধ করহ যেন আর—
অভক্ত আমাকে কেহ না করে প্রণাম,
শাক্ত আমি,—কালীভক্ত—কালিদাস নাম ।
কিংবা যদি তুমি মোর প্রিয় কেহ হও,
জানাও আমাকে, আত্মসাথ করি লও ।

এক দিন শ্রীগৌরান্দ মন্দিরে যাইয়া
দেখি কালী বিশ্বমাতা আছে দাঁড়াইয়া ।
বেলা প্রায় বারদণ্ড, বহু ভক্ত সঙ্গে,
দেখিলাম কালারূপ, না দেখি গৌরাজে ।

বিস্ময়ে ভরিল চিত্ত, গাত্র রোমাঞ্চিত,
স্থির নেত্র অশ্রুসিক্ত, হৃদয় কম্পিত ।

দেখিলাম কি অপূর্ব বর্ণিবারে নারি,
—পূর্ণ দিবাকরালোকে, নহে বিভাবরী ।

বুঝিলাম ব্রহ্মময়ী কালী শ্রীচৈতন্য ।
অবতীর্ণ মাত্র প্রেমভক্তি শিক্ষা জন্ম ।
নিরাকারা শক্তি ;—যবে হয় দৃশ্যমান,
স্তম্ভন তাহাব নৃতি হন শক্তিমান ।
শক্তি আরাধয়ে আরাধিয়া শক্তিমান,
এ নিমিত্ত, শাক্তের না রহে ভেদজ্ঞান ।

মহম্মদ যীশুখৃষ্ট যে দেশে যে রয়,
শক্তির প্রকাশ বলি মান্য সবে হয় ।
এক শক্তি ভিন্ন অণ্ডে অর্চনা না করি,
সেই শক্তি অর্চনিত শক্তিমানে ধরি ।
শ্রীচৈতন্য শক্তি ;—শক্তি চৈতন্যরূপিণী,
ভেদবুদ্ধি কভু নাই দৌহে এক জানি ।

বৈষ্ণবের সঙ্গে রাহি বৈষ্ণবীয় ভাবে,
শ্রীব্রজমাধুরী তব্ধ জাগিল স্বভাবে ।
প্রেমশক্তি শ্রীচৈতন্য রহি অস্তুরালে,
মোকে সে মধুর ভাব বুঝাইয়া দিলে ।
এ সকল গুঢ় কৃপাবার্তা কব কাকে,
—অসম্ভব শ্রীচৈতন্য করুণা আমাকে !

বৈষ্ণব আমাকে বলে বৈষ্ণব প্রধান,
শাক্তে ভাবে আমি ব্রহ্মময়ীর সম্ভান ।
শাক্ত আমি, মোর কোন ভেদ বুদ্ধি নাই,
আমি জানি মোর কালী চৈতন্য গৌমাই ।
রাধাতন্ত্র পাড়ি দেখি হরেকৃষ্ণ নাম,
ব্রহ্ম নাম,—প্রকৃতি-পুরুষ-রস-ধাম ।

মণ্ডপে দেখিনু কালী রাধাকৃষ্ণরূপা,
 চৈতন্য মন্দিরে চতুর্ভূজা অপরূপা ।
 শাক্ত আমি চতুর্বিধ আমার আচার ।
 বৈষ্ণব-আচার হয় এক অঙ্গ তার ।
 কেন মোর আচরণ বৈষ্ণবের মতে,
 আমি নাহি জানি, কালী জানে ভাল মতে ।
 জীবহিংসা মদ্যপান মোর অর্চনার,
 নাহি লাগে ;—মন বুদ্ধি নৈবেদ্য তথায় ।
 স্থানিন্দ্রিয় মাতৃপূজা শিখান চৈতন্য ।
 আমিও না বুঝ তাহা ভিন্ন কিছু অঙ্গ ।
 তাঁর মাতৃপূজার তুলনা নাহি আর,
 —মাতৃপূজা চৈতন্যচরিতে অলঙ্কার ।”

হাসি কহে বিষ্ণুদাস, “মোরা যাহা জানি,
 কৃষ্ণপ্রেমমূর্ত্তি হন গৌর গুণমণি ।
 কৃষ্ণভক্তি কৃষ্ণপূজা করেন প্রচার,
 তার মধ্যে মাতৃপূজা কোথায় তোমার ?”

উক্তরে সম্ভান, “কবিরাজ গ্রন্থ পাঠে,
 দেখি তাঁর মাতৃপূজা প্রতি ঘাটে ঘাটে ।
 কৃষ্ণপ্রেমমূর্ত্তি, কিন্তু দৃষ্টি মার প্রতি ;
 অতি ধীর ভাবে তাঁর মাতৃপূজা-রীতি ।

তোমরা সন্ন্যাসে যাও যা বাপ ছাড়িয়া,
 চৈতন্য সন্ন্যাসে যান মাতৃপূজা নিয়া ।
 শ্রীকৃষ্ণের মাতৃভক্তি পূর্বের বলিয়াছি,
 চৈতন্যের মাতৃভক্তি শুন বলিতেছি ।

সন্ন্যাস লইয়া প্রভু চলে বৃন্দাবন,
 শাস্তিপুরে নিয়া চলে পারিকরগণ ।

প্রেমাবেশ খণ্ডি যবে হল বাহ্য জ্ঞান,
অগ্রে করে মাতৃভক্ত মাতার সন্ধান ।
ভাবে সবে শচী মায় সম্মুখে আনিল,
স্তুতিমন্ত্রে মাতৃপূজা প্রভু আরম্ভিল ।

তথা শ্রীশ্রীচৈতন্যচরিতামৃত্তে

মধ্য লীলায় ৩য় পরিচ্ছেদে,—

“নৃত্য করি করে প্রভু নাম সঙ্কীর্তন,
শচীমাতা লঞা আইল অদ্বৈত ভবন ।
শচী আগে পড়িলা প্রভু দণ্ডবৎ হঞা ।
কহিতে লাগিলা শচী কোলে উঠাইয়া ।

*

কান্দিয়া বলে প্রভু, “শুন মোর আই,
তোমার শরীর এই মোর কিছু নাই ।
তোমার পালিত দেহ, জন্ম তোমা হৈতে ।
কোটা জন্মে তব ঋণ নারিব শোধিতে ।
জানি বা না জানি যদি করিল সন্ন্যাস,
তথাপি তোমাকে কভু নহিব উদাস ।
তুমি ঘাঁহা কর, আমি তাঁহাই রহিব ।
তুমি যেই আচ্ছা কর সেই সে করিব ।
এত বলি পুনঃ পুনঃ করে নমস্কার,
ভুঁট হঞা আই কোলে করে বার বার ।

তারপরে ভক্তগণ প্রতি শ্রীচৈতন্য

কন কথা মিশাইয়া জননীর জন্ম ।

“বদ্যপি সহসা আমি করিয়াছি সন্ন্যাস,
তথাপি তোমা সবা হৈতে নহিব উদাস ।

তোমা সবা না ছাড়িব যাবৎ আমি জীব,
মাতারে তাবৎ আমি ছাড়িতে নারিব।”

নীলাচলে রহি প্রভু মাতার আজ্ঞায়,
জনে জনে মার কাছে নদীয়া পাঠায়।

পুত্র যেন দূর দেশে রহি উপার্জনেন,
লোক পাঠাইয়া নিজ জননী অর্চনে।

তথা শ্রীশ্রীচৈতন্যচরিতামৃতে

মধ্য লীলায় ১৫শ পরিচ্ছেদে—

“শ্রীবাস পাণ্ডতে প্রভু করি আশিঙ্গন,
কণ্ঠ ধরি কহে তাঁনে মধুর বচন,
“তোমার ঘরে কীর্তনে আমি নিষ্ঠা নাচিব,
তুমি দেখা পাবে আর কেহ না দেখিব।
এই বস্ত্র মাতাকে দিও, এ সব প্রসাদ,
দণ্ডবৎ করি আমার ক্ষমাইও অপরাধ।”

তথা অন্ত লীলায় ৩য় পরিচ্ছেদে,—

“আর দিনে দামোদরে নিভূতে বোলাইলা,
প্রভু কহে, “দামোদর চলহ নদীয়া।
মাতার সমীপে তুমি রহ তাঁহা যাঞা।
তোমা বিনা তাঁহার রক্ষক নাহি দেখি আন,
আমাকেই যাতে তুমি কৈলে সাবধান।

* * * *

মাতার গৃহে রহ যাই মাতার চরণে,
তব আগে না করাও স্বচ্ছন্দাচরণে।
মধ্যে মধ্যে কভু আসিও আমার দর্শনে,
শীঘ্র করি পুনঃ তাঁহা করিও গমনে।

মাতাকে কহিও মোর কোটী নমস্কারে ।
 মোর স্কন্ধায় সুখী করিও তাঁহারে ।
 “নিরন্তর নিজ কথা তোমারে শুনাইতে,
 এই লাগি প্রভু মোরে পাঠাইল ইঁহাতে ।
 এত কহি মাতার মনে সন্তোষ জন্মাইও ।
 আর গুহ্য কথা তাঁরে স্মরণ করাইও ।
 “বারে বারে আসি আমি তোমার ভবনে ।
 মিষ্টান্ন ব্যঞ্জন সব করিয়া ভোজনে ।”
 এই মত বার বার করাইও স্মরণ,
 মোর নাম লঞা তাঁর বন্দিও চরণ ।”

তথা অন্ত লীলায় ১২শ পরিচ্ছেদে,—
 “পূর্ব বর্ষে জগদানন্দ আই দেখিবারে,
 প্রভুর আজ্ঞা লঞা আইলা নদীয়া নগরে ।
 আইর চরণ যাই করিল বন্দন ।
 জগন্নাথের বস্ত্র প্রসাদ কৈল নিবেদন ।
 প্রভুর নাম করি মাতাকে দণ্ডবৎ কৈলা ।
 প্রভুর মিনতি স্তুতি মাতারে কহিলা ।
 জগদানন্দ কহে, “মাতা কোন কোন দিনে,
 তোমার এথা আসি সুখে করেন ভোজনে ।
 ভোজন করিয়া কহে আনন্দিত হঞা,
 মাতা আজি খাওয়াইল আকণ্ঠ পূরিয়া ।
 আমি যাই ভোজন করি মাতা নাহি জানে,
 সাক্ষাতে খাই আমি, তিঁহো স্বপ্ন মানে ।”

তথা অন্ত লীলায় ১৯শ পরিচ্ছেদে,—
 “প্রভুর অত্যন্ত প্রিয় পণ্ডিত জগদানন্দ,
 যঁহার চরিত্রে প্রভু পায়েন আনন্দ ।

প্রতি বৎসর প্রভু তাঁরে পাঠান নদীয়াতে ।
 বিচ্ছেদ-দুঃখিতা জানি জননী আশ্রাসিতে ।
 “নদীয়া চলহ মাতাকে কহিও নমস্কার ।
 আমার নামে পাদপদ্ম ধরিও তাঁহার ।
 কহিও তাঁহাকে তুমি করিও স্মরণ,
 নিতা আমি আমি তোমার বন্দিয়ে চরণ ।
 যে দিন তোমার ইচ্ছা করাইতে ভোজন,
 সে দিন আসিয়ে অবশ্য করিয়ে ভক্ষণ ।
 তোমার-সেবা ছাড়ি আমি করিল সন্ন্যাস,
 বাউল হইয়া আমি কৈল ধর্ম্য নাশ ।
 এই অপরাধ তুমি না লইও আমার,
 তোমার অধীন আমি পুত্র সে তোমার ।
 নীলাচলে আছি আমি তোমার আঙ্কিতে ।
 যাবৎ জীব তাবৎ আমি নারিব ছাড়িতে ।”
 গোপ লীলায় পায় যেই প্রসাদ বসনে,
 মাতাকে পাঠান তাহা পুরীর বচনে ।
 জগন্নাথের উত্তম প্রসাদ আনিয়া বতনে,
 মাতাকে পৃথক পাঠান, আর ভক্তগণে ।
 মাতৃভক্তগণের প্রভু হন শিয়োমণি ।
 সন্ন্যাস করিয়া সদা সেবেন জননী ।”
 এই ত চৈতন্যদেব-চরিত্র গরিমা !
 এই ত তাঁহার মাতৃভক্তি অনুপমা ।
 স্মরিতে জননীবার্ত্তা ষায়ে আখি-জল ।
 এই তাঁর কৃষ্ণপ্রেম ভুবন-মঙ্গল ।
 এই মাতৃভক্তিযুক্ত প্রেম গঙ্গাজল ।
 এই ভক্তিরত্ন প্রেমাধারে সমুদ্রল ।

এই মাতৃভক্তি বিনা মিথ্যা কালীপূজা ।
 এই মাতৃপূজায় সমুচ্চা চতুর্ভূজা ।
 এই মাতৃরূপে সেই চতুর্ভূজা হয় ।
 ঘরে ঘরে মাতৃরূপে সেই একা রয় ।
 মা মূর্তি প্রত্যক্ষ মূর্তি জানিও তাহার ।
 কালী ত নিরূপা, রূপ মা-রূপে প্রচার ।
 কালীপূজা তথায়, যথায় পূজা মার ।
 কালী-ভাবে শুদ্ধ মাতৃভাব অঙ্গীকার ।
 কাল ব্রহ্ম, কাল সত্য, কাল মহেশ্বর ।
 কালী তাঁর শক্তি, কালী কাল-কলেবর ।
 বাৎসল্যের মূর্তি কালী, বরাভয়দাত্রী ।
 বিশ্ব তাঁর কোলে, তাই নাম জগদ্ধাত্রী ।

বিষ্ণুদাস কহে, “সাক্ষী কি আছে তাহার ?
 শ্রীচৈতন্য অর্চে কালী দুর্গা, কিংবা আর ।
 নিজ নিজ মাতৃপূজা কে বা নাহি করে ।
 তাহে কালীভক্ত মখে কে তাহাকে ধরে ।”

উত্তরে সম্ভান, “মূলে ভাব অঙ্গীকার ।
 মাতৃভাব না ধরিলে, বুঝাব কি আর ।
 তুমি ত বৈষ্ণব কাস্ত ভাবের সাধক,
 রাখাক্ষণ ভাবি, তুমি বিশ্ব উপাসক ।
 তারপরে, তুমি শ্রেষ্ঠ বৈষ্ণব পণ্ডিত ।
 বৈষ্ণবীয় গ্রন্থ-তত্ত্ব তোমার বিদিত ।
 দাক্ষিণাত্য প্রভু যবে করেন ভ্রমণ,
 অষ্টভূজা শক্তিমূর্তি করেন পূজন ।
 কালী দুর্গা শিব বিষ্ণু যাহা দেখিতেন,
 ভক্তির শ্রীমূর্তি প্রভু অর্চি চলিতেন ।

পুনঃ শুন, অনেকেই বৈষ্ণব মণ্ডলে,
 কালীকে প্রণাম করা অপরাধ বলে ।
 কালীর প্রসাদে তারা গণে মহাপাপ,
 কালীনাম শুনে যদি, জনমে সম্ভাপ ।
 কিন্তু পুরীক্ষেত্রে ছিল বসতি যখন,
 শ্রীমহাপ্রসাদে ছিল প্রভুর ভোজন ।^১
 বিমলার প্রসাদ প্রসাদে না মিশিলে,
 শ্রীমহাপ্রসাদ নাহি হয় কোনকালে ।
 জগন্নাথ প্রদক্ষিণ সময়ে, প্রতাহ,
 বিমলা কি বাদ দিয়া চলিতেন, কহ ।
 বিমলা ত চতুর্ভূজা কালীমূর্তি হয় ;—
 —এ বিষয়ে আর বেশী বচনীয় নয় ।

জননী ব্যতীত যদি জন্ম অসম্ভব,
 আছে বিশ্বমাতা, যাহে বিশ্বের উদ্ভব ।
 জননীর জননী সে, আমারও জননী,
 পরমাপ্রকৃতি রূপে নিত্য প্রসবিনী ।
 মাটী মোর প্রতি মাটী—প্রতি মা প্রতিমা ।
 প্রতি মা লইয়া বিশ্ব—বিশ্বই প্রতিমা ।

পরমাপ্রকৃতি কালীকৃপা কিসে হয়,
 কহি তার পরিচয় শুন মহোদয় ।
 কালীভক্ত যে সাধক অগ্রে নিজ ঘরে,
 জনক জননী সেবা দৃঢ় করি ধরে ।
 অতল অকূল সিঙ্কু জিনি মাতৃস্নেহ,
 প্রত্যক্ষে নিরখে সেই ভক্ত অহরহ ।

১ । অতি প্রাচীন কাল হইতে জগন্নাথ মন্দিরে বিমলার সন্মুখে সপ্তমী অষ্টমী
 ও নবমী তিন দিন ছাগযজি হয় । মহাপ্রভুর জগন্নাথক্ষেত্রে বাসের সময়ও হইত।



© 1987 Bina Press

ক্রমে মাতৃ ভাবতন্বে হয় সমাসীন ।
 দেখে বিশ্ব একমাত্র মাতৃস্নেহাধীন ।
 ভ্রাতৃময় বিশ্ব তার—তার মার পুত্র,
 ভিন্ন কেহ বিশ্বে নাই, ইহা সত্য সূত্র ॥

রমণী দর্শনে হয় মাতৃভাব স্ফুর্তি ।
 প্রতি রমণীতে দেখে মা কালীর মূর্তি ।
 ভাবাক্রুত ভক্ত প্রায় উন্মাদের স্থায় ।
 রমণী পাইলে কোলে উঠিবারে ধায় ।
 কেহ বলে নিলাজ, উন্মাদ কেহ বলে,
 ভোজন ব্যাপারে প্রায় শিশু তুল্য চলে ।

যে জাতি হউক হাতে যাহা কিছু দেয়,
 বিলম্ব না করি শিশু তুল্য তাহা খায় ।
 বালিকা, যুবতী, বৃদ্ধা নাহি ভেদ জ্ঞান,
 সর্বত্র সে রহে ঠিক শিশুর সমান ।
 স্নেহ পাইলে বড় তুষ্ট, তাড়নে সন্ত্রাস,
 মান অপমান শূন্য, সদা মুখে হাস ।
 অনিষ্ট করিলে প্রতিহিংসা নাহি চায়,
 কর্ণ মলি ডাকিলে আবার ফিরে যায় ।
 নাচ গান দেখিতে অত্যন্ত ভালবাসে ।
 ভাল মন্দ নাহি বোধ, দোখ ঘুম আসে ।

মহাবিদ্যা সম্ভান শিশুর তুল্য রহে ।
 জিজ্ঞাসিলে জ্ঞানগর্ভ তত্ত্বকথা কহে ।
 সাধনার গূঢ়তম উচ্চ তত্ত্ব যত,
 তার মুখে উচ্চারিত হয় অবিরত ।

শিশু তুল্য সরল, পণ্ডিত তুল্য জ্ঞানে,
 হীন তুল্য অমান, সম্রাট তুল্য মানে—

বৃক্ষ তুল্য অধীন, স্বাধীন সিদ্ধু তুল্য,
 দানে তুল্য হিমালয়, সর্বদা প্রফুল্ল—
 নিঃস্বার্থ নদীর তুল্য, গিরি তুল্য ধীর—
 চন্দ্র তুল্য শীতল, সাহসী তুল্য বীর—
 সর্বদা অভাবশূণ্য—আকাশের মত ।
 ত্রয়োম্পর্শ মঘা তার কাছে তিধ্যমৃত ।

মা ভাবে তন্ময় হয় সাধক যখন,
 এই সব হয় তার স্বভাব লক্ষণ ।

শুদ্ধ ভাগবত হয় তার গুণগান ।

তার সেবা করিলে সন্তুষ্ট ভগবান ।

কালীমূর্তি পূজিলেই কালী পূজা নয় ।

তার মধ্যে আছে গুঢ় রহস্য-নিলয় ।

সে রহস্য অনুভবে জন্মে যার শক্তি,

সেই চিনে, সেই মানে, অর্চে আদ্যাশক্তি ।

ভক্ত ভিন্ন সে অর্চনে নাহি অধিকার ।

—ভক্তি তুল্য অমূল্য সম্পত্তি কোথা কার ?

ভক্তিপ্রেমমূর্তি প্রভু চৈতন্য গোসাই,

অর্চি তাঁকে, তাঁর পদে মাতৃভক্তি চাই ।”

সিদ্ধাস্ত শুনিয়া বিষ্ণুদাস কহে, “ধন্য,

সর্বদা সদয় তোমা প্রভু শ্রীচৈতন্য ।

হেন মাতৃভাবে হেন কালী অর্চনায়

বিদ্রোহী যে, স্বার্থ নাস্তিক সে ধরায় ।

হেন মাতৃপূজা ভুলি কৃষ্ণভক্ত হলে,

কৃষ্ণের করুণা কভু কারো নাহি মিলে ।

শ্রীচৈতন্যপ্রিয় তোমা করি প্রণিপাত ।

সন্তান ভূমিষ্ঠ, জোড় করি দুই হাত ।

শ্রীশ্রীকালীকুলকুণ্ডলিনী

ষষ্ঠ দিন

চতুর্থ পরিচ্ছেদ ।

বিদ্যাশু শাস্ত্রেণ বিকেদীপে—

ঋদ্যেযু বাক্যেযু চ কা হৃদন্যা ।

মমত্ব গর্তেহতিমহাক্ষকারে

বিভ্রাময় ত্যেতদতীব বিশ্বম্ ॥১

আয়ু-সূর্য্য প্রায় অস্ত্র যায়,

ঘোর অন্ধকারে বিশ্ব মোর

আচ্ছাদিল ; মোহ-মত্ততায় .

আর চিন্তে নাহি আসে জোর !

হে দোষি, বিবেকবৈরাগ্য প্রকাশক, জ্ঞানালোকে উদ্ভাসিত অগন্ত শাস্ত্র থাকিতে, জ্ঞানময় মহাপুরুষ ঋষিগণের লক্ষ লক্ষ উপদেশ থাকিতে ঘোর অন্ধকারাচ্ছন্ন মায়াময়গর্ভে এই বিশ্বকে অনবরত ঘুরাইতে তোমা ভিন্ন আর কে আছে ? (তাই তোমার চরণতলে এখন এই প্রার্থনা, আর সংসারচক্রে না ঘুরাইয়া তোমার অমৃতপূর্ণ চরণ-কমলের অমৃত পান করিতে অধিকার দেও ।)

ইহ সুখ স্বপ্নের সমান
 উপলব্ধি হ'তেছে এখন।
 তাহে আর ইচ্ছু নহে প্রাণ
 নাহি বাঞ্ছে ভূতের নন্তন ॥

সুদুর্লভ জীবন লভিয়া
 যে কু কাম্যে করিয়াছি ক্ষয়,
 আশীর্ব্বাদ অগ্রাহ্য করিয়া
 মাত্র অনুতপ্ত এ হৃদয় !

উদ্দেশ্য করিয়া তুচ্ছ সুখ
 যে কু কার্যে দগু ভোগিয়াছি,
 না চিন্তিয়া ভবিষ্যৎ দুখ
 আবার সে-কার্য্য করিয়াছি ॥

আবার আবার সেই চর্কিত চর্কণে,
 এ অমৃত সময়ে নিস্তারিণি !
 আব বাঞ্ছা নাহি ; ক্ষমা প্রার্থি ও চরণে,
 মোহঘোরে নিস্তার জননি !

দশ দিক অন্ধকার ; সিন্দুকূলে একা
 বসে আছি পারের আশায়,
 প্লাব কি না পার, মাগো, দিবে না কি দেখা ?
 ভুলুয়ার কি হকৈ উপায় !!

আমার করুণাময়ী কালীনাগ সার রে ।
 কালী ভিন্ন ভবে মোর কেহ নাহি আর রে ।

কালী-পাদপদ্মে বৃকে পারিয়াছি হার রে ।
 সে গোরবে সদানন্দে আছি অনিবার রে ॥
 সুখ দুঃখ নাহি জানি কালীর সম্ভান রে ।
 নাহি জানি উন্নতি পতন মানামান রে ॥
 মা যে ভাবে যথা রাখে তাই মোর সুখ রে ।
 মা-নাম যেদিন ভুলি সেই দিন দুখ রে ॥
 জননী-প্রসঙ্গ-সঙ্কীর্তন যদি পাই রে ।
 ঐশ্বর্য-প্রভুত্ব-সুখ কিছু নাহি চাই রে ॥
 জগদ্ধাত্রী কালী পাদপদ্মে যার মতি রে ।
 কামাদির হান পথে নাহি তার গতি রে ॥
 ভুলুয়া রহিত যদি হেন কালী পায় রে ।
 তবে কি তাহার কাল পাপে তাপে যায় রে ॥

কহে মহাবীর দাস, “শুন মহোদয় !

ঐশ্বর্য প্রভুত্ব নাশে অধৈর্য্য কে নর ?
 পুঞ্জশোক সহ করে ; কিন্তু বিস্ত্রশোকে
 উন্মাদ হইয়া লোক ফিরে ইহ লোকে ।”

উত্তরে সম্ভান, “কালীভক্তি আছে যার,
 জানে সে কালের খেলা কত চমৎকার !
 কালে দিবারাত্রি হয়, হয় ঋতু মাস,
 জীবভাগ্যে সুখ দুঃখ কালে পরকাশ ।
 কালে জন্ম, কালে মৃত্যু, উন্নতি পতন,
 কাল সর্বমূলে, তবু জানে সে সজ্জন !
 কালের হৃদয়ে শক্তি কালী জগদ্ধাত্রী,
 অতএব কালী সর্বমূলে অভিনেত্রী ।
 কালী দিলে সুখৈশ্বর্য্যে নাহি থাকে পার ;
 কালী নিলে রক্ষা করে হেন সাধ্য কার !!

ভঙ্ক জানি স্তবৈরাগো দৃঢ় সেই হয়,

ঐশ্বর্যা প্রভুত্ব নাশে চঞ্চল সে নয় ॥

এ সংসার রঙ্গমাঞ্চে স্কুথ দুঃখ নিয়া

সে কালীর নিত্য অভিনয়,

তঁার পুত্র তঁার অভিনয় নিরীক্ষিয়া,

নাহি হয় চঞ্চল হৃদয় ।”

সুধান মাধবদাস, “তেমন বৈরাগী;

—সর্বস্ব লুপ্তি হ, হত যার,

—অশ্রায় বিচারে শেষে গৃহ বিতাড়িত,

তবু ধৈর্য্য অন্তরে তাহার ।

কোথাও কি দেখিয়াছ ?” উত্তরে সম্ভান;

“সংখ্যায় অত্যন্ত অল্প তেমন ধোমান ।

একবার হিমালয় করিতে ভ্রমণ,

এক মুক্তপুরুষে করিশু দরশন ।

জাতিতে ব্রাহ্মণ, তার নাম শ্রীঅচল,

দিব্য দেহধারী, অঙ্গে উপযুক্ত বল ।

জিজ্ঞাসিয়া পরিচয়,

জানিশু সে সদাশয়,

সম্ভ্রান্ত ধর্মীর পুত্র ; জ্ঞাতি বন্ধুগণ,

তাহার ঐশ্বর্যা সব করিয়া লুপ্তন,

দিয়াছিল কারাগারে

অবিচারে অত্যাচারে,

লাঞ্ছনায় জর্জরিত করিল যখন,

তখন সন্ন্যাসে ত্রুড় করিল গমন ।

নিষ্পৃহ হইয়া এবে করিছে ভ্রমণ,

জগদ্ধাত্রী গুণগানে সর্বদা গগন ।

নাহি বাস, নাহি বিস্ত,
 তবু সদা ফুল চিত্ত,
 মুদুহাসে হাস্যময় সর্বদা বদন,
 —সরল সুস্থির-দৃষ্টিপূর্ণ ছনয়ন ॥
 জিজ্ঞাসিন্দু, “আপনার
 চিন্তে কি জনমে আর
 অতীত ঐশ্বর্যাবাধা ? অথবা দুর্জ্ঞান
 জ্ঞাত বন্ধু প্রতি হিংসা আসে কি এখন ?
 লুপ্তি রম্য বাসস্থান,
 নিত্য করি হতমান,
 দেশত্যাগী করি যারা দিল আপনার,
 জনমে কি চিন্তে ক্রোধ তাদের চিন্তায় ?”
 ধীরভাবে উত্তরিল মোকে সে ব্রাহ্মণ,
 “বিগত শৈশব-খেলা কে করে স্মরণ ?
 স্বপ্নসুখ যত্ন করি কে স্মরণ রাখে ?
 পথিকের বৃথা গল্প কার মনে থাকে ?
 ইচ্ছাময়ী কালী ; তাঁর ইচ্ছামত জীব,
 কড়ু হয় কীট, কুমি, কড়ু হয় শিব,
 সে যাকে যেমন রাখে,
 ভবে সে তেমন থাকে ।
 কি হল কি হবে চিন্তা ভ্রান্তি ভিন্ন নয়,
 জীবের কর্তব্য মাত্র তাঁর পদাশ্রয় ।
 যাকে দিয়া যা করায়,
 তাহাই সে করি যায়,
 স্বকর্ণানুসারে সুখ দুঃখ ঘটে তায় ।
 কাকে ভাল, কাকে মন্দ, বলিব তাহায় ।

তুমি আমি যত যাহা,
 কালে সমুৎপন্ন তাহা,
 কালে হ্রাস বৃদ্ধি, কালে সৃজন সংহার ;
 কাল কর্তা, কিন্তু কালী তার মূলাধার !
 বসিয়া কালের বুক,
 রঙ্গময়ী মনস্থখে,
 করিতেছে কত রঙ্গ জীবসঙ্ঘ নিরা,
 সে রঙ্গ সমুঝি মোর আনন্দিত হিয়া ।
 সম্পত্তি গিয়াছে বলি,
 কান্দি নাই অশ্রু ফেলি,
 নিন্দি নাই প্রবঞ্চকে অশ্রুর নিকটে,
 হই নাই ধৈর্য্যচ্যুত পড়িয়া সঙ্কটে ॥
 প্রেমের মিলন যথা,
 বিরহের বহি তথা,
 জন্ম যথায়, মৃত্যু বিহরে তথায় ।
 স্বাভাবিক এ সকল-দৃশ্য এ ধরায় ॥
 সম্পত্তি যাহার আছে,
 বিপত্তি তাহার পাছে,
 দারিদ্র্য অভাব তার বংশধর প্রায়,
 —দিবসের পাছে পাছে বিভাবরী ধায় !
 সম্পদে বিতৃষ্ণ যারা,
 দারিদ্র্য কি সহে তারা,
 ত্রস্তাচারী কুমারে কি পুত্রশোক পায় ?
 আকাঙ্ক্ষা অনর্থমূল কহিনু তোমায় ॥
 আকাঙ্ক্ষা আমার নাই,
 অনর্থকে আর তাই

না ডরাই আমি, তোমা কহিলাম সার ।
 অতীত ত দূরে ; ভাবী-চিন্তা নাহি আর ।
 যখন যে ভাবে রই,
 নিরানন্দ কভু নই,
 স্তুতি নিন্দা, যানামান সুখ-দুঃখ আর,
 কালীর কৃপায় সব সমান আমার ।

কালী পাদপদ্মে আছি নির্ভর করিয়া,
 কালী যা মিলায় আমি তৃপ্ত তাই নিয়া ।
 না পাইলে প্রাপ্তি হেতু না করি উছোগ,
 —শাস্ত করিয়াছি আমি বাসনার রোগ ।

জরা মৃত্যু দুই জন,
 কেশাকর্ষে অনুকুল,
 দিন দিন তমু ক্ষীণ, ক দিন বা রব ?
 বিত্ত নাশে আর কেন বিচলিত হব ?
 আমি তুচ্ছ মহাবলী,
 প্রহ্লাদের পৌত্র বলি,
 অগাধ ঐশ্বর্য আর প্রভুহ অনাধ,
 হারাইয়া বিন্দু না করিল প্রতিবাদ ।

নিজ ভুজবীর্য্য বলে,
 বীরশ্রেষ্ঠ বিশ্বতলে,
 শক্তিমান হইয়াও সহি অপমান,
 সিন্ধুতীরে হৃষ্টচিত্তে করিল পয়ান ।
 চক্রী বিষ্ণু চক্র করি,
 সর্ববস্তু লইল হরি,
 তাহে বিন্দু বিচলিত নহে তার প্রাণ,
 নিজে নিরমিয়া রাজ্য নিজে কৈল দান ।

ইন্দ্র তার ধৈর্য্য দেখি নিস্ময় মানিয়া,
গিয়াছিল শতমুখে ধন্যবাদ দিয়া ।”

জিজ্ঞাসিলে সে বৃত্তান্ত কহিল ব্রাহ্মণ,
—ভারতে বর্ণিত আছে জানে বহুজন ।

“দেবতা দানব কিংবা মানব এমন
না ছিল ত্রিলোক মধ্যে
বলির সহিত যুদ্ধে,
দণ্ড তরে স্থির রবে ; করি পলায়ন,
—যে যতই যোদ্ধা হোক,—রক্ষিত জীবন ।

দেবরাজ পুরন্দর,
যুদ্ধে হয়ে অগ্রসর,
পলে পরাজিত হয়ে করে পলায়ন,
বলি পায় ঐরাবত স্বর্গ সিংহাসন ।

বজ্রের গর্জ্জন স্তব্ধ,
সমুদ্রের নাহি শব্দ,
দাসত্ব স্বীকারে যত স্বর্গের ভূষণ ।
নিঃশব্দে দানব ভয়ে প্রবাহে পবন ।

যুদ্ধ করি বলিকে করিতে বাধ্য আর,
স্বর্গে না রহিল সাধ্য কোন দেবতার ।

• দাসত্ব-শৃঙ্খল-হার,
বক্ষে শোভে দেবতার,
দাসীবৃত্তি অলঙ্কার সুর-ললনার ।
স্বর্গের দুর্গতি বাক্যে বরণন ভার ।

যায় যুগ, যায় কল্প, সহস্র বৎসর,
অক্ষুণ্ণ প্রভুত্ব বলি ত্রিভুবনেশ্বর ।

মহাবজ্র, আরস্তিল,

নিজে কল্পতরু হ'ল।

প্রাপ্ত হল সূচক্রজ্ঞ বিষ্ণু অবসর,

ধরিয়া বামনমূর্তি হল অগ্রসর।

ভিক্ষার্থী হইয়া বিষ্ণু বলিকে ছলিয়া,

সর্বস্ব হরিয়া সত্যে দিল তাড়াইয়া।

হুতরাজ্য পুরন্দরে,

আনি বিষ্ণু নিজ করে,

ত্রিলোকের আধিপত্যে যত্নে বসাইল।

আধিপত্য লভি ইন্দ্র আত্ম পাসরিল।

চড়ি ঐরাবতোপরে,

মহাবজ্র নিয়া করে,

দেবসৈন্য সঙ্গে করে সর্বদা ভ্রমণ।

—সর্বদা বলির ভয়ে সংশয়ে মগন ॥

একদিন সিন্ধুতীরে নির্জন গুহায়:

ইন্দ্র দেখে বলি—শ্রেষ্ঠ তাপসের প্রায়।

শোকদুঃখ পরিশূণ্য

পূরম আনন্দে পূর্ণ,

যুক্ত পুরুষের মত স্থিরনেত্রে চায়,

জ্যোতির্ময় চন্দ্র যেন ভূতলে বেড়ায়।

বলি দেখি বিকম্পিত ইন্দ্রের হৃদয়,

সর্ব অঙ্গ রোমাঞ্চিত, চিন্তে মহাভয়।

ভাবে, “বেটা এত কাল

মরে নাই, কি জঞ্জাল,

আবার ধরিলে অস্ত্র ঘটাতে প্রলয়।”

ভীত ইন্দ্র ; মুখে বীরবাক্য উগারয় ।
 (—অপদার্থ নরের প্রকৃতি যাহা হয় ॥)

দণ্ডাইয়া ঐরাবত, বল করি গায়,
 বজ্র তুলি গর্বেক ইন্দ্র বলিকে সুধায় ।
 “কহ কি প্রকার আছ,
 চিনিতে কি পারিয়াছ ?
 আমি ইন্দ্র তোমার সাম্রাজ্য অধিকারী
 তব রত্ন-সিংহাসন এখন আমারি ॥

প্রচণ্ড বিক্রম ঘোরে,
 সংগ্রামে জিনিয়া মোরে,
 কাড়ি নিয়া ঐরাবত, করি আরোহণ,
 রাজছত্র শিরে দিয়া,
 রাজদণ্ড করে নিয়া,
 একদিন পরানন্দে করিতে ভ্রমণ,
 হের, পুনঃ ঐরাবত আমারি এখন ॥

তব সৈন্য সেনাপতি
 যাহারা তোমার প্রতি
 অনুরক্ত ছিল, তারা মোর সুবিচারে,
 হইয়া শৃঙ্খলাবদ্ধ আছে কারাগারে ।
 আর যারা তোমা ভুলি
 খায় মোর পদধূলি,
 তাহাদিগে উচ্চপদে রাজ্যে বসাইয়া
 তোমার আত্মীয়গণে,
 রাখিয়াছি নির্যাতনে,

সুন্দরী দানবী-নারী ধরিয়৷ আনিয়া,
করাই ইতর কৰ্ম্য দাসী বানাইয়া ॥

তোমার মহিষীবৃন্দ এক্ষণে আমার
মনস্তৃষ্টি বিধান করিছে অনিবার ।

মণিরত্ন স্বর্ণসার—

—পরিপূর্ণ ধনাগার,

আমি এবে স্নেচ্ছামত করি বাবহার ।
দৈত্যলোক জীর্ণ শীর্ণ সহি কর-ভার ॥

তোমার শঙ্কায় যারা,

মৃতপ্রায় সংজ্ঞাহারা

ছিল, সেই দেবগণ এক্ষণে আমার
রাজত্বে, নির্ভয়ে গায় অকীৰ্ত্তি তোমার ।

তোমার আত্মীয় যারা,

তোমার দুর্দশা তারা,

জানিয়াও আর তোমা সাহায্য না করে ।
ফুকরিতে তব নাম মরে মোর ডরে ॥
কি লাঞ্ছিত হীন দীন জীবন তোমার ।
অশ্বে হ'লে লাঞ্জে প্রাণ করে পরিহার !!”

যা কহিল হীনচিত্ত দীন পুরন্দর, •
মুদুহাস্ত করিল তা শুনি দৈত্যেশ্বর ।
যদিও ইতর বাক্য উপেক্ষে প্রবীণ,
তবু হিতবাক্য তারা বলে চিরদিন ।

না বলিলে অজ্ঞ যারা,

তবু কি সমুঝে তারা ?

হিতবাক্যে উপকৃত নিত্য জ্ঞানহীন ।
 সম্বোধিল ইন্দ্র তাই সত্যে সমাসীন—
 “আধিপত্য লাভ করি;
 অজ্ঞ সম গর্বেক মরি
 বহু তিরস্কার তুমি করিলে আমায়—
 শুনিলাম ; সময়ে সকলি শোভা পায় !!

গজেন্দ্র মরিলে মহা সিংহের সমরে,
 কুকুর নির্ভয়ে আসি মাংসাহার করে ।
 গর্ভ ছাড়ি উঠি ভেক গজপতি শিরে,
 নৃত্য করি কত আত্মশ্লাঘা পরচারে ।
 পিঞ্জরে আবদ্ধ সিংহ কৌশলে যখন,
 কুকুটীও করে তার সম্মুখে গর্জন ।

বলবীর্য্যে যদি তুমি জিনিয়া আমায়,
 লভিতে রাজত্ব মোর, কীর্ত্তি এ ধরায়
 রহিত তোমার ; লোকে প্রশংসা করিত
 নিরলাজ কাপুরুষ কেহ না কাহিত ।

স্বর্গের প্রভু হু লভি বিষ্ণুর কৃপায়
 রাজছত্র শিরে ধর,
 স্ত্রীপুত্র পালন কর,
 বিষ্ণু বিনা পলায়ন পর্ব্বত গুহায়,
 —কাহার অজ্ঞাত তব বীরত্ব ধরায় ?
 নিলঞ্জ অধম যারা,
 নিলঞ্জ বলিতে তারা

ত না হয় কভু ; শ্রেষ্ঠ যদি পায়,
 নিলঞ্জ বলিয়া তাকে স্বজাতি বাড়ায় !
 চিন্তু ত্রিদিবের স্বামী,
 তেমনি কি নও তুমি ?
 যুদ্ধে পলায়ন, পরবলে বলীয়ান,
 অথচ লভিতে চাও বীরের সম্মান !

মোর দ্বারে ভিক্ষার্থী হইয়া গোলকেশ,
 আ সিলেন ধরি ক্ষুদ্র বামনের বেশ ।
 সম্মুখ সমরে নহে, ভিক্ষার্থী হইয়া,
 ত্রিলোকের আধিপত্য নিলেন মাগিয়া ।
 ভুঞ্জবলে রাজ্যলাভ করিয়াছিলাম,
 ভিক্ষুকে করিয়া দয়া করিলাম দান ।
 সে ভিক্ষুক তোমার দুর্গতি নিরখিয়া,
 তোমাকে দিলেন রাজ্য করুণা করিয়া ।

ভিক্ষুকের কাছে যার
 ভিক্ষাবৃত্তি, তার আবার,
 বলির সম্মুখে বলদর্পে কি গৌরব ?
 — বাঞ্ছে কি জগত এবে গোবরে সৌরভ ?

বিষ্ণু তোমা আধিপত্য করিলেন দান,
 তার জন্ত কেন এত গর্বিবত পরাণ ?
 বিষ্ণুবলে কিছু বল সাধিয়াছে বুকে,
 দাঁড়াইছ তাই বজ্র তুলিয়া সম্মুখে ।

নহি আমি অধিকৃত,

নহি যুদ্ধে পরাজিত,

ইচ্ছা হলে পুনঃ অস্ত্র করিয়া ধারণ,
 প্রজ্জলিয়া সমরে প্রলয় ছতানন
 শত শত ইন্দ্র গর্ভ,
 মুহূর্তে করিয়া খর্ব,
 খেদাড়িয়া স্বর্গ হ'তে অপদার্থগণ
 নিতে পারি স্বর্গে মর্ত্যে যত সিংহাসন ।
 যে তুচ্ছ বাসনাধীন,
 হয়ে তুমি লজ্জাহীন,
 পুরুষানুক্রমে সহ লাঞ্ছনা ভীষণ
 চূড়ান্ত নিষ্পত্তি তার
 করিয়াছি ; আর আমার
 সে সব বাসনা নাহি জাগে একক্ষণ ।
 এখন বাসনাক্ষয় মোর প্রয়োজন ।
 দেহাত্মবুদ্ধির বশে মোহাবিষ্ট নর ;
 দেহস্থ অশেষণে সদা অগ্রসর ।
 কতক্ষণ রবে ভবে,
 প্রভু কি সঙ্গে যাবে,
 যুদ্ধিত হইলে চক্ষু, কে নিজ কে পর,
 কে কার রাজত্ব করে, কার বাড়ী ঘর ?
 এ সকল চিন্তা যার,
 ভোগেচ্ছা কি রহে তার ?
 ক্ষণস্থায়ী সংসারের প্রভু বাসনা,
 তদ্বদর্শী-প্রবীণের অন্তরে আসেনা ।
 অদ্য যথা সিন্ধু কল্য পর্বত তথায়,
 অদ্য যে সূত্রটি কল্য চলে সে ভিক্ষায় ।

উন্নতি বা অধোগতি,
 অধীন বা অধিপতি,
 যাহা হয় মানবের কর্তৃত্ব কি তার ?
 কর্তা সেই, বিশ্ব চলে যাহার ইচ্ছায় ।
 তুমি আমি আমাদের কর্তা যদি হই,
 জন্মের সময় বল,
 সে কর্তৃত্ব কোথা ছিল ?
 মৃত্যুকালে সে কর্তৃত্বে কে জীবিত রই !
 এ তনু রক্ষার তরে,
 প্রাণপণে যত্নভরে,
 কে বা না সতর্ক রহে ? কিন্তু চিরকাল
 কে কোথা বাঁচিয়া রহে কহ সুরপাল ।
 তদ্বজ্র মনস্বী যাঁরা,
 ধ্বংস-তদ্ব জানি তাঁরা,
 বিস্ত-পুল্ল-ক্ষেত্র-নাশে না হন অধীর ।
 ধ্বংসমুখে চলে সবে ইহা চির স্থির ॥
 বিষ্ণু ছলে লভি রাজ্য হইয়া নির্ভয়,
 বৃথা গর্বে মরিও না ; কখন কি হয়,
 কেহ না বলিতে পারে,
 চরাচর এ সংসারে,
 চঞ্চলা বিজলীতুল্য ভাগ্য বিপর্যয় ।
 সম্পত্তি বিপত্তি যত,
 আসে দিবারাত্রি মত ;
 এ তদ্ব যে জানে, সে কি জয়ে মত্ত হয় !
 —পরাজয়ে তার চিন্তে না উপজে ভয় ॥

যে প্রভু মোর ছিল,
কালে তব হস্তে গেল,
দুরবস্থা মোর ; কিন্তু অবস্থা তোমার,
কল্য কি ঘটবে তা কি চিন্ত একবার !

ভব সম কত ইন্দ্র,
কত বা মহা মহেন্দ্র,
কত এল কত গেল, বরষার জল !
মৃত্যু যদি স্ননিশ্চিত, গর্বেব কোন্ ফল ?

আমার প্রভু আজ গিয়াছে বলিয়া,
মোর মনে দুঃখ নাই তব বিচারিয়া ।

প্রভুর উপরে প্রভু বিরাজে যখন,

তখন প্রভুতে আশ,

তাহা মাত্র পরিহাস !

যাঁর দণ্ড না পারি করিতে অতিক্রম,

প্রভু অপেক্ষা তাঁর দাসত্ব উত্তম ।

তাঁর পাদপদ্ম স্মরি,

তাঁর নাম বুকে ধরি,

তাঁহার ইচ্ছায় ইচ্ছা দিয়া বিসর্জন,

আছি তাঁর করুণার আশায় এখন ।

ঐশ্বর্যের গর্ব বাহা,

তুচ্ছাপেক্ষা তুচ্ছ তাহা,

দণ্ডে দণ্ডে হয় যার উত্থান পতন

এমন ঐশ্বর্যগর্ব মন্তের লক্ষণ ॥

মোহভরে এ ঐশ্বর্য ভাবিছ আপন,

ভাবিছ অনন্তকাল;
 রবে তুমি সুরপাল,
 দেখিতেছ অসম্ভব স্থখের স্বপন ।
 চিন্তিলে অতীত, চিন্ত হ'ত না এমন ॥

পৃথু, ঐল, ময়, ভীম, নরক, সম্বর
 আদি কত মহাবীর দৈতালোকেশ্বর;
 কত ইন্দ্রে খেদাডিয়া,
 স্বর্গের ঐশ্বর্য নিয়া
 ভুঞ্জিয়াছে ; কালবশে ত্যজি কলেবর,
 গেছে চলি—চিন্তা কি তা কর পুরন্দর ?
 যাব আমি, যাবে তুমি,
 যাবে স্বর্গ মর্ত্য ভূমি,
 পৃথীপামী বহু হবে আমাদের মত ।
 হবে যুদ্ধ ; জয় পরাজয় হবে কত ॥
 জগতের এই রীতি,
 নিরীখণি নিতি নিতি,
 চিন্ত মোর ক্ষোভশূন্য অসূয়াবিগত ।
 আছি স্থির বায়ুশূন্য সমুদ্রের মত ॥

কত রুদ্র সাধ্য বসু আদিত্য সুকল;
 আমার বিক্রমে তেয়াগিত রণস্থল ।
 তুমি ত আমার ডরে
 পশি গুপ্ত গহভরে
 কত শীত বর্ষা বায়ু সহি, ধরাতল
 ভাসাইতে অধোমুখে ফেলি অশ্রুজল ।

সেই আমি—কালবশে তোমার সম্মুখে,
 শুনিতেছি, কহিতেছ বাহা আসে মুখে ।
 কিন্তু আমি তাঁর নামে,
 তাঁর গুণে, তাঁর প্রেমে,
 করিয়াছি এ হৃদয় এমন নিশ্চিত,
 নিন্দাস্তুতি মানামানে নহি বিচলিত ।

নহি আমি আর—ক্ষুদ্র বাসনার দাস,
 দেহের স্বাচ্ছন্দ্য আর না আসে উল্লাস ।
 বিজয় প্রতিষ্ঠা তরে,
 আর নাহি ইচ্ছা করে,
 ব্রহ্মানন্দে করি আমি এ নিৰ্জ্জনে বাস ।
 নিৰ্কারিণী-নীরে আমি জুড়াই পিয়াস ।

সংযোগে সম্বন্ধ নাই, বিয়োগের ভয়,
 এ মোর অন্তরে আর কভু নাহি হয় ।
 আনন্দে পোহায় রাত্রি,
 প্রকৃতি আনন্দদাত্রী—

কত আনন্দের মূর্তি আমাকে দেখায় ।
 —আনন্দতরঙ্গ ঐ সিন্ধুনীরে ধায় ।

আনন্দের ঘনরাজি,
 আনন্দে আকাশে সাজি,
 কত আনন্দের রঙ্গ অন্তরে জাগায় ।
 রবি চন্দ্র গ্রহ তারা
 আনন্দ পরিয়া তারা

আনন্দে উদিয়া মোর সম্মুখে দাঁড়ায় ।
 আনন্দে পবন বহি লাগে মোর গায় ।

ছিনু যবে ত্রিলোকের রাজরাজেশ্বর,
 ত্রিবিধ সম্ভাপে নিত্য ছিলাম জর্জর ।
 শত্রু মিত্র মানামান,
 অহঙ্কার অভিমান,
 ক্রোধ, হিংসা, অজ্ঞানতা ছিল সহচর ।
 ছিল তুচ্ছ দেহস্থে ব্যাকুল অন্তর ।
 উৎক্লিপ্ত সমুদ্র সম,
 উৎক্লিপ্ত বিক্লিপ্ত মম
 চিত্ত ছিল, ছিল বিশ্বগৃহ কারাগার ।
 বহিতাম দুশ্চিন্তার বোঝা অনিবার ।
 কারাগার মুক্ত আমি বিগত-বন্ধন ।
 বসিয়াছি পাতি নিত্যানন্দ সিংহাসন ।
 উত্তপ্ত দুঃখের মূল
 সুন্দরী যুবতীকুল
 মোহশূলে বিদ্ধ আর না করে নয়ন ।
 —রূপসিন্ধু ব্রহ্মচার্য্যে করি আলিঙ্গন ।
 আমার সম্পত্তি এবে আনন্দ কেবল,
 কারো সাধ্য নাহি ভবে,
 সে আনন্দ কাড়ি লবে,
 ছলে কিংবা মহাযুদ্ধ করি মহাবল ।
 —অক্ষয় সম্পত্তি মোর এখনে সম্বল ।
 তিরস্কার পুরস্কার অমান সম্মান,
 আমার সম্মুখে এবে সমস্ত সমান ।

শত্রু, মিত্র, মধ্যস্থ বা আত্মীয়, বান্ধব,
 যক্ষ, রক্ষ কিংবা দেব, গন্ধর্ব, দানব,
 সম্পদ বিপদ কিংবা জীবন মরণ,
 সর্বত্র সে এক ত্রক্ষ করি দরশন ॥

মোর ভয়ে ফিরিতেছ,
 আর মনে ভাবিতেছ,
 পাছে আমি আবার তোমাকে খেদাড়িয়া,
 ত্রিলোকাধিপতি হই রাজদণ্ড নিয়া ।
 নির্ভয়ে রাজত্ব তুমি কর সুরপাল,
 আর আমি নাহি যাব জড়াতে জঞ্জাল ॥”

শুনি সুরপুরেশ্বর
 শাস্তভাবে জুড়ি কর
 প্রণমিয়া দৈত্যেশ্বরে করে সম্বোধন,
 “ধন্য তুমি জ্ঞানারুঢ় শাস্ত মহাজন !
 তোমার বৈরাগ্য ধন্য,
 সম্মান তোমার জন্ম,
 অদ্য হ’তে এ দেবেন্দ্র অন্তরে রহিল ।
 তাপসেন্দ্র তুমি, অদ্য ইন্দ্র তা জানিল ।
 বহু জন্ম পুণ্যফলে,
 বহু তপস্যার বলে,
 ভোগাশায় বিতৃষ্ণা অন্তরে উপজয়,
 এ সকল তোমার পুণ্যের পরিচয় ।
 যে হস্তে তুলিয়া বজ্র করিয়াছি রণ,
 সেই হস্ত কৃতাঞ্জলি কর দরশন ।

আনন্দ-সিন্ধুর তীরে
 আনন্দে বিহর ধীরে
 আনন্দ-সমীরে স্নিগ্ধ কর দেহ মন ।
 স্বয়ং সচ্চিদানন্দ তব সঙ্গে রন ।
 দানব মানব কিংবা দেবতা কিম্বল,
 মাত্র তপস্যার বলে হয় পূজ্যতর ।
 দেবতা হ'লে কি হবে,
 বাসনাক্ষ যদি রবে,
 হৃন্দু সন্দ কলহে সে পূর্ণ নিরন্তর ।
 দৃষ্টান্ত উত্তম তার আমি দেবেশ্বর ॥
 তোমার সম্পত্তি লুপ্তি সাধ্য কি এখন ?
 বিশ্ববরনী য তুমি, আমি ক্ষুদ্র জন ।
 বিশ্বনাথ তব সঙ্গে ছায়ার মতন ।”
 এত বলি পুরন্দর করিল গমন ।

বলির বৃত্তান্ত পড়ি অস্তুরে আমার,
 ঐশ্বর্য্য-বিনাশে দুঃখ নাহি আসে আর ।
 তদ্বজ্ঞান বৈরাগোর অভাব যথায়,
 মানুষ উন্মত্ত তথা ঐশ্বর্য্য-বাঞ্ছায় ।
 প্রাপ্ত হলে ঐশ্বর্য্য আনন্দে গয় গর,
 নষ্ট হ'লে ঐশ্বর্য্য কান্দিয়া মর মর !
 হউক সত্রাট—একছত্রী নরপুতি,
 কালচক্রে করিতেছে মৃত্যুপথে গতি ।
 কালচক্রে অনুভূত অস্তুরে যাহার,
 অনুভূত যার জরামৃত্যু সমাচার,
 ফাঁশীর আসামী ঠাই সন্দেহ যেন,
 ঐশ্বর্য্যের মুখ তার নিকটে তেমন ॥

কি দুঃখ ঐশ্বর্যে তাহা বুঝিবারে নারি,
 যথায় ঐশ্বর্য্য তথা নিত্য দুঃখ হেরি ।
 নানারূপে নানাশত্রু করিয়া বেষ্টিত,
 ছলে বলে কৌশলে ত করয়ে লুণ্ঠন ।
 মধুচক্রে মধু আহরণে মধুকর,
 সেই মধুলোভে তার শত্রু হয় নর ।
 মধুর ঐশ্বর্য্য—মধু যদি না রহিত,
 লোভাক্রম মানুষ শত্রু কভু না হইত ।
 মোর যদি না রহিত ঐশ্বর্য্যসম্ভার,
 মোর শত্রু হইতে প্রবৃত্তি হ'ত কার ?
 অতএব শত্রু প্রতি নাহি মোর রোষ ।
 —মানুষের দোষ নাই, ঐশ্বর্য্যের দোষ !
 শত্রুতার মূলে ওই ঐশ্বর্য্য যখন,
 ঐশ্বর্য্যের প্রতি আর নাহি মোর মন ।
 ঐশ্বর্য্যও নাই, আর শত্রুতাও নাই ।
 নির্ভয় হইয়া এবে সবদা বেড়াই ।
 সদানন্দময়ী কালী তার নাম নিয়া,—
 যে আনন্দে থাকি তাহা বুঝাব কি দিয়া ॥”

শুনিয়া সে ব্রাহ্মণের আত্মসম্বরণ
 পূর্ণানন্দে পূর্ণ হ'ল মো সবার মন ।
 ভাবিলাম, তত্ত্বজ্ঞান বৈরাগ্য না হলে,
 ইন্দ্রিয়ের দাস নর রহে ভূমিতলে ।
 যে জন ইন্দ্রিয়দাস সে বিশ্বের দাস ।
 সে দাসত্ব তার শাস্তি নিত্য করে নাশ ।

ইন্দ্রিয়ের ভৃত্য যেই,
 হউক সত্ৰাট সেই,

পরাধীন তার তুল্য কে আছে ভূতলে ।
 হইয়া ভূত্যের ভূত্য সর্বদা সে চলে ।
 দুর্বাসনামত্বে গনে ঐশ্বর্য্য সে ছায়,
 —ঐশ্বর্য্যের তরে করে অসত্য অশ্রায় ।
 না মানে ঐশ্বর, তার নাহি ধর্ম্মাচার,
 অভ্যস্তুরে পশু, বাহ্যে গমুঘ্য আকার ।
 মাধুসূদে, সদালাপে, তপস্কায় আর,
 তত্ত্বজ্ঞান বৈরাগ্য জনমে চিন্তে যার,
 মায়ার বন্ধনে মুক্ত হয় সে সৃজন ;
 দিব্যজ্ঞাননেত্রে করে দিব্য দরশন ।
 ইন্দ্রিয়ের দূত মোহ সম্মুখে তাহার,
 কুয়ামার তুল্য হয় পলে পারকার ।
 দিব্যচক্ষে নিরপে সে জগদ্ধাত্রী মার,
 বিধান লঙ্ঘিতে বিশ্বে সাধ্য আছে কার !
 কাকে কোন কস্ম্যফল কখন সে দিবে,
 কবে কি ঘটানে কার সাধ্য কে বুঝবে ।
 নিরপেক্ষ সূবিচার,
 মঙ্গল বিধান তার,
 সে বিধানে সুখ দুঃখ আসে ভাগ্যোপরে ।
 ইচ্ছায় বা অনিচ্ছায় জীবে সহ করে ।

তার রঙ্গমঞ্চ হয় এ বিশ্ব-সংসার,
 রঙ্গময়ী কালী রঙ্গ করে অনিবার ।
 তার বিশ্ব, তার চন্দ্র, সূর্য্য, ধরাতল,
 তার ক্ষেত্র, তার শশু, তার অগ্নি জল ।

তার বৃক্ষ, তার ফল ; যাকে সে যেমন
দান করে, সেই ভোগ করে তা তেমন ।
তার বাড়ী, তার ঘর, আমরা তাহায়
রাত্রির অতিথি, সেই খাওয়ার শোয়ার ।

তত্ত্বদর্শী সাধক বুঝিয়া সমুদয়,
এ ভবের সুখদুঃখে বিচলিত নয় ।
জগদ্ধাত্রী পদে মন বান্ধা থাকে যার,
সম্পত্তি বিনাশে চিন্তে নাহি ক্লেভ তার ।

যিনি বিশ্বপ্রভু, মোরা নিত্যদাস তার,
দাসের কর্তব্য সেবা ভক্তি অনিবার ।
স্বকপায় সুখ দুঃখ প্রভু যাহা দিবে,
প্রভুদত্ত বলি তাহা মাথায় ধরিবে ।
হেন আশুগতা মনে আসিবে যে দিন,
সে দিন সে প্রভু হবে স্নেহের অধীন ।

তঁাহার ইচ্ছায় চলে এ তিন ভুবন,
তোমার ইচ্ছায় তিনি চলেন তখন ।
ভক্তি সাধনার এই রহস্য প্রধান,
অনুভবে সমর্থ কেবল ভক্তিমান ।

ভক্তের অস্তরে নাই কর্তৃত্বাভিমান ।
লম্বাভালাভে জয়াজয়ে ভক্ত সমজ্ঞান ।
ভগবতী ইচ্ছা বলি যাহা ঘটে তায়,
ভক্তের অস্তরে শাস্তি সর্বদা খেলায় ।
হরিদাস ঠাকুরের মতন তখন,
কহে ভক্ত, “ধাক্ সুখে তবে সর্বজন ।
সকলের দুঃখ প্রভো মোরে কর দান,
করুক সকল জীব সুখে অবস্থান ।”

আনিতে হয় না ধৈর্য্য করি অশেষণ;
ভক্তিপথে চলে ধৈর্য্য ভূত্যের মতন।
জগদ্ধাত্রী কালীনামে রুচি জন্মে বার,
জগভরি শক্তিতত্ত্ব উপলব্ধি তার।
সর্বভূতে আত্মানন্দ করি দরশন;
শত্রু মিত্র বুদ্ধিশূন্য নিত্য তার মন।
শাস্তি-সরোবরে নৌকা বাহি সে বেড়ায়,
ঐশ্বর্য্য বিনাশে তার কিবা আসে যায়।
সম্মুখে উন্মুক্ত তার শাস্তির দুয়ার,
হায় করে সে অবস্থা হবে ভুলুয়ার ॥

শ্রীশ্রীকালীকুলকুণ্ডলিনী।

ষষ্ঠ দিন ।

শান্তম পরিচ্ছেদ ।

যা দেবী সর্বভূতেষু ভ্রান্তিরূপেণ সংস্থিতা ।
নমস্তস্যৈ, নমস্তস্যৈ, নমস্তস্যৈ নমো নমঃ ॥ ১

শ্রীশ্রীচণ্ডী ।

“জয়কালী জয়কালী জয় বিশ্বনাথ, (২)

জয় বিশ্বনাথ, জয় পশুপতিনাথ ।

জয় পশুপতিনাথ, জয় উগানাথ,

১। যিনি সর্বজীবে ভ্রান্তিরূপে সংস্থিতা আছেন বার বার তাঁহাকে নমস্কার করি ।

২। বিশ্বনাথ কাশ্মীরে ; পশুপতিনাথ নেপালে ; উগানাথ বা উমানন্দ কাশ্মীরে ; মহাকালনাথ ভৈটানে ; চক্রনাথ চট্টগ্রামে ; উনকোড়ীনাথ দক্ষিণ শ্রীহর্ষে ; আদিনাথ বঙ্গোপসাগরে ; জগন্নাথ পুরীতে ; স্বামেশ্বরনাথ ঝাট্রাঙ্গে ; একদারনাথ বদরীনারায়ণের পথে ; অমরনাথ কাশ্মীরে ; ওঙ্কারনাথ নন্দগর্ভে ইন্দোরে ।

জয় উমানাথ, জয় মহাকালনাথ ।
 জয় মহাকালনাথ, জয় চন্দ্রনাথ,
 জয় চন্দ্রনাথ, জয় উনকোটীনাথ ।
 জয় উনকোটীনাথ, জয় আদিনাথ,
 জয় আদিনাথ, জয় দেব জগন্নাথ,
 জয় জগন্নাথ, জয় রামেশ্বরনাথ,
 রামেশ্বরনাথ জয় শ্রীকেশ্বরনাথ ।
 জয় শ্রীকেশ্বরনাথ, শ্রীঅমরনাথ,
 জয় শ্রীঅমরনাথ, শ্রীঔঙ্কারনাথ ।
 যথা শক্তি তথা শিব পরমকারণ,
 শিবশক্তি ভুলুয়ার জীবন জীবন ॥”

(নাম সঙ্কীৰ্ত্তন ।)

কহে রুক্ম রুক্মগিরি, “ ধৈর্য্য যদি ধরি,
 অনেক সময় রুধা গঞ্জনায়ে বরি ।
 দুর্শ্রুতি দুর্জ্ঞান ধার্ম্মা,
 নির্ভয় হইয়া ভার্ম্মা,
 আমার যা ক্ষেত্র যোত্র হইবে বার মাস,
 আমি ধৈর্য্য ধরিলে, তাদের মহোলাস ।
 যাহা কিছু উপার্জন,
 কাড়ি মিলে দক্ষ্যগণ,
 কি দিয়া করিব রুক্ম পুত্র পরিজন,
 কি দিয়া বা করি সাধু সজ্ঞান সেবন ।
 কিন্তু যদি দম্ব ধরি,
 প্রতিহিংসা সার করি,
 দুর্জ্ঞান ধরিয়্যা সদা করি নিখ্যাতন,
 শকায়ে তাহার্য্যা দূরে করে পলায়ন ।

মন হইলে নিত্য ক্রমা দুর্জনে করিলে,
 শাস্তি মুখ অসুহিত হয় মহাতলে ।
 অনিষ্টকারীর প্রতিহিংসায় কি দোষ ?
 বিষ্ণুও নাশেন বৈরা করি মহারোষ ।”
 উত্তরে সম্ভান, “কারা নির্ভরবিহীন,
 আপনাকে কর্তা বলি ভাবে নিশিদিন,
 দুর্জন শাসন তরে,
 তারা সদা দণ্ড ধরে,
 কেহ মারে, কেহ মরে, যা হওয়ার হয় :-
 মারামারি নিয়া তারা আমরণ রয় ।
 হিংসায় হিংসার মাঠে,
 নিত্য প্রতিধ্বনি উঠে,
 হিংসায় হিংসার শেষ কভু নাহি হয় :
 হিংসার প্রান্তরে ধ্বংস করে অভিনয় ।
 হেন প্রতিহিংসা পুষ্টি অস্তরে সতত,
 দুর্ভাগ জনমে কোন্ লক্ষ্য সুসাধিত ?
 রাজসিক নরে কার্য করে এ প্রকার,
 স্বভাবে করায় কার্য, কি দোষ কাহার ?
 বিষ্ণু সব গুণময় দেখি সর্ব ঠাই,
 হিংসা প্রতিহিংসা তাঁর কার্যে কভু নাই ।

তথা শ্রীশ্রীগীতায়—

সমোহং সর্বভূতেষু ন মে ঘ্বেষ্যোহস্তি ন প্রিয়ঃ ।
 যে ভজন্তি তু মাং ভক্ত্যা ময়ি তে তেষু চাপ্যহম্ ॥ ১ ॥

১। আমি সর্বভূতে সমান ; আমার শত্রু মিত্র কেহ নাই ; যারা আমাকে ভক্তিপূর্বক ভজন করেন, তাঁহারা আমাতে এবং আমি তাঁহাদিগে বর্তমান থাকি ।

তবে সেই জগন্নাথ রাজরাজেশ্বর,
 কর্মফলদাতা তিনি বিভূ সর্বোপর ।
 তিনি যদি দণ্ডদাতা,
 তিনি সর্বজীব পাতা,
 তবে মোরা দুর্কে সাজা কেন দিতে যাই !
 ধর্মতার দোষ কেন মস্তকে জড়াই ?
 সাত্ত্বিক সাধক যারা বশিষ্ঠ সমান
 সবেব সম ক্রমায় মনস্বী মহান ।
 সাধকের ধর্ম যাহা,
 হিংসাশূন্য ক্রমা তাহা,
 —অমৃত সমান অমরত্ব করে দান ।—
 —দুর্জন শাসনে সাধু প্রেম নিয়া যান !!

পুনঃ দৃষ্টি কর তত্র স্থান্ন্বর হইয়া
 দুর্জন শাসন তরে
 কালী মহাখড়গ করে,
 প্রলয়ের মূর্তি ধরি আছে দাঁড়াইয়া ।
 দেখিতেছে কে দুর্জন ত্রিনেত্র মেলিয়া ।
 রাজরাজেশ্বরী কালী,
 হয় আজ নয় কালি,
 হানিবে দুর্জয় খড়গ দুর্জনে ধরিয়া ।
 সাধ্য কি তখন তার, বাঁচে পলাইয়া !
 সৃজন করিয়া তোমা আনিয়া সংসারে,
 বসাইল যথাযোগ্য দ্রব্য চারি ধারে ।
 ভূমিষ্ঠ হওয়ার পূর্বেব বন্ধে জননার,
 যে করুণা করি অগ্রে রাখি দিল ক্ষীর,

আছে কি সে উদাসীনা তোমার রক্ষায়,
 যে সর্বদর্শিনী সে কি দর্শে না তোমায় ?
 যাঁহার বিধানে ক্ষেত্রে শস্ত্র উৎপাদিত,
 কাটিয়া লইয়া গৃহে কর রাশীকৃত,
 যাঁহার বিধানে গঙ্গা ষোণায় সলিল ;
 —রক্ষা করে প্রাণ আসি নিশ্চল অনিল,
 প্রাতিক্ষণ রক্ষি প্রাণ যাঁর করুণায়,
 দুর্জনের করে সে কি রক্ষে না তোমায় ?
 অনিষ্ট ঘটিলে, চিন্তা আপন হিয়ায়,—
 যর্বদা কি প্রতিহিংসা নিতে পারা যায় ?
 দুষ্টিে দ্রব্য নিলে প্রতিহিংসা লও তার,
 আঙুনে পুড়িলে গৃহ হিংসা কর কার ?
 ভূমিকম্পে ধ্বংস হল টোকিও সহর,
 প্রতিহিংসা লবে কোথা জাপানী বহর ।
 পঞ্চ শক্তি একত্রে করিল মহারণ,
 নিকোলামে কৈল হত্যা তার নিজ জন ।
 যুদ্ধে যোগ দিয়াছিল আত্মরক্ষা তরে,
 হৈবের কি বিড়ম্বনা আত্মঘাতে মরে ।
 বন্ধুবর্গ কেহ তার না হল সহায়,
 কর্মফল সঙ্গে সঙ্গে সর্বত্র ধরায় ।

১৩৩০ সালে ৪ঠা ভার্দ্র ভূমিকম্পে জাপান রাজধানী টোকিও নগর ধ্বংস হয় ।
 যদি অস্ত্র কোন প্রবল শক্তি জাপান আক্রমণ করিত, জাপানের দুর্জয় রণতরির
 বহর প্রতিহিংসায় প্রজ্জ্বলিত হইয়া শত্রুর কত যুদ্ধ জাহাজ সমুদ্র গর্ভে ডুবাইয়া
 দিত, কত জীবন সিমোজা পাউডারে উড়াইয়া দিত । কিন্তু ভূমিকম্পে যে অনিষ্ট
 সাধিত হইল, তাহার জন্ত কোথায় প্রতিহিংসা লইতে পারিল । ইষ্টানিষ্ট লোকে
 মাত্র নিমিত্ত হইয়া করে—যথার্থ কর্তা সেই কর্মফলদাতা ভগবান ।

কর্মফলদাতা সেই জগদ্ধাত্রী কালী,
জানি পাদপদ্ম বুকে ধরে চন্দ্রভালী ॥

তাই বলি মোদের কর্তৃক কিছু নাই—
কর্ম যার যেমন, তেমন ফল পাই ।
দুর্জন নিমিত্ত, কার প্রতিহিংসা লব,
যথার্থ যে দুঃখদাতা কোথা তাকে পাব !
তাঁহারি কৃপায় শক্তি লাভ করে নরে,
সে শক্তির অপব্যবহার করে পরে ।
নিজ নিজ কর্মফল তারপরে পায়,
নিজ কর্ম না বিচারি অণ্ডকে দোষায় ।

কিন্তু ক্ষমাময় চিত্ত যে জন মহীতে,
কারো সাধ্য নাহি তার অনিষ্ট করিতে ।
অনিষ্ট করিলে তার ইষ্ট তাহে হয়,
রটে কীর্তি জগতরি অমর অক্ষয় ।

প্রতিহিংসা শত্রুর কতই কে বা লবে,
শত্রুছাড়া কোন্ জন আছে এই ভবে !
রাজা হও প্রজা হও শ্রেষ্ঠ বা নিকৃষ্ট—
আপনি জুটিলে শত্রু করিতে অনিষ্ট ।
সমগ্র পৃথিবী যদি কর অন্বেষণ,
নিঃশত্রু জীবন নাহি পাবে একজন ।

অবতার বলি যারা অর্চিত্ত ধরায়,
কত শত্রু তাঁহাদের পাছে পাছে ধায় ।
ক্ষমাময় বশিষ্ঠের শত্রু বিশ্বামিত্র,
—শিষ্য যদি হ'ল শত্রু কেবা হবে মিত্র ।
দ্রোণ-বধ-নিমিত্ত অর্জুন মহাবীর,
ভীষ্মবধে উদ্যোগী স্রয়ং যুধিষ্ঠির ।

ছাড়িয়া পূর্বের কথা বর্তমানে আসি,
 দেখি মহাপুরুষের শত্রু রাশি রাশি ।
 ধাশুখুষ্ঠ ক্রুশে বিদ্ধ শত্রুর বিচারে,
 হরিদাস রজ্জুবদ্ধ বাইশ বাজারে ।
 মক্রেটিশ তাঁর বিষ পানে হীনপ্রাণ,
 সাধুর অধিক শত্রু ভবে বিদ্যমান ।
 কিন্তু তাঁরা তা বলিয়া ক্রোধমত্ত চিত্তে,
 অগ্রসর নাহি হন প্রতিহিংসা ল'তে ।

ক্ষমায় তাঁহারা বিশ্বে অবতার বলি,
 প্রাপ্ত হন নিত্য নব শ্রদ্ধার অঞ্জলি ।

দুষ্ট যে, আপনি কষ্ট পায় সর্বক্ষণ,
 আনে কাল তার জন্ম তাঁর নির্যাতন ।
 তার প্রতিহিংসা নিতে দাঁড়াব কি জন্ম,
 মনুষ্যত্ব লাভি কেন হইব জঘন্য !
 দুর্ভজনের সঙ্গে যদি ছাড় অনুবন্ধ,
 তাহাতেই হবে তার সর্বদিক বন্ধ ।
 সাহায্যবিহীন হলে আপনি মরিবে,
 হিংসার জঞ্জাল কেন নিজে গিরিজিবে ?

পরহিংসা পরিত্যাগ যে জন করেছে,
 মহৎ সে, এ কথায় সন্দেহ কি আছে !
 মহতের মর্যাদা লঙ্ঘন যারা করে,
 ভাগবত বাক্যে তারা সর্বরূপে মরে ।

তথা শ্রী শ্রী ভাগবতে :—

আয়ুঃ শ্রীয়ঃ যশোধর্ম্ম লোকানাশীষ এব চ ।

হন্তি শ্রেয়াংসি সর্ব্বাণি পুংসঃ মহদতিক্রম ॥ (১)

(১) যে ব্যক্তি মহতের মর্যাদা লঙ্ঘন করে, তাহার আয়ু ক্ষয় হয়, লক্ষ্মীশ্রী নষ্ট হয়, যশ নষ্ট হয়, ধর্ম্ম নষ্ট হয়, গুরুগণের আশীর্বাদ নষ্ট হয় এবং তাহার সর্ব্ব প্রকার মঙ্গল নষ্ট হয় ।

বলেন আভীরানন্দ, “দুর্জনে যে জন,
উপযুক্ত দণ্ড তাকে নিত্য প্রয়োজন ।
দণ্ড বিনা দুর্জনে কি হিত পথে চলে !
ক্ষমায় কেবল তারা যন্ত্রণা উছলে ।
সাম্বিক সন্ন্যাসী যারা তাহাদের ধারা,
গৃহস্থে ধরিলে যাবে ধনে প্রাণে মারা ।”

উত্তরে সন্তান, “যাঁরা আদর্শ সাধক,
সর্বদেশে সর্বকালে তাঁরা অহিংসক ।
তাঁহাদের ধর্ম যাহা তাই বলিতেছি ।
লক্ষ্য উচ্চ কর, ইথে তর্ক মিছামিছি ।
কর্মফলদাতা যদি হন ভগবান,
তিনি দণ্ড না দিলে কে করে দণ্ড দান !
লোকে দণ্ড যাহা করে, তাহাও তাঁহার,
দৈব-দণ্ড ঘটিলে বিশ্বাস মো সবার !”

সুধান আভীরানন্দ, “দুর্জনে পামরে,
লোকে না দণ্ডিলে দৈব দণ্ড দান করে ।
আছে কি কোথাও তার প্রত্যক্ষ প্রমাণ ?”
উত্তরে সন্তান, “ঘরে ঘরে বিদ্যমান !

সর্বত্র যাঁহার দৃষ্টি সদা বিদ্যমান,
অজ্ঞাত কি তাঁর তাহা কহ বুদ্ধিমান ।
কার সাধা এড়াইবে তাঁহার বিচার,
দৈব যাকে বল, তা ত কৃপাণ তাঁহার ।

সে কৃপাণ কাটে সন্তানের মোহপাশ,
কাটে মুণ্ড দুর্জনের করি সর্বনাশ ।
ভ্রমে সে কৃপাণ কত শত রূপ ধরি,
বিচারিলে বিষয় সাগরে ডুবে মরি ।

কভু ভূমিকম্প, কভু ভীম প্রভঞ্জন,
 কভু ঘূর্ণিবায়ু, কভু ভীষণ প্লাবন ।
 কভু বজ্রপাতরূপে, কভু সংক্রামক
 ব্যাধিরূপে, সে দুর্ভয় কৃপাণ নাশক ।
 কতরূপে তাঁর খড়গ ঘুরে মহীতলে,
 চিস্তিলে শঙ্কায় প্রাণ কাঁপে বক্ষতলে ।
 ঘুরিছে ভীষণ খড়গ মাথার উপরে,
 তবু কি আশ্চর্য্য কেহ দর্শন না করে ।
 উখিত খড়্গের নিম্নে বসতি সদাই ।
 কবে কার স্কন্ধে পড়ে কিছু ঠিক নাই ।
 তবু জীব “আমি কর্তা” বলে বার বার,
 —ধন্য বিষ্ণুমায়ে ! তোমা করি নমস্কার ॥

দুটা বা একটা নয়, কোটা কোটা তাঁর,
 তনয় লইয়া অভিনয়ের সংসার ।
 অগণ্য তনয় রক্ষা সহজ ত নয়,
 তাই মায়াজালে বাঁধি রাখে সমুদয় ।

ষুদ্ধিরূপা কালী যাকে যে ভাবে মারিবে,
 সেইভাবে বুদ্ধি দিয়া মশানে আনিবে ।
 —সর্বত্র মশান তাঁর, সর্বত্র শ্মশান ।
 সর্বত্র নিরখ তাঁর বিচারের স্থান ।

সর্বত্র বিরাজে তাঁর আজ্ঞাবাহী চর,
 তাঁর দণ্ডাদেশ বহি ফিরে নিরন্তর ।
 তাঁহার বিচার ফল পাই হাতে হাতে,
 মারিতে যাইয়া তাই মরে অপঘাতে ।
 নির্দোষ শিশুর প্রাণ বধিতে যাইয়া,
 মরে সোনা তাই শিরে মুদগর খাইয়া ।

বলেন আভীরানন্দ, “কহ বিস্তারিয়া ।”
 বলিল সন্তান, ঘাহে শিহরয়ে তিয়া ।
 “গোস্বামী গোকুলচন্দ্র বাড়ী ভাগ্যার,
 গ্রামে গ্রামে ভাগবত পড়িয়া বেড়ায় ।
 পত্নী তার বৃন্দারানী,
 রূপের বাজারে রানী,
 বয়সে চাবিশ ; আছে এক পুত্র তায়,
 চারি বৎসরের শিশু রূপে ইন্দু প্রায় ।

গোস্বামীর ঘরে আছে বৃদ্ধা মাতা তার,
 বাড়ীর চৌদিকে আছে প্রাচীর, প্রাকার ।
 প্রাচীরের মধ্যে গৃহ ছোনের ছাউনী,
 লৌহমঞ্চ মধ্যে যেন লতার বাউনী ।

বাড়ীর নিকটে বাস করে মুসলমান,
 মিরক্ষর কৃষক সে, প্রোটা বলবান ।
 স্বভাবে সে সচ্চরিত্র, ঈশ্বরে বিশ্বাসী ।
 সজ্জন বলিয়া ভালবাসে গ্রামবাসী ।
 ক্ষেত্র চষি নিজ ধাণ্ডা নিজে অর্জিত খায়,
 কোনরূপে ছুঃখ কষ্টে সংসার চালায় ।

গোঁসাই তাহাকে কিছু টাকা কর্ত্ত দিয়া,
 ছুই বন্দ জমী তায় নিল ঠকাইয়া ।
 দরিদ্র কৃষক, অর্থ বল নাহি তার,
 আদালতে আবেদনে রুদ্ধ তার দ্বার ।
 গোঁসাইকে স্তুতি নতি অনেক করিল,
 কৃপণের প্রাণে তবু দয়া না আসিল !

গোকুল জাতীতে সংঘমী বৈষ্ণব । নাম গোকুলবিহারী দাস । ভাগবত
 পড়ে বলিয়া গোস্বামী উপাধি । তার ছোট ভাই এল, এম, এস ডাক্তার ।

শ্বেত্র হারাইয়া দুঃখী অকূলে পড়িল
মনোকম্ভে কিছুকাল কান্দিয়া ফিরিল ।
অস্নাতাবে কৃষ্ণকের পুত্র পরিজন—
—মধ্যে বহে দুঃখের তরঙ্গ অমুক্ষণ ।

গত্যন্তর না দেখিয়া কৃষ্ণক তখন,
মনে মনে বলে, “ধাক্ পামণ্ড কৃপণ,
যখন যাইবি তুই প্রবাসে আবার,
পোড়াইয়া তোর বাড়ী বনাইব ক্ষার ।
দুঃখ কাকে বলে তোকে দেখাব এবার,
শত্রু তুই তোর নাশে কি পাপ আমার !”

এত ভাবি কৃষ্ণক সঙ্কল্প করি স্থির,
রহিল উদ্ভণ্ড মনে,
সর্প যথা লেলিহনে—

দংশনের কিছু পূর্বে, অথবা হস্তোর
আক্রমণ পূর্বে যথা নিস্পন্দ শরীর ॥
গোপনে কৃষ্ণক সদা করে অন্বেষণ,
গোঁসাই কখন করে প্রবাসে গমন ।
আসিল বৈশাখ মাস, গোঁসাই তখন
পাইল সূদূরে এক পাঠে নিমন্ত্রণ ।

আনন্দে অধীর হ’ল,
ভাগবত স্কন্ধে নিল,
বাহিরিল প্রায় দুই মাসের মতন,
পাছে আসি পত্নী করে প্রেমের রোদন ।

“প্রবাসে চলিছ তুমি,
ইথে কি বলিব আমি,


না গেলো সংসার চলা কঠিন এখন ;
 অসহ আমার পক্ষে তব অদর্শন ।
 দণ্ডের বিরহ আমি সহিতে না পারি,
 কি কহিব, দিনে ঘোর আঁধার নেহারি ।”

পত্নীর প্রণয় হেরি সজল নয়নে,
 গৌসাই সান্ত্বনা করে মধুর বচনে ।
 “কঁাদিও না, যাত্রাকালে স্মরি কান্দা মুখ,
 জাগাইবে পরবাসে চিন্তে মহা দুখ ।
 তোমার সেনার জন্ত অন্নবস্ত্র চাই,
 অন্নবস্ত্র সংগ্রহিতে পরবাসে যাই ।

পরবাসে কষ্ট সহি,
 তোমারি নিমিত্ত রহি,
 তোমারি নিমিত্ত করিয়াছি বাড়ী ঘর,
 তোমা সম্ভোষিতে সদা ব্যাকুল অন্তর ।
 মুখে কৃষ্ণনাম করি,
 অন্তরে তোমায় স্মরি,
 তোমা ভিন্ন অণু নাহি জানে মোর হিয়া,
 দু’ মাসের মধ্যে আমি আসিব ফিরিয়া ।”

বাহিরিল গৌসাই পড়িতে ভাগবত,
 কৃষ্ণক পাইল হিংসা সাধিবার পথ ।
 অন্ধকার রাতিকাল,
 থাকি থাকি ফেরুপাল,
 ডাকে মাঠে ; ডাক শুনি গ্রামের কুকুর
 চিৎকারে, ছাড়িয়া বাড়ী, আমি কিছু দূর ।

নিস্তরক নিদ্রায় সর্বগ্রামে সর্বজন ।
 —কর্মবীর শ্রান্তি নাশে বিলুপ্ত চেতন ।
 মুসলমান মনে চিন্তি এখনি সময়,
 লজ্জিল প্রাচীর, ক্রোধে নির্ভয় হৃদয় !
 কিন্তু গৃহপার্শ্বে আসি নিরীক্ষণ করে,
 কক্ষ আলোকিত, দীপ প্রজ্জ্বলিত ঘরে ।
 গোস্বামীর পত্নী যেন কাহার সহিত,
 করিছে মধুরালাপ হরমিত চিত ।
 কৃষক সহসা মনে বিস্ময় মানিল,
 ভাবিল, গোসাই ঘরে ফিরি কি আসিল !
 গবাক্ষের নিকটে হইল অগ্রসর,
 দেখিল চণ্ডাল বোনা শয্যার উপর ।
 শুইয়া কহিছে কথা, বৃন্দা তার গায়
 পার্শ্বে দাঁড়াইয়া হাওয়া করিছে পাখায় ।
 দেখি দৃশ্য কৃষকের তনু শিহরিল,
 “হা ধর্ম্য !” বলিয়া ধীরে নিশ্বাস ফেলিল ।
 শুনিল, কহিছে বোনা, “শুন ঠাকুরাণী !
 তোমার এ পুত্রটাকে নহে ভাল জানি ।
 হাজার হলেও ভদ্র লোকের সম্ভান,
 চারিবর্ষে মোর চেয়ে ওর বেশী জ্ঞান ।
 তুমি যত যত্ন কর, সন্দেহে আমার
 প্রাণ তত কাঁপে, ওর ভয়ে অনিবার ।
 ছেলেটাকে দেখি যেন যমের সগান,
 কিছুতেই স্থির নাহি হয় মন প্রাণ ,
 ও যদি সহসা কথা করয়ে প্রকাশ,
 তাহলে কঠিন হবে মোর গ্রামে বাস ।



বাস দূরে প্রাণ যায়ে,

তব প্রেমে না কুলাবে,

তাই বলি পুত্রটাকে হয় বধ কর
না হয় আমার ভালবাসা পরিহর !”

বৃন্দা কহে, “ও কি বুঝে, ও শিশু সামান্য,
কি আশ্চর্য্য এত ভয় কর ওর জন্ম !
প্রাণ-প্রিয়তম তুমি, আসিলে গোঁসাই,
শপথি কহিনু তব কোন চিন্তা নাই ;
নিন্দিলেও লোকে, তোমা কিছু বলিবে না,
পুরুষ-ভুলানো মল্ল আছে মোর জানা ।”

চণ্ডাল কহিল, “তুমি কি বুঝাও কারে,
নাহি দুগ্ধ পান করি বিষের আধারে ।
বনের মতিষ হ'ক যত বলমান,
পলায় সে নিরথিলে সিংহের সন্তান ।
ও নহে সামান্য শত্রু, ভ্রাস্তি পরিহর,
মোকে যদি চাও তবে ওকে বধ কর ।
মরিলে ও রবে তুমি একা এই ঘরে,
দিবসে নিশায় আমি নির্ভয় অনুরে,
আসিব তোমার কাছে,
খাওয়াইও দুধে মাছে,
ভালবাসা দেখাইও, আমিও দেখাব,
তখন এ খাটে শুয়ে খাঁটি সুখ পাব ।”

বৃন্দা ধীরে কহে, “পুত্রে বধি কি প্রকারে !”
কহিল চণ্ডাল, “নিয়া চল ঢেকী ঘরে ।
ঢেকীর মোনাই তথা আছে দেখিয়াছি,
সরাইয়া দুয়ারে রাখিয়া আসিয়াছি ।

আশ্বে তুমি পুত্রটাকে রেখো শোয়াইয়া,
 আমি সে মোনাই ধরি,
 দিব মাথা চূর্ণ করি,
 —চূর্ণ করি দিব মাত্র এক বাড়ি দিয়া,
 আমি শেষে নিয়া দিব গাঙ্গে ফেলাইয়া ।
 তুমি মাত্র রক্তটুক ধুবে জল দিয়া
 মুছবে আপন হাতে গার্জ্জনা করিয়া ।
 তারপরে গ্রামালোকে জিজ্ঞাসা করিলে,
 কহিও, “সে কোথা গেছে কাল সন্ধ্যাকালে,
 না পাইনু সারা গ্রাম তলাস করিয়া,
 কহিও সে কথা কিছু কান্দিয়া কান্দিয়া ।”

বৃন্দা সে চণ্ডাল বাক্যে সশ্রুতা হইল,
 যুমন্ত সপ্তানে ধীরে বক্ষে উঠাইল ।

দেখিয়া সে মুসলমান,
 হারাইল আত্মজ্ঞান,
 অসহায় দুর্বল শিশুর রক্ষা তরে,
 অবিলম্বে দ্রুতপদে গেল ঢেকী ঘরে ।
 দ্বারদেশে মোনাই দেখিয়া হাতে নিল,
 বেড়ার আড়ালে বীর দাঁড়ায়ে রহিল ।

বৃন্দা পুত্রের করি কোলে,
 ধীরে ধীরে অগ্রে চলে,
 চণ্ডাল চলিছে পাছে নিঃসন্দেহ প্রাণ ;
 সময় বুঝিয়া মহাবল মুসলমান,
 পাষাণের মাথায় মারিয়া এক বাড়ি—
 চূর্ণ করি, প্রাচীর লজ্জিয়া গেল বাড়ী ।

একাঘাতে হত-প্রাণ,
 অধর্মের অবসান,

অন্ধকারে রক্তশ্রোতে ভাসিল উঠান ।

দেখিয়া বৃন্দার প্রায় ওষ্ঠাগত প্রাণ ॥

ক্রতপদে গেল ঘরে,

পড়িল পালঙ্কপরে,

বহুক্ষণ পাপিনীর না রহিল জ্ঞান,

বুকে বজ্রাঘাত, চক্ষে বহু বহমান ।

প্রলয়ের প্রভঞ্জন বহিল মাথায়,

অঙ্গে কাল-ভুজঙ্গমে বেষ্টিত তাহায় ।

কি যন্ত্রণা তাহার, তা সেই মাত্র জানে,

সাধ্য নাই সে বীভৎস দৃশ্য বরণনে ।

আশ্চর্য্য দৈবের খেলা;

আশ্চর্য্য কালীর লীলা !

আশ্চর্য্য প্রকারে তার আশ্চর্য্য বিচার,

আশ্চর্য্য সে খড়্গ, তার আশ্চর্য্য প্রহার ।

তারপরে দুর্ভাগিনী ভাবিল বসিয়া,

“গেঁাসাই আসিয়া গেল সংহার করিয়া,

সে ভিন্ন এ অন্ধকারে

আর কে আসিতে পারে !

নিষ্ঠুর হৃদয় তার, ক্ষমা নাহি জানে,

আমাকেও এইরূপে বধিবে পরাণে ।

বোনা মোর প্রাণ, তা সে নিশ্চয় জানিত ;

দুর্নামের ভয়ে মুখে কিছু না বলিত ।

প্রবাসে চলিলু বলি বাহির হইয়া,

দেখিত আমার কার্য্য গোপনে আসিয়া ।

আজ আসি অন্ধকারে দেখিল সকল,

আমার বন্ধু তার চক্ষে হলাহল ।

জীবনের বন্ধু আমি করিলাম যায়,
 সন্দেহ করিয়া মোরে,
 প্রাণে সংহারিল তারে,
 মৃত্যুর সোহাগে মাত্র ভূলায় আমায়,
 পাপিষ্ঠ তাহার মত সংসারে কোথায় !”

প্রভাতে গ্রামের লোক আসিল ধাইয়া,
 আসিল পুলিশ পঙ্গপাল সঙ্গে নিয়া ।
 বৃন্দা কহে, “রাত্রে আসি বাড়ীর গৌসাই
 হত্যা করি গেল চলি, অন্য সাক্ষী নাই ।”
 বোনার আত্মীয় যারা,
 উঠি পড়ি লাগে তারা,
 গৌসাইকে গেরেপ্তারে উন্নত হৃদয় ।
 —মুসলমান, মধ্যে বসি শুনে সমুদয় ।
 ভাল মন্দ কাহাকেও কিছু নাতি কহে,
 সংসার-চরিত্র হৈরি-নতশিরে রহে ।

সে গ্রামে গৌসাই ভাগবত পাঠ করে ;
 পুলিশ সেখানে গেল,
 দুহাতে শৃঙ্খল দিল,
 খুনের আসামী বলি ধরিল তাহারে,
 দেখিয়া শুনিয়া ভয়ে কেহ না ফুকাঁরে ।
 কেহ না করিল তাঁর পক্ষ সমর্থন,
 উদাসীন তুলা রংল ভক্ত শিষ্যগণ ।
 চারিদিকে জলস্থল সমালোচনার,
 সে যে আলোচনা, আদি অন্ত নাহি তার !

কেহ বলে, দেখ ভাই ভাগবত পড়ে,
 সেও কি নৃশংস-মতি, মরুইত্যা করে ।
 কেহ বলে ভাল লোক আগে ভাবিতাম,
 এত ভয়ঙ্কর তা ত এবে জানিলাম ।
 কেহ বলে গৌসাই বৈষ্ণব যত জন,
 খুনের আসামী ছাড়া আছে কোন জন ?
 কেহ বলে এমন লোকের এই কৰ্ম্ম,
 কাজ নাই করি আর ভাগবত-ধৰ্ম্ম ।
 কেহ বলে গৌসাই বৈষ্ণব যে দেখিবে,
 সেই আগে ঘাড় ধরি তাকে ভাড়াইবে ।
 এইরূপে কতজনে কত কথা বলে,
 দারোগা গৌসাই পরি মহোল্লাসে চলে ।
 নির্দোষ গৌসাই দেখি অঘট-ঘটন,
 চলিল নীরবে অশ্রু করি বরষণ ।

হাজতে বসিয়া শুনে দারোগার কাছে
 চণ্ডাল বোমাকে সেই হত্যা করিয়াছে ।

প্রিয়তমা পত্নী তার,
 দেখা সাক্ষী সে হত্যার.

তার অশ্রু সাক্ষী নাই ; মুদগর প্রণাবে,
 হত্যা করিয়াছে তাকে ঘোর অন্ধকারে ।
 স্বচক্ষে সে দেখিয়াছে, তার সাক্ষ্য বলে,
 খুনী সে ; গার্দে বন্ধ লোহার শৃঙ্খলে ।

শুনিয়া নিশ্বাস ফেলি গৌসাই ভাবিল,
 “হ’ল কি এমনি ঝড় সূর্য্য খসি প’ল !

চন্দ্র কি বৃষ্টির জলে,
 ধসিয়াছে ধরাতলে !

বন্দ্র কি হ'ল শেষে মারিকেল ফুল ।
 ঘটিল কি গ্রন্থকালে গগনে দিক্ ভুল ?
 বৃন্দা দেখিযাছে হত্যা করিতে আমায়,
 ডুবেছে কি তিমালয় বিলের বন্যায় !

এ কি স্বপ্ন কিম্বা ইহা কবির কল্পনা !
 উন্মাদ কি আমি ? কিছু বুঝিতে পারি না !
 দণ্ডের বিরহ মোর সহিতে যে নারে,
 মোর জন্ম ধরে প্রাণ যে সতী সংসারে,
 সেই সাক্ষ্য দিয়া মোকে পরাল শৃঙ্খল,
 প্রাণদত্ত তরে সেই প্রমাণ কেবল !

কি দোন করিনু আমি তাহার সম্মুখে,
 কি দোষে হামিল শূল সে আমার বুকে !
 ভাবিতাম সাবিত্রী সমান সে আমার,
 —সাবিত্রী পাতর প্রাণ-দাত্রী অনিবার !
 ধর্ম্য কি উলটি গেল,
 শাস্ত্র কি বিরুদ্ধ হল,
 সাবিত্রী কি করে এবে পতিকে সংহার !
 বুঝিলাম যথার্থ নরক এ সংসার !!
 প্রতিমা করিয়া যারে হৃদয় মন্দিরে,
 অর্চিতেছি মাজাইয়া বস্ত্র অলঙ্কারে,
 পরমার্থ ভুলি প্রাণ ষিকাইনু যায়,
 নিরখিল সেই হত্যা করিতে আমায় !”

ভাবে আর উন্মাদের মত শুধু চায়
 আর সদা অশ্রুধারে ধরণী ভাসায় ।
 সর্বদা শৃঙ্খলাবদ্ধ, শৃঙ্খলের ভার
 মরণ অপেক্ষা ক্রমে অসহ তাহার ।

যথাকালে গোঁসাই আনিত আদালতে,
 আসিল সে বৃন্দারাগী সত্য সাক্ষ্য দিতে ।
 একবার মুখ ভুলি দেখিল গোঁসাই
 দেখিল সে বৃন্দা যেন আর তার নাই ।
 রত্নহার, যত্নে বাহা বন্ধে পরেছিল,
 হার নহে, সর্পি তাহা পরখি দেখিল ।
 চর্মকি উঠিল চিত্ত ; কহিল শিহরি,
 “কি ভ্রান্তি ! পারিলু হার ভুজঙ্গিনী ধরি !”
 বৃন্তচ্যুত ফল যথা
 —কোথা বৃন্ত, ফল কোথা !—

তথা বৃন্দা দাঁড়াইল সম্মুখে তাহার,
 শত চক্ষু তার পানে, দৃশ্য চমৎকার ।
 কহিল, “এই সে স্বামী,
 স্বচক্ষে দেখেছি আমি,
 হত্যা করি অন্ধকারে গেল পলাইয়া ।”
 নিঃশব্দ সে আদালত গৃহ তা শুনিয়া ॥
 হত্যাকারী মুসলমান শুনি দাঁড়াইয়া,
 কহিল, “হা ঈশ্বর ! কি গিয়াছ মরিয়া !”
 মোকদ্দমা দায়রায় তখন উঠিল
 বোনার কুটুম্ব যত উল্লাসে মাতিল ।
 গোঁসাই নির্বাক, নাহি তদন্ত, তাহার,
 নাহি তার অনুকূলে কোন সাক্ষী আর ।
 জজ্ তাকে যত প্রশ্ন জিজ্ঞাসে, সে ধীরে,
 দাঁড়াইয়া নতশিরে ভাসে আখি-নীরে ।
 আর ভাবে, “কবে হবে বিচারের শেষ,
 কবে ফাঁসিকাঠে বুলি ছাড়িব এ দেশ ।

দেখিলাম এ সংসারে বিচার কেমন,
 কেমন সে পরলোক দেখিব কখন ?
 কেমন মিথ্যার সূত্রে সজ্জিত সে লোক,
 কেমন বিচার সাহে সে দেশের লোক ।
 এমন অদ্ভুত সৃষ্টি এদেশে যাহার,
 নাজানি সে দেশে কত অত্যাচার !

এদিকে উকিল করে উত্তম বক্তৃতা,
 “এ ব্যক্তি যে খুনী তা’তে নাহিক অশ্রুতা
 খুন করি অনুতাপে লজ্জিত এখন,
 কি বলিবে তাই মুখে না সরে বচন ।
 নির্দোষ চণ্ডালপুত্রে হত্যা করিয়াছে,
 উহারি নিজের পত্নী চক্ষে দেখিয়াছে ।
 পত্নী ওর অবশ্য অসত্য পক্ষে নয়,—
 হবে কেন ? উচ্চবংশে জন্ম তার হয় ।
 রূপে গুণে বুদ্ধিমতী মহাধর্মশীলা,
 অসম্ভব তার মুখে মিথ্যা কথা বলা ।
 তার সাক্ষর শত সাক্ষ্য উপরে ধর্তব্য,
 প্রাণদণ্ডে দণ্ড করা ইহাকে কর্তব্য ।”

কত যুক্তি সহ কত বক্তৃতা তাহার,
 আদালতে বাহাদুর উকিল মোস্তার ।
 অবশেষে আদালতে বাহিরিল রায়,
 দণ্ডিত গোঁসাই প্রাণদণ্ডের আজ্ঞায় ।

পুলিশের কর্মচারী যে তদন্তকারী,
 আর যে উকীল আদালতে সরকারী,
 আনন্দের হাসি হাসি বসে মূর্খস্বখে ;
 জজ্ কিস্তি রায় দিয়া অপ্রসন্ন মুখে ।

হেন কালে মুসলমান,
 হয়ে কিছু আগুয়ান
 করজোড়ে উচ্চৈশ্বরে কহে বিচারকে,
 “কে করিল হত্যা, তুমি ফাঁশি দেও কাকে !
 বিচারক হও যদি কর্মসাক্ষী করি,
 কর যদি সুবিচার সে ঈশ্বরে স্মরি,
 তবে শুন মোর কাছে,
 যে ভাবে যা ঘটয়াছে,
 “এই যে গৌসাই মোর ক্ষেত্র নিল কাড়ি,
 ঘরে অগ্নি দিতে আমি পশি ওর বাড়ী ।
 প্রবেশি দেগিনু ওর পত্নী দ্বিচারিণী,
 বোনার সহিত বসি করে কানাকানি ।
 বোনা বলে, “শুনহে গৌসাই ঠাকুরাণি,
 তোমার এ পুত্রটাকে নহে ভাল জানি ।
 ও যদি প্রকাশ করে মোদের গোপন,
 কঠিন হইবে মোর জীবন ধারণ ।
 অতএব পুত্রটাকে হয় বধ কর,
 না হয় আমার ভালবাসা তুমি ছাড় ।”
 পাপিয়সী কহে, “পুত্রে বধি কি প্রকারে ?”
 বোনা কহে, “কোলে করি চল ঢেকী ঘরে,
 সেখানে উহার শিরে মুগুর মারিয়া,
 মাথা চূর্ণ করি দিব গঙ্গায় ফেলিয়া ।
 সুধালে কহিও পুত্র গেছে হারাইয়া,
 দিন দুই তুমি কিছু ফিরিও কান্দিয়া ।”
 রাক্ষসী তাহার বাক্যে সন্মতা হইল,
 ঘুমন্ত সন্তানে বুকে তুলিয়া লইল ।

রাক্ষসী চলিল আগে বোনা পাছে যায়,
 এ অধম দেখি শুনি চৈতন্য হারায় ।
 পুত্রটাকে বাঁচাইতে-মনস্থ করিয়া,
 মুণ্ডর ধরিনু আমি অগ্রে ঘরে গিয়া ।
 লুকাইয়া রহিলাম আঁধারে আড়ালে,
 বোনা যবে যায়, আমি “আল্লা আল্লা” বলে,
 এক বাড়ি মারিলাম পাপীর মাথায়,
 এক বাড়ি খাইয়াই জন্মের বিদায় ।
 কোথায় গৌসাই ছিল কোথায় বা খুন,
 কেমন খোঁজ নাই ধন্য তদন্তের গুণা!
 আমি সেই হত্যাকারী গৌসাই নির্দোষ,
 সুবিচার করি কর ঈশ্বরে সন্তোষ ।
 শিশু রক্ষা তরে আমি করিয়াছি খুন,
 মূর্থ আমি নাহি জানি কি দোষ কি গুণ ।”

শুনি আদালত মধ্যে অদ্ভুত বিস্ময়,
 আবার নূতন করি মোকদ্দমা হয় ।
 এবার গৌসাই দিল জুঠিয়া প্রমাণ,
 বিচারে বিমুক্ত হ'ল কৃষক-সন্তান ।
 সহরের সর্বজনে সেই মুসল্মানে,
 সভা করি সাজাইল মালা সচন্দমে ।

রাক্ষসী সে বৃন্দা শেষে গেল কারাগারে,
 গেল প্রাণ কতরূপ রোগে অত্যাচারে ।
 কালীর বিচার ফল ফলে হাতে হাতে
 মারিতে আসিয়া বোনা মল অপঘাতে ।

মুণ্ডর—মুণ্ডর নহে কালীর কৃপাণ,
 কালীর সিপাই সেই রাত্রে মুসলমান ।

ঘরপোড়া বুদ্ধি দিয়া তাকে মা আনিল,
 শত্রুকে করিয়া মিত্র, পুঞ্জি বাঁচাইল ।
 বাঁচাল গোকুলে প্রাণদণ্ডদেশ হ'তে,
 উড়াইল ধর্মের নিশান ত্রিজগতে ।
 উকিল মোক্তার নাই তাঁর আদালতে,
 তদন্তের ভার নাই পুলিশের হাতে ।
 করিতে হয় না আর্জি দাখিল তথায়,
 আপনি সে সাক্ষী; কারো সাক্ষী নাহি চায় ।
 আপনি বিচারকর্ত্রী ত্রিকাল দর্শিনী,
 বিচার করিছে বসি দিবস রজনী ।
 তদ্বদর্শী সাধক নিরখি স্বনয়নে,
 প্রতিহিংসা পথে নাহি ভ্রমেও গমনে ।”

সে নিজে রাজার রাজা সম্রাট সম্রাট,—
 তাঁর বিনির্মিত রাজ্য এ বিশ্ব বিরাট ।
 দেবতা হইতে ক্ষুদ্র কীটাণু পর্য্যন্ত,
 তাঁর আজ্ঞাধীন, তাঁর বলে বলবন্ত ।
 ভাল মন্দ যে যা করে সমস্ত সে জ্ঞাত,
 —বিন্দু সিন্ধু কেহ নহে দৃষ্টি বহির্ভূত ।
 বিচারের কর্ত্রা সেই বুঝিয়াছে যারা,
 হিংসকে করিতে দণ্ড নাহি যায় তারা ।

শিবানন্দে কালসর্পে দংশন করিল,
 শিবানন্দ স্থির, সর্প আপনি মরিল । ১

১ । শিবানন্দ ব্রহ্মচারীকে পরাশরাশ্রমে বেলা চারিটার সময় এক গোকুর
 সর্পে দংশন করে । তিনি স্থির হইয়া দাঁড়াইয়া রহিলেন । সর্প এক দণ্ডের মধ্যে
 সেইস্থানে মরিয়া গেল ।

নির্বেদ্য ধীর হ'ল মিথ্যার প্রপাত,
 মাগুরার আদালতে সহে বজ্রাঘাত । ২
 সন্তী ইন্দুমতী দুর্গাদাসী বিবরণ
 পরচারে নিত্য শ্রায় ধর্মের শাসন ।
 বর্তমানে তপস্বী ধার্মিক কেহ আর,
 না হইতে চায়, নাই ধর্মের বিচার ।
 মিথ্যায় সংসার ভরা, সবে মিথ্যাময়,
 সত্যের মহিমা তাই দর্শনীয় নয় ।
 নির্ভরি পরমেশ্বরে সত্যে যারা রয়
 সত্যদেব তাহাদের পরম আশ্রয় ।”

বলেন আতীরানন্দ, “গল্প সংবাদ,
 দৈবের বিচারে কারো নাহি প্রতিবাদ ।
 কিন্তু প্রাণে বাজে বড় বৃন্দার চরিত্র,
 গড়িল কি বিধি তাহা এতই বিচিত্র ।
 রমণী জাতির প্রতি জন্মে ইথে ঘৃণা ।”
 উত্তরে সম্ভান, “ক'ডু এগন বল' না ।

২ । বাবুপেঙ্গনাথ পাল (মিবাস শত্রুজংপুর,—যশোহর) মাগুরার
 আদালতে একজন শ্রেষ্ঠ উকীল । এখনও জীবিত আছেন । তিনি বলিলেন
 “আমাদের প্রথম ওকালতির সময় আঠার খাদার এক জেলে তার গুরুর সঙ্গে
 মোকদ্দমা বাধায় । দয়ানিধিবাবু তখন মুর্শিদ । আদালত তখন খড়ের ঘরে ।
 জেলে গুরুর বিরুদ্ধে যাত্রা মুখে আসে বলিতে লাগিল । তার মিথ্যার জোরে
 আদালত স্থগিত । গুরু দেশের মধ্যে তপস্বী ও ধার্মিক বলিয়া পরিচিত । তিনি
 জোড় হাত করিয়া কেবল উপরের দিকে চাহিয়া নীরবে দাঁড়াইয়া রহিলেন ।
 আকাশে সামান্য একটু মেঘ করিল । ঘরের মধ্যে আসিয়া জেলের মাথায় বজ্র-
 পাত হইল । এই অত্যদ্ভুত ঘটনার পরে কিছুকাল মাগুরার আদালতে মিথ্যা
 মোকদ্দমা হয় নাই ।” ১৩৩০ সাল ১১ই জ্যৈষ্ঠ, শত্রুজংপুর । ইহা প্রায়
 পঞ্চাশ বৎসরের ঘটনা ।

তণ্ডুলের মধ্যে রহে কঙ্কর যেমন,
 জননী জাতির মধ্যে কুলটা তেমন ।
 কঙ্করের দোষে কি তণ্ডুল কেহ ছাড়ে,
 রান্ধিবার অগ্রে তাহা কুলো ধরি ঝাড়ে ।
 অমৃত ফলের মধ্যে পোক যদি হয়
 বঁটা পাতি অগ্রে কাটি শুদ্ধ করি লয় ।
 অমৃত গরল হয় প্রয়োগের দোষে,
 তা বলিয়া অমৃতের উপরে কে রোমে ।
 রমণী যে স্নেহময়ী জননী প্রতিমা,
 মনেহ কি আছে তায়,—নিত্য অমুপমা ।
 অনন্ত প্রেমের উচ্চ দৃষ্টিান্ত ধরায়,
 রমণী-হৃদয় ভিন্ন কোথা পাওয়া যায় !
 শূর্ণনখা পঞ্চবটী কাননে আসিয়া,
 সীতার গৌরব মাত্র যায় বাড়াইয়া !
 আমি বলিলাম মাত্র কালীর বিচার,
 নির্দোষের পক্ষে কালীকৃপা কি প্রকার !
 দোষীর অদৃষ্টিে খড়গ কি প্রকারে নাচে,
 কালীর কোশলে পুত্র কি প্রকারে বাঁচে ।
 নিত্য দেখি করুণার জগন্তু প্রমাণ,
 অবিশ্বাসী ভুলুয়ার নাহি জন্মে জ্ঞান ।

শ্রীশ্রীকালীকুলকুণ্ডলিনী

ষষ্ঠ দিন ।

ষষ্ঠ পরিচ্ছেদ ।

জয় মা করুণাময়ী কুলকুণ্ডলিনী,
কৌলকুল মণ্ডলে মঙ্গলবিধায়িনী ।
আধার কমলে চতুর্দলে স্বয়ম্ভুর
বদনারবিন্দ মধুপানে ভরপুর ।
সুধমা বাহিয়া কভু উঠিয়া দ্বিদলে,
নৃত্য করে নাদশিরে রসের কোশলে ।
দোলে মা দোহুল্যমাণা দ্বিদলে চৌদলে,
মার দোল দর্শনীয় যোগীন্দ্রমণ্ডলে ।

জয় ব্রহ্মা জয় বিষ্ণু জয় মহেশ্বর,
যাঁরা ব্রহ্মময়ী কালী অর্চনে তৎপর ।
ইন্দ্র চন্দ্র বহ্নি বায়ু বরুণাদি জয়,
যাঁরা কালী পাদপদ্মে সর্বদা তন্ময় ।
জয় শ্রীশঙ্করাচার্য্য সর্বগুণধামে,
সমগ্র জগতে জয়যুক্ত যাঁর নাম ।

মাতৃভক্তমণ্ডলে সর্ববাগ্রে যঁর জন্ম,
সর্বোচ্চ সম্মান বর্তে ; সর্বদা বরণ্য ।

জয় শ্রীত্রেলঙ্গ স্বামী নিদ্দন্দ নিষ্কাম,
যঁর জন্ম সমুজ্জ্বল বারাণসী ধাম ।
জয় শ্রীবিহারীলাল নিস্পৃহ সন্তান, ১।
তুল্য শীতগ্রাস্থ সুখদুঃখ মানামান ।
জয় জয় পূর্ণানন্দ স্বামী মহারাজ,
যঁর নামে-নতশির সন্ন্যাসী সমাজ ।
জয় জয় শ্যামানন্দ সরস্বতী আর,
নিত্যানন্দ ব্রহ্মচারী চন্দ্র কামাখ্যার ।
জয় শ্রীভাস্করানন্দ মুক্ত মহাজন,
মুক্তিক্ষেত্র কাশীধামে মনস্বীভূষণ ।
জয় শ্রীবিশুদ্ধানন্দ জ্ঞানী শিরোমণি,
শুদ্ধজ্ঞানে অন্নপূর্ণা ভক্তিরস খনি ।
জয় স্বামী মোনিরাম স্থির ব্রহ্মচারী
যঁর মাতৃভাবভক্তি বর্ণিবারে নারি ।
জয় শ্রীওঙ্কারনাথ মণ্ডলী সকল,
জয় জয় যত ভক্ত সন্ন্যাসীর দল ।
জয় জয় শ্রীরামপ্রসাদ মহাজন,
মহাশক্তিমান ভক্ত মনস্বীভূষণ ।
যঁর নামে ধন্য হালিসহর হইল,
যঁর কালীকীর্তনে এ বঙ্গ বিমোহিল ।

১। বিহারীলাল মুখোপাধ্যায়, কাশীধামে দশাশ্বমেধ ঘাটে রহিতেন ;
শ্রীশ্রীত্রেলঙ্গ স্বামীর মত সর্ববিষয়ে নিস্পৃহ ও মৌনী ছিলেন । তাঁহার জন্মস্থান
ঢাকায় ছিল । তাঁহার প্রস্তরমূর্তি এখনো দশাশ্বমেধ ঘাটে স্থাপিত আছে ।

প্রমাদী সঙ্গীতস্থধা শ্রবণে মঙ্গল,
—শ্রবণে মঙ্গল ; মনে বাড়ে ভক্তিবল ।

ধরাপৃষ্ঠ বিদারিয়া উঠি গঙ্গাজল,
নিবাইল যে ভক্তের পিপাসা অনল ।
যাঁহার গৌরবে বর্দ্ধমান বর্দ্ধমান,
দামোদর উদ্বেলিত শুনি যাঁর গান,
যাঁর নাম স্মরণে শঙ্করী তুষ্টা হন,
জয় সে কমলাকান্ত শান্ত মহাজন ।

জয় জয় রামকৃষ্ণ শ্রীপরমহংস,
যাঁর কথাশ্রুতে হয় হীনবুদ্ধি ধ্বংস ।
মাতৃভাব মাতৃভক্তি প্রচার করিতে,
শ্রীপরমহংস অবতীর্ণ অবনীতে ।
আদর্শ চরিত্র—ভাব ভক্তির সাগর,
জনমি করিল ধন্য এ আর্য্যনগর ।

জয় জয় সর্ববিদ্যা সর্বানন্দ নাম,
আর্য্যদেশ সম্পূজিত বহু গুণধাম ।
মহাশক্তিমান সিদ্ধ গরুড় সন্তান,
অমাবস্থা নিশায় দেখায় পূর্ণ চান্দ ।
মেহার যাঁহার জন্ম তীর্থে পরিণত,
এখনও যাঁর বংশ শক্তি-সম্বিত ।

জয় জয় সেতরার সিদ্ধ শ্রীমাধব,
অর্দ্ধ-কালীপতি-শিব, জীবে শিব-শব ।
জয় পূর্ণানন্দ সহ ব্রহ্মানন্দ গিরি,
যাঁর শৈল বহিলেন আপনি শঙ্করী ।
যাঁর সঙ্গে তারিণীর লীলা অভিনয়,
শুনিলে বিস্ময়ে তনু রোমাঙ্কিত হয় ।



ভানিচ, পাবনা জেলা, অ'ত'য় . . .
প'র . . .
স্ব'শীল (গ'রীক প্রস'দ বাই . . .

জয় জয় কামদেব তার্কিক মহান,
 জলন্ত চিতায় উঠি করিল প্রয়ান ।
 যাঁর বংশধর শিবচন্দ্র বিদ্যার্ণব,
 সমগ্র ভারতে হিন্দু জাতির গৌরব ।
 যাঁহার শিষ্যত্ব লভি ক্রাষ্টিস উড্রফ্
 পাশ্চাত্য প্রদেশে শক্তিতত্ত্বের বিশপ্ ।
 জয় দেব কামদেব, জয় শিবচন্দ্র,
 মাতৃভাবতত্বালোক দানে সূর্য্য চন্দ্র ॥
 জয় যাদবেন্দ্র দেব, সিদ্ধ মহাজন,
 অবধূত সম্প্রদায়ে পরশরতন ।
 কামদেব তার্কিকের উত্তর সাধক,
 ভূষণায় শুদ্ধাপ্রেম ভক্তি প্রচারক ।
 গোস্বামী শ্রীগোরাচান্দ যাঁর শিষ্য হন ;
 রাজা মীতারাম যাঁকে করেন বর্দ্ধন ;
 যাঁর সুমধুর পদ কীর্ত্তন-প্রভায়,
 প্রভাসিত শত শত গৃহ ভূষণায় ।
 সহস্র সহস্র লোক সম্মুখে বসিল,
 তার মধ্যে যে মহাত্মা অদৃশ্যে মিশিল,
 যাঁহার মহিমা সঙ্কীৰ্ত্তন বন্দনায়,
 গোস্বামী শ্রীগোরাচান্দ মহোল্লাসে গায় ।
 গাও তাঁর জয়,—গাও যাদবেন্দ্র জয়,
 কামদেব যাদবেন্দ্র মহাকীর্ত্তিবাস,
 জন্মে জন্মে হই যেন সে দৌহার দাস ।
 জয় জয় ভবানীঠাকুর মহাজন ।
 সাধনা গগনে পূর্ণ ইন্দু সুশোভন ।

যার নাম শ্রীভবানীপুরের গৌরধ ।
বিস্তৃত সর্বত্র যার যশের সৌরভ ।

জয় রাজা রামকৃষ্ণ নাটোরাধিপতি,
মা নামে উন্মাদ, শাস্ত্রবাক্যে দৃঢ়মতি ।
জয় ভক্ত বামাক্ষেপা তারাপুরে রয়,
সদা ভক্তি ভাবোন্মত্ত তারার তনয় ।
জয় জয় রামা শ্যামা ভাই দুইজন,
ছিল দম্ভ্য, হ'ল ভক্ত সিদ্ধ মহাজন ।
জয় জয় আগমবাগীশ কৃষ্ণকাস্তু,
ভক্তসিদ্ধ মন্থনিয়া করিল মোহাস্তু ।

জয় জয় তুঙ্গেশ্বরে শ্রীহরিশরণ
অস্ত্রঘ্যামী হ'ল করি কালী আরাধন ।

জয় জয় রাণী শ্রীভবানী দয়াবতী,
নাটোরের রাজলক্ষ্মী পুণ্যময়ী সতী ।
কাশীবাসী সম্মুখে দ্বিতীয়া অন্নপূর্ণা,
যাঁর কীর্তিগোরবে সে বঙ্গভূমি ধন্যা ।

জয় রাণী শরৎসুন্দরী পুটিয়ার,
সতী কুললক্ষ্মী আর মূর্তি তপস্কার ।
জয় জয় ধামশ্রেণী-রাণী সত্যবতী ।
জয় পুণ্যময়ী, জয় সাধ্বী ইন্দুগতী ।

জয় শ্রীনরেশচন্দ্র শ্রীরামদুলাল,
এ সংসারে শঙ্করীর কোলের ছাওয়াল ।

জয় জয় শ্যামগ্রাম নিবাসী ভুবন,
জয় দ্বিজ শ্রীরামপ্রসাদ মহাজন ।

জয় শ্রীবিজয়কৃষ্ণ গোস্বামী মহান ।
কাত্যায়নী তত্ত্বগত যঁর মন প্রাণ ।
যঁর শিষ্যগণে নাহি সঙ্কীর্ণতা লেশ,
যঁর শিক্ষাফলে পুণ্যীকৃত বহুদেশ ।

জয় জয় কৃষ্ণানন্দ স্বামী মহারাজ ।
শ্রেষ্ঠ করে যে উদ্ধারে আর্যের সমাজ ।

জয় জয় জীবানন্দ ভদ্রর খালির ।
জয় ভক্ত রামদত্ত নিবাসী বালির ।
জয় শ্রীশরতচন্দ্র শ্রীহট্ট নিবাসী,
মহাভক্ত, সিদ্ধ, কালী-পদে সুবিশ্বাসী ।

জয় ভক্ত যোগী জ্ঞানানন্দ অবধূত,
জয় সর্ববিদ্যা শ্রীসতীশ তন্ত্রপুত ।
শ্রীব্রহ্মাণ্ড বেদকর্তা কাঙ্গালের জয়,
জয় সে ফিকির টাঁদ অমর অক্ষয় ।

জয় দাশরথী ভক্ত কবি চূড়ামণি,
সুরসিক ভাগবত কাব্যরস খনি ।
যঁর পদামৃতের প্লাবনে বঙ্গদেশ
ভাসমান ; ভক্ত মুখে প্রশংসা অশেষ ।
যঁর গান অন্নপূর্ণা শুনে ডাকিয়া ।
তাঁর তুল্য ভাগবত না পাই খুঁজিয়া ।

জয় সাধু গোবিন্দ চৌধুরী শেরপুরে ।
 যাঁর গানে সুধা করে অক্ষরে অক্ষরে ।
 জয় মহাদেবপুরে শ্রামচন্দ্র নাম ।
 “পাগলের পাগলামা” ভক্তিরস ধাম ।
 জয় শ্রীরসিকচন্দ্র রায় গুণাকর ।
 ধন্য সাধু হরিদাস ভক্ত যোগিবর ।
 জয় বিদ্যাসাগর নাম নীলকমল
 রঙ্গপুর গগনে সুধাংশু সমুজ্জ্বল ।
 জয় সে রসিকচন্দ্র পাঁচালী লেখক,
 কালী পাদপদ্ম লাভে তেজস্বী সাধক ।
 জয় জয় গোবিন্দপ্রসাদ রায় ধন্য ।
 বিখ্যাত যে সাধক অতিথি সেবা জ্ঞান ।

জয় শ্রীবিবেকানন্দ স্বামী মহারাজ,
 যায় ধন্য চিকাগোয়ে হিন্দুর সমাজ ।
 যার শক্তি প্রতিভায় এ ভারতে আজ,
 প্রচারিত রুগ্ন দুস্থ সেবকের কাজ !
 কালী নামে মত্ত মাতৃভাবের সাধক ।
 ভারতের পূর্ণ ইন্দু সদেশ-সেবক ।

জয় মির্জা হোসেনালি সাধক ধীমান,
 সাধকমণ্ডলে যাঁর অভ্যুচ্চ সম্মান ।
 জয় ভক্ত দরাপালি ভক্তির সাগর,
 যার মুখে জাহ্নবীর স্তোত্র শুনে নর ।

জয় সিদ্ধ শ্রীচৈতন্য দাস নদীয়ায়,
 জয় ভক্ত ভগবান দাস কালনায় ।

জয় জয় কৃষ্ণদাস কাম্যবন বাসী ।
 জয় গোবর্ধনে কৃষ্ণগোপাল সন্ন্যাসী ।
 যত ভক্ত ভাগবত আছে চরাচরে,
 গাও মন সকলের জয় উচ্চৈশ্বরে ।
 শৈব, সৌর, গাণপত্য, বৈষ্ণব যা হয়,
 ভেদ ভুলি গাও মন সকলের জয় ।
 ভক্তগুণ কীর্তন সাধনা কর সার,
 ভক্ত কৃপা হ'লে কৃপা হবে শ্যামা মার ।

বরাভয়-প্রদায়িনী ব্রহ্মময়ী তারা,
 ভক্ত পূজা যেখানে সেখানে দেয় বরা ।
 ভক্ত সঙ্গে তাঁহার আশ্চর্য্য অভিনয় ।
 যথার্থ মন্দির তাঁর ভক্তের হৃদয় ।
 ভক্তের মর্যাদা রক্ষা তপস্যা প্রধান ।
 ভক্তের পূজায় তুষ্ট নিত্য ভগবান ।
 ব্রাহ্মণ বা চণ্ডাল হউক অশ্রু আর ।
 ভক্ত সঙ্গে নাহি করি জাতির বিচার ।
 স্ত্রী পুরুষ যাহা হয় তাহাই উত্তম ।
 বালক যুবক বৃদ্ধ সবই অনুপম ।
 মাসান্তেও কালীনাম মুখে ফুটে যার ।
 সে মোর সর্বস্ব, আমি নিত্যদাস তাঁর ।
 ভুলুয়া শপথে পরশিয়া গঙ্গাজল ।
 সেই বন্ধু মাতৃভাব যাহার সম্বল ।

ইতি শ্রীভক্ত নাম সঙ্কীৰ্তন ।

কেনোপমা ভবতু পরাক্রমস্য

রূপঞ্চ শক্রভয় কাষ্যাতিহারি কুত্র,
চিত্তে কৃপা সমরনিষ্ঠুরতা চ দৃষ্টা

তথ্যেব দেবি বরদে ভুবনত্রয়েহপি ॥

শ্রীশ্রীচণ্ডী ৮

ধনুশা তুমি, বিশ্বরঙ্গ মঞ্চে অভিনেত্রি !

ধনুশা তুমি, বৈপরীত্যময়ি হে ত্রিনেত্রি !

সূক্ষ্মা সূক্ষ্মা ব্যক্ত্যাব্যক্ত্যা, কর্কশা-কোমলা;

তুল্য ক্রোধ ক্ষমাময়ী চঞ্চলা অচলা ।

একাধারে বিপরীত প্রকৃতি তোমার,

না বিমোহি ভ্রান্তি নাশ কর ভুলুয়ার ।

জিজ্ঞাসেন শ্যামানন্দ, গরীষ্ঠ সন্তান !

“শিবশক্তিময় বিশ্ব, কি তার প্রমাণ ?”

উত্তরে সন্তান, শিবে যত অর্থ ধরি,

সর্ব অর্থে সর্বত্রই নিরীক্ষণ করি ।

শক্তি আর শক্তিমানের ভেদ যদি নাই

শিব-শক্তি ভিন্ন কিছু বিশ্বে নাহি পাই ।

যদি বল সংহারিকা শক্তি শিব হন,

সর্বত্র সংহার-শক্তি কর দরশন ।

সৃষ্টি স্থিতি সংহার ত্রিবিধ কৰ্ম নিয়া,

প্রকৃতির অভিনয় সংসার জুড়িয়া ।

১। দেবগণ স্তুতি করিয়া বলিতে লাগিলেন, “হে দেবি ! কাহার সহিত তোমার এই পরাক্রমের তুলনা হইতে পারে ? এমন শক্র-ভীতিপ্রদ অথচ অতি মনোহর রূপই বা আর কাহার আছে ? হে বরদে, চিত্তে কৃপা ও যুদ্ধে নিষ্ঠুরতা এই উভয়ের সমাবেশ ত্রিভুবনে কেবল তোমাতেই দেখা যায় ।

তুমি আমি পশু পক্ষী বৃক্ষ লতা যত
 — কত কষ,—যত আছে মো সবার মত,
 কাল জন্মে, আজ থাকে, পরশু সংহার,
 সংহারের স্রোতে সবে ভাসা অনিবার ।
 যত জন্মে, যত আছে, এক মৃত্যু-পথে
 অবিরাম চলিতেছে, গুল্ম যথা স্রোতে ।
 সৃষ্টি-স্থিতি দুই শক্তি ব্রহ্মা বিষ্ণু হন,
 তাহারাত্ত সংহারক ভিন্ন অণ্ড নন ।”

জিজ্ঞাসেন শ্যামানন্দ, ব্রহ্মা বিষ্ণু কিসে
 সংহারিকা শক্তি, তাহা বল সবিশেষে ।
 উত্তরে সন্তান, “ব্রহ্মা করিতে সৃজন
 এক ধ্বংস করি করে অণ্ডকে গঠন ।
 এক ভাস্কি অণ্ড গড়ে ব্রহ্মার এ ধর্ম,
 বিনা নাশে সৃষ্টি নাই, ইহা সত্য মর্ম ।

বৃক্ষ নাশি সৃষ্টি করি খাট পাট টুল,
 লৌহ দণ্ড ভাস্কি গড়ি কৃপাণ ত্রিশূল ।
 কূল ভাস্কি গড়ে নদী নিজ বক্ষে চর,
 বংশ বন ধ্বংস করি গড়ে নরে ঘর ।
 তুমি আমি ধ্বংস-শক্তি করিয়া সহায়
 নিজ প্রয়োজন করি নিৰ্ম্মাণ ধরায়

পুনঃ দেখ আপনার দেহে চিন্তা করি,
 সৃষ্টি শক্তি চলে মাত্র ধ্বংস শক্তি ধরি ।
 অথবা সে সৃষ্টিকর্তা ব্রহ্মা শিব বিনা,
 এক দণ্ড কোন কার্য করিতে পারে না ।

ভুক্ত দ্রব্য নাশে সৃষ্টি হয় রক্ত মাংস,
 সৃষ্টিতে সে ভক্ষ্য করি কত দ্রব্য ধ্বংস ।

কত ফল মূল কত অগ্নাদি ব্যঞ্জন,
 কত মৎস্য মাংস নাশি ভক্ষ্যের স্বজন ।
 এক ধ্বংস করি করে অণুর উৎপত্তি ।
 ধ্বংস বিনা সৃষ্টি নাই, ইহা উপপত্তি ।
 রক্ত মাংস অস্থি মজ্জা শুক্র পঞ্চ জন,
 এক হ'তে অন্য জন্মে জানে বিচক্ষণ ।
 এই পঞ্চ বলে এই দেহের অস্তিত্ব,
 এই পঞ্চ সংযোজন জীবে করে নিত্য ।

এ দেহ রক্ষার জন্ত এত যে যতন,
 এত যে শয়ন আর উত্তম ভোজন,
 রুগ্ন হলে করা এত ঔষধ সেবন,
 শীত গ্রীষ্ম নিবারিতে এত যে বসন,
 এত সাবধানে নিত্য রহি সর্বদিকে,
 তবুও যেতেছি নিত্য ধ্বংস অভিমুখে ।

পুনঃ দেখ বিষ্ণু-কার্য্য ধর্ম সংস্থাপন,
 ধর্ম সংস্থাপনে এই বিশ্বের পালন ।
 এ বিশ্ব-পালন জন্ত বিষ্ণু কি প্রকার,
 স্বাবর জঙ্গম নিত্য করিছে সংহার ।
 কত দৈত্য দানব ধিনাশে অবতরি,
 —প্রতি জীব রক্ষণে বিনাশে জীব ধরি ।
 দেশে দেশে রাজমূর্ত্তি করিয়া ধারণ,
 করে কত দুর্ঘেট নাশ, ধূর্ঘেটের দলন ।
 কৃষ্ণরূপে করে কংস জরাসন্ধে নাশ,
 কত ভীষ্ম, কর্ণ, দ্রোণ, করে মুখে গ্রাস ।

উপপত্তি=সিদ্ধান্ত

রামরূপে ধ্বংসে লক্ষ্মাপতি দশানন
 কুম্ভকর্ণ অতিকায় কত রক্ষণ ।
 নরসিংহ মূর্তি ধরি,—বিকট প্রকাশ,—
 করে দৈত্যকুলেশ্বর কশিপু বিনাশ ।
 ধরিয়া বরাহ মূর্তি হিরণ্যাক্ষ নাশে
 —নিত্য সংহারের খেলা বিষ্ণুর আবাসে ।
 লোক ক্ষয় করা নিত্য স্বভাব তাহার
 —নিজমুখে কহে পার্থে কাল মূর্তি তার !
 অতএব চিন্তা-চক্ষে কর নিরীক্ষণ,
 বিষ্ণু তুল্য সংহারক বিশ্বে কোন্ জন ?
 অথবা সে শিবশক্তি বিষ্ণুমূর্তি ধরি,
 বিশ্বভরি ক্রিয়াশীল দেখ চিন্তা করি ।
 —অথবা সহজ বাক্যে সিদ্ধান্ত এখন,
 ব্রহ্মা বিষ্ণু কেহ এক শিব ভিন্ন নন ।
 শিব কাল ;—কাল ব্রহ্ম ত্রিশক্তি আধার ।
 ব্রহ্মা বিষ্ণু শিব রূপে অভিনয় তাঁর ।
 সৃষ্টি স্থিতি যায়, তাহা নৈমিত্তিকা শক্তি ;
 সংহারিকা শক্তি নিত্যা, বলি দেয় যুক্তি ।
 এ জীবজগৎ লক্ষ্য দেখিবারে পাই,
 ধ্বংস ভিন্ন কারো কোন পরিণাম নাই ।
 যেন সিন্ধুবক্ষে উঠি উত্তাল তরঙ্গ—
 সগর্জনে লক্ষ্য মারি চলে ।
 হারায় সে লক্ষ্য বাম্প গস্তীর গর্জনে,
 কূলের নিকটবর্তী হলে ।

পার্থে কহে—শ্রীকৃষ্ণ গীতায় অর্জুনকে বলিতেছেন,—হে অর্জুন ! আমি
 সাক্ষাৎ লোকক্ষয়কারী কাল । লোকক্ষয় করিতে অবতীর্ণ হইয়া যুদ্ধে প্রবৃত্ত
 হইয়াছি ।

তথা জীব কালসিন্ধু-জলে সমুদ্রিয়া
 নিজ নিজ অহঙ্কারে চলে ।
 রহে না সে আর, যবে চলিতে চলিতে,
 আসে কাল-মহাসিন্ধু কূলে !”
 জিজ্ঞাসেন শ্যামানন্দ, “মঙ্গল-আলয়
 শিব অর্থে যখন বুঝায়,
 শিবশক্তিময়, বিশ্ব,—সংহার দেখিয়া
 কি প্রকারে চিন্তা করা যায় ?”
 উত্তরে সন্তান, “যদি শিবার্থে মঙ্গল,
 তাহাতেও দেখ, তবু মঙ্গল (ই) সকল ।
 কাহারো জনম ঘটে, কাহারো মরণ,
 কেহ কীর্ত্তিমান, কেহ নিন্দার ভাজন ।
 কেহ সুখী, কেহ দুঃখী, কেহ হয় রাজা,
 অভিনয়-মঞ্চে যেন নানা সাজে সাজা ।
 কেহ হাসে, কেহ কান্দে, কেহ নাচে গায়
 ভাবের ভাবুক রঙ্গ দেখিবারে পায় ।
 কেহ পিতা কেহ মাতা কেহ দারা স্তুত
 কেহ হয় গুরু কেহ শিষ্য অনুগত ।
 কি অপূর্ব অভিনয় রাজৈশ্বর্য্য নিয়া,
 কি আনন্দময়, জ্ঞানে দেখ বিচারিয়া ।
 হাসি কাম্মা নিয়া রঙ্গমঞ্চে অভিনয় ।
 কাম্মা না থাকিলে হাসি বোধগম্য নয় ।
 বিরহের পরে পুণ্য মিলন যেমন,
 মরণের পরে জন্ম সম্ভবে তেমন ।
 দুঃখ পরে সুখ হয় অতি মধুময় ।
 —সংহার বাখাণ্ডে বল সংহার তা নয় !

অভিনয় করিতে মরণে দুঃখ কার ?
 যে সাজে রাবণ, দশরথ-সে আবার ।
 পাঁচু কুণ্ডু অভিনয়ে সাজিয়া রাবণ,
 আসরে যখন মরে কান্দে কোন্ জন ?
 সেইরূপ ভব রঙ্গক্ষেত্রে অভিনয়,
 যে বুঝে সে মরণে ব্যথিত কভু নয় ।

জীবন মরণ পথে সাজি নানা রূপ,
 অভিনয় করে জীব যেন বহুরূপ ।
 দেহ মাত্র পরিচ্ছদ হয় জীবাত্মার,
 নানা পরিচ্ছদে জীব আসে বার বার !
 অভিনয়ে যাতায়াত নাহি যদি ঘটে,
 সৌন্দর্য্য মাধুর্য্য তাহে কি প্রকারে রটে !

সুধু রাম গীতা যদি করে অভিনয়,
 কতক্ষণ কহ তাহা রুচিকর হয় ?
 রাম ষাবে, গীতা ষাবে, আসিবে রাবণ,
 আসিবে সুগ্রীব হনু মিত্র বিভীষণ ।
 হবে যুক্তি পরামর্শ বধিতে রাবণ,
 রাবণ শুনিবে শূর্ণনথার ষোদন ।
 জ্বলিবে লঙ্কায় মহাযুদ্ধের অনল ।
 ভস্মীভূত হবে তায় রাক্ষসের দল ।
 নিকুন্তলাঃ ঘণ্ডভঙ্গ করিবে লক্ষণ ।
 হত হবেন ইস্রাজিৎ রাক্ষস-ভূষণ ।
 ধ্বংস হবে দশানন বংশের সহিত,—
 জয়োল্লাসে গাবে কপি মঙ্গল-সঙ্গীত ।
 উত্তীর্ণা হইবে সীতা অগ্নি পরীক্ষায়,
 দেখাইবে সতীত্বের মহামহিমায় ।

হেন সীতাদেবী! রাম করিয়া বর্জন,
 রাজ-ধর্মী রাখি প্রজা করিবে রঞ্জন ।
 তবে ত হইবে অভিনয় সুমধুর ।

—রাক্ষস সংহারে ঘটে মঙ্গল প্রচুর ।

যীশুখৃষ্ট, সক্রোটস অশ্রায় বিচারে
 না মারিলে,—এত শ্রেষ্ঠ না হ'ত সংসারে ।
 মাধু মহাপুরুষের মরণ মঙ্গল,
 মরণের পরে তাঁরা অধিক উজ্জ্বল ।

মাযারূপ অন্ধকারে দৃষ্টি রুদ্ধ যার,
 সংহারের নাম শুনি চিন্ত কঁাপে তার ।
 কিন্তু যারা প্রাকৃতিক সত্যদৃষ্টি-যুক্ত,
 সংহারের অভিনয়ে তারা ভয়মুক্ত ।

ভোরে উদি সন্ধ্যাকালে সূর্য্য অস্তে যায়,
 সূর্য্যের এ অস্তমৃত্যু সস্তাপে কাহায় ?
 সূর্য্য যদি উদি আর অস্ত না যাইত,
 সুখময় দিবারাত্রি কিরূপে হইত ?

রাত্রি না ঘটিলে খর দিবাকর-করে,
 পরিণত হ'ত ধরা দক্ষীভূত ক্ষারে ।
 রাত্রি প্রয়োজন, সূর্য্য যায় অস্তাচলে ।
 সূর্য্যাস্তে বিপুল শাস্তি ঘটে ধরাতলে ।
 দুষ্কর্ম্মির দধি হয়, দধি প্রয়োজন,
 দধির নিমিত্ত চাহি দুষ্কের মরণ ।

চিন্ত পুনঃ যদি বিশ্বে মৃত্যু না ঘটিত,
 দৃশ্যের মাধুর্য্য বিশ্বে কিসে সস্তবিত ?
 জীবজন্তু বৃক্ষলতা হ'ত সংমিশ্রিত,
 কি দৃশ্য ঘটিত তাহা চিন্তার অতীত ।

অণু পরমাণু যথা প্রস্তুরে সম্বন্ধ ।

জীবসজ্জ তথা হ'ত পরস্পর বন্ধ ।

না রহিত বিন্দু স্থান শুইতে বসিতে,

কর্ম্ম-ক্ষেত্র না রহিত এই ধরণীতে ।

পশ্চাতের কার্য্যতরে পূর্বদল যায় ।

নিত্য নব ভাবে নব সৌন্দর্য্য বাড়ায় ।

বিশাল সংসার-রণে কর্ম্মবীর যারা,

সংহারের পথে চলে বিশ্রামিতে তারা ।

তাপত্রে জর্জরিত হইয়া মানব,

লাভ করে মৃত্যুপথে অব্যাহতি সব ।

জরাগ্রস্ত কলেবরে মরণ সহায়,

মরণ সংসার-কারামুক্তির উপায় ।

দুঃখময় জীবনের মরণ বাঞ্ছন,

মর্শ্বযাতনায় শাস্তি মরণে সম্ভব ।

সংহারে কি স্মঙ্গল, এক সাক্ষী তার,

জাপানের বীরবৃন্দ করিল প্রচার ।

পাঁচ লক্ষ জাপানী করিয়া প্রাণত্যাগ,

সম্পাদিল জাপানের মহাকীর্ত্তি যাগ ।

সংহারে মঙ্গল যদি তারা না বুঝিত—

জাপানের কীর্ত্তিস্তম্ভ কিসে উত্তোলিত ?

মরণের নাম মুক্তি, মুক্তিনাথ শিব,

অশক্ত বুঝিতে তাহা মায়াবন্ধ জীব ।

এ বিপুল বিশ্ব, ইহা লীলাক্ষেত্র হয় ।

জীবসঙ্গে বিশ্বনাথ হেথা লীলাময় ।

জন্মমৃত্যু—সুখদুঃখ—উত্থানপতন,

নিজ হস্তে কালত্রক করি সম্পাদন,

করিতেছে বিশ্বভরি অপূর্ববাভিময়,
দর্শনীয় তদ্বদর্শী ভাবকে নিশ্চয় ।
একমাত্র শিবশক্তিময় এই বিশ্ব !
উচ্চ জ্ঞানে উদ্ভাসিত সে মধুর দৃশ্য ।

বলেন শ্রীপূর্ণানন্দ, সন্মুহে বচনে,
“পুনঃ এক প্রশ্ন মোর উঠিতেছে মনে,
পরমপুরুষ শিব, পরমাপ্রকৃতি—
উমা তাঁর শক্তি ;—অর্থ ধরিলে সম্প্রতি
শিবশক্তিময় বিশ্ব বলি কি প্রকারে ?”
সহজ সরল বাক্যে সন্তান উত্তরে,—

এক ব্রহ্ম দুই ভাগে পুরুষ প্রকৃতি
ক্রিয়া করে,—নিগুণের নিষ্ক্রিয় বসতি ।
প্রকৃতি পুরুষ ভিন্ন ক্রিয়া অসম্ভবে ।
প্রকৃতি পুরুষে উমাশিব কহে সবে ।
প্রকৃতি পুরুষে যদি স্ত্রীপুরুষ ধরি,
শিবগৌরী ভিন্ন কিছু বিশ্বে নাহি হেরি ।
শিবগৌরী বিরাজিতা প্রতি ঘরে ঘরে,
ভৈরবী ভৈরব সঙ্গে কুমারী কুমারে ।
মানবী মানব পার্শ্বে দানবী দানবে,
রাক্ষসী রাক্ষস পার্শ্বে দেবী রূপে দেবে ।
কীটে পাতঙ্গমে, বনচরে কি খেচরে,
সর্বত্র শ্রীশিবগৌরী রাসক্রীড়া করে ।

বৃক্ষ লতা তৃণ কিংবা পর্বত মাগর,
তাহারাও প্রকৃতি পুরুষ কলেবর ।
তণ্ডুল মটর কিংবা গোধূম ভাস্কিয়া,
দেখি তথা শিবগৌরী আছে দাঁড়াইয়া ।

এই তব কলেবর চিন্তিলে বুঝিবে,
এক ভাগ প্রকৃতি পুরুষ অন্ত হবে ।

এক ব্রহ্ম প্রকৃতি পুরুষ রূপ ধরি,
আসূর্যা রেণু পর্যাস্ত ব্যাপ্ত বিখ্যতরি ।

প্রকৃতি পুরুষ যন্ত্র ভিন্ন এই ভবে,
তিনকালে কখনও কিছু না সম্ভবে ।

নির্গুণ আপন গুণে গুণময় হয়,

প্রতি দেহে প্রকৃতিপুরুষ রূপে রয় ।

প্রকৃতি ত পুরুষের শক্তিরূপে পাই,
অতএব শিবশক্তি ভিন্ন কিছু নাই ।

জানে তত্ত্ব নিত্যসিদ্ধ ব্রহ্মজ্ঞ ব্রাহ্মণ

আর জানে ব্রহ্মচর্যে আস্থিত যে জন ।

সাধকের বোধ্য ইহা, বোধ্য তপস্বীর ।

—বোধ্য ইহা স্থিতধীর, বোধ্য মনস্বীর ।”

সুধান শ্রীশিবানন্দ, সস্নেহ বচনে,

“কি লক্ষণে চেনা যায় ব্রহ্মচারী জনে ?”

প্রণমি সন্তান বলে, “তুমি ব্রহ্মচারী,

তোমার লক্ষণ আমি কি বলিতে পারি ?

তোমা সঙ্গে রহি যাহা শিক্ষা করিয়াছি,

জিজ্ঞাসিলে যদি, মাত্র তাই বলিতেছি ।

ব্রহ্মচারী যত্নে অন্তরেন্দ্রিয় দমিয়া

গুরুসঙ্গে করে বাস আগ্রহ করিয়া ।

গায়ত্রী সেবিয়া করে ত্রিসন্ধ্যা বন্দনা,

কিষ্ট গুরুসেবা তার মুখ্য উপাসনা ।

গুরুবাক্য লজ্জি, শাস্ত্রবাক্য নাহি মানেন,

গুরুবাক্য শ্রেষ্ঠ শাস্ত্র, ইহা মাত্র জানেন ।

অগ্নি সূর্য্য গুরুপূজা করে প্রতিদিন,
সুনির্ম্মল চিত্ত, মাত্র সত্যের অধীন ।
প্রভাতে সন্ধ্যায় রহি মৌনাবলম্বনে,
আপনার ইচ্ছাকৃত্য করে সাবধানে ।

দেহ মন স্থির করি সুখপদ্মাসনে,
গুরুর সম্মুখে বসে শাস্ত্র অধ্যয়নে ।
আরম্ভ সমাপ্তি কালে, জ্ঞানপ্রদায়কে,
ব্রহ্মচারী নমস্কারে বিনম্র মস্তকে ।

যথাবিধি জটা দণ্ড কমণ্ডলু আর,
মৃগচর্ম্ম মেথলা তাহার অলঙ্কার ।
প্রত্যহ করিয়া ভিক্ষা গুরুকে অর্পণে,
গুরুর সেবাস্ত্রে বসে প্রসাদ গ্রহণে ।

উঠে ব্রাহ্মমূহুর্ত্তে, প্রত্যুষে করে স্নান,
মৌনাবলম্বনে করে ইচ্ছাপূজা ধ্যান ।
সাবধানে দিবানিদ্ৰা করে পরিহার,
হবিষ্যন্ন ফল মূল দুষ্ক ভোজ্য তার ।

আলস্যবিহীন, মনে উৎসাহ বিপুল,
কর্ত্তব্য সাধনে তার নাই নিন্দু ভুল ।
পরাংপর ভিন্ন, পরচর্চা নাহি করে,
—করা দূরে, শুনিলে সে চলি যায় দূরে ।

মুক্তিকায় দৃষ্টি তার প্রমদা দর্শনে ।
প্রমদার সাহচর্য্য বর্জে দৃঢ়মনে ।
অষ্টবিধ রতিসঙ্গ আর মদ্যপান,
ব্রহ্মচারী করে ত্যাগ বিষ্ঠার সমান ।

বিশ্বাস না করে কেশ, গাত্র নাহি মাজে ।
ভূষণ চন্দন মাল্য মাজে নাহি মাজে ।

বিষজ্ঞানে বিলাসিতা বর্জিত অনুক্ষণ ।

পদে চর্ম্ম পাছুকা না পরশে কখন ।

অধ্যয়ন-পরায়ণ, নারায়ণ প্রিয়,

—নারায়ণ তুল্য, ব্রহ্মচারী দর্শনীয় ।

ব্রহ্মচারী বিশ্বভরি প্রণম্য সবার,

ব্রহ্মচারী তুল্য লোকে তপস্বী কে আর ?

ব্রতান্তে গুরুরূপদেশে গৃহস্থ সে হয় ।

অথবা সম্যাসী হয় অনেক সময় ।

গৃহস্থ হইলে হয় সে উপকুবন ।

—মাধুর্য্য আশ্বাদি নাহি ছাড়ে আচরণ ।”

সুধান আভীরানন্দ, “ব্রহ্মচর্য্য বলে

সাধক কি শক্তিলভ করে ধরাতলে ?”

উত্তরে সম্ভান, “আমি কি বলিব তার,

ব্রহ্মচর্য্যে হয় সর্ব্ব শক্তির আধার ।

ভগবান দস্তাত্রেয় সম্মুখে যখন,

জিজ্ঞাসু হইয়া যান বালখিল্যগণ,

ভগবান দস্তাত্রেয় বলেন তখন,

মৃত্যুজয়ে বাঞ্ছা যদি, করিয়া যতন

ব্রহ্মচর্য্যে রহ স্থির, বীৰ্য্য রক্ষণ কর ।

বীৰ্য্য ব্রহ্ম, জ্ঞান করি যত্নে শিরে ধর ।

ব্রহ্মচর্য্যে যে দেহের বীৰ্য্য রক্ষণ করে,

জরা, ব্যাধি মৃত্যু তার আজ্ঞা শিরে ধরে ।

ভগবান মনুবাক্যে নিরখিতে পাই,

বিন্দু স্থির যে রাখে, তাহার মৃত্যু নাই ।

চিন্তা যদি করি এই দেহের বিষয়,

দেখি, বীৰ্য্য সর্ব্বমূলে দেহের আশ্রয় ।

ভুক্ত দ্রব্য হ'তে হয় রক্তের উৎপত্তি,
 রক্ত হ'তে হয় মাংস, যাহে রক্ত-স্থিতি,
 লইয়া মাংসের সার অস্থি বিনির্মিত,
 আশ্রয় করিয়া অস্থি মাংস সুরক্ষিত,
 অস্থিসারে জন্মে মজ্জা অস্থির আশ্রয়,
 মজ্জার আশ্রয় বীৰ্য্য মজ্জাসারে হয় ।

অতএব বীৰ্য্য সর্ব দেহের আশ্রয়,
 —দেহাংশ বিচার করি দেখ মহোদয় !

শত ভাগ ভোজ্যে এক ভাগ রক্ত হয় ;
 শত বিন্দু রক্তে এক বিন্দু মাংস হয় ;
 শত বিন্দু মাংসে এক বিন্দু অস্থি হয় ;
 শত বিন্দু অস্থিসারে বিন্দু মজ্জা হয় ;
 শত বিন্দু মজ্জাসারে এক বিন্দু বীৰ্য্য ;
 তেজাসকু মাহু যেন প্রাপ্ত হই সূর্য্য ।

হেন বীৰ্য্য যত্ন করি যে করে রক্ষণ,
 বৃদ্ধকালে থাকে তার শরীরে যৌবন ।
 মুখের লাবণ্য তার দৃষ্টি আকর্ষক,
 জনপতি সর্বত্র সে, পস্থা প্রদর্শক ।
 অক্ষত মস্তিষ্ক তার উত্তম ধারক,
 বুদ্ধি তার প্রথর, সে সঙ্কটে পালক ।
 লক্ষ্য তার স্থির, গুরু সত্য নির্ণায়ক ।
 বীরশ্রেষ্ঠ বীর সেই, মনুষ্য নায়ক ।
 বন্ধে তার দুর্জয় সাহস, বিশ্বজয়ী,
 স্থির লক্ষ্যে সে পারে ধরিতে ব্রহ্মময়ী ।

কর্তব্যে অটল সেই, ধৈর্য্যে হিমালয়,
 নীচ কর্ষে দৃষ্টি তার নয়নে না রয় ।

বিশ্বাসী সে বিশ্বনাথে, বিনা অধ্যয়নে,
সর্বশাস্ত্র মর্শ্ববেত্তা সে জন ভুবনে ।
জনগিলে মৃত্যু ঘটে, এ কথা নিশ্চয়,
কিন্তু ব্রহ্মচারী নাহি করে মৃত্যু ভয় ।
ইচ্ছামৃত্যু মরে সেই মহা মহাপ্রাণ,
ভীষ্ম, হারিদাস তার প্রত্যক্ষ প্রমাণ ।
হায় হেন ব্রহ্মচর্য্যে নাহি অনুরাগ ।
মর্ন্ত্যে নাহি ভুলুয়ার সন্মান দুর্ভাগ ॥

বলেন শ্রীপূর্ণানন্দ, “উত্তম সঙ্গীত,
সঙ্গীত করিয়া আজ কর হরষিত ।”
সন্তান আপন মনে আরস্তিল গান ।
ছুয়ারে দাঁড়ায়ে সন্ধ্যা, বেলা অবসান ।

ইন্দ্র-নীল-মণি-নিন্দিত-নির্ম্মল নীল ইন্দুবরণা ।
কালহৃদয়মণি-মন্দির-নিবাসিনী নির্ম্মৎসর-শরণা ॥

চন্দ্র সূর্য্য তারা জ্যোতি সমন্বিত
নয়ন নিন্দি-নভ-ভালে সমুখিত ;
বিশ্বমূর্ত্তি ভব-সুন্দরী শঙ্করী মুক্তাঙ্ঘর-বসনা ॥
দান-আর্ন্ত-ভয়ভঞ্জিনী রঞ্জিনী, •
ক্ষমা-নির্জ্জর-দ্বিজ-পশূদধি-বর্দ্ধিনী,
সত্য-ধর্ম্ম-শ্যায়-লজ্জক দানব-মুণ্ড-মাল-ভূষণা ॥
ইন্দু-ভালি-মুখ-ইন্দু নিরিখনে,
পরমানন্দে থির অনিমিখ-নয়নে ;
পাদপদ্মমধু লোলুপ মধুকর প্রতি নিত কৃত-করণা ॥

তাপত্রয় করে মুক্তি লভিতে যদি,
চিত্তে বর্ন্তে আশ, বিশ্বাসি নিরবধি,
বিশ্বজননী-পাদপদ্ম হৃদয়ে কেন যত্নে ভুলুয়া ধরনা ॥

মাতৃস্নেহ ।

বিচারিয়া দেখি, সর্বোপরি মাতৃভাব ;
যাহে জন্মে অনায়াসে নিশ্চল স্বভাব ।
আরো দেখি, স্নেহময়ী সন্তানের দোষ,
সর্বদা করেন ক্ষমা,
—সে ক্ষমার নাহি সীমা ;
সন্তানের সুখে মার সর্বদা সন্তোষ ।
সন্তানের দুঃখে মার দুঃখভরা রোষ ॥

জননীর সুখ দুঃখ সন্তানে বুঝেনা,
সম্মান করিতে মাকে সন্তানে জানেনা ।
জননী অসুস্থ হই
সন্তান বুকেই রয়,
জননীর কোল ছাড়ি নামিতে চাহেনা ।
নামাইলে কান্দে, মার প্রাণে তা সহেনা
ছাইমাটী মাথি অঙ্গে আসিলে সন্তান,
জনমীর চক্ষে শিশু শিবের সমান ।
বলেন, “নির্বেদ্য বেটা !
অঙ্গে ছাই মাখে কেটা ?”
বলি পুত্রে অঙ্গে তুলি চুম্বেনু বয়ান ।
—তাতেই সন্তোষ মার, যা করে সন্তান ।

সন্তান কেবল চায় জননী কোল ;
 সম্পদে বিপদে মুখে কেবলই 'মা' বোল ।
 জননীর অঙ্কে যদি রহিতে সে পারে,
 কালের কিঙ্করে তাকে শঙ্কা দিতে নারে ॥
 রাণী কিংবা ভিখারিনী জননী তাহার,
 সন্তান বুঝেনা তাহা,
 তার মনোবাঞ্ছা যাহা,
 জননী কাছে চায়,—করে আবদার ।
 না দিতে পারিলে মার বহে অশ্রুধার ।
 ধন্য ধন্য মাতৃস্নেহ, ধন্য জন্ম তার,
 নিশ্চল সুধার সঙ্গ
 জননীর পাদপদ্ম,—
 যত্ন করি যে করেছে হৃদয়ের হার ।
 ধন্য সেই ধরণীর অঙ্কে অলঙ্কার ।
 হেন মাতৃভক্তি ডুলি অশ্রু পথে যাই,
 ভুলুয়ার মত ভ্রাস্ত ত্রিভুবনে নাই ॥

দোষ স্বীকার ।

স্নেহময়ী তুমি ;—তব চরণ কমলে,
 কৃপা প্রার্থনায় আর,
 আছে কোন অধিকার,
 চিস্তিয়া না পাই কিছু, একদিনও ভুলে,
 বসি নাই মা বলিয়া তব পদমূলে ।
 দুঃখ বাঞ্ছা করি দুঃখ বরধক যাহা,
 নৃত্য করি নিত্য আমি করিয়াছি তাহা ।

মঙ্গলোপদেশ যত,
 অবহেলি অবিরত,
 হীন কর্মে অধর্ম্যে উৎসাহে যাতায়াত,
 কত করিয়াছি তাহা কহিব মা কত ।
 সত্যরূপে ! যত সত্য বুঝি মনে মনে,
 পারি যাহা উদগারিতে পর সম্ভাষণে,
 নিজ কর্মক্ষেত্রে তাহা উলটি সকল ।
 —মিথ্যাবাদী কপটের কোথায় মঙ্গল !

দুর্নাসনা-মন্ত আমি, দুর্ভক্তনের সঙ্গে
 দুর্লভ জীবন ক্ষয় করিয়াছি রঙ্গে ।

এখন ত সন্ধ্যা কাল !

শিরে উপবিষ্ট কাল !

অবসন্ন চিত্ত, কোন শক্তি নাহি অঙ্গে ;
 এখনও আছি দুর্নাসনার তরঙ্গে ।

রাজরাজেশ্বরী তুমি, সর্বান্তর্ব্যামিনি !
 এ আসন্ন কালে দোষ স্বীকারিনু আমি ।

বিচারে যা হয় কর,

—হয় রাখ, ন'য় মার !—

তোমারি পবিত্র নাম করি উচ্চারণ,
 প্রস্তুত ভুলুয়া তাহা করিতে গ্রহণ ॥

—
 মনের প্রতি ।

মনরে যে মুখে পরমাণু ক্ষয়,
 পরম মঙ্গল ঘটে না,

সে সুখের ভরে, এ উচ্চ জনমে,
 প্রয়াস কছুও খাটে না ॥
 যত্ন না নিলেও দুঃখ যথা আসি,
 ঘরে ঘরে ঘটায় যাতনা ।
 দেহী মাত্রে তথা, ইন্দ্রিয়ের সুখ,
 স্বভাবেই হয় ঘটনা ।
 তুচ্ছ সুখ ভোগে প্রয়াসী যে হয়,
 উচ্চে দৃষ্টি তার উঠে না ।
 অঙ্গকারে ভরা, অস্তুর তাহার ;
 নিত্যানন্দ তায় ফুটে না ।
 পরম মঙ্গলময়ী পরমেশী ;
 মঙ্গলে যদি রে বাসনা ।
 সুখের প্রয়াসী মঙ্গলাশী মন !
 তাঁহার ধ্যানে বস না ?
 ভোগাপেক্ষা ত্যাগ সদানন্দ-ধাম,
 তা ভুলুবার মনে উঠে না ।
 তাই তাহার ভালে, এবার এ সংসারে,
 এক বিন্দু শান্তি জুঠে না ॥

বিস্ময়ে ।

এখানে আসার, কথা ত ছিল না,
 তবু কেন হেথা আসিলাম !
 কোন্ প্রয়োজনে, কে আনিল হেথা,
 'তাহাও ত নাহি বুঝিলাম !
 মোর মতু হীন কাদালের প্রভু
 আছে একজন শুনিলাম,

তবু মোর মোর রবে, সুখাশায় ঘুরে সবে,
 পরিণাম না করি বিচার ।
 সুখদাতা যে তাঁহাকে, একবারো নাহি ডাকে,
 বলিহারি কুহক মায়ার ।
 নাহি বাহে সংবন্ধ, তার প্রতি অনুবন্ধ,
 বন্ধু প্রতি প্রেমগন্ধ নাই ।
 ভুলুয়ার কি দুর্ন্যতি ; ভাবি তাই দিবারাতি,
 দুর্গতির সীমা নাহি পাই ॥

— —

কর্ত্তা ।

সুখভোগ ক্রম, অনন্ত অন্তরে,
 কেবা নাহি যত্ন করে ?
 কেহ লক্ষ-সুখ, কেহ দক্ষ-বুক,
 কেহ বা নিঃশব্দে মরে ।
 বাণিজ্য করিয়া, অর্থ উপার্জিতে,
 সকলেই যাত্রা করে,
 কারো পূর্ণ আশ, কারো সর্বনাশ,
 চলে আর চক্ষু করে ।
 কেহ নির্ম্মে গৃহ, বাস বাঞ্ছা করি,
 আগুনে তা হয় ভস্ম ।
 কাহারো বর্ষায় বসন্ত আগমে,
 কারো হয় শীতে গ্রীষ্ম ।
 স্ত্রায়ের মর্ঘ্যাদা রাখিতে বাইরা,
 কেহ অপরাধী দুষ্য ।
 কেহ স্ত্রায় ধর্ম্ম চরণে দলিয়া,
 ধর্ম্মরাজ গৃহে পোষ্য ।

কত দুষ্টি খল, মিথ্যা সমর্থিয়া,
 হয় লোক মাঝে গণ্য ।
 কত লোক পূজ্য মঙ্গল সুহৃদ,
 লাঞ্ছিত সত্যের জন্ম ।
 কত লৌহ সীস, আদরে বিকার,
 অনাদরে রহে স্বর্ণ ।
 হেন বৈপরীত্য, কেন নিত্য ? কার
 সাধ্য বুঝে এক বর্ণ ?
 হেন বৈপরীত্য ইহার মূলে কি
 কেবলই কৰ্ম ? সুখায় ধীর ;
 উত্তরে ভুলুয়া, কৰ্মের উপরে,
 আছে এক জন, জানিও ধির ॥

— — —
 আত্মতৃপ্ত ।

কত রোগে শোকে অভাব-কালে,
 কত দুঃখে লোক রহিয়াছে !
 কত অনাহার, কত অশয়ন,
 কত প্রাণপাতে সহিছে !
 কত লোক কত নির্দয় পিশাচ—
 —করে অপঘাতে মরিছে !
 কত দুষ্টি কত কাঙ্ক্ষালের গ্রাস,
 কত ছলে বলে হরিছে !
 কত অন্ধ, কত খঞ্জ নিরুপায়,
 কত গঞ্জনায়ে জ্বলিছে !
 কত দুঃখ কত ভাবে লোকে সহি,
 “ম’লাগ ম’লাগ” বলিছে !

সে তুলনে আমি বহু সুখে আছি,
 বহু কৃপা মোরে বিধাতার,
 অযোগ্য আমার প্রতি এত দয়া,
 —নমস্কার করি বার বার !
 পরমেশী নাম গায় অবিরাম,
 তাঁর পদ শিরে ধরিয়া,
 ভুলুয়া যে সুখে রহিল এবার,
 উপমা না মিলে খুঁজিয়া ॥

দোহাই ।

দোহাই তোমার চরণে ।
 মানুষ হইয়া হাসিভরা মুখ,
 ঢাকিও না কালো বরণে ।
 এ তিন ভুবন পরখিয়া দেখ
 মানুষ ছাড়া কে হানে,
 মানুষ ছাড়া কে মিতালী করিয়া,
 মধুর মধুর ভাষে ।
 যতন করিয়া, মানুষ গড়িয়া,
 বিধি কি করুণা কৈল !
 সুখা ঢালিবার, মুখ গড়ি তার,
 হাসি রাশি আনি খুঁজিল ।
 এমন আশীষ লভিয়া,
 আনন্দের মুখে যতন করিয়া
 • রাখিও না কালী মাখিয়া ॥

(তার) করে কাল-খড়গ কপালে অনল,
 সে বড় প্রথরা ভীষণা ॥
 আমায় দুঃখ দিলে, আমি যদি সহি,
 ঐ আমার তা ত সবে না ।
 সে যে, সম্ভান গোরবে বড় গরবিনী,
 সে কথা কি তুমি জাননা ॥
 তার রোমে কত রবি চন্দ্র খসে
 নিশি দিনের ভেদ থাকে না ।
 হয়, নিখালে প্রলয়, বিশ্ব শূণ্য হয়,
 কারো দর্প সে ত রাখে না ॥
 ভলুয়া কয় কালী- নাম যার মুখে,
 কাল তার পাছে হাটে না ।
 হাটি কি করিবে কালীনাম যথা,
 কালের জোর তথা খাটে না ॥

নির্ভরতা।

যে বলে বলুক মিথ্যা কালী পূজা,
 আর তার কথা মানি না ।
 মহামহীয়সী ত্রিলোকেশী কালী
 —পূজা ভিন্ন অন্য জানি না ॥
 বরাহরাজী জগদ্ধাত্রী কালী
 —পূজার যে কত মহিমা,
 কালীপাদপদ্মে ঘন বাক্সা বার,
 সে বই তা অস্তে বুকে না ॥
 কালের তরু কালী- নামে দূরে বার
 রামপ্রসাদ তাহার নিধানা ।

যখন ইচ্ছা কৈল, ভীষ্মের মত মৈল,
নাই রোগভোগের যাতনা ॥

কালীনামে সদা ক্ষেপা রামকৃষ্ণ,
পরমহংস কে তা জানে না ?

পৃথুভরি তাঁর কীৰ্ত্তি লোকে গায়,
—কে বা ভক্তি তাঁকে করে না ॥

ভুলুয়া গায় স্বয়ং কান পূজে কালী,
—কে না পূজে এমন দেখি না ?

(এখন) বাজে লোকের মিছা কথায় কান দেওয়ার
অবসর আর রাখি না ॥

—

স্বাভাবিক ।

যাচিয়া যে নিজ দুঃখ অশ্রুকে শুনায়
নিজের গুরুত্ব সেই যাচিয়া খোয়ায় ।
পরমেশ ভিন্ন নাই মরমী ধরায় ।
যার দত্ত দুঃখ থাকে জানাও তাঁতায় ।
যে নির্বেদাধ নিজ গুহ্য অশ্রুকে শুনায়,
আপনি সে আপনার লাঞ্ছনা বাড়ায় ।
পরনিন্দা পরচর্চা অভ্যাস যাহার,
তার ভাগ্যে বিড়ম্বনা, ঘটে অনিবার ?
ধাকিতে নিদ্রার রাত্রি দিনে কে ঘুমায় !
—সময় অমূল্য রত্ন যুমে কে খোয়ায় !
ঠকাইতে অশ্রুকে যে হয় যত্ববান,
আপনি সে ঠকে, ইহা বিধাত্রী বিধান ।
নিরামীষ ভোজী প্রায় দীর্ঘায় নিরোগ,
—যতাহারে ব্রহ্মচর্যে নাহি রোগভোগ ।

স্বকর্মের সঙ্গী সুখ, সুদীর্ঘ জীবন ।
 অমর সে,—কর্মধার সংসারে যে জন ।
 কালে সৃষ্টি কালে স্থিতি কালে হয় শেষ ।
 —কাল ব্রহ্ম. কাল সত্য, কাল পরমেশ ।
 কালের অন্তরে শক্তি কালী, তার নাম ।

সংসারের প্রতি ।

হে সংসার ? আমি কেমন তোমার
 সে কথা তোমারে কহি ।
 তোমাকে কহিয়া “আমার আমার”
 তাঁহার হইয়া রহি ।
 তোমার সেবক ভবে সবে জানে,
 মাহিমা সে দেয় মোরে ।
 তুমিও খাটাও সারা দিন রাত,
 সে বাহু পশারি ধরে ।
 তুমি যবে মোকে বিদায় করিবে,
 যাব এ বিদেশ ছাড়ি ।
 তখন তাঁহার করুণায় পাব,
 সে দেশে শান্তির বাড়ী ।
 তোমাকে খাওয়াই, তোমাকে ধোয়াই,
 তাঁহারি আদেশ মত ।
 তাঁহারি আদেশে, এবার তোমার,
 হইয়াছি অনুগত ।
 এখানেও তাঁর করুণা যখন,
 তখন বেড়াই সুখে ।
 এক পল যদি তাঁর নাম জুলি,
 বজর চাপয়ে বুকে ।

পতির কল্যাণে পর-পতি পূজে,
 পরিত্রতা সেট বটে ।
 যত ছেব দেবী বিরাজে আসিয়া,
 তাহার মঙ্গল হটে ।
 চ'জনের সাথে পাঁচজন মিলি
 ডাকাতি করিতে চায়,
 রাজার দুয়/রে সরনস দিয়া,
 চতুর বাঁচিয়া যায় ।
 মতীর সহিত, শিবের বসতি,
 সোভাস্ত সহিত রাম ।
 কেমন সে প্রেম মরণ যাহার
 হয় শেষ পরিণাম ।
 উলঙ্গ হইতে সরম না করে,
 থাকি বে না খায় ভাত ।
 ভুলুয়া ভণায়ে এ কথা বুঝিতে—
 তাহারি কেবল ভাত ॥

সাবধান ।

যা কর তা কর ভাই !
 জল ঢালি আগে শীতল করহ,
 ঘরের কোণের ছাই ।
 কুম্বীরের পথ বন্ধ করহ—
 খাল কাটির আগে—
 দুখের সাগরে সঁতার না শিবি,
 মজিওনা অনুরাগে ।

টাকা ধার দিয়া তার পাছে পাছে,
 ঘুরিওনা তুমি আর ।
 ঘোলের আশায় ছুদ বিলাইয়া,
 পাত্তা কর'না সার ।
 চোরের সহিত মিতালী করিলে
 চুরি না করিয়া চোর ।
 মরণে রেহাই সেই ত্রুত পায়,
 যার নাই যত "মোর" ।
 এক গাছে বাস করে ছয় ভূত,
 তার তলে কেন যাও,
 ভুলুয়া ভণয়ে পার না ভইয়া,
 ডুবাওনা কেহ নাও ।

সঙ্গ গুণ সৰ্বদা কৃতকার্য নহে ।

কর্কশ কঙ্কর সিন্ধুনীর মনো রহি

নাতি হয় সিন্ধু কোন দিন ।

নিজ্জীব নীরস বৃক্ষ শির নত করি

নাতি হয় নম্রতা অধীন ।

সঙ্গ দূরে, জলৌকা বসিয়া পুণ্যদেহে

সচ্ছন্দ্য চুমিয়া রক্ত পায় ।

কিন্তু তবু জোকত্ব তেয়াগী পুণ্যসঙ্গে,

পুণ্যপথে কভুও না যায় ।

পতিতপাবনী গঙ্গানীরে নিত্য ডুবি,

হিংসা পাপ না ছাড়ে ধীবর ।

যত মৎস্য মারে তত আনন্দ তাহার,
 না হয় সে পবিত্র অন্তর !
 সাধুগণ মধ্যে বসি অনন্ত দাম্ভিক,
 অপরাধ সৎকারে কেবল,
 তাহাপেক্ষা দূরে যদি রহিত ভুলুয়া,
 লভিত অনেক সুমঙ্গল ।

/ ———
 অনুভব ।

সন্দেশের দোকানে বসিয়া টুল পাতি
 কেবল সে কুণ্ডুর নিকটে,
 কোন সন্দেশের কত দাম বার বার,
 জিজ্ঞাসিলে কার তৃপ্তি ঘটে ।
 মূল্য দিয়া সন্দেশ কিনিয়া মুখে দেও,
 কর তার রস আস্বাদন,
 যুক্তি তর্ক ছাড়ি কর বিশ্বাস ঈশ্বরে,
 অনুভব কর সে কেমন ।
 ধর সত্য, সরলতা, অহিংসা সংঘম,
 কর কার্য সাধকের মত,
 সাধনার কি প্রভাব কর অনুভব,
 কেন ভ্রান্ত ভুলুয়ার মত ?

————— •

মুক্ত ।

নিতা মরণ পথে, শমনানুচর যত,
 পশ্চাতে রহি মোরে টানে ।
 দিন দিন কলেবর হীন-শক্তি-গতি,
 মন তবু নাহি অবধানে ॥

ডুবু ডুবু তরণী, কাল-সাগর জলে,
 কাঁহা কুল নাহি তাহা জানে ।
 কুস্তীর হাসর চৌদিকে শির তুলি
 নাচি নাচি চাতে মোর পানে ।
 আত্মীয় বান্ধব সাধু গুরু সজ্জন
 কতি কত মোরে সাবধানে ।
 হেরি মোর দুর্গতি দুর্গাহারিণী
 শূন্যে আশ্রয় আহবানে ।
 কিন্তু বোধহীন এতই এ ভুলুয়া
 নাহি চাহে তা সবার পানে
 আসন্ন কাল এনে, তবুও উত্তর মতি,
 মোহিত মায়াবিনী-গানে ।

—
 ভ্রান্তি ।

ককশ কঙ্কর চন্দনে সুন্দর,
 আগ্রহ মোর অবিরাম ।
 দন্ত জিহ্বা গেল কণ্ঠ ছিন্ন ভেল,
 রক্ত রতন স্রবগ্রাম ।
 সম্মুখে রক্ষিত অমৃত মঞ্জিত,
 বিশ্বমোহন তরিনাম ।
 সজ্জন, মানব যত্নে ধরল মুখে,
 চিত্ত রহল তাহে বাম ।
 কঙ্কর ভোজনে এ জনম অবসান ।
 মন্দ ভাল এত হাম ।
 স্বর্গ দুয়ারে আসি, বর্গ কুহকে ভুলি,
 ফিরিয়া চলিষু পাপ ঠাম ॥

প্রশ্ন ।

সংসার সঙ্ঘটে বিপন্ন করি শয়ন :
 অনশূচ্য অবসন্ন ।
 বিপন্নপালিনি ! অনপূর্ণে, তোমা
 তাই ডাকি নিষ্কৃতি জগৎ ॥
 দীনান্তিষ্ঠারিণি ! দেহ বিনাশিতে,
 অকৃত্য কে আছে তোমা ভিন্ন ।
 বিশ্ব নিঃস্ব স্বত বিশ্বাসি তাই তোমা,
 আশ্রাসিত ;—নহে ক্ষিণ ।
 হে বিশ্বজননি ! বিশ্ববাননী তুমি ।
 বিশ্বের (ই) দুঃখ ;—নতি অশ্রু ।
 নিঃস্ব বলিয়া যদি, ভুলুয়ায় পরিভ্রম,
 গৌরবে কে করিবে গণ্য ॥

উৎসাহ ।

কেন মন, চিন্তাপরায়ণ ?
 নিরাশ্রয় নও তুমি, যিনি ত্রিজগত্ স্বামী
 ধর তাঁর অভয় চরণ ॥
 তিনি তব পরম আশ্রয় ।
 ধরিয়াছে যে তাহারে, বিঘ্নময় এ সংসারে,
 কভু তার নাহি পরাজয় ॥
 বিপদ বর্ষক শতধাবে,
 বৃষ্টি নামি শতধারে, পর্বতের কলেবরে,
 কি অনিন্দিত সাধিবারে পারে ॥

পরমেশ পরম আশ্রয় ।

নদীর সমুদ্র যথা, ভক্তে ভাগবত কথা,
ভাস্কর জ্যোতির যথা হয় ॥

ভাঁয় করে যে অবলম্বন,
নাহি নাহি ধ্বংস তার, অক্ষয় অমৃত-ধার,
তার অধিকারে অনুক্ষণ ॥

সর্বদর্শী সে করুণাধার
প্লাবনে ভাসুক দেশ, বহ্নিতে পুড়ুক শেষ,
ভুলুয়া অদৃশ্যে নাহি তাঁর ।

অসাধ্য ।

কার সাধ্য হস্ত পদে করি সম্ভরণ
কূলহীন মহাসিন্ধু তরে ?
কার সাধ্য বিদ্যা বুদ্ধি কৌশল করিয়া,
বাধ্য করে পরম ঈশ্বরে ?
কার সাধ্য প্রেম ভিন্ন, করি অত্যাচার,
বশীভূত রাখিতে অন্তকে ?
বলে বাধ্য অবসর পাইলে যা করে,
প্রতিকারী তাহার জন্ত কে ?
কার সাধ্য গুণীর গৌরব বিনাশিত্তে,
রটাইয়া নিন্দা অপবাদ,
কার সাধ্য দীর্ঘজীবী রহিতে স্তূতলে,
নিষ্ঠা করি লোক সঙ্গে বাদ

কার সাধ্য নিমেষিয়া নিরস্ত করিতে
 সজ্জনের প্রতি অনুরাগ ?
 কার সাধ্য দণ্ড বিনা উপদেশ দিয়া
 শাস্ত করে নির্বোধের রাগ ?
 কার সাধ্য কৃপণ দুর্জ্জন বিষয়ীকে
 মন্ত্রবলে ধর্মপথে আনে ;
 কার সাধ্য “জীবে দয়া” ধর্ম বুঝাইতে
 মাংসপ্রিয় মানুষের প্রাণে ।
 কার সাধ্য স্পর্শ করে ছল বল করি,
 পুণ্য তনু সতী অঙ্গনার ?
 কার সাধ্য যোগভঙ্গ করে তপস্বীর,
 দৃঢ়চিত্তে সত্যব্রত যাঁর !
 কার সাধ্য বিপন্ন করিতে তাঁকে পারে,
 চিত্ত যাঁর ঈশ্বরে ধেয়ায় ।
 ভুলুয়া জিজ্ঞাসে তাকে মারিতে কে পারে,
 ঈশ-নাম যাঁর রসনায় ।

মূর্থ পুত্র ।

পুত্র যদি নাহি জন্মে নাহি দুঃখ শ্যায়,
 জননীর যাতনা মা হয় !
 জন্মিয়াই মরিলেও তাহাও মঙ্গল,
 শোকে মগ কিছুদিন রয় ।
 কিন্তু যদি হয় পুত্র মূর্থ অভাজন,
 জ্বালাতন করে চিরকাল,

সংসার পোড়ায়, জ্বালি বহি অশাস্তির ;

পদে পদে বাধায় জঞ্জাল ।

যত্নে পুষ্টি গাভী যদি দুগ্ধ নাহি পাই,

তাহা বৃথা উৎপাত যেমন,

রত্ন আনি দেখি যদি কাচ গণ্ড তাহা,

তাতে ক্ষুধ বথা হয় মন,

তথা কিংবা তদপেক্ষা ক্ষুধ চিত্ত হয়,

হলে পুলক মগ্ন অভাজন ।

ভুলুয়াও কহে “পুলে সুশিক্ষা না দিলে,

হয় তাহা শত্রুতা সাধন”।

যে গৃহে দৃষ্টান নাই তাহা এক শূণ্য,

আর শূণ্য একুঠোন দেশ ;

আর শূণ্য জ্ঞানহীন মূর্খের হৃদয়,

মহেশে যে গণা করে মেঘ !

আর এক শূণ্য ঐ দাঁরদের গৃহ,

দিনেও যেখানে অন্ধকার ।

আর শূণ্য মন প্রাণ এ আর্ধ্যনগরে,

আশ্রয়বহীন গলনার ।

আর শূণ্য পিতৃমাতৃগণ অসহায়,

শিশুর সম্মুখে এ সংসার ।

ভুলুয়া কহিল “বিভূ-ভক্তিহীন মন,

শূণ্য নাই তার তুল্য আর ।”

রোগের দেখে না কিসিক সং
নিমন্ত্রণ করি রোগ আসে যে কীরারে,
অতিমাত্রা যে করে ভোজন।

পরায় রোগের হার অঙ্গে সে জননী,
সন্তানে যে খাওয়ায় তেমন ॥

উপযুক্ত আহার না করি, অনাহার
করে যারা, ক্ষুণ্ণানে কায়
ধীরে ধীরে দগ্ধ করি, অকালে জীবন
নানা রোগে তাহার হারায় ॥

অতিমাত্রা জলপান করয়ে যাগরা,
রোগে তারা যত্ন করি ডাকে ।
রাত্রি জাগি দিনে যারা ঘুমায়ে, তাহারা
রোগের দুয়ার খুলি রাখে ॥

মল-মূত্র-বেগ যারা করয়ে ধারণ
রোগের চরণে তারা পড়ে ।
ভুলুয়া পরাধি কহে অকর্ম্মা অলস
দুঃখ রোগ ছাড়ি নাহি নড়ে ॥

সাধুসঙ্গের মহিমা ।

মরুতুল্য এ সংসার বিষবহিঃমধ্যে তার,
প্রবাহিত মূঢ়ল হিল্লোলে ।
সংসার পথের পাশ্বে পথশ্রমে একে শ্রান্ত,
তাঁহে দহে সেই বিষানলে ।
জুড়াইতে স্থান, নাই বুঝেনা কোথায় যাই,
যজ্ঞগায় অবসন্ন প্রাণ,

ভুলুয়া ডাকিয়া কহে যদি সাধুসঙ্গে রহে,
পলে দুঃখ হবে অবসান ;

অসম্ভবে সম্ভব ।

অসম্ভব এমন রসনা এ সংসারে,
বলে নাই মিথ্যা একদিন ।
হয় নাই কলঙ্কিত কৰ্কশ ভাষণে,
আর পরনিন্দা-চর্চাহীন ।
কিংবা নাহি উচ্চারিল ঈশ্বরের নাম,
না করিল স্নেহ-সম্ভাষণ,
না হইল অগ্রনর্তী সজ্জনের মত
করিতে সত্যের সমর্থন ।
ভুলুয়া উত্তরে যারা জন্মিয়াই মরে,
কিংবা মূক জন্মাবধি হয়,
তাহাদের রসনায় সম্ভবে এ সব,
অশ্রুথায় মনুষ্য সে নয় ॥

দৈব বিড়ম্বনা ।

ভবিষ্যতে সচ্ছন্দে রহিবে আশা করি,
গোয়ালন্দে দুর্গানাথ সিংহ,
পঞ্চাশহাজার টাকা রাখিল ষ্টিমারে,
অশ্রু কত ইংরেজের সহ ।
চোরে কিংবা তুস্করে তা স্বরিতে নারিত,
মির্ভাবনা ছিল মনে মনে,

কিন্তু তেরশত ঘোল আশ্রিনের ঝড়ে
 ষ্টিমার পদ্মায় নিমগনে ।
 করিল অর্জন বাহা জীবন ভরিয়া
 বিসর্জিত পদ্মার জীবনে ।
 অর্থশোক বজ্রসম অন্তরে বাজিল,
 পক্ষাঘাতে হারা'ল জীবনে ॥

ভট্টাচার্য্য তারিণী ভিজিয়া বৃষ্টি-জলে
 দিবা রাত্রি করি পরিশ্রম,
 নির্ম্মল সুরমা গৃহ মধুমক্ষী যেন,
 রচিত অপূর্ব মধুক্রম ।
 ভবিষ্যতে বৃষ্টিপাতে হইল নির্ভয়,
 কিন্তু কাল বৈশাখের শেষে,
 অগ্নিতে পুড়িল গৃহ ; ভট্টাচার্য্য দেশ
 তেয়াগিল অতি মনোক্রেশে ॥

রাজা সে গোবিন্দলাল ছিল রংপুরে,
 ইচ্ছা সুখে ভবিষ্যতে বাস,
 গড়িল উত্তম হর্ম্ম্য বহু দিন ভরি,
 সঞ্চিত সম্পত্তি করি নাশ ।
 তেরশত চারি সালে ভূমিকম্প এল,
 ভূমিসাথ হ'ল নিকেতন,
 ভবিষ্যতে বাসের বাসনা হ'ল দূর,
 উরু ভাঙ্গি হারাল জীবন ॥

পরমাম পলাম খাইব কাল, ভাবি,
 আজ যুত দুখ কিনিলাম,

রাত্রিশেষে মা মরিল সর্পের দংশনে,
 কাঁদিয়া হবিষ্য করিলাম ।
 আজীবন কষ্টে অর্জিত দু'হাজার টাকা
 রাখে রাম মধুর নিকটে ;
 পত্নী সহ মধু তা করিল অস্বীকার,
 চাহিল সে যখন সঙ্কটে ॥

চারি বর্ষ দূর দেশে দাসক্ৰ করিয়া,
 প্রাণপ্রিয়তমা পত্নী তরে,
 কিনি বস্ত্র অলঙ্কার প্রেমিক যুবক,
 উল্লাসে চলিল নিজ ঘরে ;
 চলে পথে, আর ভাবে, “দাসত্বের ক্লেশ
 জুড়াইব তাকে অঙ্কে নিয়া” ।
 আশায় আসিয়া বাড়ী দেখে অক্ষকার,
 প্রিয়তমা গিয়াছে মরিয়া ॥

তাই বলি ভবিষ্যতে কালক্রান্তে কার
 কপালে কি আছে কে বলিবে ।
 তবু ভবিষ্যৎ মোহে উন্মত্ত মানব,
 গম্য পথ ফেলিয়া চলিবে ।
 কত ঈদব বিড়ম্বনা সম্মুখে বিরাজে,
 গণ্য কে করিতে তাহা পারে ।
 দুর্গতির জগু রহ সর্বদা প্রস্তুত,
 স্মৃৎ যদি হয় হ'বে পারে ।
 তুমি আমি চন্দ্র সূর্য্য বাঁহার, ইচ্ছায়
 বাঁহার ইচ্ছায় বিশ্বধাম ।

তঁাকার চরণে সর্ব আশা বলি দিয়া,
স্মরণে ভুলুয়া তাঁর নাম ॥

অনুতাপ ।

কত কত রত্ন চরণে দলিয়া,
যত্নে রাখিয়াছি কাচ ।
কত কত দিব্য অভিনয় হেলি,
দেখিয়াছি ভল্লু নাচ ।
কত কত সাধু সিদ্ধ মহাজনে,
দুর্জনের কথা শুনিয়া,
কত কত দিন কৰ্কশ ভাষণে,
দিয়াছি ধাক্কা মারিয়া ।
কত কত মন্দ কস্ম করিয়াছি,
সন্দেহ না করি মনে,
কত কত ধর্ম সন্দেহ করিয়া,
দলিয়াছি দু'চরণে ।
কত কত মন্দ পথে হাটিয়াছি,
নিষেধ না করি গ্রাহ ।
কত কত পূজ্য পথ ছাড়িয়াছি,
সৌন্দর্য্য না দেখি বাই ।
কত কত স্থানে নিজ উপদেশ,
নিজে করিয়াছি ভঙ্গ ।
কত কত ধীর মোহাস্তে না চিনি,
কত করিয়াছি ব্যঙ্গ ।

কত কত স্থানে মহামাশ্রু জনে,

করিয়াছি হৌনে গণ্য

কত কত দিন ধরেছি নিশান,

হৌন নরাধম জগত্ ।

কত কত দিন বৃথা অহঙ্কারে,

নির্দোষে করেছি দণ্ড ।

কত কত দিন শির নত করি,

অর্চিয়াছি পাপ-ভণ্ড ।

সুগঙ্গলময় জনক আমার

তঁাকে বলিয়াছি উচ্চ ।

আমা ভিন্ন যেই মা নাহি জানিত,

করিয়াছি তঁাকে তুচ্ছ ।

কত দিন কত সুবর্ণ সুষোণ

পাইয়াও ধরি নাই ।

কত দিন বাহু পাইব আশায়

ঘাটিয়াছি শুধু ছাই ।

এতই অধর্ম এতই অকর্ম,

করিয়া গিয়াছে দিন ।

এবে সন্ধ্যাকালে বিভু কৃপা চায়,

ভুলুয়া কি লজ্জাহীন !!

নিরলাজ ।

লভি উচ্চপদ দু'দিনের জগত্

সম্মানী জনে ধরিয়া,

দেখায়েছি মোর প্রভুত্ব কিরূপ

লাঞ্ছনা-গৃহে ভরিয়া ।

পুনঃ যবে আমি সে পদে বিচ্যুত—
 ইতরের গৃহে আসিয়া,
 তামাকু একটু মাজি আনিয়াছি,
 কত ধর্ম্ম-বাপ বলিয়া ।
 যখন যাহার দেখিয়াছি জয়,
 তখন তাহার হইয়া,
 বক্তৃতা কত করিয়াছি আমি,
 কত উচ্চ গলা করিয়া ।
 পরদিন যদি বুঝিয়াছি গোল,
 নাকে খত দিয়া বলেছি ;
 “এমন করম আর করিব না,
 সন্ন্যাসী হ’তে চলেছি ।”
 এই ত আমার জীবনের কথা,
 এই ত আমার পরিচয় ।
 ভুলুয়াও কহে, “আমার মতন
 নিরলাজ আর কোথা রয়” ॥

সাধুসঙ্গেও বিড়ম্বনা ঘটে ।

শুনি সাধুসঙ্গের মাহিমা সর্ব ঠাই,
 যাতায়াত করি মঠে মঠে,
 যুক্ত তর্ক বিস্তারিয়া বিদ্যা পরিচয়,
 দিতে বসি সাধুর নিকটে ।
 শিখিতে না চাই, শিক্ষা দিতে যাই তাঁরে,
 দেখি সাধু স্বভাব আমার

“উত্তম উত্তম” বলি করেন বিদায় ;
 ফিরে গিয়া দেখি রুদ্ধ দ্বার ।
 বহু ভীর্ণ পর্যটন বহু সাধুসঙ্গ,
 হেন ভাবে আমি করিয়াছি ।
 জাহ্নবার তীরে আমি স্নান না করিয়া
 ধূলা ঝাড়ি ফিরি আসিয়াছি !
 ভুলুয়া উত্তরে, সাধুসঙ্গে বসি শুধু
 বাক্যব্যয়ে কোন লভ্য নাই ।
 নমস্কার সেবা পারচর্যা না করিলে,
 সাধুকে প্রসন্ন কোথা পাই ॥

গরিষ্ঠ ছাত্র ।

গরিষ্ঠ বিদ্যার্থী সেই ছাত্র বিদ্যালয়ে,
 প্রত্যাষে যে উত্থান কারয়া,
 সকলের অগ্রে নিজ প্রাতঃকৃত্য করে,
 উৎসাহে আলস্ত ত্যাগিয়া ।
 নিদ্রার কি সাধ্য তাকে বন্ধে বিছানায়,
 তার অধ্যবসায় স্বতন্ত্র ।
 ঋদম্য উৎসাহ তার বিদ্যা অধ্যয়নে ।
 বিজ্ঞাত সে বিদ্যাপূজা মন্ত্র ।
 প্রাতঃকৃত্য সমাপিয়া জড়ত্ব নাশিতে,
 সেবনে সে বিশুদ্ধ বাতাস ।
 তারপরে গ্রন্থ নিয়া বসে অধ্যয়নে,
 যাহে তার শ্রেষ্ঠত্ব প্রকাশ ।

অধ্যয়ন সময়ে সে অশ্রু সঙ্গ কথ্য
 নাহি বলে—ধীর মনযোগী,
 সময় নির্দিষ্ট তার সমস্ত করমে,
 বিনয়ী সে, ধর্ম্য অনুরাগী ।
 পিতা, মাতা, গুরুগণে অবাধ্য সে নহে ;
 উপদেশ ভেদে মনে রাখি ।
 ভোজন সময়ে তার নাহি গঙ্গগোল,
 সর্বদা সে সভ্য শাস্ত থাকে ।
 মিথ্যাকথা পরনিন্দা করা দূরে থাক,
 শুনাইলে না করে শ্রবণ ;
 যথা তর্ক কলহে প্রবৃত্ত নাহি হয়,
 না উচ্চায়ে অশ্লীল বচন ।
 উত্তম চরিত্রে প্রিয়পাত্র সে সর্বদে,
 পিতৃমাতৃপদে ভক্তিমান ।
 ভুলুয়া গণিয়া কহে গরিষ্ঠ সে ছাত্র,
 কালে হবে মহা যশস্বান ।

বক্তৃতা অপেক্ষা আচরণে অধিক কার্য্য হয় ।

পিঞ্জরে বসিয়া পাখী “হরিবোল” বলে
 তাহা নহে নাম-সঙ্কীর্তন ।
 শেখা বুলি বলে মাত্র, উপলক্ষি নাই,
 তাই তাহা না পরশে মন ।
 গ্রন্থ অধ্যয়ন করি তথা সভাজলে,
 ধারা তরু করে উদগীরণ,
 অল্পজ্ঞান নরে তাহা শুনে হা করিয়া,
 জ্ঞানী গণ্যে গিলিত চর্চণ ।

গ্রন্থে ঘাহা পড়, যদি কর আচরণ,
 ধির সত্য তা হ'লে বুঝিবে ।
 সেই সত্য যবে তুমি করিবে কর্তন,
 লোকে তাহা যত্নে গ্রহণিবে ।
 মুখস্থ বিদ্যায় আর পরের কথায়,
 যে জ্ঞান—সে জ্ঞান সত্য নয় ,
 জলদে নির্মিত মূর্তি আকাশের গায়,
 কতক্ষণ এক ভাবে রয় ।
 “সত্য কথা বলা শ্রেয়” বলি বার বার,
 বহু লেখকের বাক্য ভুলি,
 বক্তৃতা করিনু, কিন্তু আমি সারাদিন
 কোন সত্য না বলিনু ভুলি ।
 ভাষার ছটায় আর ভাবের ঘটায়,
 মুগ্ধ করি শ্রোতার শ্রবণ,
 মুখস্থ করিয়া বক্তা যাত্রার নারদ,
 তার শিষ্য কে হয় কখন ?
 সর্ব স্বার্থ করি ত্যাগ সন্ন্যাসী হইল,
 আচণ্ডালে কোলে ভুলি নিল,
 তাই ত চৈতন্য নামে পাগল হইয়া,
 সর্ব জাতি পদে বিকাইল ।
 নিক্ষিপ্ত মহীয়ান স্থির ব্রহ্মচারী
 আমার শ্রীচৈতন্য গোসাই ।
 আপনি আচরি ধর্ম জীবেরে শিখায়
 অশ্রুপাত ভিন্ন কথা নাই ।
 অতএব কোন ধর্ম বক্তৃতার নহে
 আচরিয়া জগতে শিখাও ।

হেরিলে গুরুর ত্যাগ শিষ্য ত্যাগী হবে,
ভুলুয়ারে কি হেতু চেষ্টাও ।

মনের মধ্যে সমস্ত ।

ডাকে পাখী বিটপীর শাখায় বসিয়া,
ললিত পঞ্চম তানে সুধা বরবিয়া ।
বিরহী সে ডাক শুনি মরে মনদুখে,
স্মরণ করিয়া তার পুরাতন সুখে ।
দম্পতী নির্ভনে তাহা করিয়া শ্রবণ,
দোহে দোহ মুখ চাহি আনন্দে মগন ।
এক শব্দে এক স্থানে দুই বিপরীত
ভাব ঘটে, শব্দের কি আশ্চর্য্য চরিত ।
ভুলুয়া উত্তরে নহে শব্দের স্তাব,
যার মন যেমন, তাহার সেই ভাব ।

কুম্ভে পড়িলেও সিদ্ধ মহাপুরুষের পতন ঘটে না ।

মাতৃগর্ভে সন্তান বিরাজে দশমাস,
কিন্তু ভুক্ত অন্নাদি মতন,
কভু নাহি জীর্ণ হয় ; তথা যে সজ্জন,
হীন সঙ্গ নহে হীন মন ।
—নহে দক্ষ স্বামিহ তাহার ।
রহিলে হীরক খণ্ড লবণের খাদে,
ভুলুয়ারে কয় কোথা তার ?

আপন মনে ।

মানুষ করিয়া সংসারে আনিয়া
কত আশীর্বাদ করিল ।
স্বকর্মে সুযোগ, অত্যাচ সন্মান,
সম্মুখে কত ধরিল ।
আমি তা সকল প্রাহ না করিয়া
কি মোহে মাতিয়া রহিলাম,
সক্যা যে আসিল, অক্ল সম আমি,
দেখিয়া না তাহা দেখিলাম ।
সারা দিন ঘুরি, মোহের কুহকে
এবে অবসান সময়ে,
দয়া কর বলি, ডাকিলে কি আর,
দয়া হয় তাঁর হৃদয়ে ।
হায় কি ভ্রান্ত ভুলিয়া !
অসময়ে তার, সহায় যে জন,
তাঁহাকে রহিল ভুলিয়া ।

স্বভাব ।

কর্কশ ককর সিঙ্কনীরে বারমাস,
রহিয়াও সিন্ধু নাহি হয় ।
দয়াময় বিশ্বনাথ শিরে বাস করি
সর্প কতু নহে প্রেমময় ।
দস্তহীন হইলেও ছরস্ত শোদ্দূল,
নাহি করে মাংসাহার ত্যাগ,

রহিলেও ক্ষমাময় সক্রেটিশ সঙ্গে
 জেন্ত্রিপীর নাহি যায় রাগ ।
 মাধুসঙ্গে রহিলেও পাষণ্ড দাস্তিক
 নাহি ছাড়ে ধ্বংসতা তাহার ।
 রহিলেও নিত্যস্থখে জননী কৃপায়,
 কৃতজ্ঞতা নাহি ভুলুয়ার ।

। প্রশ্নোত্তর ।

ঈশ্বরের করুণায় কার অধিকার ?
 ভ্রমেও পরের হিংসা মনে নাহি ষার ।
 শত্রুহীন কোন জন কে পার বলিতে ?
 হিংসাদ্বেষ বিবর্জিত কে জন মহীতে ।
 কীর্তির পতাকা স্থির এ ভূতলে কার ?
 জীবন উপোধি সত্য পালিত যাহার ।
 শ্রদ্ধার আসনে উপবিষ্ট কোন জন ?
 মত পরিবর্তন যে না করে কখন ।
 কোন ব্যক্তি স্থখে করে জীবন যাপন ?
 নিজ কর্মে সাধে যে নিজের প্রয়োজন ।
 ভুজঙ্গের বিষাপেক্ষা তীব্র কোন বিষ ?
 বাসনা,—যা এই বিশ্ব দহে অহর্নিশ ।
 কালানলে কাহার না হয় দহমানি ?
 সে পরম ঈশ্বরে যাহারা ভক্তিমান ।
 পুত্রশোকে তপ্ত নহে কাহার হৃদয় ?
 ঈশ্বরে নির্ভরশীল সর্বদা যে রয় ।
 আদর সন্মান কার জন্ত ঘরে ঘরে ?
 নিজে কষ্ট সহিয়া, যে পর-সেবা করে ।

অশান্তির নিকেতন বল কোন্ স্থান ?
 যথা অশুগত্য নাই সবাই প্রধান ।
 প্রার্থনা করিতে পার কার উপকার ?
 মনে প্রাণে হইয়াছে অশুগত বার ।
 কোন্ পুত্র হয় বিদ্যাসাগর ঈশ্বর ?
 জননীৰ পদে যার অনন্ত অন্তর ।
 কার ভাই বৈরীর পাছুকা বহি যায় ?
 যার ভাই, ভাই ছাড়ে পর-ঙ্গত্যাশায় ।
 দস্যু আসি কোথা ঘর দিনে লুট করে ?
 কলহ যথায় সহোদর সহোদরে ।
 গচ্ছিত সম্পদে করে বঞ্চিত কাহাকে ?
 লুকাইয়া অর্থ যে পরের হাতে রাখে ।
 উৎসন্ন হইয়া কারা সর্বস্ব হারায় ?
 জ্ঞাতি জনে বঞ্চিত করিতে যারা যায় ।
 ধন, মান, প্রাণ কার যায় পরে পরে ?
 আত্মীয় খেদাড়ি, ঘরে যে বসায় পরে ।
 সৃজন করিতে শত্রু বেশী শক্তি কার ?
 রসনায় বচনের দোষ বেশী যার ।
 (এ সংসারে সুযোগের দস্যু কোন্ জন ?
 বিবাহে শশুর গৃহ যে করে লুণ্ঠন ।) ✓
 মরণের ভয়ে ভীত নহে কোন্ জন ?
 ভুলুয়া ত কহে, “বিশ্বনাথে যার মন ।”

জড়ের দেশে স্বজাতির শত্রু স্বজাতি ।
 কুঠারে জিজ্ঞাসে তরু, “তুমি ভিন্ন জাতি,
 লৌহ তুমি আমি কাষ্ঠ হই ;

ভূগর্ভে খনির মধ্যে বসতি তোমার,
 আমি এই বন মধ্যে রই ।
 বিধাতৃবিধানে তুমি সূদৃঢ় শরীর,
 সর্ব্ব গর্ব্ব চূর্ণ তব ঠাই ,
 আমি হীন দুর্ব্বল তোমার কৃপাপাত্র,
 তব সঙ্গে বৈর মোর নাই ।
 ক্ষেত্র, যোত্র, ভার্য্যা দেখ উভয়ের দেশে
 ভিন্ন ভিন্ন ; তব সঙ্গে মোর,
 তা সবার জন্ত নাহি মালিন্য সম্ভবে,
 তবু কি নিমিত্ত তুমি, ঘোর
 হিংসায় জ্বলিয়া কর মোর মূলোচ্ছেদ,
 কর সদা নির্দয়াচরণ ?”
 উত্তরে কুঠার, “ভদ্র, কি দোষ আমার ?
 তোমার স্বজাতি একজন,
 রহিয়া আমার সঙ্গে, দিয়া কুমন্ত্রণা,
 করায় যেমন কৰ্ম্ম, করি—
 আমি শত্রু নই তব মূলোচ্ছেদ তরে,
 বৃথা কেন নিন্দ মোকে ধরি ?
 তোমার স্বজাতি যদি মোর সঙ্গ ছাড়ে
 তব নাশে কি সাধ্য আমার ?
 —নাশ দূরে,—উঠিয়া যে দাঁড়াইব আমি
 বিন্দুমাত্র সাধ্য নাহি তার ।
 তোমার যথার্থ শত্রু স্বজাতি তোমার,
 তাহাকে করই সাবধান ।”
 ভুলুয়াও রূহে, “লঙ্কেশ্বর কোথা মরে,
 বিভীষণ না দিলে সন্ধান ।

দর্শনের উপায় ।

এ তিন ভূতনে যা আছে, নয়নে
সকলই দেখিতে পাই ।
কিন্তু কি বলিব, আপন বদন,
দেখার উপায় নাই ।
পাহাড় পর্বত, সাগর প্রান্তর,
কত কি দেখিতে পারি ।
কিন্তু যে বিরাজে, অস্তুরে(বাহিরে,
তাহাকে দেখিতে নারি ।
ভুলুয়া ইসারে, ধরি দরপণ,
নিরখ আপন মুখ ।
আর দিবা-চক্ষু মেলি পরমেশে,
নিরখি ঘুচাও দুখ ॥

পশুবলের গৌরব নাই ।

হস্তী তুল্য বলশালী কোন্ জন্তু আছে,
ভীষণ কে সর্পের মতন,
পক্ষী তুল্য মুক্ত কে বা আছে মহীতলে,
তবু তারা সহজে বন্ধন ।
বুদ্ধি বল বড় বল, আর সর্বোপরি
বল হয় তপস্যার বল,
যে বলের সন্নিকটে চূর্ণ সর্ব বল,
বন্ধ রাহে ইঞ্জিনের কল ।
সম্পদ প্রভুত্ব বলে না করি বিশ্বাস,
তার সাক্ষী কশিয়ার জার,

হইয়া সত্রাটশ্রেষ্ঠ হারাইল প্রাণ,
 মহি একশেষ লাঞ্ছনার ।
 তাই বলি যত দর্প দেখি পশুদলে,
 মিথ্যা সব কালের নিকটে ।
 ভুলুয়া দ্বিজ্ঞাসে, “কাল কি করিবে তার,
 কালীনাম যার চিত্তপটে” ।

ব্রহ্মচার্যহীন ।

কি করিব দুঃখের কপাল !
 অবহেলি ব্রহ্মচার্য দেহে শক্তি নাই,
 যৌবনে আসিল বৃদ্ধকাল ।
 এ বিপুল কর্মক্ষেত্রে কর্মী স্থগে রহে,
 এ দৃষ্টান্ত দেখি সর্বক্ষণ,
 কিন্তু এ দুর্বল মন, কর্ম নিরখিলে,
 দূরে দ্রুত করে পলায়ন ।
 পদমাত্র চলিতে ভাবিয়া আসে জানু,
 তনু গনি বাহিরায় ঘাম,
 এ পূর্ণ বয়সে আমি অকর্ম্মা অধম,
 সর্ব স্থলে আমার দুর্নাম ।
 ক্ষুর্ত্তিহীন চিত্ত মোর, বিরক্তি সদা,
 মনে হয় মোর কেহ নাই,
 দুঃখের সঙ্গীত মোর কিছু তৃপ্তিকর,—
 নাহি বুঝি কিসে তৃপ্তি পাই ।
 কি নির্মিত্ত হল মোর দুর্গতি এমন,
 কে পারে বলিতে তব তার ।

ভুলুয়া উত্তরে, “ঘটে তার(ই) এ দুর্গতি,
ব্রহ্মচর্য্য নাহি থাকে ব্যায়” ।

নির্বোধ ।

এক মিথ্যা বলি তাহা ঢাকিবার তরে,
বার বার মিথ্যা কহে যে নির্বোধ নরে,
কপালে লাগিলে কালী, ৬
বেতলের কালী চালি, ৭
ধুইতে সে সর্ব্ব অঙ্গ কালীময় করে ।
নির্বোধ কে তার তুল্য এ ভূতলোপরে ?

দশের ঘৃণিত কর্ম্ম করি একবার,
অসম্ম লাঞ্ছনা সহে,
দুর্নামে মরিয়া রহে,
তবু সে ঘৃণিত কর্ম্মে চলে আর বার,
নির্বোধ কে আছে বিশ্বে মতন তাহার ?

আপনার গৃহলক্ষ্মী করি পরিহার,
কুলটার প্রতি চিত্ত আসক্ত বাহার,
সেই ভাগ্যবান ধম্ম,
পরিহারি পরমাম্ব,
গৌরবে গোবর ছানি করয়ে আহার ।
নির্বোধ সে, দুর্ভাগ্য—তাহার অসম্মার ।

আপন ছাড়িয়া, পরে আত্মীয় ভাবিয়া,
সম্বন্ধ পাতায় যারা যতন করিয়া,

ঘরের সন্ধান বলি,
 স্বজনে সঙ্কটে ফেলি,
 পরের মঙ্গল সাধে নাচিয়া নাচিয়া,
 নির্বেদ্য সে যায় বংশ শুদ্ধ দুবাইয়া ।
 শুধু গ্রন্থ পাঠ করি বিদ্বান যে হয়,
 শরীরের প্রতি সদা লক্ষ্যহীন রয়,
 যুগু তাহা দেহহীন,
 প্রতি কন্ঠে পরাধীন,
 নির্বেদ্য সে, যাহা কিছু উপার্জন তার,
 ভৃত্য বত ভাগ করি খায় অনিবার ।
 অর্থ উপার্জন তরে বাণিজ্য না করি,
 প্রাণপণে চেষ্টা যারা হয় কৰ্মচারী,
 দারিদ্র্য তাদের ঘরে,
 নির্ভয়ে বসতি করি,
 অপথে মরিতে তারা চলে পথ ছাড়ি,
 নির্বেদ্য তাহারা, মোহে ঘুরে বাড়ী বাড়ী ।
 কত বা শরীর ক্ষয়, অর্থ করি জল,
 কত বিদ্যা শিখে, কথা কহিবার কল,
 কিন্তু নিত্য-কৰ্ম যাহা,
 নাহি শিক্ষা করে তাহা,
 রাক্ষসে না পারি চিড়া ভিজায় কেবল ।
 নির্বেদ্য তাহারা, শিক্ষা-বিভাগের-মল ।
 ইন্দ্রিয়ের সুখশায় ব্রহ্মচার্য্য ছাড়ে,
 নলেন্দ্র মতন ছিদ্র জনমায় হাড়ে ;

সামর্থ্য থাকেনা আর,
 হারায় কর্ম্মাধিকার,
 যায় শাস্তি সন্তোষ, কেবল ক্রোধ বাড়ে !
 নির্বেদ্য সে, মরণের ভূত তার ঘাড়ে ।

নীচ স্বার্থ তরে যারা মনুষ্যত্ব ছাড়ি,
 কৌশলে পরস্ব নিয়া করে বাড়াকাড়ি,
 কাচ হরি, তার ফলে,
 কাঞ্চন ভাসায় জলে ;
 পুত্রপৌত্র আঁখিজলে ভাসে তার বঁড়ী ।
 নির্বেদ্য সে, সুধা ফেলি পান করে তাড়ি ।

আর সে নির্বেদ্য, যারা মানুষ হইয়া,
 উর্দ্ধ-দৃষ্টিহীন রহে বিষয়ে ভুলিয়া ;
 ভগবানে ভক্তিহীন,
 সম্মুখে শেষের দিন,
 চিন্তা নাহি করে, কভু সতর্ক রহিয়া,
 মন্ত সম রহে যথা নির্বেদ্য ভুলিয়া ।



• দুইবছরটির পূর্বোপকাৰী,
লোকপ্ৰিয়, স্বদেশমান্ধি,

কল্যাণ কবি ।

• স্বদেশপ্ৰিয় নাৰায়ণপ্ৰবাহন
কল্যাণকৰ শ্ৰী: কল্যাণকৰ নাথ মুদ্রা: প্ৰদান ।

শ্রীশ্রীকালীকুলকুণ্ডলিনী।

ষষ্ঠ দিন।

সপ্তম পরিচ্ছেদ।

হে পৰ্বত-পঙ্ক্তি-পতি-নন্দিনি অন্নপূর্ণে !
শারদোজ্জ্বল চন্দ্রকান্তি পরিমণ্ডিত স্বৰ্ণবর্ণে !
হে মেনকাকোজ্জ্বলভূষণে, মে শরণ্যে
দারিদ্র্য ছুঃখ দহনাজ্জগদম্বে রক্ষ ॥১।

কহে বৃদ্ধ রত্নগিরি, “বহু তব শুনি,
পরানন্দে গত প্রায় মাস।

সাধুসঙ্গ মহিমার সাক্ষী অতুলন,
প্রত্যক্ষে দেখিছু পরকাশ।”

আগমনী শ্রবণে বাসনা সকলের ;—

১। হে পৰ্বতশ্রেণীর রাজনন্দিনি অন্নপূর্ণে ! হে শারদীয় উজ্জ্বল চন্দ্রের
কান্তিমণ্ডিত কাঞ্চনবর্ণে ! হে মেনকার অঙ্কের উজ্জ্বল ভূষণে ! আমি তোমার
শরণাগত। হে জগদম্বে !• কঠোর দারিদ্র্য ছুঃখানল হইতে আমাকে
রক্ষা কর।

জগজ্জননী দশভুজা,
 মেনকা-মন্দিরে উদি, উমা রূপ ধরি,
 নিরথেন বাৎসল্যের পূজা ।”
 বিষ্ণুদাস কহে, “লীলা-কৌতুকের তুল্য
 আর নাহি মধুর কৌতুহ ।”
 সবিনয়ে সম্মান ধরিয়া এক গ্রন্থ,
 আগমনী করে অধ্যয়ন ।

মঙ্গলাচরণ ।

খাম্বাজ—চৌতাল ।

দেব-দেব মহাদেব অনাদিনাথ মহেশ্বর ।
 বিশ্ববন্দ্য বিশ্বনাথ বিশ্বরূপ বিশ্বস্তর ॥
 চন্দ্র-ভাল মদন-কাল,
 ত্রিশূলপাণি ভূজগমাল ।
 লোকনাথ কাজালবন্ধু অনাথনাথ গৌরীবর ॥
 ব্যোমকেশ বৃষভযান,
 কাশীপুর-বাসি-প্রাণ ।
 প্রমথনাথ নন্দীকেশ গণেশপাল গঙ্গাধর ॥
 নীলকণ্ঠ পঞ্চবদন,
 নিঃস্বনাথ ভস্মভূষণ ।
 ধূজ্জিটি পশুপতিনাথ চন্দ্রনাথ বিঘনহর ॥
 ত্রিপুরনাম দৈত্যবৈরী,
 ত্রিদিবকান্ত ত্রিতাপহারী ।
 ত্রৈম্বক শিখাভূমুখারী শঙ্কর হরং দিগম্বর ॥

আশুতোষ দীনবন্ধু,
বিশ্বপালক করুণাসিন্ধু,
ভুলুয়া-ভয়-পারাবার-পার-তরণী-কর্ণধার ।

আগমনী ।

গত ভানর বারিধারা, সুনীলাকাশে হাসে তারা,
ঘনকোলে বলাকা ঘন উড়ে ।
সরোজ সাজায়/সরগৌরে, প্রবাহিনী পূর্ণা নীরে,
আনন্দের প্রবাহ বিশ্ব জুড়ে ॥
কেবল শোভাবর্ধন তরে, গগনে ঘন বিরাজ করে,
পলে পলে নূতন নূতন বর্ণ ।
ধির বিটপীর ডালে বসি, বিহগ ধিরানন্দে ভাসি
ললিত পঞ্চমে জুড়ায় কর্ণ ॥
স্বচ্ছল সচল জলে, সর্বত্র তরণী চলে,
উল্লাসে নাবিকে করে গান ।
শ্যামল পরিচ্ছদ পরি নয়ন মন মুগ্ধ করি,
প্রকৃতি করয়ে প্রীতি দান ॥
দিন নহে দীর্ঘ হ্রস্ব, নাহি শীত নাহি গ্রীষ্ম,
শীতল সর্বত্র জলস্থল ।
কুমুদ কহ্লার কমলে, জ্যোৎসনায়ু জলে উজলে,
নক্ষত্রে সাজান নভতল ॥
জলাশয়ের দুই পারে থাকি, চক্রবাকু আর চক্রবাকী,
স্বৈথে করে ধ্বনি প্রতিধ্বনি ।
চকোরে চায় চাঁদের পানে, মধুপে ধায় মধুপানে,
সুখময়ী দম্পতি-যামিনী ॥

নিরখি উপযুক্ত সময়, ত্রস্ময়ীর ত্রস্মতনয়,
ত্রস্মানন্দে হয়ে নিমগন ।
আনিতে ত্রস্ময়ী ধরায়, প্রণব বন্ধারি বীণায়,
হিমালয়ে করিলেন গমন ॥
যতই পথে অগ্রসর, প্রণবে ততই উচ্চ স্বর,
সরে নয়নে আনন্দাশ্রু ধারা ।
শুম্ ছাড়িয়া উমা বলেন, উমা ছাড়িয়া মা মা বলেন,
শেষে, “জয় মা” বলি হলেন আত্মহারী ॥
মাতৃভাবের কি মাধুর্য্য, কি মধুর সে ভাবচাতুর্য্য,
বুঝিতে বর্ণিতে সাধ্য কার ।
তাইত হতে মায়ের সম্ভান, বাঞ্ছা করেন শ্রীভগবান
সহিতে নিত্য স্নেহের তিরস্কার ॥
বাৎসল্যে যে ভঞ্জে হরি, তাহার তুল্য নাহি হেরি,
হরির উপর প্রভু হ সে করে ।
এতই পায় সে অধিকার, হরি হন অনুগত তার,
তাহার আঙ্খ্য বহেন ধরি শিরে ॥
মা হলে তার কি প্রভু হ পুঞ্জের বা কি আনুগত্য,
তাহার সাক্ষী বৃন্দাবনে পাই ।
বিরাট বিশ্বেশ্বর হরি, ত্রস্মার দর্প চূর্ণ করি,
যশোদার ভয়ে কম্পিত সদাই ॥
যশোদার কোলে হলেন ছেলে, মেয়ে হলেন মেনকার কোলে
সর্বস্থলে আত্মগোপন তাঁর ।
ত্রস্মাণ্ড যার অঙ্গে বুলে, জননী তাঁয় করেন কোলে,
বলিহারি বাৎসল্য-লীলার ॥
বলিহারি বাৎসল্য-রসে, শৈল সিক্ত হয় যার বশে,
পাষণ কঁাদে উমা উমা বলে ।

বাৎসল্য সুধারসের খনি সর্বদা রংগের শিরোগণি,
ভাবি ঋষি ভাসেন নয়নজলে ॥

থাছাজ—কাপতাল ।

এমন মধুর মা-নাম মস্ত্রে রসনা কেন রসনারে ।
(আর) মনরে কেন ভাবনারে শশী অতঙ্গী বরণারে ॥
কেন রে মন নিশি দিব, পরিহরি পরম শিব,
অশিবকর ~~য~~রিপু সেবা বাসনারে,—
পরিহরি পরকরম পরধরম লাভে চল,
ভুলি অপরাঞ্জিতা জবা জলকমল বিলদল,
ঐ জননী পদকমল কর আরাধনা রে ॥
নয়ন আন দরশন-বাসনা অপনয়ন কর,
শয়নে জাগরণে পরমধ্যানে ত্রিনয়নায় তেরং,
আর, পূজোপচার অশেষণে চরণ চলনারে ॥
ভুলুয়া ভাবে এই ভবে হেন সুদিন পান কি হায়,
পূজিব মন প্রাণ তরি (ঐ) হরিহর-পূজিত পায়,
আর 'জয়মা' বলি দিব বলি মা ছাড়া আন বাসনারে ॥

ভক্তির মূর্তি নারদ ঋষি হিমালয়ের ভবনে পশি
মেনকাকে করিলেন দর্শন ।
দর্শি নারদ মেনকায়, অতি হর্ষে মস্ত প্রায়,
প্রেমানন্দে ঋরে দুনয়ন ।
হেরি তার সজল নয়ন, মেনকা রাণীর মন উচাটন,
মনে ভাবে উম্মার অমঙ্গল ।

নারদের কর ধরি বলে, নয়ন পূর্ণ কেন জলে,
অগ্রে কহ কৈলাসের কুশলে ।

কেমন আছে উমা আমার, কেমন আছে উমার কুমার
কেমন আছেন জামাই সূতাজয় ?

—সূতাজয়ে কণ্ঠা দিয়ে, শাস্তি নাই মোর খেয়ে শুয়ে
কখন কি হয় সদাই মনে ভয় ।

একেত অতি বৃদ্ধকাল, অনিশ্চিত কালাকাল,
তাহে মন্ত হলাহল পানে ।

কালিকার বালিকা উমা, সংসারের কিছুই জানে না,
তার কপালে কি আছে কে জানে !

জামাই ভাল মন্দ হলে, থাকবে কি আর সে ভূতলে
পতির সঙ্গে সতীর অবসান ।

উমাশূণ্ঠা হলে ধরা, মূর্ত্ত্তে হব জীবন-মরা,
পাষণ ফাটি হব শতখান ।

বল নারদ অগ্রে বল, কৈলাসের ত সুমঙ্গল,
উমা আমার আছে ত মঙ্গলে ?

মঙ্গলে ত আছে কুমার, মঙ্গল ত সিদ্ধি দাতার ?
মঙ্গলে ত আছে আর সকলে !

লক্ষ্মী সরস্বতী দুজন, এক ঘরে ত থাকে এখন ?
কলহ ত করে না বোনে বোনে ?

হলে সরস্বতীর ছেলে, লক্ষ্মী ত ভায় করে কোলে ?
—আমার দুঃখ তাদের কথা শুনে ।

একই মায়ের দুটী মেয়ে, দুজন চলে দুপথ দিয়ে,
কারো ছেলে মাসীর সোহাগ পায়না ।

বড় ভগীর পুত্র বলি, লক্ষ্মী স্নেহ করেনা ভুলি,
—স্নেহ দূরে,—ম'লেও ফিরে চায় না ।

মেয়ে আমার নয়গো মন্দ, জামা'র দোষে এ সব বন্দ,

—কেমন আছেন জামাই মহেশ্বর ?

ছেড়েছেন কি সিদ্ধির নেশা, ভূতের সঙ্গে ভালবাসা ?

সাপের বাস নাহি ত শিরোপর ?

ছেড়েছেন কি গরল খাওয়া, শ্মশানঘাটে আসা যাওয়া,

ছেড়েছেন কি ভয় মাথা গায় ?

করেছেন কি বাসস্থান, অন্ন বস্ত্রের সংস্থান ?

—বাঘের চামড়া নাহি ত আর মাজায় ?”

শুনি দেবর্ষি ধীরে বলেন, তেমনি আছেন যেমন ছিলেন,

পরিবর্তন কিছুই ঘটে নাই ।

এখনো ভূতের নাথই তিনি, সর্বত্র শ্মশানের স্বামী,

এখনো অঙ্গে যত্নে মাখেন ছাই ।

এখনো অনল জ্বলে ভালো, অনঙ্গ যায় প্রাণ হারালে,

বসন বিনা এখনো দিগম্বর ।

এখনো ত্রিবিধ তাপের গরল, পরিপাকে তাঁর রুচি কেবল,

এখনো কালময় তাঁর কলেবর ।

দেব দানব যে কেহ তাঁরে, ডাকিলেই যান তাহার ঘরে,

এখনো তাঁহার নাই জাতি-বিচার ।

ত্রিলোকে এমন স্থানই নাই, যেখানে না শুনিতে পাই,

তাঁহার আলোচনা অনিবার ।

কিছু মানুষের মত হলে, দুকথা ভায় বুঝান চলে,

একেবারে অমানুষ যে হয় ;

বলা না বলা তাহায় সমান, ভূতের কাণে মন্ত্র প্রদান,

অঙ্গার ধুলে সাদা হওয়ার নয় ।

অচেতন যে সিদ্ধিপানে, ভালমন্দ সে কি মানে ?

ধর্ম্মাধর্ম্ম নাহি তাহার ঠাই ।

নাই তার ক্ষুণ্ণ নাই তার তৃষ্ণা, নাই আসক্ত নাই বিতৃষ্ণা,
দারাপুঞ্জের ভাবনা তাঁহার নাই ।

তুমি ত ভায় ভেবে মর, তিনি সমস্ত ভাব্ নাহর,
কালের ভাবনা তাঁহার নামে লীন ।

নাই তার শীত নাই তার গ্রীষ্ম, নাই তাব দীর্ঘ নাই তার হ্রস্ব,
নাই তাঁর রাত্রি, নাই গো তাঁহার দিন ।

খাম্বাজ—ঝাঁপতাল ।

তোমার এমন জামাট কেমন, তাহা কি কহিব তোমায় ?
ভালমন্দের অতীত যে জন, তার ভাল কি সুখাও আমায় ?
এ সংসারে যারা মানী, যাদের শ্রেষ্ঠ বলি মানি,
তারা কেহই শুন রাণি, তাঁর কাছে না যায়,—
যত দীন হীন কাঙ্গাল দুখী তাপী অভাজন,
দেখি তারাই তাঁহার পাছে পাছে যুরে অশুক্ষণ ।
আবার যত গৃহত্যাগী তাঁর নামে সভা মিলায় ॥

চতুষ্পদ বৃষ বাহন, বৃষ তাঁহার সর্বিস্ব ধন,
যেমন মৃত্ত্ব থাকে তেমন, বুদ্ধি লোকে পায়—

চতুষ্পদ চরণতলে দলন করি গমন যঁর,
ধর্ম-অর্থ-কাম-মোক্শ তাঁয় ডাকি বুকান ভার ।

তাঁর অসাধ্য কর্ম কিছু দেখি না আর এ ধরায় ॥

অমরে করে অমৃত্ত পান, তিনি গরলে অমৃত পান,
তাঁহার যত উণ্টো বিধান, বল্ব কি তোমায়,—

অতি বৃদ্ধ তবু নাহি মৃত্যুভয় একবিন্দু তাঁর,

যত ভূতের ঘরে ঘরে, ঘোরা ফেরা অনিবার ।

ভুলুয়া গায় ভূতের ঠাকুর ভূতের ঘরে ভূত নাচায় ॥

তার পরে তনয়া দুটী, দুটীরই সম্ভান কোটা কোটা,
তারাও উমার সংসারেই থাকে ।

উমাই তাদের পালন করে, বাঁচে তারা উমারই জোরে,
বিপদ হ'লে উমাই তাদের রাখে ।

তনয়া দুটী তেমন নয়, ফাকে ফাকে সবদাই রয়,
কারো প্রতি নাই গো কারো টান ।

এমনি ভাবে রয় দুজনা, দেখে বুঝতে কেউ পারেনা,
তারা যে দুজন এক মায়ের সম্ভান ।

সরস্বতীর তনয় হ'লে, লক্ষ্মী তায় করে না কোলে,
মাগী বলি কেউ আসে যদি কাছে,

সর্ সর্ তায় লক্ষ্মী বলে, মলিন মুখে যার সে চলে,
—তারা লক্ষ্মীছাড়া হয়েই আছে ।

সাদাসিদে সরস্বতী, লক্ষ্মী রূপৈশ্বর্যবতী,
লক্ষ্মীর জ্যেষ্ঠ পুত্র অঙ্কার,

মাসতু' ভাই আছে যারা, দাদা বলি ডাকলে তারা,
দেয় না উত্তর ভুলেও একটীবার ।

উমার জ্যেষ্ঠ পুত্র কুমার, তার অবস্থা বল'ব কি আর,
আজ পর্য্যন্ত হয় নাই তার বিনাহ,

এত সম্ভা মেয়ের বাজার, সেটা থাকল চিরকুমার,
শিবের নংশ রক্ষাই ত সন্দেহ ।

তারপরে গণেশের কথা, সেটা এখন সিদ্ধিদাতা,
উন্নতি যা হওয়ার তার হয়েছে ।

সিদ্ধির আশায় মত্ত যারা, তার পাছে সর্বদা তারা !
—সিদ্ধির ঘরের কঠা সে হয়েছে !”

শুনিয়া নারদের ষুণী, ঘোর বিষাদে গিরিরানী,
ছাড়িয়া এক সুদীঘ নিশ্বাস,

বলেন “যা কহিলে তুমি, সবই সত্য মানি আমি,
—তোমার কথায় নাহি অবিশ্বাস।”

নারদ বলেন, “শুন রাণী স্বচক্ষে দেখে এলাম আমি,
অগ্নের কষ্ট অল্পপূর্ণার ঘরে,
রাজরাজেশ্বর বিশ্বনাথ, না আছে কাপড় না আছে ভাত,
সন্তান যত সবাই লেংঠী পরে।

জয় জয়ন্তী—একতালা ।

রাণী তোমায় কি বলিব আর ?
—তোমার কোলে যে সুখ ছিল,
সে সুখ এখন নাই উমার ॥
সেদিন আমি দিব্যচক্ষে করিয়াছি দরশন,
কণক-বরণা উমা হয়েছে কালী এখন,
এক তিল না সহে ব্যাজ, চারি হাতে করিছে কাজ,
তবু কাজ ফুরায় না—ভূতের এমনি সংসার ॥
তোমার কস্তাটী করুণাময়ী জামাইটী মরণাবাস,
প্রজাপতির কি নিবন্ধ হাসের ঘরে মহাত্রাস ।
এ অপূর্ব মিলন স্মরি, হাসি কান্নার জগৎ ধরি,
শিবশক্তিময় এ জগৎ ধারণা সবার ॥
মন্দিরে মন্দিরে থাকেন নাহি তাঁদের বাসস্থান,
নিবেদিত নৈবেদ্য বিনা অগ্নেরও নাই সংস্থান ।
কারো অঙ্গে নাহি বসন, সর্বদা স্বরূপে ভ্রমণ,
ভুলুয়াও কর এই ত রাণি স্বরূপ সমাচার ॥

শুনিয়ে সমস্ত কথা, গিরিমাহিষীর মর্শ্বে ব্যথা,
 ছুনয়নে বহে বারিধার ।
 অঞ্চলে নয়ন মুছে, মুছে আর নারদে পুছে,
 কহ নারদ উপায় কি আমার ॥
 অদৃষ্টে যার থাকে যাহা, খণ্ডন অসাধ্য তাহা,
 নইলে উমা রাজার নন্দিনী ।
 প্রজাপতির কি নিবন্ধ, নাই যাহার ঐশ্বর্যের গন্ধ,
 হইল সেই ভিখারী-গৃহিণী ।
 যদি কেবল ভিখারী হত, তাতেও মনে দুখ না র'ত,
 ধনরত্নের অভাব কি আমার ?
 ঘর-জামাই করিয়া হরে, রাখতাম নিত্য সমাদরে,
 ভিক্ষা করতে নাহি দিতাম আর ॥
 একমাত্র উমা আমার, সম্পত্তি যা সকলি তার,
 আমরা ত আছি দুদিন মাত্র ।
 এখন আসি বুঝি নিলে স্ত্রিবিধা হত পরকালে,
 কিন্তু শিব ত নহেন কথার পাত্র ।
 ভূতের দৃষ্টি বাহার ঘাড়ে, স্বভাবে তাহার লক্ষ্মী ছাড়ে
 সে কি শুনে সতের উপদেশ ।
 — তুমিই ত যত নষ্টের গোড়া, জুটে একটা কপালপোড়া
 ঘটিয়ে দিলে অশাস্তির একশেষ ।
 যাহোক যদি আবার যাও, বলিও আশ্রমের মাথা খাও,
 বুঝাইয়ে তাঁহাকে আমার কথা,
 যা আছে সর্বস্ব তাঁর, এইখানে এখন আর,
 অসিতে যেন না করেন অশ্রুধা ।
 মেনকার বাৎসল্য দেখি, জলপূর্ণ নারদের আঁখি,
 বলেন, “বাৎসল্য-ভাবের বলিহারি ।

বিরাট বিশ্বের বিশ্বেশ্বরে, নিঃস্ব দুঃখ মনে করে,
 গঙ্গল চায় তাঁর যিনি গঙ্গলকারী ।
 ব্রহ্মাদি অমরে যাঁরে, জননী বলে অর্চে, তাঁরে
 দুখিনী বলি অন্তরে সদা চিন্তে ।
 উদরে ধরি পালন করি, চিন্তে নাহি বিশ্বেশ্বরী,
 চিন্তে কে, সে নাহি দিলে চিন্তে ।

নিষ্কু—মধ্যমান ।

চিন্তে তাঁরে ভবে সাধ্য কার ?

অনন্ত ব্রহ্মাণ্ড ভরি অনন্ত প্রকাশ যাঁর ॥
 আত্রক্ষ স্তম্ব পর্য্যন্ত, নাহি যাহার রূপের অন্ত,
 যাঁহার রূপে রূপবন্ত অনন্ত জগদাধার ॥
 ঘরে ঘরে নৃত্য করি, বেড়ায় দিবা বিভাবরী,
 ঘরের মানুষ ঘরে বসি, ক'জন রাখে খবর তার ॥
 ভাবিয়া ভুলুয়া বলে, ইচ্ছায় সে না ধরা দিলে,
 অন্ধে পোলেও বিদ্যা বুদ্ধি কৌশলে তাঁয় ধরা ভার ॥

নারদ বলেন শুন রাণি ! তুমি যা বল বুঝি আমি,
 তোমারও যখন উমা ছাড়া নাই ।
 কৈলাসে যখন কেবল কষ্ট, আর না করি সময় নষ্ট,
 হরের উচিত থাকা ঘর-জামাই ॥
 আবার সে কৈলাসে গেলে, বিশ্বনাথের দেখা পেলে,
 বুঝাইয়ে বলব সকল কথা ।
 তাঁর মত পোড়াকপালে, ঘটবে না আর কোনও কালে,
 কোনও দেশে এমন কুটুম্বিতা ।

এমন সুযোগ যদি যায়, আর ঘটাই ত হবে দায়,
—সবাই করে ভবিষ্যতের আশা,
ভ্যাগ করি শ্মশানের বাসা, ভূতের সঙ্গ সিদ্ধির নেশা,
উচিত হরের এখানে এখন আসা ।
হয়েছে যখন দুটো ছেলে, দুটো মেয়ে উমার কোলে;
তাদেরও ত উপায় একটা চাই ।
এখন ত এক ভিক্ষাবৃত্তি, ইহার পরে যা সম্পত্তি,
তাতে কেবল বুম একটা পাই ॥
মৃত্যুঞ্জয়ের মরণ হর্ষে, পাগনের লোক নাই ভূতলে,
তারা মামাবাড়ীই থাকবে চিরকাল,
গিরিরাজকে পাঠিয়ে দিয়ে, নিয়ে এস সব হিমালয়ে,
কাজ কি রেখে কৈলাসে জঞ্জাল ।
শুনিয়া নারদের বাণী, গিরিকে কহে গিরিবাণী,
“নারদ আসিয়াছে খবর নিয়ে,
উমার দুখের অন্ত নাই, ভূত নাচিয়ে বেড়ান জামাই,
অজ্ঞান হয়ে থাকেন সিদ্ধি খেয়ে ॥
গণেশকে করেছেন সিদ্ধিদাতা, —তা আর কি আশ্চর্য্য কথা !
যেমন বাপ তার বেটাও হয় তেমন,
সেটা হয়েছে সিদ্ধালয়, নাই তাতে কোন সংশয়,
—ছেলেটা দিয়ে সিদ্ধি বিতরণ ॥
পতিপুত্রে সিদ্ধির নেশা, ঘরে বাহিরে ভূতের বাসা,
উমার আশু দিয়াছি ছাড়িয়ে ;
হয়ে উদ্যোগী যত্নপর, উমা আনিতে যাত্রা কর,
তিলান্ন না বিলম্ব করিয়ে ।

রামকেলী—ঠেকা ।

এগন বরে, কে দান করে,
 আপন করে, আপন কণ্ঠে ।
 যার, বৃষ বাহন, ভস্ম ভূষণ,
 হুঙ্গ ভূতে অগ্রগণ্যে ।
 তুমি, নও দরিদ্র, নও অভদ্র,
 আসমুদ্র লোকে মাণ্ডে ।
 তবু, কি অদ্ভুত ধরি ভূত,
 করলে দান অসামাণ্ডে ॥
 উমার চিন্তায়, প্রাণাস্ত প্রায়,
 থাকি সদাই শূণ্ডে শূণ্ডে ।
 ভুলুয়াও কয়, সদনদাই ভয়,
 মৃত্যুঞ্জয়ের মরণ জণ্ডে ॥

বিভাস—একতালা ।

ঐ শুন গিরি, উমার কত দুখ,
 নারদ আসিয়া বলিছে ।
 নারদের নিকটে, আমার উমা কত,
 মা, মা, বলি কেঁদেছে ॥
 এমনি বিবেচনা কোথাও দেখি নাই,
 দেখে শুনে আনন্দে ভাজ্জড় জামাই,
 ছিল যা উমার, রত্ন অলঙ্কার,
 সব বেচে ভাজ্জ খেয়েছে ॥
 নিশ্চয় ত্রিশূলীর নাহি কাণ্ডজ্ঞান,
 অগত উৎসাদনে নিত্য সে প্রধান,

এমন মহাকালে কন্যা সম্প্রদান,
 তুমি ছাড়া আর কে করেছে ॥
 স্বর্গ ছাড়া শ্মশানক্ষেত্রে ষাহার বাসা,
 দেবতা ছাড়া ভূতের সঙ্গে ভালবাসা,
 মাথায় সাপের বাসা, অষ্ট প্রহর নেশা,
 মোরা ছাড়া এমন জামাই কার আছে ॥
 দেবতার কুচক্র তুমি ত পাষণ,
 তাই উমার কপালে এ সব বিধান,
 নাহি বাসস্থান, অন্নের সংস্থান,
 অষ্ট প্রহর জ্বালায় জ্বলিছে ॥
 এমন কপাল করি এবার এসেছিল,
 দুখে দুখে আমার বাছার জীবন গেল,
 উমার দুখে দুখী হয় এমন না দেখি,
 কেবল এক ভুলুয়া যা কিছু হয়েছে ॥

তখন, নারদে করি দরশন, গিরিরাজ আনন্দে মগন,
 ভক্তি ভিন্ন মা নন বশীভূতা ।

এসেছেন ভক্তি মূর্তি ধরি, এখনে যদি বহু করি,
 সুপ্রসন্ন হবেন জগন্মাতা ।

নারদে তখন সঙ্গে করি, কৈলাসে চলিলেন গিরি,
 অনন্ত অনুরাগ ভরে, আনিতে প্রাণ উমা ।
 সদাশিবের ভবনে আসি, আবেগে দিল ধৈর্য্য নাশি,
 স্তুতি মিনতি করিলেন কত নাহি তাহার সীমা ॥
 রক্ত-গিরি বক্ষে যদি, বহয়ে নীল-কালিন্দী-নদী,
 সেই নদীতে ফুটে যদি কনক-কমলিনী ;

তাহাতে যে সুদৃশ্য হয়, তাহাও তুলনার যোগ্য নয়,
 হরের কোলে গৌরী-শোভা দেখিলেন এমনি ॥
 আশুতোষের আদেশ নিয়ে আশু-যাত্রা বিরচিয়ে,
 আশু-বরদায় সঙ্গে করি, আসিলেন হিমালয় ।
 জগজ্জননার যাত্রা সঙ্গে ত্রিজগত সাজিল সঙ্গে,
 সুরাসুর কিন্নর নর, কেহ না বাকী রয় ॥

সুরট মল্লার—পোস্তু ১

চলিলেন মা হেমবরণা হিমাচলনাথ ভবনে ।
 গজাননে লয়ে কোলে, গজপতি-বৈরী বাহনে ॥
 ব্রহ্মাদি বালক যারা, মায়ের সঙ্গে চলে তারা,
 চলে সুর অসুর নর, কিন্নরগণে,——
 রবি, শশী, গ্রহ, তারা, তারাও মায়ের সঙ্গে চলে,
 আর, নারব নিঃস্বনে, সবাই মা মা বলে প্রণব ছলে ।
 চলে আকাশ, চলে বাতাস, হিমালয়ে আজ মহা প্রকাশ,
 দুর্ভাগা ভুলুয়া একা দূরে রহে দুর্মতি সনে ॥

সুরট মল্লার—পোস্তু ১

নিরুপমা ধ্যানন্দরূপা উমায় গিরি আনি ঘরে ।
 দৈরজ ধরিতে নারে সুবিপুল আনন্দভরে ॥
 উমারূপে নয়ন দিয়ে, উমার কুমার কোলে নিয়ে,
 কহে এমনি শীতলতা নাই শশধরে,—
 নয়নে বহে পুলকধারা, জিনি ভাদর-বারি-ধার,
 করণীয় কি বুঝিতে নারি রাণীকে ডাকে বার বার ।

এস রাণি, নিরথ রাণি, ভবনে আমার ভবরাণী,
ভুলুয়া ভণে পাছুখানি, তরণী ভব-পারাবারে ॥

বিভাস—একতালা ।

গা তোল রাণি, মোদের নয়নমাণি,
হরমনোরমা ঐ এসেছে ।

সে, তোমা না দেখিয়ে, দুয়ারে দাঁড়িয়ে,
মা মা বলি ঐ ডাকিছে ॥

উঠ, গা তোল নিরথ ডমারে,

কোলে কর আমার প্রাণ কুমারে ।

যাহা থাকে ঘরে, খেতে দেও বাছারে,
অনাহারে অনেকক্ষণ রয়েছে ॥

নিকটে নয়—বহু দূরের পথ কৈলাস,

পথশ্রমে আমার উমার নাই অভ্যাস,

তাহে মৃগেন্দ্র বাহন, কত গিরি বন,

যেন অতিক্রম করি মা এনেছে ॥

তুমি ত বলিতে উমার কিছু নাই,

ভিখারিণী উমা পাগল জামাই,

প্রাণের উমা দুখে রয়েছে,—

উঠ, গা তোল, নিরথ আসিয়ে,

লক্ষ্মানারায়ণ উমার জামাই মেয়ে ।

রাজরাজেশ্বরী মোর উমাসুন্দরী,

এমন মেয়ে ভবে, আর কার আছে ॥

ব্রহ্মা বিষ্ণু ইন্দ্র বায়ু বরুণ যত,

আমার উমার সঙ্গে সবাই সমাগত ।

শিবের দলবল, এসেছে সকল,
ভুলুয়াও সঙ্গে ঐ রয়েছে ॥

শুনিয়া রাণী নয়নধারা অঞ্চলে মুছিয়া রে ।
উন্মাদিনী সমানা ধায় উধাও হইয়া রে ।
সম্বরিতে নারে বসন, বাঁধিতে নারে কেশ রে ।
পড়ে কি মরে, চলিতে নারে, আলুথালু বেশ রে ॥
চেতনাহীন মানব যেন নবজীবন পাইয়া রে ।
আনন্দে আপনাহারা উমা উমা বলিয়া রে ॥

বিভাস—গড়থেমটা ।

বলে, কৈ কৈ প্রাণ উমা, প্রাণের প্রিয়তমা,
অনুপমা আমার হরমনোরমা ।
আয় কোলে মা বলে, আয় মা করি কোলে,
জুড়াই মা তাপিত মনবেদনা ॥
ছ চার দিন নয় বাছা একটা বৎসর,
তোমার অদর্শনে হতেছি জর্জর ।
(তোমায়) দিয়ে হরের ঘরে, যে দুঃখে দিন যায়,
মর্শী বই তাহা কেউ বোঝে না ॥
জন্মেছিলে বাছা হয়ে রাজ-নন্দিনী,
বিধির চক্রে হ'লে ভিখারী-গৃহিনী,
ছিল অট্টালিকায় স্থান, এখানে শ্মশান,
মার প্রাণে এত কড়ু কি সয় মা ॥
কি করিব, আমার কিসের অভাব আছে,
কিন্তু মা কিরূপে পাঠাই তোমার কাছে ?

একে ভূতের ভয়, তাতে সবাই কয়,
 হরের করে কারো মান থাকে না ॥
 মানী কি অমানী, ধনী কি নির্ধন,
 মুর্থ কি পণ্ডিত, সাধু কি দুর্জ্ঞান,
 একই স্থানে সবায় দেন বিছানা,—
 নারদও আসিয়ে সে দিন বলি গেছে,
 উচ্চ নীচ নাই সদাশিবের কাছে,
 এমন হলে যারা, মানী মানুষ—তারা
 শিবলোকে যেতে কেউ চাহে না ॥
 ধনমানে যারা অস্থিত সংসারে,
 প্রাণ গেলেও তারা মান নাহি ছাড়ে ।
 যারা চায়না মান, তারা ভক্তিমান,
 তারা, ধনরত্নের বোঝা কেউ বহে না ॥
 ধনরত্নের বোঝাবাহী যত জীব,
 বুঝালেও তারা কেউ মানে না শিব ।
 তারা, বলে এই ভুলোক, মোদের শিবলোক,
 তোমার শিবলোকে যাওয়ার লোক মিলে না ॥
 সে দিন আসি নারদ বলে শতমুখে,
 হয়েছে মা কালী হরের ঘরে দুখে ।
 নাহি বাসস্থান, অন্নের সংস্থান,
 বসন বিনা থাকে দিক্‌বসনা ॥ *
 তোমার দুখে বসি কান্দি মা যখন,
 পাষণ বলি কেবল ঘটে না মরণ ।
 ঘটে মরণের অধিক যাতনা,—
 রোধ করি দৃষ্টি বহে অশ্রুধার,
 দশদিকে কেবল দেখি অন্ধকার ।

আমার, অসময়ের বন্ধু, ভুলুয়া তোমার,
আসিয়ে তখন করে মা সান্ত্বনা ॥

এত কহি মেনকারাণী, কোলে নিয়ে দীনতারিণী,
দীন-নয়নে নিরখে চান্দ মুখ ।

ঘন ঝরে নয়নে জল, উমার অঙ্গে পড়ে সকল,
সহিতে নারে হৃদয়ভরা দুখ ॥

কণ্ঠ রোধে কহিতে কথা, নিরখি মার মনের ব্যথা,
—বিষের ব্যথা যাহার নামে কয় ।

ধীর বচনে মাকে বলে, ভাসিস্ না আর নয়নজলে,
শুনিস্ যা তা সকল সত্য নয় ॥

শুনিস্ যা তা সকল সত্য নয় ।

নানা কথায় নারদ তোকে, পরিহাসে সব সময় ॥
লোকে লক্ষ্মীমন্তু হয় লভি যে লক্ষ্মীর দয়া,

জানিস না কি, জননী যেই লক্ষ্মী মোরই তনয়া !

মণিময় বেদীর উপরে, লক্ষ্মী আমায় পূজা করে,
যত্নে রাখে মণিপуре, আসন অনাহত মণিময় ॥

কে তোকে বলেছে নাই মোর অন্নবস্ত্রের সংস্থান,

যে বলে সে বলুক সে ত জানে না ঘরের সন্ধান !

গোরনের বাস৷দিগম্বরী, সে বসন ত আমিই পরি,

আবার বিশ্বের অন্ন দান করি, তাই, লোকে অন্নপূর্ণা কয়

চন্দ্র সূর্য্য-তারা-মণি খচিত মা আমার বাস,

আমারই বাসের আভাসে, এই বিপুল বিশ্বের পরকাশ ।

গ্রহ উপগ্রহ যত, আমারই অঞ্চলাশ্রিত,

শুনিস্ নাই কি সৌরজগৎ, দিক্‌বসনের সূত্রে রয় ॥

বিশ্বজীবে পরিপূর্ণ আমার বৃহৎ গৃহস্থলী,
 তাই আমাকে বিশ্বজীবে ডাকে জগদ্ধাত্রী বলি ।
 চারি হাতে খাটিতে হয় মা, অফুরন্ত কাজ ফুরায় না ।
 হাত তুলিয়ে দিতে হয় মা, অষ্ট প্রহর বরাভয় ॥
 কে তোকে বলেছে শব্দ কেবলই শ্মশানে রন,
 সহস্রদল-সিংহাসনে রহে তবে কার আসন ?
 আজ্ঞাচক্রে কেবা আসি, আজ্ঞা করেন দিবানিশি,
 কাহার আজ্ঞা অনুসারে এ বিরাট ব্রহ্মাণ্ড রয় ॥
 শিবলোকের অন্তর্গত এ অনন্ত বিশ্বলোক,
 ইহা, শবলোক মুহূর্তে হয় মা, যদি হারায় শিবালোক ।
 শিব শিব বলে যারা, শ্মশানের ভয় পায় কি তারা,
 সদানন্দে ভ্রমে তারা প্রত্যহই ত শিবালয় ॥
 কার কাছে শুনেছিস্ নাই মা আমার অঙ্গ অলঙ্কার ?
 অলঙ্কার অক্ষয় অমূল্য আমার মত আছে কার ।
 বারহের মুরতি কুমার, সিদ্ধিদাতা গণেশ আমার,
 লক্ষ্মী সরস্বতী সবাই আমার অঙ্গ উজ্জলয় ॥
 সত্যবাদী সচ্চরিত্র সদাশূন্য অহঙ্কার,
 পুত্র যত তারাই ত মা আমার অঙ্গের অলঙ্কার ।
 জিনি চন্দ্রসূর্যের প্রভা, সে সব অলঙ্কারের শোভা ।
 তারা উজ্জলে মা এই ধরাতল কে না জানে পরিচয় ॥
 দীনের বেশে বেড়ায়, কিন্তু তত্ত্বজ্ঞানী ভক্তিমান,
 তাদেরই ত হৃদমন্দিরে লক্ষ্মীকান্তের বাসস্থান ।
 দেবত্বের সম্পত্তি যত, তাদের ঘরে লুক্কায়িত,
 তাহাদের জননী হলে, তায় কে ভিখারিণী কয় ॥
 পঞ্চকোশী-নরাণসি পাতা আমার সিংহাসন,
 যে যায় কাশী দেখি আসি বিশ্বাসী হয় সেই জন ।

মুক্তি-রত্ন-নিকেতনে, শ্মশান বলে ভ্রান্ত জনে,
 অনন্ত শান্তি-নিকেতন, ভবন আমার শ্মশান নয় ॥
 স্বরূপে সচ্চিদানন্দ আনন্দে দেখেন স্বরূপ,
 অলঙ্কার পারিলে বলেন স্বরূপে হল বিরূপ ।
 তাই স্বরূপ-তত্ত্ব তরে, রাখেন সদা বক্ষোপরে,
 আবার স্বরূপ-জ্ঞানে বসে যারা, স্বরূপ অর্চে সমুদয় ॥
 কেন মুখে দুর্ভাগিনী বলিস আমার বার বার,
 ভেবে দেখ মা ভাগ্যবতী আমার মত কে-বা আর ।
 কে তত্ত্ব বুঝাবে তোকে, তার কি কভু দুঃখ থাকে,
 তোর ভুলুয়ার মত শত পুত্র যে মার অঙ্কে রয় ॥
 রাগী বলে, “ভাগ্যবতী এতই যদি তুমি হও ।
 এই আশীর্ব্বাদ করি, তুমি কোটা কল্প বেঁচে রও ।
 পতি-পুত্র নিয়ে তুমি কর মা সুখের সংসার ।
 তোমায় সুখে দেখি যেন আমার অন্ত হয় এবার ।
 সুখে থাক সদানন্দের সুখের গৃহে অনিবার ।
 (তবে) দুখিনী মায় ভুলিও না, দেখা দিও এক এক বার ॥
 যতক্ষণ নিকটে থাক, রয়না মনে কোন গোল ।
 নিকট ছাড়া হলেই মনে আসে যত অমঙ্গল ।
 কোথায় আছ, কি করিছ, কেমন আছেন মহেশ্বর,
 কি ভাবে দিন যাচ্ছে তোমার, ভাবি কেবল নিরন্তর ।
 যে যা বলে তাই শুনি মা, বুঝতে নাহি পারি তার,
 কোনটা সত্য, কোনটা মিথ্যা, তাই কান্দি মা অনিবার ।
 তোমার, মুখ দেখিলে দুখ থাকেনা, দুখহারিণী তুমি আমার ।
 তুমি, এক পল নিকট ছাড়া হলে, দেখি জগৎ অন্ধকার ।
 মগ্ধে প্রতিমা গড়ি নিরখি মুখ অনিবার ।
 নিরখিলে কি হবে, তায় হয় না শান্তি পিপাসার ।

অন্নপূর্ণা হও মা তুমি, জগন্নাথ হউন জামাই ।
 ভাগ্যবতী হলে কি আর মার কাছে আসিতে নাই ।
 এমন করি ভুলে কি মা, থাকিতে হয় এতদিন ।
 উমা—উমা বলি আমি কেন্দে বেড়াই নিশিদিন ॥

খান্ধাজ—ঝাপতাল ।

কেমন করি এমন ভাবে, এতদিন মা ছিলে ভুলে ।
 আমি দিবানিশি কেন্দে ফিরি কৈ উমা, কৈ উমা বলে ॥
 মার প্রাণ সন্তানের তরে, দিবানিশি যেমন করে,
 সন্তানের মা হয়েও কি মা, বুঝতে নারিলে,—
 হেরিতে তোর এ চান্দ বদন কত শারদ-গগন-চান্দ
 সারানিশি নিরাখি বসি—জুড়ায় না তায় তাপিত প্রাণ ।

পীযুষের পিপাসা শান্ত হয় কি মা ঘোলে ॥

নিশিতে ঘুমায়ে থাকি, স্বপ্নে যেন তোরে দেখি,
 আয় উমা আয় বলি ডাকি, নিতে যাই কোলে,—
 হাত বাড়িয়ে পাইনা তোমায়, ভেঙ্গে যায় সুখের স্বপন,
 বুক জ্বলে জ্বলন্তানলে, জলে ভাসে দুনয়ন ।
 তখন তোর ভুলুয়া আসি, বুঝায় মধুর বোলে ॥

তখন, রমণীকুল-শিরোমণি, মহেশ্বর মনমোহিনী,
 সান্ত্বনা করিতে জননীরে,

কত হাসে মধুর হাস, কহে কত মধুর ভাষ,
 অঞ্চলে মুছায়, নয়ননীরে ।

বলে, “মেয়ে এলে বাপের ঘরে, আনন্দে সে পাড়া ভরে,
 আমি পাড়া দিলে মা তোর ঘরে ।

অশ্রুধারায় বহে গুণা, পাড়ার লোকে হারায় সংজ্ঞা,
 আর্তনাদে আকাশ পাতাল ভরে ।

আসি না বলি কেবল কাঁদিস্, আমার সময় কৈ তুই দেখিস্,
 বিশ্বজোড়া গৃহস্থলী যার,
 তার কি আছে কাজের অন্ত, আত্রঙ্গ-সুস্থ পর্য্যন্ত,
 কোথায় কি হয় চিন্তা সদা তার।

বিভাস—ঝাঁপতাল।

ভুলি নাই মা, কান্দিস্ না মা, আমার মনে থাকে সকল।
 তবে কেনন করি এমন ভাবে নিতি নিতি যাই আসি বল ॥
 বিধাতার নির্বন্ধে এবার, চরাচর তোর উমার কুমার,
 কে কোথায় কি ভাবে থাকে, ঐ ভাবনা ভাবি কেবল ॥
 মায়ের প্রাণ সন্তানের তরে, যা করে তা কেউ না ধরে,
 (আবার) আমার মা, আমার মা বলি দেবাসুরে বাধায় কোন্দল ॥
 (দেবে বলে আমার মা, দানবে বলে আমার মা) ॥
 তুই কান্দিস্ এক উমা বলে, তোর উমা কান্দে ব্রহ্মাণ্ড বলে,
 এক নিমিষও ধামে না মা, তোর উমার দুই নয়নের জল ॥
 সে দেশে নাই বিদ্যা পড়া, ছেলে গুলো প্রায় বেয়াড়া,
 (অবিদ্যার খেলা যত মা)
 পালনে মোর প্রাণান্ত হয়, তারপরে তোর জামাই পাগল ॥
 তুই বলিস্ ভুলুয়া ভাল—সে আমার আর এক জঞ্জাল,
 সে দিবানিশি থাকবে কোলে, আর বসি মা কাঁদবে কেবল ॥

আসি যেমন কেবল তোর একটা, আমার তেমন কোটা কোটা,
 কোটা কোটা প্রকৃতির বশ তারা।
 সাধ্য নাই শাসনে রাখি, অসহ হলে থাকি থাকি,
 মা তোর জামাই করেন মারা ধরা ॥
 মায়ার কঠিন রজ্জু দিয়ে, ফেলে রাখি সব বান্ধিয়ে,
 বাঁধন ছিড়ে ছু একটা পলার।

ফিরি তাদের পাছে পাছে, আমার কি অবসর আছে ?

বাপের বাড়ী ঘন আসা মোর দায় ॥

আলেয়া—একতালা ।

তখন, উমায় করি কোলে, ভাসি নয়নজলে,

আবার সুধায় হিমালয়-গৃহিণী ।

তুমি বিশ্বের মা, তা ত কেউ বলে না,

সবাই বলে তুমি গণেশজননী ॥

তুমি বল বিশ্বজোড়া তোমার বাস,

না দেখিলে, কিসে করি তা বিশ্বাস

আমায় প্রবোধ দিতে কহ মিথ্যাভাষ,

আশ্বাস কি তাহে পায় পরাণী ॥

আশ্বাস না মানে জননীর অন্তর,

যাকে পাই তাই সুধাই নিরন্তর,

কেমন আছে আমার ভবানী,—

সবাই বলে ভাল, কেউ না বলে মন্দ,

অন্তরে আমার বাড়ায় কেবল সন্দ,

(কারণ) আমি ত সব জানি, কেমন ত্রিশূলপাণি,

কেমন ঘরে বাসা দিন-যামিনী ॥

কেহ কেহ বলে অন্নপূর্ণা তুমি,

তাই বা কিরূপে বিশ্বাস করি আমি,

(কারণ) সে কি ভিক্ষা করে, গৃহিণী খার ঘরে

অন্নপূর্ণা—অন্নাতাবহারিণী ॥

হও মা অন্নপূর্ণা, হও মা বিশ্বাণী,

আমার উমা—আমি ইহাই জানি ।

ভুলুয়া উঠিয়া ধলে শুন “রাণি,

আমি জানি উমা মোর জননী ॥”

আলেয়া—একতালা ॥

হলি কেন মা চঞ্চলা এত ?
 কেন তোর অন্তরে, সন্দেহ সঞ্চারে,
 কেন মা তুই কান্দিস্ বল নিয়ত ?
 সদানন্দ যাকে তুলি আপন বন্ধে,
 সর্বস্ব জ্ঞান করি করেন সদা রন্ধে,
 ত্রিচক্ষু যাহাকে, দেখে মা এক লক্ষ্যে,—
 দুঃখের মুখ সে দেখে না ত ॥
 বৃথা সে নারদকে কেন মা দিস্ দোষ ?
 তোদের পুণ্যফলে হলেন জামাই আশুতোষ ।
 (আবার) আমার সাধনায়, হইয়া সদয়,
 বিশ্বনাথ হলেন আমার নাথ ॥
 বিশ্বনাথকে পূজা যে দিতে আসে মা,
 সেই ত অগ্রে করে আমার উপাসনা,
 রাজরাজেশ্বরী ভিন্ন কেউ বলে না,
 যে আসে হয় পদে অবনত ॥
 বিশ্বনাথের ঘরে বিশ্বের অন্নদান,
 তাইতে এখন আমার অন্নপূর্ণা নাম,
 তিথারী নন হর, বিশ্বের বিশ্বেশ্বর,
 শোর ভুলুয়াত সব অবগত ॥

মঙ্গলারতি ।

আনন্দে আনিয়া রাণী সর্বভীর্ষের জল ।
 কোলে করি ধোয়ায় স্বকরে পদতল ।
 কনক জড়িত মণিময় সিংহাসন,
 ভদ্রপরে যত্নে পাতে উমার আসন ।

মণিময় রাজছত্র তদুপরে দিল ।
 তদুপরে চন্দ্রাতপ যত্নে টানাইল ।
 মণিময় মুকুট ভূষণ বাস আনি,
 সাবধানে সযতনে পরায় আপনি ।
 প্রাণ উমায় মনের মতন সাজাইয়া,
 বসাইল সিংহাসনে কোলে করি নিয়া ।
 সঙ্গিনী বিজয়া জয়া দুপাশে দাঁড়ায় ।
 গৌরামুখ নিরখিয়া চামর তুলায় ।
 গোমুত-রচিত শত প্রদীপ লইয়া ।
 মঙ্গল-আরতি রাণী করে দাঁড়াইয়া ॥
 দীপালোকে বলমলে বগন ভূষণ,—
 মণ্ডপে উদ্দিল রবি শশী তারাগণ ।
 মেনকামন্দিরে রূপসিদ্ধি উখলিল ।
 চৌদিকে মঙ্গলবাদ্য বাজতে লাগিল ।
 মুনি ঋষি তপস্বী আরতি-গান করে,
 স্তোত্রগান করে সুরাসুরে জোড়-করে ।
 স্থাবর জঙ্গম নাচে আরতি হেরিয়া ।
 বোধ-বচন-মন হারায় ভুলুয়া ॥

দেবর্ষি নারদের কীর্তন ।

মেনকামণিমন্দিরে নিন্দি কনকেন্দীপ্বর,
 শারদেন্দুনিভাননা দশভুজধারিণী হের ॥
 দশভুজধারিণী বটে—কিস্তু কর নিরীখন,
 দশভুজে অনন্তভুজ প্রভা করিছে প্রকটন ।
 ওর অন্তহীন, ভুজ অন্তহীন দশুজ অন্তকর ॥
 বদন-মাধুরিমা হেরি মনে মনে স্বতঃই অনুভব,

কমনীয়-করণায় গড়া তমু অঘোনি-সস্তব ।
 ওর অসস্তব ত্রিনয়ন ত্রিতাপহর নিরস্তর ॥
 ভুলুয়া মনে অনুমানে ও শরণাগত-পালিকা ।
 শরণাগতে পালিতে তাই মাহিষাসুর-নাশিকা ।
 ক্রোধ-মুরতি-অসুর হত সহিতে নারি পদ ৩র ॥

(নয়ন মুদ্রিত করিয়া ।)

ইন্দ্র-নীলমণি-নিন্দিত-নির্ম্মল-নীল-ইন্দু-বরণা ।
 কাণ-হৃদয়মণি-মন্দির-নিবাসিনী-নির্ম্মল-শরণা ।
 চন্দ্র-সূর্য-তারা জ্যোতি-সমষ্টিত,
 নয়ন-নিন্দিত-নভ-ভালে সমুখিত,
 নিশ্চিন্তি ভবসুন্দরী শঙ্করী মুক্তাস্বর-বসনা ॥
 দান-আর্ত-ভয়-ভঞ্জিনী-রঞ্জিনী,
 ক্রা-নির্জর দ্বিজপশুদধি-বার্দ্ধিনী ।
 সত্য-ধর্ম্ম-শায়-লজ্জক-দানব-মুণ্ডমাল-ভূষণা ॥
 ইন্দুভালী-মুখইন্দু-নিরীখনে,
 পরমানন্দে ধির-আনিমিত-নয়নে,
 পরমানন্দময়ী সাধক-সঙ্গতি বরাভয়-কর-শোভনা ॥
 অন্নপূর্ণা নিতি অন্ন বিতরণে,
 পূর্ণ বারাগসি নিত্য নিমন্ত্রণে ;
 পাদপদ্ম-মধুলোলুপ-মধুকর প্রীতি নিতি কৃতকরণা ॥
 তাপত্রয় করে মুক্তি লভিতে যদি,
 চিন্তে বর্তে আশ, বিশ্বাসি নিরনধি,
 বিশ্বজননী-পাদপদ্ম হৃদয়ে কেন যত্নে ভুলুয়া ধরনা ॥

সমাপ্ত ।

পরিষ্টি !

নিত্যানন্দ ব্রহ্মচারী :

কামাখ্যার ভুবনেশ্বরীর মন্দিরে থাকিতেন। পূর্ণানন্দ স্বামীর শিষ্য ছিলেন। কান্দীর বিষ্ণুদ্বানন্দ এবং ভাস্করানন্দ তাঁহার সতীর্থ। প্রথম জীবনে তিনি ওঁ বিষ্ণুদ্বানন্দ হায়দরাবাদের নিজামের সৈন্য বিভাগে সূবাদারী করিতেন। সিপাহী বিদ্রোহের কিছু পূর্বে তাঁহার উভয়েই নিরপরাধে দণ্ডিত হন। উভয়ে সংসারের অবিচার দর্শনে সংসার ত্যাগ করেন। বিষ্ণুদ্বানন্দের বয়স তখন ত্রিশ বৎসর। তিনি তখন অধ্যয়নে নিযুক্ত হইয়া মহামহোপাধ্যায় পণ্ডিত হন। পণ্ডিত মহামহোপাধ্যায় মহেশচন্দ্র গায়রত্ন, সংস্কৃত কলেজের অধ্যক্ষ, তাঁহার ছাত্র ছিলেন। নিত্যানন্দ ব্রহ্মচারী মা নাম মন্ত্রে দীক্ষিত হইয়া ভক্ত রাজোর গৌরব বৃদ্ধি করেন। জীবনের শেষ পর্য্যন্ত কামাখ্যায় ছিলেন।

হিন্দু ধর্মের সর্বদ্রোষ্ট বক্তা, খৃষ্টান ও ব্রাহ্ম স্রোত হইতে হিন্দু সমাজের রক্ষক, শক্তিমান সাধক পরিব্রাজক শ্রীশ্রীকৃষ্ণানন্দ স্বামী যখন গোহাটী আসেন, তখন ব্রহ্মচারীদেরকে দর্শন করিতে তিনি গমন করেন। ব্রহ্মচারীকে জিজ্ঞাসা করেন, “এই নিজ্জন পর্বত শিখরে আপনি একেলা থাকেন,—আপনার ভয় করেনা?”

ব্রহ্মচারী— ভয় কি ! মার কোলে থাকি।

পরিব্রাজক—আপনার মাকে কি আপনি দেখিতে পান ?

ব্রহ্মচারী— অন্ধ ছেলে মার কোলে থাকে, মার হাতেই পানাহার করে। কিন্তু মাকে সে দেখিতে পায় না। আমি মার অন্ধ ছেলে।

পরিত্রাজক ভূমিষ্ঠ হইয়া প্রণাম করিয়া গমন করিলেন ।

স্বামী শ্যামানন্দ সরস্বতী বলিয়াছিলেন—ভাই, তুমি খুব সুখে
আছ ।

ব্রহ্মচারী—তুমি কি দুঃখে আছ ? তুমি শ্রী শ্রীগুরুমহারাজের
সঙ্গে আছ । প্রত্যহ তাঁহাকে সেবা-বন্দনার অধিকারে আছ ।
সাধক-জীবনের যাহা প্রধান সম্পত্তি তুমি তাহার মালিক হইয়াছ ।
আর আমি এই নির্জজন স্থানে নির্বোধের মত আছি । অথচ আমার
সুখ তোমার সহ্য হয় না ?

স্বামী শ্যামানন্দ সরস্বতী নির্বাক রহিলেন !

গৌহাটীর গবর্নমেন্ট উকিল বাবু কালীচরণ সেন মহাশয়ের প্রতি
ব্রহ্মচারীর অত্যন্ত স্নেহ ছিল । তাঁহার পিতৃদেব শ্রীমশুলাল সেন
দীর্ঘকাল ব্রহ্মচারীর আহাৰ্য্য প্রদান করিয়াছিলেন । ব্রহ্মচারী প্রত্যহ
রাত্রি দশটার পরে পৰ্ব্বত হইতে নামিয়া কালীচরণবাবুর বাসায়
যাইতেন । মহাপুরুষগণের এরূপ ক্ষুণ্ণা বাঁহারা লাভ করিতে পারেন
তাঁহাদের কখন অমঙ্গল ঘটে না ।

১৩০৪ সালের ভূমিকম্পের ইতিহাস বঙ্গদেশ ও আসামবাসী
সুদীর্ঘকাল স্মরণ রাখিবে । ভূমিকম্পের সময় যখন ঘর বাড়ী
সমস্ত ভূমিসাৎ হইতে লাগিল, ভূপৃষ্ঠ ঘনকম্পনে জীবজগতের
অতিষ্ঠনীয় হইল, তখন ব্রহ্মচারী আপনার স্নেহময়ী জননীর জন্ম
অস্থির হইয়া পড়িলেন । মা ভুবনেশ্বরীর মন্দির ঝঞ্ঝাসঞ্চালিত বিটপীর
মত দোলায়মান হইতে লাগিল । ব্রহ্মচারী তখন আত্মজ্ঞান হারা
হইয়া ভুবনেশ্বরীর মন্দিরে প্রবেশ করিলেন এবং মাকে রক্ষা করিতে
ভুবনেশ্বরীর মহাপীঠ আপন বক্ষস্থলে রাখিয়া তাহার উপরে উপুর
হইয়া পড়িয়া থাকিলেন । কিছুক্ষণ পরে মন্দির ব্রহ্মচারীর উপরে পতিত
হইয়া ভূমিসাৎ হইল ।

ধন্য অধিকার ! ধন্য বাৎসল্যভাব ! ধন্য ব্রহ্মচারীর সুনির্গুণ যোগভক্তি ! ভগবানের প্রতি যখন ভক্তের এইরূপ ভাব হয়, তখন তাঁহাকে মহাভাবের অধিকারী বলে। আত্মসুখ-বাসনা পরিত্যাগ করিয়া, আপন কল্যাণ পরিত্যাগ করিয়া, আপন প্রাণের কথা বিস্মৃত হইয়া, মাত্র ভগবানের সুখের জন্ত, ভগবানের কল্যাণের জন্ত, ভগবানের প্রাণ রক্ষার জন্ত, যখন ভক্তের ঐকান্তিক চেষ্ঠা হয়, তখনি পূর্ণ প্রেমের অমিয়মাণা মাধুর্য্যরসে তিনি অধিকারী হন। দাস্ত্য রসের মাধুর্য্য হনুমানদেব প্রাপ্ত হইয়াছিলেন, সখ্যরসের মাধুর্য্য ব্রজবালকেরা প্রাপ্ত হইয়াছিলেন, বাৎসল্যরসের মাধুর্য্য নন্দ যশোদা প্রাপ্ত হইয়াছিলেন এবং মধুররসের মাধুর্য্য ব্রজগোপীরা প্রাপ্ত হইয়াছিলেন। যিনি পরমপুরুষ পরমেশ্বর, তাঁহাকে তাঁহারা রক্ষণীয় মনে করিতেন। পাছে কৃষ্ণের অমঙ্গল ঘটে, সেই ভয়ে নন্দ যশোদা আত্মহারা। কৃষ্ণ যে জগৎপালক জগৎরক্ষক, এ জ্ঞান তাঁহাদের নাই ; তাঁহাদের জ্ঞান তাঁহাদের কৃষ্ণ ; তাঁহাদের কৃষ্ণ তাঁহারা রক্ষা না করিলে কে রক্ষা করিবে।

আজ নিত্যানন্দ ব্রহ্মচারীরও সেই ভাব—সেই মহাভাব ! সেই ভাবে তিনি আত্মহারা। মা ভুবনেশ্বরী যে ত্রিভুবন-রক্ষাকারিণী, ত্রিলোকতারিণী, এ জ্ঞান তাঁহার লুপ্ত হইয়াছে। তিনি জানিয়াছেন মা কেবল তাঁহারই মা, আর মায়ের রক্ষক কেবল একা তিনি। শুদ্ধাভক্তির পরিণাম ফল এইরূপই বটে !! যাহার হইয়াছে সে জানিতে পারে নাই—যে বুঝিয়াছে সে ভাবিয়া আত্মহারা হইয়াছে। মানুষ কত উন্নত হইতে পারে—মানুষ কত পরিনর্ভিত হইতে পারে ! সে ক্ষুদ্রাদপি ক্ষুদ্র হইয়া পরমপুরুষের রক্ষক হয় ! বলিহারি ভক্তির সাধনা, আর বলিহারি ভক্ত !

প্রস্তুত নির্মিত মন্দির ভাঙ্গিয়া ভূমিসাৎ হইল। হাজার হাজার লোক ভুবনেশ্বরীর প্রাঙ্গণে সমবেত হইল। সকলে ভাবিল, ব্রহ্মচারীকে

দেহ প্রস্তুতের আঘাতে কৰ্দ্দমে পরিণত হইয়াছে। সকলে প্রস্তুতখণ্ড সরাইতে লাগিল, দেখা গেল ব্রহ্মচারীর দেহ কঠিনতর প্রস্তুত খণ্ডের মত প্রস্তুতরাশির মধ্যে পড়িয়া রহিয়াছে। সকলে “জয় মা ভুবনেশ্বরীর জয়, জয় নিত্যানন্দ ব্রহ্মচারী মহারাজের জয়” বলিয়া তারঙ্গেরে পবনত্র বাজারিত করিতে লাগিল। কিছু দিন পরে দ্বারবঙ্গের মহারাজকে মন্দির সংস্কারের জন্ত তিনি আদেশ করিলেন। মহারাজ বাতাদুর নয় হাজার টাকা খরচ করিয়া ভুবনেশ্বরীর মন্দির নির্মাণ করিয়া দিয়াছেন।

একদিন দ্বারবঙ্গের মহারাজ ব্রহ্মচারীকে একশত টাকা ইচ্ছামত খরচের জন্ত প্রদান করিলেন। তখন তিনি কাশীবাধুকে ডাকিয়া কোন সাধুকর্মে তাহা খরচ করিতে প্রদান করিলেন।

একমাত্র নিত্যানন্দ ব্রহ্মচারীর জন্ত কামাখ্যা যেন পরিপূর্ণ ছিল, তাঁহার অবসানে কামাখ্যা যেন শূন্য হইয়াছে। নোধ হয় যেন মা আছেন,—কিন্তু কোলে সন্তান নাই। ব্রহ্মচারী দেহত্যাগের পূর্বেই বাতরোগে আক্রান্ত হইয়াছিলেন।

শ্রী কামাখ্যা :

মহাতীর্থ কামরূপ ক্ষেত্রের অধিষ্ঠাত্রী দেবীর নাম কামাখ্যা। যে মনোরম পর্বতশিখরে তাঁহার মণিময় রত্নসিংহাসন, তাঁহার নাম নীলাচল। আর তাঁহার পাদদেশে বিধৌত করিয়া, উভয় তীরস্থ পার্বত্য নগর গ্রাম সম্বলিত বনভাগকে ভরঙ্গ কলোলে প্রতিধ্বনিত করিয়া, যে সুপবিত্র সুবিস্তৃত সলিলধারা প্রবাহিত, তাহার নাম ব্রহ্মপুত্র।

কামরূপ ক্ষেত্র অতি প্রাচীন কাল হইতে আৰ্য্য সাধক সম্প্রদায়ে যেমন মহাতীর্থ বলিয়া শ্রদ্ধাশ্রমিত, তেমনি সুবিস্তৃত, সমুন্নত ও সমৃদ্ধি-লক্ষ্য রাজ্য বলিয়া পুরাণাদিতে প্রচারিত। কামরূপেরই নাম প্রাগ-জ্যোতিষপুর। এই পবিত্র ক্ষেত্রের নাম কামরূপ কেন হইল, তাহার উত্তর শ্রীশ্রীকালিকাপুরাণ ও যোগিনীতন্ত্রে এইরূপে বর্ণিত আছে।

শঙ্কুনেত্রাগ্নিনির্দগ্ধঃ কামঃ শস্তোরণুগ্রহাৎ ।

তত্র রূপং যতঃ প্রাপ্তং কামরূপং ততোইভবেৎ ॥

“দেব দেব শঙ্কুর’ নয়নানলে ভস্মাভূত হইয়া কামদেব এইস্থানে সেই শঙ্কুর কৃপায় তাঁহার পূর্ব অবয়ব প্রাপ্ত হইয়াছিলেন ; তৎকাল এই ক্ষেত্রের নাম “ কামরূপ ”।

পুনঃ শ্রীশ্রীযোগিনীতন্ত্রে :—

কৃত্যে কামাণি সিন্যোত কামনাস্তু সুরেশ্বরি !

ততে মন্ত্রাঃ কাপরূপমিতি রূপমকল্পয়ৎ ॥

“হে সুরেশ্বর ! এই পুণ্যক্ষেত্রে মানুষ কামাকর্ষের অনুষ্ঠান মাত্র কামাক্ষয় লাভে কৃতার্থ হয়, তৎকাল এই পুণ্যক্ষেত্র কামরূপ নামে অভিহিত।”

উভয় গ্রন্থের নামাকরণে ভিন্ন ভিন্ন মত প্রচারিত হইলেও উভয়ই গ্রহণযোগ্য। কামদেব হর কোপানলে ভস্মাভূত হইয়া এই স্থানেই পুনর্বার দেহ লাভ করিয়াছিলেন, কামদেব নির্মিত সুপ্রাচীন মন্দিরই তাহার প্রত্যক্ষ প্রমাণ। আর অতি প্রাচীন কাল হইতে মন্ত্রসিদ্ধির জন্ম কামরূপ সুপ্রসিদ্ধ। সাধকগণ কামাক্ষয় লাভের জন্ম অতি প্রাচীন কাল হইতে আজ পর্য্যন্ত এই কামরূপে সাধনাসন পাতিয়া আসিতেছেন !

মন্ত্রসিদ্ধির সর্বোত্তম ক্ষেত্র কামরূপের সীমা নির্দেশ সম্বন্ধে শ্রীশ্রীকালিকাপুরাণে এইরূপ বর্ণনা আছে :—

“করতোয়া নদী পূর্বং যাবদ্বিকরবাসিনীম্ ।

ত্রিংশৎ যোজনবিস্তীর্ণং যোজনৈকশতায়তম্ ।

ত্রিকোণং কৃষ্ণবর্ণঞ্চ প্রভুতাচলপূরিতম্ ।

নদীশত সমাযুক্তং কামরূপং প্রকীর্তিতম্ ॥

“কামরূপের পশ্চিম সীমা করতোয়া নদী। (বগুড়ার অন্তর্গত রাজা রামকৃষ্ণের ভবানীপুর এই করতোয়ার তীরে। পাবনার অন্তর্গত চাটমহরের পশ্চিম সীমা দিয়া এই করতোয়া প্রবাহিতা। তাহা হইলে পাবনা বগুড়া পর্য্যন্ত কামরূপ ক্ষেত্র বিস্তৃত।) পূর্ব সীমা দিক্করবাসিনী। (এই নদী দিক্রগড়ের মধ্যে; বর্তমান নাম দিক্রাং নদী।) এই কামরূপ ক্ষেত্র একশত যোজন দীর্ঘ ও ত্রিশ যোজন বিস্তৃত। ইহা ত্রিকোণ, কৃষ্ণবর্ণ এবং অগণ্য পর্বত সমন্বিত। ইহার মধ্যে এক শত নদী প্রবাহিতা।”

শ্রী শ্রীযোগিনীতন্ত্রে লিখিত আছে :—

“করতোয়াং সমাশ্রিত্য যাবদ্বিকরবাসিনীম্ ।

উত্তরস্থাং কঙ্কগিরিঃ করতোয়াং তু পশ্চিমে ।

তীর্থশ্রেষ্ঠা দিক্কুনদী পূর্বস্থাং গিরিকঙ্কে ।

দক্ষিণে ব্রহ্মপুত্রস্য লাক্ষায়া সঙ্গমাবধি ।

কামরূপমিতি খ্যাতং সর্বশাস্ত্রেষু নিশ্চিতম্ ।

ত্রিংশৎ যোজনবিস্তীর্ণং দীর্ঘেন শত যোজনম্ ।

কামরূপং বিজানীহি সুরাসুর-নমস্কৃতং ॥”

“হে গিরিকঙ্কে ! কামরূপের সীমা পশ্চিমে করতোয়া হইতে পূর্বের দিক্করবাসিনী পর্য্যন্ত। তাহার উত্তর সীমা কঙ্ক পর্বত, পশ্চিম সীমা করতোয়া; পূর্ব সীমা তীর্থশ্রেষ্ঠা দিক্কুনদী (দিক্রাং নদী); দক্ষিণ সীমা ব্রহ্মপুত্র ও লাক্ষার (সীতা লাক্ষার) সঙ্গমস্থল। তাহা একশত যোজন দীর্ঘ ও ত্রিশ যোজন বিস্তৃত। সেই পবিত্র ক্ষেত্র কামরূপ সকলেরই নগর।”

এই কামরূপ ক্ষেত্র চারিভাগে বিভক্ত। (১) কামপীঠ ; (২) রত্নপীঠ ; (৩) স্বর্ণপীঠ ; (৪) সৌম্যপীঠ ।

(১) কামপীঠ—যেখানে কামাখ্যা দেবীর সিংহাসন তাহার নাম কামপীঠ ; স্বর্ণকোষ নদ হইতে কামরূপ জেলার অন্তর্গত রূপিকা নদী পর্য্যন্ত এই কামপীঠ ক্ষেত্র ।

(২) রত্নপীঠ—যে স্থানে জলেশ্বর শিব আছেন তাহার নাম রত্নপীঠ । করতোয়া হইতে স্বর্ণকোষ নদ পর্য্যন্ত রত্নপীঠ ।

(৩) স্বর্ণপীঠ—রূপিকা নদী হইতে তেজপুরের পূর্বস্থায় ভৈরবী নদী পর্য্যন্ত ক্ষেত্রের নাম স্বর্ণপীঠ ।

(৪) সৌম্যপীঠ—ভৈরবী নদী হইতে সাদিয়ার উত্তর দিকে প্রবাহিতা দিক্কা নদী পর্য্যন্ত ক্ষেত্রের নাম সৌম্যপীঠ । এই স্থানে দিক্কাবাসিনী দেবী আছেন ।

মন্দির নিৰ্ম্মাণ ।—দেবদেব বিশ্বনাথের কৃপায় ভস্মীভূত কামদেব পুনর্বার নিজ দেহ লাভ করেন । বিশ্বজননী শ্রীশ্রীকামাখ্যা দেবীর অপার মহিমা উপলব্ধি করিয়া তিনি তাঁহার মন্দির নিৰ্ম্মাণে প্রবৃত্ত হন । বহু পরিশ্রমে সুকঠিন বিশুদ্ধ প্রস্তরসমূহ সংগ্রহ করেন, এবং মাতৃকা যন্ত্রের উপরে মন্দির নিৰ্ম্মাণ করেন । এই মন্দিরের গাত্রে অষ্টাদশ ভৈরবের প্রস্তরমূর্তি সন্নিবিষ্ট ; এবং মন্দিরের গঠনকারী প্রস্তরসমূহ ইম্পাতের অর্গলে সন্নিবদ্ধ । এই মন্দিরের উপরিভাগ সম্ভবতঃ কোন কালবিপ্লবে ধ্বংস হইয়া যায়, এবং ইহার উপরে এক ষট্ৰুক্ষ উৎপন্ন হয় । প্রকৃত মন্দির মাটির চিপীতে আবৃত হয় । কত কাল এই মন্দির এই ভাবে মাটির নিম্নে ছিল, তাহা নির্ণয় করিতে কাহারো সাধ্য নাই ।

রায় বাহাদুর গুণাভিরাম বড়ুয়া আসামী ভাষায় আসামের ইতিহাস লিখিয়া গিয়াছেন । তাহা আসাম “বুরঞ্জি” নামে অভিহিত । শ্রীশ্রীকামাখ্যা দেবীর মন্দিরের পুনরুদ্ধার সম্বন্ধে তাহাতে

লেখা আছে। মন্দিরের পুনরুদ্ধার সম্বন্ধে জনপ্রবাদও আছে।
আমরা উভয়ের সংক্ষিপ্ত বিবরণ লিপিবদ্ধ করিতেছি।

“কোচবেহারের কোন মহারাণী দেবদেব বিশ্বনাথকে তপস্বী
সম্বর্ষ করেন। দেবদেব বিশ্বনাথ বরদান করিতে আনিভূত হইলে
তিনি শিবশক্তি সমন্বিত মহাবল পুত্র কামনা করেন। কিছুকাল পরে
তাহার গর্ভে বিশু ও শিশু নামে দুই পুত্র জন্মগ্রহণ করেন। কাল-
ক্রমে তাহারা বিশ্বসিংহ ও শিবসিংহ নামে পরিচিত হন।

বিশ্বসিংহ প্রবল পরাক্রান্ত নৃপতি হইয়া ছিলেন; শিবসিংহ সেনা-
পতি হইয়া তাহার রাজ্যবিস্তারে সাহায্য করিয়াছিলেন। তাহারা
কমতাপুর অধিকার করিলেন;—অচ্যান্ত মেছ ও কোচ রাজগণকে
পরাজিত করিয়া তাহাদের রাজ্য কাড়িয়া লইলেন;—এবং শেষে
সসৈন্যে গোহাটীর দিকে অগ্রসর হইলেন। একদিন দুই ভাই জঙ্গল
ভ্রমণে বাহির হইলেন; কিছুদূর গমন করিয়া সঙ্গীহারা হইলেন; এবং
ঘুরিতে ঘুরিতে কামাখ্যার নীলাচলে আরোহণ করিলেন। তখন
নীলাচলে মাত্র দুই চারি ঘর মেছ বাস করিত। তাহারা পিপাসার্ত্ত
হইয়া তাহাদের পল্লীতে প্রবেশ করিলেন; কিন্তু কোন পুরুষের সঙ্গে
দেখা হইল না; এক বটবৃক্ষমূলে এক বৃদ্ধাকে দর্শন করিলেন। সে
জল দান করিয়া উভয় ভ্রাতার তৃষ্ণা নিবারণ করিল।

বিশ্বসিংহ জিজ্ঞাসা করিলে সেই বৃদ্ধা কহিল, “ইহা আমাদের
দেবতার স্থান; এই মাটীর নাচে দেবতার মন্দির আছে।” বিশ্ব-
সিংহ ভগবানে বিশ্বাসী ও ভক্তিম্যান ছিলেন। তিনি অমুচরবর্গ
হইতে বিচ্যুত হইয়া আপনাকে বড় বিপন্ন বোধ করিলেন। তিনি
সেই বটবৃক্ষমূলে ভক্তিভরে প্রণাম করিয়া দেবতার নিকটে অমুচর-
বর্গের পুনর্মিলন প্রার্থনা করিলেন। অতি অল্পক্ষণ পরেই তাহার
অমুচরবর্গ সেইস্থানে আসিয়া উপস্থিত হইল। তাহার বিশ্বয়ের

“অবধি থাকিল না।

তিনি দেবতার পূজার পদ্ধতি জানিতে চাহিলে বৃদ্ধা কহিল, “এই স্থানে শাস্ত্রবিহিত ছাগাদি পশু বলি দিতে হয় ; দেবতার পরিধান জল উত্তম বসন, শাঁখা সিন্দুর ইত্যাদি উপহার দিতে হয় ।” বিশ্বসিংহ তখন এই স্থানকে শক্তিপূজার স্থান বলিয়া অনুমান করিলেন ।

তান পররাজ্য ধ্বংস ও আত্মসাৎ করিয়া বহু বৈরী সৃজন করিয়া-
ছিলেন । তাঁহার অধিকারের মধ্যে নানাস্থানে বিদ্রোহানল জ্বলিয়া
উঠিয়াছিল । তিনি সবদা ত্রাসযুক্ত হইয়া কালযাপন করিতেন ।
অশান্তি তাঁহার অন্তরের সঙ্গী ছিল,—অন্তরঙ্গও তাঁহার সন্দেহের
বিষয়ভূত ছিল । তিনি সত্রাট হইয়াও সবদা মহাভয়ে ত্রিয়মান
ধাকতেন । তাই তিনি দেবীর দুয়ারে প্রার্থনা করিলেন, “যদি
আমার প্রভুত্ব অক্ষুণ্ণ থাকে ;—আমার রাজ্য মধ্যে শান্তি স্থাপিত হয় ;
এবং পরাজিত নৃপতিবৃন্দ বৈর ত্যাগ করে, তাহা হইলে আমি
মন্দিকার নিম্ন হইতে মন্দির বাহির করিব,—স্বর্ণখণ্ড দ্বারা তাহার
সংস্কার করিব এবং নিত্যপূজার ব্যবস্থা করিব ।

তিনি কোচবেহার ফিরিয়া আসিলেন । অতি অল্পকাল মধ্যে
তাঁহার রাজ্যে শান্তি স্থাপিত হইল । তিনি দেবতার কুরুণা পদে
পদে উপলব্ধি করিতে লাগিলেন । তখন তত্ত্বজ্ঞ পণ্ডিতমণ্ডলী
আহ্বান করিয়া সভা মিলাইলেন, এবং নীলাচলের দেবস্থান সম্বন্ধে
শাস্ত্রসম্মত তত্ত্বানুসন্ধানে প্রবৃত্ত হইলেন । পণ্ডিতমণ্ডলী নীলাচলকে
কামপীঠ বলিয়া সিদ্ধান্ত করিলেন ।

মহারাজ বিশ্বসিংহ নীলাচলে গমন করিয়া বটবৃক্ষ ছেদন করিলেন ।
মন্দিকার স্তূপ কাটিয়া উঠাইয়া ফেলিলেন । তখন কামদেব নিম্নিত
মন্দিরের নিম্নাংশ এবং ষোনিপীঠ বাহির হইয়া পড়িল । ৐ শ্রীশ্রীযোগনৌ
তত্ত্বানুসারে তখন তিনি অষ্টান্ন পীঠও আবিষ্কার করিলেন । মন্দিরের
উপরাংশ পুনর্ব্বার নির্মাণ করিলেন । স্বর্ণখণ্ডে নির্মাণ করিবার

কথা ছিল ;—তাহা অসাধ্য হইল ; তখন প্রত্যেক ইটের সঙ্গে এক রতি করিয়া স্বর্ণ দিয়া মন্দিরের চূড়া নির্মিত হইল । ইহাই গুণাভিরামের ঘুরঞ্জির বিবরণ ।

মুসলমান সম্রাট আওরংজেবের প্ররোচনায় কালাপাহাড় ১৫৫৩ খৃষ্টাব্দে এখানে আসিয়া উপস্থিত হয় । সে মন্দিরের উপরাংশ কামানে উড়াইয়া দেয় । সেই সময় বিশ্বসিংহের পুত্র মল্লধ্বজ (অন্য নাম নরনারায়ণ) রাজা ছিলেন । তিনি মন্দিরের উপরাংশ আবার নির্মাণ করেন । ১৫৫৫ খৃষ্টাব্দে আরম্ভ করিয়া ১৫৬৫ খৃষ্টাব্দে নির্মাণ কার্য শেষ করেন । তিনি কামাখ্যার সমস্ত মন্দিরের পুনঃপ্রতিষ্ঠা করেন । আজ পর্য্যন্ত তাঁহার নির্মিত মন্দিরাংশ কামদেব নির্মিত মূল মন্দিরের উপরিভাগে দৃশ্যমান ।

মহারাজা নরনারায়ণের মূর্তি প্রবেশ মন্দিরের দেওয়ালে,— কামেশ্বর কামেশ্বরীর সম্মুখ ভাগে, খোদিত রহিয়াছে । বলা বাহুল্য নরনারায়ণের নাম ভিন্ন, তাঁহার রূপের সঙ্গে সে মূর্তির কোন সাদৃশ্য নাই । নরনারায়ণের কনিষ্ঠ সহোদর শুক্লধ্বজ, (অন্য নাম চিলা নারায়ণ) । তাঁহার মূর্তিও সেই দেওয়ালে অঙ্কিত আছে । কামাখ্যার বর্তমান পাণ্ডাগণ মহারাজা নরনারায়ণ কর্তৃক জগজ্জননীর সেবার্চনার জন্ত নানাস্থান হইতে আনিত ও উপনিবিষ্ট ।

নীলাচলে আরোহণ করিবার সোপানশ্রেণী অতি প্রাচীনকালে নরকাসুর কর্তৃক নির্মিত হইয়াছিল । নরকের পুত্র ভগদত্ত কৌরব পক্ষে যুদ্ধ করিয়া কুরুক্ষেত্রের মহাসমরে নিহত হন ।

নরকাসুরের সম্বন্ধে গুণাভিরামের ঘুরঞ্জিতে এই মর্মে লিখিত আছে,—মহারাজ নরক এই স্থানে রাজত্ব করিতেন । তিনি শ্রীশ্রীকামাখ্যাদেবীর মহিমা দর্শন করিয়া তাঁহার শরণাগত হন । কঠোর তপস্যা আরম্ভ করেন । তপস্যায় জগজ্জননীর রূপাদর্শন

লাভ করেন। কৃপা লাভ করিয়া বহুদূর পর্য্যন্ত রাজ্য বিস্তার করেন।
এবং অক্ষুণ্ণ প্রভাবে রাজত্ব করিতে থাকেন।

রাতৈর্যার্থ্য লাভ করিয়া নরক দণ্ড দর্পে অস্থিত হইলেন। আহার
বিহারে আশুর্বিধ ভ্রম অবলম্বন করিলেন। ক্রমে রাক্ষসপ্রকৃতি
হইলেন। গার্ভগৌর গর্ভ চিরিয়া সন্তান দেখিয়া কৌতূহল তৃপ্ত করিতে
লাগিলেন। দুর্ভব হইলেন। লোকনামের কারণ হইলেন। মনুষ্যত্ব
বিসর্জন দিলেন। তখন ভক্তিম্যান তপস্বী নরক, নরকাসুর নামে
অভিহিত হইলেন। তাঁহার বিনাশসাধন প্রয়োজন হইল।

বিশ্ববিমোহিনী মায়ায় তিনি বিমূঢ় হইলেন। মা বিশ্বজননী এক
মোহিনীমূর্তিতে তাঁতাকে দর্শন দিলেন। তিনি মোহবিমূঢ় হইয়া
মাকে বিবাহ করিতে উন্মত্ত হইলেন। উন্মাদের সংকল্প শুনিয়া দেবী
বলিলেন, “তুমি যদি এই পন্থাতে উঠিবার জন্ত চারিদিকে চারিটী সিঁড়ী
ও একটী সুরম্য মন্দির এক রাত্রের মধ্যে নিৰ্ম্মাণ করিতে পার, আমি
তোমার সঙ্গে বিবাহ বাসতে পারি।”

মোহাক্ষ নরক মহোৎসাহে নীলাচলে উঠিবার সিঁড়ী নিৰ্ম্মাণে
নিযুক্ত হইলেন। একটা সিঁড়ী শেষ হইলেই কুকুট ডাকিয়া উঠিল।
নরক মনে করিলেন, রাত্রির শেষ হইয়াছে। ভ্রান্তিকৃপিনী তাঁহার
হৃদয়ে আবিভূতা হইলেন। তিনি সন্ত্রস্ত হইলেন। দেবী বলিলেন,
“তবে আর কি হইবে? রাত্রি শেষ হইল, অথচ তোমার প্রতিশ্রুতি
অনুসারে কার্য হইল না।” বলিয়া দেবী অন্তর্হিতা হইলেন।

নরক নিরাশ হইয়া ক্রোধাক্ত হইলেন। শৃঙ্গকারী কুকুট অশ্বেষণ
করিয়া বাহির করিলেন। এবং তাহাকে খণ্ড খণ্ড করিয়া কাটিয়া
ফেলিলেন। আজ পর্য্যন্ত সেই স্থানকে “কুকরা কাটা” বলে।
বেলতলার নিকটে নরকের রাজধানী ছিল। আজ পর্য্যন্ত তাহাকে
“নরক পর্বত” বলে। কামাখ্যার রেল লাইনের পরপার্শ্বের পর্বত
নরকের বিলাসভবন ও বিচারালয় ছিল। বিশ্বজননীর আদেশে

ভগবান শ্রীকৃষ্ণ কামাখ্যায় আসিয়া নরকে সংহার করেন। নরকের মৃত্যুর পর তাঁহার পুত্র ভগদত্ত কামাখ্যার রাজ সিংহাসনে আসীন হন।

গৌহাটীর পরপারে অশ্বাক্রান্ত। পাণ্ডববাণিনী এই পর্যাস্ত আসিয়াছিল। অশ্বারোহী মৈত্র এই পর্যাস্ত আসিয়াছিল বলিয়া ইহার নাম অশ্বাক্রান্ত। এই স্থানে কুম্বরুপী নারায়ণের মন্দির আছে।

কুরুক্ষেত্রের মহাপ্রলয়ে সমস্ত ভারত ধ্বস্তবিধ্বস্ত হইয়াছিল। বহু রাজধানী শ্মশানে পরিণত হইয়াছিল। কামাখ্যার মন্দিরও মৃত্তিকা স্তূপে আবৃত হইয়া বিলুপ্ত হইয়াছিল। শেষে কোচবেহার নরপতিগণই লীলাময়ীর কৌশলে কামাখ্যাতীর্থের পুনরুদ্ধার করেন। অথচ তাঁহাদের কামাখ্যা প্রবেশ নিষিদ্ধ। এই নিষেধ সম্বন্ধে এই রূপ জনপ্রবাদ আছে—

মহারাজা মল্লধ্বজের সময় কেন্দু কলাই নামে এক ব্রাহ্মণ মহাদেবীর পূজা করিতেন। তাহার ভক্তি ও তপস্যায় তিনি মহাদেবীর কৃপাপাত্র হন। মহাদেবী জ্যোতির্ময়ীমূর্তি ধারণ করিয়া সন্ধ্যা আরতির সময় তাঁহাকে দর্শন দিতেন। মা কুমারীমূর্তিতে নৃত্য করিতেন, কেন্দু কলাই মৃদঙ্গ বাজাতেন।

মহারাজা মল্লধ্বজ এই সংবাদ শ্রবণ করিয়া দেবীর দর্শনে কৃতার্থ হইতে কৃতসংকল্প হইলেন। নিষ্কিঞ্চন ও ক্ত কেন্দু কলাইকে পরম যত্নে অভ্যর্থনা করিলেন; এবং “যেক্ষেপেই হউক, অন্ততঃ এক নিমিসের জন্তও মাকে দেখাইতে হইবে” বলিয়া বিনয়পূর্ণ বাক্যে অনুময় করিতে লাগিলেন।

কেন্দু কলাই রাজার প্রার্থনা শুনিয়া কিছুক্ষণ নীবে রহিলেন; পরে বলিতে লাগিলেন,—“যাহা অহৈতুকী ভক্তি ও কঠোর তপস্যায় ভিন্ন পাওয়া যায় না, তাহা কেহ কাহাকেও দিতে পারে না। তুমি

উপস্ফী হও, ভক্ত হও, ভক্ত হইয়া সেই ত্রিভুবনমোহিনীকে প্রসন্ন কর ; তাঁহার অলোকসামান্য রূপমাধুরিমা দর্শন কর। কোঁশল করিয়া দেখিতে বা দেখাইতে বসিলে উভয়েরই বিপদ ঘটিতে পারে। অনুকূলা দৈবীশক্তি প্রতিকূলা হইতে অধিকক্ষণ লাগে না।

মহারাজা মল্লধ্বজ সে কথায় কর্ণপাত করিলেন না। ত্রাস্কণকে সম্বলিত করিতে প্রাণপাণে যত্ন আবশ্য করিলেন। যিনি বিষয়বিরাগী নিস্পৃহ, তাঁহার সম্মুখে ধনরত্নের মোহজাল বিস্তৃত করিলেন। তাঁহার স্ত্রী পুত্রাদিকে বহুমূল্য বসনভূষণ দান করিতে লাগিলেন। নানারূপ ভোগ্য বস্তু নিত্য উপঢৌকন দিতে লাগিলেন। কিছুদিন মধ্যেই নৈরাগীকে ভোগী করিয়া উঠাইলেন। কনকের কুহকে কেন্দু কলাই কর্তব্যে বিচলিত হইলেন। মহারাজকে বলিলেন, “সাক্ষাৎ আরতির সময় মা অনুপম করণে মগ্ণ উদ্ভাসিত করিয়া আবিভূতা হন ; তুমি গবাক্ষদ্বারে দণ্ডায়মান হইয়া তাঁহার ভুবনভরা রূপ দর্শন করিও ”।

মল্লধ্বজ সম্বলিত হইলেন। সক্ষা আসিল। মন্দিরে যাইয়া কেন্দু কলাই আরতি করিতে বসিলেন। মহারাজা নাচ ঘরে দাঁড়াইয়া, গবাক্ষ দিয়া, অনিমিষ নয়নে মন্দিরের ঘটনা দর্শন করিতে লাগিলেন। সহসা মন্দিরের মধ্যভাগ দিব্যালোকে উদ্ভাসিত হইল। সুপুরু-শিঞ্জনের সুমধুর ধ্বনি মহারাজার শ্রুতিগোচর হইল। কর্ণকুহরে যেন অমৃতের স্রোত প্রবেশ করিল। তিনি ভয়ে বিস্ময়ে হতবুদ্ধি হইলেন।

সহসা বিকট বজ্রধ্বনির মত ভয়ঙ্কর শব্দ উথিত হইল। সে দিব্যালোক অন্তর্হিত হইল। মন্দির অন্ধকারে পূর্ণ হইল। কে যেন এক চপেটাঘাতে কেন্দু কলাইকে ছিন্নশির করিল। আর মহারাজা মল্লধ্বজকে লক্ষ্য করিয়া আকাশবাণী হইল, “আজ হইতে তুই কিংবা তোর কোন বংশধর এই মহাপীঠ দর্শন বা স্পর্শ করিতে পারিবে না।

এমন কি, এই পর্বতে উঠিতেও পারিবে না। উঠিলেই মৃত্যুমুখে পতিত হইবে।” মহারাজা মর্মান্বিত হইয়া রাজধানীতে গমন করিলেন। তদবধি কোচবেহারের স্মার কোন মহারাজা এই ভীথে গমন করেন না।

তারপরে কাগরুপক্ষেত্র সেন বংশের অধিকৃত হয়। সেন বংশের মধ্যে নীলধ্বজ, চক্রধ্বজ, নীলাশ্বব এই তিন রাজার নাম ইতিহাসে প্রসিদ্ধ। সেন বংশের পরে পাল বংশ। পাল বংশের গোপাল, দম্ব্যপাল, জয়পাল এই তিন জনের নাম প্রসিদ্ধ। পাল বংশের পরে ছুটিয়া বংশ। এই বংশের বিশেষ কোন খ্যাতি প্রতিপত্তির কথা শুনা যায় না। ছুটিয়ার পরে আহম রাজার আগমন। আহম রাজগণ প্রতাপশালী ছিলেন। তাঁহাদের নামানুসারে এই প্রদেশ “আসাম” নামে পরিচিত হয়। আসামের নাম কাগরুপ ছিল।

আহম জাতির মধ্যে শান ও মান জাতি ব্রহ্মদেশ হইতে আসিয়া উপর আসাম (Upper Assam) আক্রমণ করে। শান জাতির প্রথম রাজা চুকাফা। শানের পরে মান জাতির রাজত্ব। জয়মতী মান জাতিয়া। জয়মতীর বৃত্তান্ত আসাম ইতিহাসে একটা প্রধান বিষয়। জয়মতীর গৌরব রক্ষার্থ জয়সাগর খানিত হয়। শিবসাগর জয়সাগর আসাম প্রদেশের অতি মনোরম দৃশ্য। জয়মতীর পুত্র রুদ্রসিংহ ; রুদ্রসিংহের পুত্র শিবসিংহ ; শিবসিংহের পুত্র লক্ষ্মীসিংহ ; লক্ষ্মীসিংহের পুত্র রাজেশ্বর সিংহ ও গৌরীনাথ সিংহ। এই গৌরীনাথ সিংহ কামাখ্যায় লক্ষ্মীসিংহ দান করেন। রাজেশ্বর সিংহ নাটমন্দিরের সংস্কার করেন। শিবসিংহ কামখ্যার অনেক মন্দির নির্মাণ করেন ; এবং কামাখ্যার সেবা পূজা তাঁহার বিধান অনুসারে আজ পর্য্যন্ত চলিয়া আসিতেছে।

গৌহাটীর সনামধন্য পরমধার্মিক উকীল শ্রীযুক্তকালীচরণ সেন স্রী বাহাদুরের স্বর্গীয় পিতৃদেব শ্রীমশুলাল সেন মহাশয়, জনসাধারণের

নিকট হইতে অর্থ সংগ্রহ করিয়া এবং নিজেও অনেক অর্থ প্রদান করিয়া কামাখ্যার অনেক সংস্কার করিয়াছিলেন। মন্দিরের চূড়া, চারি পার্শ্বের প্রাচীর, পুনতে উঠিবার সময় যে তিনটী সিংহদ্বার অতিক্রম করতে হয় তাহা, কামেশ্বরী, ধূমাবতীর মন্দির, ভৈরবী কুণ্ড, বলিদানের ঘর এবং নাট্যমন্দিরে মন্য ভাগ ইত্যাদির সংস্কার করেন।

১৩০৪ সালের ৪ঠা আষাঢ়ের ভূমিকম্পে কামাখ্যার অনেক মন্দির ধ্বংস হয়। দ্বারবঙ্গের ধর্মপারায়ণ মহারাজা রামেশ্বর সিংহ বাহাদুর নিম্নলিখিত মন্দিরসমূহ পুনরবার নিৰ্ম্মাণ করেন—“ভুবনেশ্বরীর মন্দির, তারাবাড়ী, কালীবাড়ী, কামেশ্বরের মন্দির, সিদ্ধেশ্বরের মন্দির, ভৈরবী কুণ্ড, সৌভাগ্য কুণ্ড, অমৃত কুণ্ড, ঋণমোচন কুণ্ড, দুর্গা কুণ্ড, ও গয়া কুণ্ড।”

বর্তমান সময়ে অশুভাচী ও দুর্গোৎসবের সময়ই কামাখ্যায় বহু যাত্রীর সমাগম হয়। ভাদ্র মাসের ১লা ও ২রা দুই দিন “দেবধ্বনি” উৎসব হয়। এই উৎসবে বৈচিত্র্য আছে। কামাখ্যা, ভুবনেশ্বরী, টোকোরেশ্বর, মনসা, শীতলা ও কালীবাড়ী প্রভৃতি মন্দির হইতে যোগিনীর দৃষ্টি কালিতা জাতীয় লোকের উপরে পতিত হয়। যে সকল লোক দেবধ্বনির একমাস পূর্ব হইতে সংযমে থাকে তাহারা কেহ কেহ যোগিনীর কৃপাদৃষ্টি লাভ করে। তাহারা সংযমে হবিষ্যাম ভোজন করে, ব্রহ্মচর্য্য অবস্থান করে, মিথ্যালাপ ত্যাগ করে। যাহাদের উপরে যোগিনীর দৃষ্টি পতিত হয় তাহারা এই দুই দিন আত্মহারা ভূতধরার মত হয়। এই দুই দিন তাহারা আম-মাংস সন্দেশ ও ডাবের জল খায়। তাহারা শানিত খড়্গের উপরে নৃত্য করে, নাচঘরে নৃত্য করে, লোকের ভবিষ্যৎ সুখদুঃখের কথা বলিতে থাকে। নাচিবার সময় ঢোল বাজায়। ভবিষ্যদ্বাণী অনেক সময় সত্য হয়।

কামাখ্যায় কামেশ্বর ও কামেশ্বরী, এবং কালীবাড়ীর কালী ভিন্ন

আর কোথাও প্রতিমা নাই। সর্বত্রই যোনিপীঠ। এই সকল যোনিপীঠ সম্বন্ধে কালিকাপুরাণে এইরূপ লিখিত আছে ;—

গুহা মনো ভবা তত্র মনোভবনির্মিতা ।
মনোভবগুহাতত্র পঞ্চবাসায়তাস্তথা ॥
রক্তমণ্ডল সংযুক্তাং রক্তবর্ণাং সুবর্তুলাম্ ।
যোনিমস্ত্যাং শিলায়াঃস্থ শিলারূপা মনোহরা ॥

তথায় কামদেব নির্মিত মনোভব গুহা। সেই গুহা পঞ্চবাস আয়তী, রক্তবর্ণা, বর্তুলাকারা ও রক্তমণ্ডল সংযুক্তা। এই শিলাতেই মনোহরা শিলারূপিণী জননী—দেবী বিরাজমানা।

এই স্থানে কালী, কামাখ্যা, জয়দুর্গা, বনদুর্গা, মাতঙ্গী, কমলা, ধূমাবতী, বগলা, ছিন্নমস্তা এই নব যোনিপীঠ দর্শন করিতে হয়। এই স্থানে কোটালিঙ্গ, সিন্ধেশ্বর, হেরুকেশ্বর, হেরুক ও টোকোরেশ্বর এই পঞ্চ শিব আছেন। এই স্থানে তারাবাড়ী ব্রহ্মানন্দ গিরি স্থাপন করেন। এই কালীবাড়ী উগ্রতারা ভট্টাচার্য্য স্থাপন করেন। এই কালীবাড়ীতে দশনামা সন্ন্যাসীর আখেড়া। তথায় ভগবান দত্তাত্রেয়ের পাদুকা অর্চিত হয়।

এই স্থানে ভুবনেশ্বরের মন্দিরে সাধক-কুলতিলক নিত্যানন্দ ব্রহ্মচারী সাধনা করিতেন। তাঁহার তপপ্রভাবে এই নীলাচল সমুজ্জ্বল ছিল। শ্রী শ্রীকালীকুলকুণ্ডলিনী নামে ভক্তিব্রহ্ম এই স্থানে সৌভাগ্যকুণ্ডতীরে প্রথম আরম্ভ হয়। তেজপুর হইতে সমাগত, অতিবৃদ্ধ রত্নগিরি এই স্থানে, প্রথমে কালীতত্ত্ব বা শক্তিতত্ত্ব বিষয়ক প্রশ্ন জিজ্ঞাসা করেন। গুকারনাথ মণ্ডলীর গুরুমহারাজ শ্রী শ্রীপূর্ণানন্দ স্বামী এই স্থানে মণ্ডলাসঙ্গে মন্দিরের পার্শ্বস্থ সমতলক্ষেত্রে উপবেশন করিয়া, কখন সৌভাগ্য কুণ্ডতীরে বসিয়া শ্রী শ্রীকালীনামের উচ্চাস কীর্ত্তন ব্যাখ্যাাদি শ্রবণ করিয়াছিলেন। শ্রী শ্রীসর্বানন্দ সর্ববিদ্যা এই স্থানে জগজ্জননীর আদেশ প্রাপ্ত হইয়াছিলেন। এই পুণ্যক্ষেত্রে ব্রহ্ম-

পুস্তকের চরের উপরে, মৃতহস্তীর চর্মাবৃত উদরের মধ্যে বসিয়া জগজ্জননীর দর্শন লাভ করিয়াছিলেন। রাম এই স্থানে সিদ্ধিলাভ করেন। এই পুণ্যতীর্থ মন্ত্রসিদ্ধির সর্বশ্রেষ্ঠ স্থান। এখন সাধক নাই, সাধনাও নাই ;—সিদ্ধিলাভের পিপাসাও নাই। যে কর্মের যে কর্মী নহে, সে কর্মের মর্মও সে বুঝিতে পারে না। অসাধক সাধনার ক্রিয়া কৌশল আরম্ভ করিলে ব্যভিচার ঘটা স্বাভাবিক। মহাতীর্থ কামাখ্যায় সাধনার নামে ব্যভিচার অসম্ভব নহে। তজ্জন্য মহাতীর্থের মাহাত্ম্য হ্রাস হয় নাই। পুণ্যপ্রভা ত্রিয়মান হয় নাই, বিশ্বজননীর করুণা লাভের ব্যাঘাত ঘটে নাই। যাঁহারা সাধক, যাঁহারা ভক্ত, তাঁহাদের ভক্তি বিশ্বাস বিচলিত হয় নাই।

মন্দিরের মধ্যে প্রস্তরফলকে লিখিত আছে :—

“লোকানুগ্রহকারকঃ করুণয়া পার্থোধনুর্বিদ্যয়া
দানেনাপি দখাচি কর্ণসদৃশো মর্যাদয়াস্তোনিধিঃ ।
নানাশাস্ত্রবিচার চারুচরিতঃ কন্দর্পরূপোজ্জ্বলঃ
কামাখ্যাচরণার্চকো বিজয়তে শ্রীমল্লদেবো নৃপঃ ॥

প্রাসাদমদ্রিহিতুশ্চরণারবিন্দ,

ভক্তা করতু তদনুজবর নীলশৈলে ।

শ্রীশুক্ৰদেব ইমমূল্য সিতোপলেন

শাকে তুরঙ্গ গজবেদ শশাক সংখ্যে ॥

তশ্চৈব প্রিয়সোদরঃ পৃথুযশা বীরেন্দ্র মৌলিশ্বলী,

মানিক্যং ভজমান কল্পবিটপীনীলশৈলে মঞ্জুনং ।

প্রাসাদ মুনিগবেদ শশভূচ্ছাকে শিলারাজভিঃ

দেবোভক্তি মতাস্বরো রচিতবান্ শ্রীশুক্ৰ পূর্বধ্বজ ॥”

নাট মন্দিরের দেওয়ালে প্রস্তরফলকে লিখিত আছে ;—

“৩ স্বস্তি । কামাখ্যাচরণাশুজার্চনাপরো ধর্ম্মেন ধর্ম্মোপমো ।

রূপেণাপিত পঞ্চশায়ক মদঃস্বর্গেশবংশোদ্ভবঃ ॥

দিক্চক্র ভ্রমণপ্রবীন বিলসৎকুন্দোল্লসদ্যশাঃ ।
 শ্রীরাজেশ্বর সিংহ ভূপতিবর ভুলোককল্পদ্রুমঃ ॥
 যো ভূপালত মৌলী রত্নবিলসৎ পাদারবিন্দদ্বয়োঃ ।
 ভূভূগ্নাতি লতৌঘ নূতনঘনঃ কোদণ্ডবিভ্যাজ্জুনঃ ।
 পারাবার গভীর উর্জ্জিত তরাদিত্য প্রতাপমহা-
 দোর্দণ্ডাতি প্রচণ্ড বৈরীনিবহ প্রোদ্দাম দাবানলঃ ।
 তস্যাজ্ঞাদধদাদরেণ শিরসি স্বর্গাবরোহাবধি
 স্বর্গেশান্বয় ভূপসেবিদ্রবংশোত্র নীলাচলে ।
 কামাখ্যাজিষ্ণু পরায়ণো দশরথঃ শ্রীমুদ্ হৎ ফুকনঃ
 কামাখ্যাং স্মরমন্দিরং ক্ষিতবসুস্বাদেন্দু শাকেৎকরোৎ ॥

১৬৮১”

স্বামী আভিরানন্দ সন্ন্যস্তী, জন্মস্থান বর্ধমানের
 অন্তর্গত খণ্ডকোষে ; নাম ছিল আশুতোষ বন্দ্যোপাধ্যায় । ১২৯৯
 সালে জন্মস্থান হইতে বাহির হইয়া আর সেখানে যান নাই । কুমিল্লার
 পুলিশ ইন্স্পেক্টর গোবিন্দবাবু (১৩১৬ সালে) বলেন, “আমি স্বামীজীকে
 জানি ; পুলিশ রিপোর্টে তাঁর বয়স একশ একাত্তর বছর ; আমার
 কাকা তাঁর শিষ্য । বিশেষ বিশেষ ভ্রমণকারী মহাপুরুষগণের পরিচয়
 পুলিশের খাতায় লেখা আছে ।”

থাকীবাবা স্বামীজীর সতীর্থ । উভয়ে ওঙ্কারনাথে যাইয়া
 পূর্ণানন্দ স্বামীর শিষ্যত্ব গ্রহণ করেন । কাশীধামের উলঙ্গ স্বামী
 ভাস্করানন্দও পূর্ণানন্দ স্বামীর শিষ্য । আভিরানন্দের সঙ্গে
 ভাস্করানন্দের বন্ধুত্ব ছিল । থাকীবাবার সঙ্গে ভুলুয়াবাবার পরিচয়
 কলিকাতায় হয় । ক্যান্সেলের ভূতপূর্ব এনাটমীর প্রফেসর চন্দ্র
 মোহন ঘোষ ভুলুয়াবাবার একজন সেবক ছিলেন । শুকিরা দ্বীটে

চন্দ্রমোহনবাবুর বাড়ী। ভুলুয়াবাবা প্রায়ই সেখানে থাকিতেন। তখন থাকীবাবার নাম দেশের মধ্যে বিখ্যাত ছিল। চন্দ্রমোহনবাবুর বাড়ীতে থাকীবাবার নিকটে আভীরানন্দের সম্বন্ধে অনেক কথা জানা গিয়াছিল।

১৩০৬ সালে থাকীবাবার সঙ্গে ভুলুয়াবাবার প্রথম পরিচয়। তখন জনপ্রবাদে থাকীবাবার বয়স দেড়শত বছর। খুব বৃদ্ধ হইলেও এ বাসা হইতে ও বাসা হাঁটিয়া বাইতেন।

ধুবড়ীর উকীল ধর্মপ্রাণ বাবু পিয়ারিচরণ সেন আভীরানন্দের পরম ভক্ত ছিলেন। তিনি ধুবড়ীর ধর্মসভার সম্পাদক ছিলেন। প্রিয়লাল গঙ্গোপাধ্যায় ডিষ্ট্রিক্ট ইন্সপেক্টর স্বামীজীর শিষ্য ছিলেন। প্রিয়বাবু সংসার ছাড়িয়া সন্ন্যাস নিয়া স্বামীজীর সঙ্গে ছিলেন। সন্ন্যাসের নাম প্রেমানন্দ স্বামী। আভীরানন্দের সঙ্গে সর্বদাই বিশ পঁচিশ জন শিষ্য থাকিতেন।

বৃষ্টি না নামিলে স্বামীজী ঘরে উঠিতেন না। বৃষ্টিতলে বাস করিতেন।

তিনি তন্ত্রশাস্ত্রে মহাপণ্ডিত ছিলেন। পণ্ডিত ও সাধক শিবচন্দ্র বিষ্ণার্নব, ভবানীপুরের গোপাল ব্রহ্মচারী, হরানন্দ সরস্বতী, রাজেন্দ্র গোসাই প্রভৃতি স্বামীজীর নিকটে তন্ত্র বিষয়ক অনেক তত্ত্ব শিক্ষা করেন।

স্বামীজীর বিচারে সমগ্র কামরূপ ক্ষেত্র সর্বশ্রেষ্ঠ তীর্থ। তিনি দেহত্যাগের প্রায় পঞ্চাশ বৎসর পূর্বে হইতে এক কামরূপ ভিন্ন অশ্রু কোন তীর্থে গমন করেন নাই। ১৩৩২ সালে ভাদ্রমাসে দিক্রপং নদীর (দিক্রর বাসিনার) পবিত্র তীরে একশত পঁচাল্লী বৎসর বয়সে শিষ্যগণুলীর মধ্যে দেহত্যাগ করিয়াছেন।

স্বামী আভীরানন্দ কুলাচারী তান্ত্রিক ছিলেন। মৎস্য মাংস ভোজন করিতেন। ভৈরবী পূজা করিতেন; কুমারী পূজায় তাঁহার

জাতি বিচার ছিল না। পুরোহিত দিয়া পূজার খুব পক্ষপাতী ছিলেন না। কোন ব্রাহ্মণ যাত্রাপুরে এক পুরোহিত দিয়া কালীপূজা করিতে ছিলেন। তাকে পরিহাস করিয়া বলিয়াছিলেন—“তোমার এই পূজা এবং দোকান-প্রিয় একদল ব্যবসায়ী আছে তাহাদের বিবাহ প্রায় সমান। ক্ষত্রিয়েরা পূর্বে তরবার পাঠাইয়া বিবাহ করিত। তাহারা দোকানে খুব বেচা-কেনার ভিড় পড়িলে কাপড় মাপা গজ পাঠাইয়া দেয়। গজের সঙ্গে বিবাহ হয়। স্ত্রী শেষে পাঁচ সাত বছর পরে দুই চারিটা ছেলে পিলে সাথে করিয়া বাসায় আসে। তোমারও এই বরাতি পূজায় মা বরাভয় সঙ্গে করিয়া দুচার বছর পরে তোমার বাড়ী আসিবেন। ব্রাহ্মণ হইয়া মার সেবাপূজা পরকে দিয়া করাও, লজ্জা করে না?—নিজের উপাসনা নিজেই কর, নিজের পূজা নিজেই কর। উপাসনায় বরাত চলে না। হিন্দু জাতির উপাসনা বরাতি, তাই দুর্গতি।”

আত্মীরানন্দ ভুলুয়াবাবাকে স্নেহ করিতেন। তন্ত্র ও সাধনা সম্বন্ধে ভুলুয়াবাবা অনেক উপদেশ তাঁহার নিকটে শিক্ষা করেন।

তিনি বলিতেন, সমগ্র পৃথিবীতে একমাত্র শক্তিপূজা। প্রবল শক্তিকে দুর্বল শক্তি উপাসনা করে। পরমেশ্বর প্রবল শক্তি, মহা মহীয়সী শক্তি—জগৎ তাই তাঁর পূজা করে। তিনি সহিষ্ণু ছিলেন, ভক্তিমান ছিলেন, জ্ঞানী ছিলেন এবং উপাসনায় জাতিভেদের পক্ষপাতী ছিলেন না। তিনি ভুলুয়াবাবার নিম্নলিখিত গানটী প্রায়ই গান করিতেন।

“মার নামে নাশি করছে।

বিশ্বনাথের বিচারালয়ে মোকদ্দমা তেছে ॥

দুখহারিণী খেতাব নিয়ে সন্মানে দুখ দিয়াছে।

মা নামের গৌরব নাশি অপরাধী হয়েছে ॥

শ্লেহময়ীর আসন নিয়ে পাষণ হয়ে বসেছে ।
 তাই অবিচারের বিচার হবে দেখিতে লোক ছুটেছে ॥
 বরাভয় সর্বদা দিবে শিবের এই ঘোষণা আছে ।
 এখন, অভয়দানে কৃপণা হয়ে, শিবের আইন লঙ্ঘেছে ॥
 শিবকে করেছে মিথ্যানাদী, শিবের মান্ত গিয়াছে ।
 করি আইনভঙ্গ মান্তহানী, বড় সঙ্কটে মা পড়েছে ॥
 ভবের যত সম্ভান জুঠে মোকদ্দমা করেছে ।
 মার বিপক্ষে উকীল এবার ভুলুয়া নিজেই হয়েছে ॥

(বেহাগ ।)

স্বর্গীয় গোবিন্দ প্রসাদ রায়, কুচবিহারে উকীল ছিলেন । পুরুষানুক্রমে অতিথিসেবা-পরায়ণ । সাধুসজ্জন কুচবিহারে গমন করিলেই তিনি তাঁহাদিগকে-অভ্যর্থনা করিতেন । অত্যন্ত করুণ-হৃদয় । তিনি কখনও কাহারও প্রতি উচ্চ কথা কহিতে জানিতেন না । তাঁহার সৌজন্তে স্বর্গীয় মহারাজা নৃপেন্দ্রনারায়ণ ভূপ বাহাদুর এতই বিমুগ্ধ ছিলেন যে মধ্যে মধ্যে তাঁহার গৃহে আসিয়া ভোজন করিতেন । এক সময় কুচবিহারে জনসাধারণের মধ্যে তিনিই সর্বশ্রেষ্ঠ শ্রদ্ধাভাজন ছিলেন । তাঁহার তিন পুত্র এখন বর্তমান আছেন । বাবু অন্নদাপ্রসাদ রায় জ্যেষ্ঠ, বাবু নগেন্দ্রপ্রসাদ রায় মধ্যম এবং বাবু রাজেন্দ্রপ্রসাদ রায় কনিষ্ঠ । বাবু নগেন্দ্রপ্রসাদ রায় এখন সহকারী জজ । বাবু রাজেন্দ্রপ্রসাদ রায় এখন গবর্নমেন্ট উকীল । অন্নদাবাবু পেন্সেন প্রাপ্ত ।

তাঁহারা সকলেই পৈতৃক সদৃশের উত্তরাধিকারী । সকলেই ধর্ম্মপ্রাণ অতিথি সেবাপরায়ণ এবং নিরহঙ্কার । তাঁহারা সর্বজনপ্রিয় ।

ভুলুয়াবাবা গোবিন্দবাবুর গৃহে থাকিয়া তিন বৎসর কলেজে অধ্যয়ন করেন । গোবিন্দবাবু সজ্ঞানে সাধকের মত দেহত্যাগ করেন ।

শ্রীমুক্ত ফণীন্দ্রমোহন চট্টোপাধ্যায়, জন্মস্থান কলিকাতার নিকটবর্তী নারায়নপুরে ছিল এখন ৮নং পটলডাঙ্গা ঠীটে। তিনি দীর্ঘকাল হইতে ভুলুয়াবাবার গুণ-পুঙ্গপাতী। যখন মাগুরায় মুন্সেফ ছিলেন, তখন ডেঃ মাঃ বাবু শশীভূষণ মুখোপাধ্যায় ভুলুয়াবাবাকে মাগুরায় লইয়া যান। ফণীবাবু ভুলুয়াবাবার পরিচয় পাইয়া তাঁহার প্রতি শ্রদ্ধাবান হন। তখন ভুলুয়াবাবার “ঢাকা দক্ষিণ” নামক গ্রন্থ ফণীবাবু প্রথম প্রকাশ করেন।

ফণীবাবু কুমিল্লায় যখন মুন্সেফ ছিলেন, তখন শ্রীশ্রীকালীকুল-কুণ্ডলিনী, প্রথম খণ্ড প্রকাশের ভার তিনি বহন করেন। তাঁহার ধর্মপ্রাণ স্বভাব, নিরহঙ্কারিতা এবং পর দুঃখকাতরতা সর্বব্যাপরি প্রশংসনীয়।

তিনি শরৎবাবুর শিষ্য। শরৎবাবু শ্রীহটে বেগমপুরে জন্ম গ্রহণ করেন। দেবীযুদ্ধ গ্রন্থ শরৎবাবুর লেখা। তিনি মাতৃভাবের শ্রেষ্ঠ সাধক, শ্রীহট্টের গৌরব, স্বদেশ এবং স্বজাতির কল্যাণকর কর্মে অগ্রবর্তী মহাপুরুষ। সম্প্রতি ফণীবাবু তাহাকে নিজ গৃহে রাখিয়া আচার্য্য-সেবার তপস্বী করিতেছেন।

ফণীবাবু শিশুকালে বন্দুকের ছর্রা ঘাঃদ গিলিয়া ফেলেন, কিন্তু কোন অগঙ্গল ঘটে নাই। অতি শৈশবে বানরে তাঁহাকে লইয়া ঘরের চালে উঠে, কিন্তু ফেলিয়া দেয় নাই। এই সকল ভাবী শ্রেষ্ঠত্বের পূর্ব পরিচয়। তিনি যে ভবিষ্যতে মনুষ্যত্বের উচ্চস্থান অধিকার করিবেন, শৈশবে তাহার পরিচয় পাওয়া গিয়াছিল।

তিনি চাকুরির ক্ষেত্রেও যোগ্যতার পরিচয় দিয়া উচ্চতম পদে উন্নীত হইয়াছেন। মুন্সেফ হইতে ডিষ্ট্রিক্ট্ সেশেন্ জজ হইয়াছেন। যাহা মুন্সেফগণের উচ্চাকাঙ্ক্ষা।

তিনি তমলুকে রামকৃষ্ণ সেবাস্রমের উন্নতিকল্পে অনেক পরিশ্রম করেন। সম্প্রতি তিনি মেদেনীপুরে সেশেন্ জজ। সুবত্র তিনি যোগ্য বলিয়া প্রশংসিত।

পণ্ডিত জগদ্বন্দ্র, ইঁহার জন্মস্থান ধর্মদাহে । মহা-
 মহোপাধ্যায় পণ্ডিত । ইঁহার সদৃশ্যে বিমুক্ত হইয়া শাস্ত্রজ্ঞান ও সদাচার
 দর্শন করিয়া বহু সম্ভ্রান্ত ধর্মপিপাসু লোক ইঁহার শিষ্যত্ব গ্রহণ করেন ।
 ১৩৩৩ সালে জ্যৈষ্ঠ মাসে ইনি হাওড়ার অন্তর্গত মৌরী গ্রামে দেহ রক্ষা
 করেন । ভুলুয়াবাবার সঙ্গে ইঁহার অত্যন্ত সৌহার্দ ছিল । ইনি
 যেমন তঁদর্শী, তেমন ভক্তিমান, তেমন শাস্ত্রাচারী বিশুদ্ধ ব্রাহ্মণত্বের
 পক্ষপাতী ছিলেন ।

জন্মদুর্গা মা, ইনি গৃহে বসিয়া উগ্র তপস্বিনী । ভুলুয়াবাবা
 ইঁহাকে জননী বলিয়া সম্বোধন করেন । সাহেবগঞ্জের সাধুবাবার
 শিষ্যা । এখন বয়ঃক্রম আশী বৎসর । কিন্তু তপস্যার প্রভাবে এমন
 শক্তিমতী যে নিজে হাতে দুবেলা রান্না করিয়া সকলকে ভোজন
 করাইতে কষ্টবোধ করেন না । স্ত্রীলোক দেখিলেই তাহাকে বলেন
 “পাতিব্রত ও সতীত্বই স্ত্রীজাতির গৌরব । মা-নাম মহামন্ত্র আশ্রয়
 কর । মাতৃভাব সম্বল কর । আর জগতের মা হইয়া রমণী-জন্মের
 গৌরব রাখ ।” ঈশ্বরদার রেলওয়ে ডাক্তার সংঘমী-প্রধান গুপ্তাবধৌত
 শ্রীযুক্ত নির্মলচন্দ্র বন্দ্যোপাধ্যায় ইঁহার পুত্র । সম্প্রতি মা সেখানেই
 থাকেন । ইনি তপস্যার মূর্তি ।

পারিশিষ্ট সমাপ্ত ।

অবধূত-লোকগৌরব

শ্রীযুক্ত ভুলুয়াবাবার—গ্রন্থাবলী ।

শ্রীশ্রীকালীকুলকুণ্ডলিনী, ইহা ভক্তিযোগের অপূর্ব গ্রন্থ সর্বপ্রকার গোড়ামী বর্জিত ; রামপ্রসাদ, কমলাকান্ত, গরীবব্রহ্মচারী সিদ্ধপুরুষ মহেশ প্রভৃতি মহাজনের জীবনী, সতীত্ব ও পাতিত্রতের অত্যন্ত ইতিহাস ; প্রথম হইতে শেষ পর্য্যন্ত কেবল নৈতিক চরিত গঠনের উপদেশাবলী—তিন খণ্ডে সমাপ্ত ।

প্রথম খণ্ড—মূল্য ৫ পঁচ টাকা— ডাঃ মাঃ স্বতন্ত্র ।

দ্বিতীয় খণ্ড— ... ২৥০ ” ”

ঐ ভাল কাগজ ও কাপড়ে বাঁধাই ৩৥০ ” ”

শ্রীশ্রীব্রহ্মহরিদাস ঠাকুর— ... ১ ” ”

শ্রীশ্রীহারবোল ঠাকুর—... ১০ ” ”

শ্রীশ্রীসস্তাবতরঙ্গিণী—ভক্ত সাধু মহাপুরুষগণের জীবনী ও অনেক তীর্থ বৃত্তান্ত—খণ্ডে খণ্ডে প্রকাশিত—প্রতি খণ্ড ... ১০

শ্রীশ্রীব্রজমাধুরী—ইহা শ্রীশ্রীব্রজলালার পদাবলী ও ভজন কীর্ত্তনে পরিপূর্ণ । পূর্বরাগ, আক্ষেপ, গঞ্জনা বাকচাতুর্য্য, মান ও কলঙ্কভঞ্জন ইহাতে বর্ণিত । মূল্য কাগজে বাঁধাই ২ ছুই টাকা ও কাপড়ে বাঁধাই

২৥০ আড়াই টাকা— ডাঃ মাঃ স্বতন্ত্র ।

উচ্ছ্বাসতরঙ্গিণী— ... ১০ ” ” ১০

সঙ্কীর্ণনতরঙ্গিণী—২য় খণ্ড ... ১০ ” ” ১০

ঐ ৩য় খণ্ড ... ১০ ” ” ১০

সঞ্চালিকা ... ১০ ” ” ১০

শ্রীশ্রীহরিনাম মাহাত্ম্য ... ১০ ” ” ১০

প্রাপ্তিস্থান—শ্রীভগবতীচরণ পাল—খড়ুয়াবাজার, চুঁচুড়া ।

P. O. Chinsura.

+

